

tentis Dei visionem, in qua gaudentes, ab omni tristitia saeculi liberati, in eterna beatitudine regnabimus cum Christo.

Suscipe, rex, parvum magni modo munus amoris,
Quod tuus Albinus obtulit ecce tibi.

Magna ferunt saeclii gazarum dona potentes,
Fert mea pauperies, ista minuta duo.

rito et numero augeamur, et in eo crescamus in salutem; et ut per scalam in celum erectam quotidie de gradu in gradum ascendamus, donec spiritualiter formetur Christus in nobis (*Gal. iv*). In sancta et perpetua virgine Maria, quae stella maris, vel illuminatrix interpretatur; ut illuminatores mundi, id est, doctores sancte Ecclesiae simus, et in cordibus credentium lumen fidei et amorem Christi, per doctrinam veritatis et exempla sanctitatis, oriri faciamus, et Deo habitaculum preparemus. In Jesu Domino nostro, ut salvatores animarum nostrarum esse valeamus, manifeste declaratur. Quisquis enim in fide, spe et charitate, vigiliis, jejuniis et orationibus, castitate, sobrietate, clemensynarum largitione, dilectioneque Dei et proximi, usque in finem perseveraverit, et converti fecerit peccatorem ab errore via sua, salvabit animam ejus a morte, et operiet multi-

A Ne vacua in sacris venisset dextra diebus,
Ante piam faciem, rex venerande, tuam;
Nomina sanctorum signavi sancta parentum
Hebreia, depromens ore latine tuo.

(*Finis in cod. ms. Sanct.-Emmeramiano.*)

tudinem peccatorum (*Jac. v, 10*). In Christo autem, ut ita Christiani simus, quatenus sicut ille ambulavit, et nos ambulemus: et sicut ille pro nobis animam suam posuit, ita et nos pro fratribus nostris animas ponamus (*I Joan. ii, 3*; *iii*): et sicut ipse horum nonum interpretationes in se naturaliter gerebat, ita et nos in omni activa et contemplativa vita, ut dictum est, spiritualiter recolamus. Ad hoc enim Christus passus est nobis exemplum relinquens, ut sequamur vestigia ejus (*I Petr. ii, 21*); et abnegeamus nosmetipsos, et tollamus crux nostram, et sequamur eum (*Luc. ix*), perducant nos ad gloriam sempiternam, quam oculus non vidit, nec auris audiret, nec in cor hominis ascendit, quam præparavit Deus diligentibus se (*I Cor. ii, 9*). Ipsi honor, laus et imperium per infinita saecula saeculorum. Amen. »

(*Finis Ilmiliae ita dictæ apud Quercetanum et Bedam.*)

457 OPUSCULUM SEXTUM.

COMMENTARIA IN S. JOANNIS EVANGELIUM *.

MONITUM PRÆVIVUM.

Præsens Evangelii sancti Joannis expositio, quæ inter opuscula exegetica Alcuini ob stylum diffusorem, et doctrinarum, ex antiquioribus Patribus collectarum, selectum, primum locum meretur, typorum beneficio primum, quantum scimus, prodidit Argentorati sub hoc titulo: *Albini diaconi Angli in D. Joannis Evangelion commentariorum libri septem, Christiana fruge resertissimi. Argentorati, apud Joannem Hervagium, mense Januario, anno 1527, in-8°.* Hac editione cl. Quercetanus in sua Operum Alcuini collectione usus est; eam tamen, prout ipsemet testatur, ope antiqui ms. bibliothecæ nobilissimi ac ornatussimi viri Jac. Aug. Thuani castigavit et auctionem reddidit. Nobis quoque in hac nostra editione illa Argentoratensis ad manus fuit, quam ab illustri ac multiplicis eruditonis viro D. Felice Oeselio Monacensi, e bibliotheca electorali Boica benevolè communicatam habuimus. Præterea vero nonnullas variantes lectiones codicis reg. Vaticani, seculo XIII exarati, jussu clarae memorie eminentissimi S. R. E. cardinalis Dominic Passionei notatas, Roma acceptimur.

Meliorem vero præ reliquis in vera restituenda lectione, et mendis residuis corrigendis, opem nobis tulit codex ms. bibliothecæ nostre sancti Emmeramii, optimæ sane note, et ante annos omnino nongentos scriptus, tempore scilicet Baturici episcopi Ratisbonensis, qui sedem illam ab anno 817 usque ad annum 843 tenuit, et sic Alcuino nostro contemporaneus fuit. In fine etenim codicis eadem, qua totum volumen exaratum est, manu hæc verba scripta legere est: *ISANBERTUS XVIII Kal. Aug. hunc scribendi putravit librum, obsecrans legentibus (ita codex), ut sui meminisse dignentur, prout dignum est, qui in alterius reficiuntur labore. PATERICUS episcopus dedit ad sanctum Emmeramum, et pro remedio anime sue.*

* In cod. ms. bibl. Reg. Vaticanæ titulus est: *Excerptiones Albini magistri ex dictis Patrum in Joannem evangelistam. In codice vero nostro Sancti Em-*

Horum igitur codicum mss. beneficio commentarios hosce, diligenter cum editis collatos, multis in locis emendatores reddidimus. De novo vero nunc accedit epistola Alcuini ad Luciam et Columbam, tunc scripta cum integrum opus, cuius antea non nisi partem miserat, perfecit, et ad easdem virgines direxit. Debemus hoc pretiosum litterarum monumentum industrie ac benevolentie viri eruditissimi D. Brequigny regiae inscriptionum et humaniorum litterarum Academiæ Parisiensis socii, qui eamdem cum aliis perquam multis Alcuini epistolis, quas parte i Operum B. Patris exhibuimus, e codice Bibl. Harleianæ in Anglia eruit, et vulgandas nobis humanissime concessit. Hanc igitur epistolam in capite totius commentarii ante epistolas Gislae et Richirudis ad Alcuinum, et hujus ad illas, secundum ordinem ab ipso Alcuino ibidem constitutum, collocandam putavimus. Porro ex hac epistola primo discimus, Alcuinum jam ab annis triginta, adeoque dum adhucdum in Anglia degeret, propositum hujus operis conficiendi cœpisse, a quo tamen calamum suum quievisse ait, quia non fuit, qui excitaret illum, donec illum predictarum D virginum bona intentio ad studium scribendi revocari. Discimus secundo, opus hocce demum completum, atque ad easdem virgines eo tempore directum fuisse, quo nuntium de exaltatione excellentissimi Domini sui Davidis; et de prosperitate apostolicæ tiri, Leonis utique papæ III et de legatione sanctæ civitatis Jerusalem accepit. Quæ omnia in annum 800 convenient, quo Leo papa ab inimicorum suorum insidiis et injustis vexationibus liberatus, suæque sedi restitutus; quo etiam Carolus Magnus imperatoria maiestate insignitus; quo demum Zacharias presbyter cum duobus monachis, a patriarcha Jerosolymitano missis, Romanum venit claves secum deferens sepulcri Domini, civitatisque et montis Sion, una cum urbis vexillo, ut narrant Annales Francorum, Petavii, Loisellii,

meranianus ita inscribitur: *Expositio Albini magistri super Johannem.*

Moissiacenscs, Eginhardus et alii ad annum eumdem. Ex eadem hac epistola discimus, tertio, Alcuinum anno priore seu 799 partem hujus commentarii ad illas virgines premississe, quam illam fuisse existimamus quæ ultimis duobus libris continetur, ubi Alcuinus in brevi, quod præmisit, epistolio proficitur se totius Evangelii expositionem dirigere voluisse, nisi labore a rege sibi demandato, pro emendatione Veteris Novique Testamenti, fuisse occupatus.

458 Evidem haud ignoramus, viros celebrissimos D. Rivet, *Hist. lit. Franciæ*, tom. IV, pag. 307; D. Remigium Ceillier, *Hist. gén. des Auteurs sacrés*, tom. XVIII, pag. 289, et alios sentire, initio quinque libros priores hujuscommentarii ad præfatas virginis fuisse directos; deinde vero duos residuos, appropinquantibus festis Paschalibus, additos. Nobis tamen hæc opinio probata nunquam fuit; cum, quod Alcuinus in præfatiuncula duobus libris posterioribus præfixa priorum librorum a se antea missorum ne verbo quidem meminerit; tum, quod ex ipso ejusdem præfatiuncula contextu sat clare nobis innuere videbatur, se tunc nondum integrum ejusdem Evangelii expositionem absolvisse; at enim ibidem se totius Evangelii expositionem dirigere voluisse, occupatum vero mandato regis in emendatione Veteris Novique Testamenti opus coeptum explere nondum potuisse; interea vero se pro opportunitate sacri temporis Paschatis appropinquantis hanc partem sui commentarii mittere, ut in lectione illius suam devotionem illis sacris diebus exercerent; promittit etiam se integrum expositionem ad eas missurum, postquam illam secundum opportunitatem temporis compleverit, et consummaverit. Scimus viros eruditos supra laudatos illa Alcuini verba: *Totius forsitan Evangelii expositionem direxisem vobis*, interpretari de expositione non tantum Evangelii sancti Joannis, sed et reliquorum evangelistarum; sed nulla necessitas nos cogit ut in hunc sensum verba illa trahamus; et longe naturalius illa de solo et integro Evangelio sancti Joannis intelliguntur, dum certo constat Alcuinum commentarium hunc non integrum simul, sed successive et per partes misisse: et certe, detecta nunc hac ad Luciam et Columbam epistola, illa conjectura sustineri haud amplius potest; si enim Alcuinus duos ultimos libros completi jam commentarii ultimo quoque loco mississet, non illis breve illud epistolium, sed præsentem epistolam, ut pote opere integro jam absoluto, præmississet.

Quarto demum, ex nova hac epistola innotescit nomina Gislae et Lucie, Richtrudis et Columbae, non diversarum, sed earundem personarum esse, ad easdem enim virgines, quæ in epistola mox sequenti, qua commentarium in Evangelium sancti Joannis postulant, semet Gislae et Richtrudis nominibus propriis patriisque compellant, Alcuinus commentarium desideratum mittit, illasque, more suo, Latina et ascititia appellatione Luciam et Columbam nominat. De his virginibus, earumque conditione atque genere, vide quæ dicimus in præfatione generali, ubi simul ostendimus eas non Anglice, ut Alfortus autumabat, sed Francicæ et illustris quidem fuisse originis; professione vero, ut videtur, sanctimoniales.

Num adhuc superest quod hoc loco nioneamus, nemini hucusque, nostra opinione, observatum; nimirum inter Opera Ven. Bedæ presbyteri, tom. V edit. Basil. anni 1563, pag. 519 et seqq. (*Patrologia tomo XCII*), editum haberi commentarium in Evangelium sancti Joannis, qui ab initio capituli primi usque ad finem cap. XII non quoad sententias solum, sed quoad ipsa quoque verba cum hoc, qui Alcuino tribuitur, commentario penitus concordat, ita ut nullum, nisi in differentibus quibusdam lectionibus, discrimen intersit: a capite vero XIII, a quo liber vi apud Alcuinum initium capit, usque ad finem magna utriusque differentia est; Expositio enim Ven. Bedæ ibi multo fusior est, textusque evangelicus proprio magis studio, quam aliorum Patrum verbis enuclea-

A tns: homiliæ quoque ipsius Bedæ et sancti Gregorii Magni, quæ in iisdem ultimis duobus Alcuini libris integræ insertæ habentur, ibidem desiderantur, et illarum loco aliae expositiones substitutæ sunt; quamvis multoties in hac etiam Bedæ editione sententiae occurrant quas Alcuinus in eumdem locum protulit.

Hæc quamvis ita sint, nemineam tamen virorum eruditorum fore existimamus, qui de vero et genuino hujus commentarii auctore seu compilatore quæstionem moveare, atque hoc opus industriae Alcuini subtrahere, aut Ven. Bedæ tribuere velit. Et profecto certissimis argumentis convincimur, commentarium illum genuinum Alcuini partum esse, Bedæ, nescio quo errore, suppositum: superfluum tamen fore credimus eruditis id ipsum fusi demonstrare velle; iis enim characteribus opus hoc insignitum est, quibus evidentes ad verum auctorem dignoscendum nemo exigere possit, nimirum propriis Alcuini epistolis, quas huic commentario præmisit, ubi suo labore et industria ex SS. Patrum, præprimis Augustini, Gregorii et ipsius Ven. Bedæ, cellariis, quidquid in eis invenire valuit, plena fide et secundum memoriam integratatem semet collegisse proficitur. Præterea illud quoque evidentissime demonstrat, hunc commentarium Bedæ nullatenus tribui posse, quod in cap. VII, v. 13, in cap. X, v. 1-6, et in cap. XX, v. 31, error Adoptianorum reprehendatur, qui non nisi post obitum Ven. Bedæ in Hispania exortus est, et in Galliam postmodum prop: gari cœpit.

Non igitur quemquam in Bedæ favorem mouere debet testimonium Jone Aurelianensis, Ludovicus Pii equalis, qui libro I de Instit. Laicali, cap. 13, apud Lucam d'Achery, Spicil. tom. I, pag. 270, edit. Paris. 1723 ex Bedæ homilia Evangelii vigesima plures versus citat qui in prædictis commentariis leguntur cap. II, ut propterea Mabillonius suspicetur legendum esse apud Jonam non *homilia vigesima*, sed, *homilia secunda*. Textus enim illi, a Jona Aurelianensi allati, Bedæ quidem sunt; non tamen ex integro quodam illius in Joannem **459** commentario deprompti, sed ex homilia quadam ejusdem in illum locum cap. II Joannis, ubi agitur de ementibus et vendentibus in templo, a Christo inde ejectis. Et hæc homilia inter eas quidem quæ in collectione Operum Ven. Bedæ existant, desideratur, ac propterea cel. Mabillonio incognita esse potuit; nunc autem edita habetur ex cod. ms. Turonensi in Thesauro Aneclot. D. Martene tom. V, pag. 343, et illa ipsa est quæ in capitulatione libri I Homiliarum Bedæ apud Mabil., Act SS. Ord. S. Ben. sec. III, part. I, pag. 556, *vigesima secunda*, quæ lectio in Jona Aurelianensi restituenda videtur, recensetur.

Commentarius igitur ille in Evangelium Joannis e censu Operum Ven. Bedæ omnino eximendus est, cuius etiam ipsem nullam mentionem facit in indice suorum opusculorum, quem quatuor ante obitum suum annis, nimirum 731, confecit. Alcuinus tamen omnes Ven. Bedæ homilias, in quibus nonnulla capitula S. Joannis exposuit, in suum commentarium transtulit.

Cujus vero auctoris sit ultima pars commentarii apud Bedam editi, nempe a cap. XIII Joannis usque ad finem, quem ab Alcuini expositione multum differre supra diximus, difficile est divinare; ad Alcuinum illam quoque pertinere, et secundis curis resumam ab eo fuisse nobis vero haud dissimile videtur, si verba epistolæ ad Luciam et Columbam bene perpendiculariter, ubi ita scribit: « Obsecro, ut jubeatis, si dignum ducatis, transcribere banc partem (nempe priores quinque libros) quam modo direxi..... scriptamque citius remittere nobis; simul et eam partem (duos ultimos libros) quam vobis anno transacto direxi, ut ordinetur per numeros, et capitula, et librorum initia: et si quid addendum sit in fine, ut impletatur. Cogitavi aliiquid adhuc addere quod vix in aliis inventur opusculis. » Hic postulat Alcuinus ut ultraque pars divisim missa, describatur sibique re-

mittatur; ut in fine, seu, ut interpretamur, in ultima ejus commentarii parte, aliquid addatur quod in aliis opusculis vel SS. Patrum, vel in his ipsis antea missis, non invenitur. Pronum igitur est conjicere Alcuinum alteri sui commentarii parti novam curam adhibuisse, et in eam formam transfigurasse, qualis inter Opera Bedæ representatur. Et hæc quidem nostra conjectura est ex allegatis Alcuini verbis enata; quam tamen virorum eruditorum limationi judicio lubenter submitimus.

Cæterum Alcuinus ipsemet, pro suo candore, in epist. ad Gislam et Richtrudem ingenuo profiteatur se non ex proprio prato flores proferre, sed, ut suæ tenuitatis conscius, sine periculo sui nominis, prædictarum virginum satisfaceret voluntati, multorum Patrum florida rura peragrando, inde flores sparsim ibi repertos collegisse, « medicorum exemplo, qui solent, inquit, ex multorum speciebus pigmentorum, in salutem poscentis quoddam medicamenti componere genus, nec seipso fateri præsumunt creatores herbarium vel aliarum specierum, ex quarum compositione salus efficit ægrotantium; sed ministros esse iu colligendo, et in unum pigmentaria manu conficiendo corpus. » Postea etiam fontes designat e quibus pene omnia sua hausit, nimurum tractatus S. Augustini, homiliae S. Gregorii et Bedæ Venerabilis; opuscula S. Ambrosii, et aliorum SS. Patrum, « magis, inquiens, horum omnium sensibus et verbis utens, quam meæ quidpiam præsumptionis committens; velut legentium curiositas facile probare poterit; cautissimo stilo prævidens ne quid contrarium sanctorum Patrum sensibus ponerem. » Hæc ideo acripsimus ne quispiam, perlustrando hunc commentarium, a capite ad calcem pene ex aliorum Patrum sententiis et verbis compilatum, existimet Alcuinum aliena pro propriis venditasse. Nos quæ ex Augustino, Gregorio et Beda deprompta sunt, suis locis adnotamus.

EPISTOLA

AD SOROREM ET FILIAM.

(Anno 800.)

Ex codice bibliothecæ Hartleianæ.

Dilectissimis in Christo personis Luciæ et Columbae Albinus frater et pater, in solatio sancti Spiritus, salutem.

Memor petitionis vestræ et promissionis meæ, quamvis tardius implerem propter occupationes plurimas, tamen nullatenus obliscebar quod me spondere recordabar. Opus arduum et difficile, et meæ parvitati præsumptuosum injunxit, sed charitati nihil negare ratum duxi, quia nihil impossibile eo [F., in eo] qui est charitas vera, optime sciebam. Devotus sanctorum Patrum cellaria peragrans, quidquid in eis inventire valui, vobis ad gustandum attuli; ut prophetis, si saporem habeat catholicum, vel secus, quod absit. Quod legebam, plena fide, secundum memoriam integritatem, protuli; præponens etiam huic operi epistolam petitionis vestræ, ut in posterum agnoscerent legentes vestræ devotionis studium et meæ obedientiæ occasionem. **460** Adjunxi quoque epistolam, annuentem voluntati vestræ, quam etiam quasi prologum anteposui opusculo nostro; rationemque evangelicæ, qua necessitate compulsa Evangelium scriberet, et cætera quæ in ea epistola legere potestis et agnoscere, quam necessaria esse videatur. Fateor siquidem, propinquum ante annos triginta me voluntatem hujus habere operis; sed quievit calamus

A meus, quia nou fuit qui excitaret eum, donec vestra bona intentio illum revocavit ad studium scribendi. Si quid dignum meo sudore elaboratum inveniatis, date gloriam Deo, qui dedit, vobisque mercedem sperate, qui impulstis torpens ingenium, ut mitteret manum in gazophylacium Christi; ut aliquid inde protulisset in solatio famularum suarum. Scio omni habenti esse dandum; item, qui habet desiderium ascendi, dabatur ei gratia intelligendi: sed sunt quidam magis mordere aliorum dicta parati, quam sua in publicum proferre; quorum dentes vitandi sunt, vel etiam parvi pendendi. Facile enim columbina charitas serpentium non curat dentem. Sæpe unde charitas proficit, inde invidia labescit; et lacteam dulcedinem nigro inficit veneno: quos vestra parvipendat B prudentia, magis proficere studentes, quam curare invidentes.

Obsecro ut jubeatis, si dignum ducatis, transcribere hanc partem quam modo vobis direxi, et capitula singulis periodis cum numero adnotare, librorumque initia diligenter distinguere, scriptamque citius remittere mihi; simul et eam partem, quam vobis anno transacto direxi, ut ordinetur per numeros et capitula, et librorum initia: et si quid addendum sit in fine, ut impleatur: cogitavi aliquid adhuc addere quod vix in aliis invenitur opusculis.

Litteras vero quas direxisti [F., direxisti] milii, benigne suscepi, gratias agens Deo de exaltatione excellentissimi domini mei David; et de prosperitate apostolici viri; et de legatione honesta sanctæ civitatis,

C in qua Salvator noster mundum suo sanguine redemere [pro redimere] dignatus est, et gloria resurrectionis ascensionisque coronari et exaltari. Vos vero, filiæ charissimæ, illius semper habete charitatem in corde, laudem in ore et opus in manibus. Præparate vobis sedem inter sponsas ejusdem Regis aeterni, ut dignetur vobis seipsum ostendere, qui suis amatoribus seipsum promisit ostendendum esse: in cuius visione beata est aeternitas, et aeterna beatitudine; meique memores estote inter sacras orationes vestras famularumque Christi vobiscum Deo deseruentium, ut benedictio Domini nostri Jesu Christi me famulum suum proficere faciat in domo sua, peccatorumque meorum indulgentiam perdonare dignetur. Florere vos faciat et vigere divina pietas, in omni studio sanctitatis, et sapientiae sensibus, multo feliciter tempore, Deus Dei Filius, Jesus Christus Dominus noster, charissimæ filiæ.

D EPISTOLA
CHRISTI FAMULARUM GISLÆ ATQUE RECTRUDÆ AD ALBINUM MAGISTRUM.

Venerando Patri nobisque cum summo honore [Al., studio] amplectendo Albino magistro, humillimæ Christi famulæ Gisla et Rectruda [Ms., Richtruda] perpetuae beatitudinis salutem.

Postquam, venerande magister, aliquid de melliflua sanctæ Scripturæ cognitione, vestra sagacitate exponente, hausimus, ardebat nobis, ut fatemar, de die in die n. desiderium hujus sacratissimæ lectionis,

in qua purificatio est anime, solatium mortalitatis nostrae, et spes perpetuae beatitudinis. In qua beatus vir, juxta Psalmistam, quotidiana seipsum exercet meditatione: intelligens omnibus seculi divitiis hujus esse agnitionem [Ms., cognitionem] preferendam; neque aliani esse veram sapientiam, nisi quæ humano generi secundum dispensationem **461** divinae providentiae, coelestis gratia administravit. Hoc est manna, quod [Ms., quæ] sine fastidio satiat, sine defectu pascitur. Hæc sunt divinae segetis grana, quæ apostolicis fricata manibus, atque per eos fidelium epulis animarum apposita sunt. Sed duo valde nobis contraria quotidiana tristitia parvitatis nostræ mentem fatigant. Unum, quod tardius hujus optimi studii diligentiam habuimus; aliud, quod modo magnam habentibus devotionem, vestra longinquitas desiderio nostro satis obsistit. Sed vestram, charissime doctor, deprecamur pietatem, ne nos litterarum tuarum solatio deserat. Poteris te ipsum nobis querentibus per litterarum officia ostendere, ut intelligatur vox tua in arcano cordis nostri desiderio. Nam sicut loquentis lingua in aure audientis, ita scribentis calamus proficit in oculo legentis: et ad interiora cordis pervenit sensus dirigenis, sicut verba instruentis. Quapropter, beatissime Pater, nolite ipsum nobis negare. Irriga salutiferi [Al., salutaris] fontis unda, pectora nostræ parvitatis arentia. Scimus in te esse fontem viventis aquæ, quæ [Ms., qui], Domino dicente, saliet in vitam æternam (Joan. iv, 14). Nolumus [ut] ad te pertineat quod Solomon ait de his qui suam solent celare sapientiam: *Thesaurus occultatus, et sapientia abscondita, quæ utilitas in utrisque* (Eccli. xl, 17)? Sed magis Domino dicente per Prophetam: *Aperi os tuum, et ego adimplebo illud* (Psal. lxxx, 11). Aperi considerer os tuum in sacratissimam, Spiritu sancto inspirante, beati Joannis evangeliste expositionem, et venerabiles sanctorum Patrum pande nobis sensus. Collige multorum margaritas in spiritalis thesauri cubili, et pasce ex eo pauperes Christi. Noli nos jejunas dimittere, ne desficiamus in via. Habemus siquidem clarissimi doctoris Augustini homiletico [Al., omeliaco] sermone explanationes in eundem evangelistam, sed quibusdam in locis multo obscuriores, majorique circumlocutione decoratas, quam nostræ parvitatis ingeniolum intrare valeat. Sufficit nobis vestrae devotionis [Al., melius, sufficit vero nostræ devotioni] de rivulis dulcissimæ aquæ potare, non profundissimis gurgitum fluminibus nostras immittere carinas. Scis enim optime, parvis parva sufficere, nec ad mensam magnatorum pauperem turbam accedere posse. Nec nostrum est, altissima cedrorum cacumina ascendere, sed cum Zachæo, pro brevitate staturæ nostræ, in sycomoro stare, Jesumque cernere transcutem (Luc. xix, 4), continuisque deplorare precibus ut nos suis dignas efficiat conviviis, vobiscumque dulcissimum epithalamii paradigma decantare: *Introduxit nos*

A *Rex in cellaria sua, exsultabimus et latabimus in eo* (Cant. i, 3). Memento clarissimum in sancta Ecclesia divinae Scripturae doctorem, beatissimum siquidem Hieronymum, nobilium nullatenus spernere seminarum preces, sed plurima nominibus illarum in propheticas obscuritates dedicasse opuscula, sapientie de Bethlehem castello, Christi Domini nostri nativitatibus consecrato, ad Romanas arcus epistolari bus iisdem potentibus volare chartulis [Al., epistolares . . . chartulas], nec terrarum longinquitate, vel procellosis Adriatici maris fluctibus territum, quo minus sanctarum virginum petitionibus annueret. Minoris vadosum Ligeri flumen, quam Tyrrheni maris latitudo, periculo navigatur. Et multo facilius chartarum portator [Ms., portitor] tuarum de Turonis Parisiacam civitatem, quam illius de Bethlehem Romanum pervenire poterit ^a. Noli tuæ devotionis nobis subtrahere scientiam, noli accensam in te lucernam in odio supponere (Matth. v, 15), vel torpantis lectuli quiete abscondere; sed præcelso superpone eam candelabro, ut luceat omnibus qui in domo Dei sunt. Intra sanctorum gazophylacia doctorum, et profer nobis, veluti doctissimus scriba, et a Domino laudatus nova et vetera (Matth. xiii, 52). Aderit tibi in itinere hujus laboris illius gratia; qui duobus discipulis euntibus in via, tertium se socium addidit, illisque sensus aperuit, ut sanctas inteligerent Scripturas. Quomodo poteris te ipsum a culpa taciturnitatis apud eum excusare qui ait: *Omni petenti te da* (Luc. xxiv, 32 seq.), maxime dum nullatenus tibi minuetur quod dederis, sed datum magis augetur? Spiritus paraclitus omni veritatis doctrina et perfectæ charitatis scientia vestra impleat pectora, magister dulcissime.

462 EPISTOLA

ALBINI MAGISTRI AD GISLAM ET RICHTRUDAM.

Nobilissimis in Christianæ religionis sanctitate et in sapientiæ studiis devotissimis, Deoque dicatis virginibus, Gislæ sorori, et Richtrudæ filiæ [Al., Giske et Richtrudæ filiabus], humilis frater et pater Albinus, perpetuae beatitudinis salutem.

Quantum in sanctissimo sapientiæ studio optimam in vobis laudo devotionem, tantum meam [Ms., mei] ipsius plango imperitiam; meque ipsum longe imparem vestrae laudabili devotioni agnosco. Atque utinam tanta esset in meo pectore facultas scribendi, quantum [Ms., quanta] est in vobis voluntas legendi. Proinde duabus coarctor angustiis: hinc charitati quidquam negare, cui omnia præstare debitor sum; illinc altiora petere, modulumque meæ parvitatis transcendere, dicente Scriptura: *Altiora te ne quæsieris* (Eccli. iii, 22). Nisi forte in vobis sit culpa, quia difficultia petitis, et in me ratio justæ excusationis, qui infirmitates meas considerans, altissimum meo [Ms., altissimo meum] opere calamum abstinere decrevi. Scire debetis omnibus divinae Scripturae patinis merito evangelicam excellere auctoritatem,

^a Hic finitur cod. Vatic., omissis quæ sequuntur

quia, quod lex et prophetae futurum prænuntiaverunt, A hoc redditum atque completum in Evangelio demonstratur [Al., Evangelium demonstrat]. Atque inter ipsos Evangeliorum scriptores valde beatum Joannem, in divinorum profunditate mysteriorum eminentiorem esse: quem etiam tradunt, sicut legitur in ecclesiastica historia, usque ad ultimum pene vitæ suæ tempus, absque ullius Scripturæ indiciis, Evangelium puro sermone prædicasse. Siquidem a tempore Dominice passionis, resurrectionis et ascensionis, usque ad ultima Domitiani principis tempora, per annos circiter sexaginta et quinque, absque ulla scribendi adminiculo, verbum Dei prædicabat. At ubi a Domitiano, qui secundus post Neronem Christianorum persecutor exstitit, in exsilio Pathmos [Beda, exsul in Pathmos] missus est; nacta occasione illius p[ro]p[ter]i Patris absentia, irrumpentes in Ecclesiam hæretici, quasi in destituta pastoris [Beda, pastore] ovilia lupi, Marcion, Cherinthus et Hebion, ceterique Antichristi, qui Christum fuisse ante Mariam negabant, simplicitatem fiduciæ evangelicæ perversa maculavere doctrina. Sed dum ipse post occasionem [Edit., occasionem] Domitiani, permittente p[ro]p[ter]o principe Nerva, rediret Ephesum, compulsus est ab omnibus pene tunc Asiae episcopis, et multarum Ecclesiarum legationibus, de coæterna Patri divinitate Christi altius facere sermonem, eo quod in trium evangelistarum scriptis, Matthæi videlicet, Marci et Lucæ, de humilitate [Ms., humanitate] ejus, ac de his quæ per hominem gessit, sufficiens sibi viderentur habere testimonium. Quod ille se non aliter acturum respondit, nisi indicto jejunio omnes in commune Dominum precarentur [Ms. deprecarentur], ut illo d[omi]nante digna scribere posset. Et hoc ita patrato, instructus revelatione coælesti, ac sancti Spiritus gratia ebriatus, omnes hæreticorum tenebras, patefacta [Al., patefactas] subito veritatis luce, dispulit dicens: *In principio erat Verbum, et Verbum erat apud Deum, et Deus erat Verbum (Joan. i, 1).* Atque cum trium Evangeliorum, Matthæi scilicet, Marci et Lucæ, ad eum notitia pervenisset, probasse quidem dicitur fidem et veritatem dictorum; deesse tamen vidit aliqua rerum gestarum historiæ, ea maxime quæ primo prædicationis suæ tempore Dominus gesserat. Certum est enim quod in superioribus tribus Evangeliiis hæc videntur sola contineri quæ gesta sunt postquam Joannes Baptista traditus et inclusus est in carcere. Denique si observes statim in initio narrationis, posteaquam refert Matthæus de quadraginta dierum jejunio et de tentatione ejus, continuo subjetit dicens: *Audiens autem quia Joannes traditus est, discessit de Iudea et venit in Galileam (Matth. iv, 12).* Sed et Marcus similiter, *Posteaquam*, inquit, *traditus est Joannes, renit Jesus in Galileam (Marc. i, 14)*. Lucas vero etiam, priusquam incipiat aliquid de actibus referre Jesu, dixit: *Quia adjecit Herodes super omnia mala, quæ gesserat, et conclusit Joannem in carcere (Luc. iii, 20)*. Quia, inquam, ab his hæc videbantur omissa, rogatus dicitur Joannes Apostolus ut

B ea, quæ præteriorant priores, ante traditionem Joannis Salvatoris gesta describeret. Et ideo dicit in Evangelio suo: *Hoc fecit initium signorum suorum Jesus (Joan. ii, 11)*. Et iterum in alio loco indicat dicens: *Nondum enim Joannes erat missus in carcere (Joan. iii, 24)*. Ex quibus constat quod ea quæ antequam Joannes traderetur, ab Jesu fuerant gesta, describit. Sed procul dubio maxime divinitatem Domini nostri Jesu Christi, qua Patri est æqualis, intendit declarare, eamque præcipue suo Evangelio, quantum inter homines sufficere creditit, commendare curavit. Itaque longe a tribus superioribus evangelistis sublimius elevatus est, ita ut eos quodammodo videoas in terra cum Christo honine conveneri, illum autem transcendisse nebulam qua tegitur omnis terra, et pervenisse ad liquillum coeli lumen, unde acie mentis acutissima atque firmissima videaret in principio Verbum, Deum de Deo, lumen de lumine, per quem facta sunt omnia, et ipsum agnosceret carne [Ms., carnem] factum, ut habitaret in nobis: quod acceperit carnem, non quod fuerit mutatus in carnem. Nisi enim carnis assumptio, servata incommutabili divinitate, facta esset, non diceretur: *Ego et Pater unum sumus (Joan. x, 30)*. Neque enim Pater et caro unum sunt. Et hoc de se ipso Domini testimoniū, solus idem Joannes commemoravit. *Et, qui me videt, videt et Patrem. Et, Ego in Patre, et Pater in me. Et, Ut sint unum; sicut et nos unum sumus. Et, Quæ Pater facit, hæc eadem et Filius facit similiter (Joan. xiv, 9, 10)*; Et si qua alia sunt quæ Christi divinitatem, in qua æqualis est Patri, recte intelligentibus intiunt, plenius solus Joannes in Evangelio suo posuit, tanquam de pectore ipsius Domini, super quod discubere in ejus convivio solitus erat, secretum divinitatis ejus uberior et quodammodo familiarius biberet. Proinde, cum duæ virtutes propositæ sint animæ humanæ, una activa, altera contemplativa: illa qua itur, ista qua pervernitur; illa qua laboratur ut cor mundetur ad videntem Deum, ista qua vocatur et videtur Deus: illa est in præceptis exercendæ vitæ hujus temporalis, ista in doctrina vitæ illius sempiterna [Ms., sempiternæ]. Ac per hoc illa operatur, ista requiescit: quia illa est in purgatione peccatorum, ista in lumine purgatorum: ac per hoc, in hac vita mortali, illa est in opere bona conversationis, ista vero magis in fide, et apud per paucos per speculum in enigmate, et ex parte in aliqua visione incommutabilis Veritatis. Ex quo intelligi datur, si diligenter advertas, tres evangelistas, temporalia facta Domini et dicta, quæ ad informandos mores vitæ præsentis maxime valerent, copiosius prosecutos, circa illam activam fuisse versatos; Joannem vero facta Domini multo pauciora narrantem, dicta vero ejus, ea præsertim quæ Trinitatis unitatem et vitæ æternæ felicitatem insinuarent, diligentius et uberior conscribentem, in virtute contemplativa commendanda, suam continuationem [Ms., intentionem] atque prædicationem tenuisse. Iste est siquidem Joannes, unus ex discipulis Christi,

quem Dominus de fluctivaga nuptiarum tempestate **A** virginem vocavit. Cujus virginitatis in hoc duplex testimonium in Evangelio datur, quod et præ cæteris dilectus a Deo dicitur; et huic matrem suam de throno crucis commendavit, dicens [Beda, commendavit Deus], ut virginem virgo servaret. Qui singulari privilegio meruit castitatis, ut cæteris omnibus miraculorum Christi scriptoribus altius divinæ majestatis simul caperet ac patefaceret arcanum. Neque enim frustra in coena mystica supra pectus Jesu recubuisse perhibetur; sed per hoc verissime docetur quia cœlestis haustum sapientiae cæteris excellentius de sanctissimo ejusdem pectoris fonte potaverit. Unde et merito in figura quatuor animalium aquilæ volanti comparatur; cunctis quippe avibus aquila celsius volare, cunctis animantibus clarius solis radiis insigere consuevit obtutus. Ita beatus Joannes sublimius æternæ nativitatis Christi mysteria compexit. Iste prior [Petro] laborantibus in piscatione discipulis, Christum in littore stantem, reteque in dexteram navigii mittere jacentem agnovit, dicens Petro: *Dominus est*. Iste est unus de illis de quibus Propheta prædictit: *Cœli enarrant gloriam Dei* (*Psal. xviii, 1*). Unde filius tonitri ab ipso Domino appellatur, quia hoc mirabile et omnibus sæculis **464** inauditum, ex cœlesti claritate intonuit proœmium dicens: *In principio erat Verbum, et Verbum erat apud Deum, et Deus erat Verbum* (*Joan. i, 1*). Quæ verba semper sunt pura sive veneranda ac perpetua religione colenda, non humanae conjecturæ ratiunculis nimium discutienda, quæ in plerisque fallitur, dum se putat agnoscerre quæ humani sensus excedunt indagationem. Tamen quidquid inde pia charitas et humiliis inquisitio intelligere potuit, in sacra-tissimis sanctorum Patrum scriptis, licet sparsim, dicta inveniuntur: sicut etiam et in toto ejusdem Evangelii textu, plurima a catholicis doctoribus leguntur exposita, pro opportunitate loci vel temporis, vel confirmatione orthodoxæ fidei, nec non contra hæreticas pravitates, in defensione apostolicæ tradi-

Ationis. Quapropter; forsitan temperamentum quoddam inter meam negationem, vestramque petitionem invenire posse video, ne omnino vel charitas vestra taciturnitate mea spernatur, vel temeritas mea in vestræ petitionis obsequio reprehendatur. Solent namque medici ex multorum speciebus pigmentorum in salutem poscentis quoddam medicamenti compонere gennu, nec seipso sateri præsumunt creatores herharum vel aliarum specierum ex quarum compositione salus efficitur ægrotantium, sed ministros esse in colligendo et in unum pigmentaria manu conficiendo corpus: sic etiam, si forsitan meæ devotionis labor aliquid vestræ charitati proficere valet. Nec ex quolibet paternæ possessionis prato mihi flores colligendos esse censeo, sed multorum Patrum, humili corde, prona cervice, florida rura peragrandia mihi esse video, ut sine periculo nominis mei satisfaciām sanctissimæ voluntati vestræ. Primoque omnium sancti Augustini suffragia quærens, qui majori studio hujus sancti Evangelii exponere nisus est sacratissima verba. Deinde ex opusculis sancti Ambrosii sanctissimi doctoris aliqua trahens; necnon ex homiliis præcipui Patris Gregorii papæ, vel ex homiliis beati Bedæ presbyteri, multa assumens, aliorumque sanctorum Patrum, sicut invenire potui, interpretationes posui: magis horum omnium sensibus ac verbis utens, quam meæ quidquam præsumptioni committens, veluti legentium curiositas facile probare poterit: cautissimo plane stylo prævidens, divina opitulante gratia, ne quid contrarium **C** sanctorum Patrum sensibus ponere. Igitur et omne opus secundum capitula ejusdem Evangelii distinxī, ac sub numero septem librorum consummavi. Optans vos, septiforis Spiritus gratia inspirante pectora vestra, variis in Ecclesia Christi florere deliciis, et ambulare quotidie cum sanctis de virtute in virtutem, donec videatur Deus deorum in Sion, ubi perpetua dulcedine inter choros cœlestium agminum dicatis, *Beati qui habitant in domo tua, Domine, in sæculo sæculi laudabunt te. Amen.*

467 COMMENTARIORUM IN JOANNEM LIBER PRIMUS.

CAPUT PRIMUM.

In principio erat Verbum apud Deum, per quem facia sunt omnia. Joannes missus est ante eum, qui recipientes se facit filios Dei per gratiam.

VERS. 1. — *In principio erat Verbum, et Verbum erat apud Deum, et Deus erat Verbum* ^a. *¶* Neque enim frustra beatus Joannes, dilectus Domini discipulus, in coena supra pectus Jesu recubuisse perhibetur. Sed per hoc typice docetur, quia cœlestis haustum sapientiae cæteris excelsius [Beda, excellentius] de sanctissimo ejusdem pectoris fonte potaverit. Unde ex [Ms., et] merito in figura quatuor

^a Ex homilia Ven. Bede in Natali Domini. — NOTA. Dicta Ven. Bede, similiter et SS. Augustini

animalium aquilæ volanti comparatur (*Ezech. 1*). Cunctis quippe avibus aquila celsius volare, cunctis animantibus clarius solis radiis insigere consuevit obtutus. Et cæteri evangelistæ quasi in terra ambulant cum Domino, qui, tempore ejus generationem pariter et temporalia facta sufficienter expONENTES, pauca de divinitate dixerunt. Hic autem quasi ad cœlum volat cum Domino, qui, per pauca de temporalibus ejus actis edisserens, æternam divinitatis ejus potentiam, per quem [Ms., quam] omnia facta sunt, sublimius mente volando et limpidius speculando cognovit, ac nolis cognoscendam scribendo et Gregorii, dum incipiunt et finiuntur, notavi in hoc opere hoc signo *¶*.

contradicunt. Ergo alii evangelistæ Christum ex tempore natum describunt, Joannes eamdem in principio jam fuisse testatur discens :

In principio erat Verbum. Quod duobus modis intelligitur. Nam Pater principium est, quasi dixisset : In Patre. In Patre est Filius, quem Verbum non invenit iste evangelista. Nec nos movere debet quod in sequentibus hujus Evangelij, Iudeis interrogantibus quis esset ipse Deus, Dei Filius 468 respondit, Principium, qui et loquor vobis (Joan. viii, 25). Si enim Filius principium est [Al., Si enim Filius generatus non esset a Patre], qui habet Patrem, quanto facilius Deus Pater intelligendus est esse principium, qui habet quidem Filium, cui Pater sit; Filius enim, Patris est Filius; et Pater utique Filius Pater est, et Pater Deus, sed non de Deo Deus; Filius verus [Ms., Filius vero] Deus de Deo est. Et Pater dicitur lumen, sed non de lumine: Filius dicunt lumen, sed lumen de lumine. Sic Pater principium, sed non de principio: Filius principia, sed a principio principium. Quod enim erat in principio, non finitur tempore, non principio inchoatur [Ms. et Beda, nec principio prævenitur, om. lla. seq.]. Filius principium non finitur tempore, non principio prævenitur, sive ad creaturarum principium vel temporum velis referre quod ait: In principio erat Verbum. Quidquid creaturarum, quodcunque principium habuit ut esset, erat tunc Verbum Dei, per quod facta sunt omnia. Ideo quater dicit evangelista, Erat, erat, erat, erat, ut intelligeres omni tempore [Ms., omnia tempora] prævenisse coeternum Deum Patri Verbum.

Alii evangelistæ inter homines subito apparuisse Dei Filium demonstrant [Beda, commemorant]; beatus Joannes apud Deum semper fuisse declarat, dicens: *Et Verbum erat apud Deum. Alium verum hominem, ille ipsum verum confirmat esse Deum, dicens: Et Deus erat Verbum. Alii hominem eum apud homines temporaliter conversatum, ille Deum apud Deum in principio manentem ostendit, dicens (Vras. 2): Hoc erat in principio apud Deum. Si etiam superius principium ad Patrem referri [Ms., referre] placet, et hoc sequens principium ad creaturas, intelligimus aeternaliter Verbum, id est Filium, esse [Ms. et Beda, Filium Dei esse] in Patre, et omnem creaturarum principium sua essentia preire. Alii magnalia que in hominie gerit perhibent, ille quod omnem creaturam visibilem et invisibilem per ipsum Deus fecerit, docet, dicens (Vras. 3): Omnia per ipsum facta sunt, et sine ipso factum est nihil. Si enim nihil creaturarum sine ipso factum est, patet profecto quia ipse creatura non est, per quem omnis creatura facta est. Et ne quis audiens factam per Dei Filium creaturam, mutabilem credit ejus voluntatem, quasi qui subito vellet facere creaturam, quam ab aeterno nunquam ante fecisset; manifeste doceat Evangelista, factam quidem in tempore creaturam, sed in aeterna Creatoris sapientia,*

* In editione Argentoratensi hic inseritur caput primum.

A quando et qualis crearetur, semper fuisse dispositum, et hoc est quod ait :

VERS. 4. — *Quod factum est, in ipso vita erat. Id est, quod factum in tempore, sive vivum, sive vita carentis apparuit, omne hoc in spiritali factoris ratione quasi semper vixerat, et vivit; non quia coeterum est Creatori quod creavit, sed quia contrafacta est illi ratio voluntatis suae, in qua ab aeterno habuit et habet quid et quando creavit [Ms., creare], qualiter creatum gubernet, ut maneat; ad quem si nem singula quæ creavit perducat. Ideo ita distinguendum et subinserendum est, quasi alla voce, In ipso vita erat. Quia quidquid per ipsum factum est, esiam et in ipso vivit. Sicut ars in animo artificis vivit, licet arca vel aliud aliquid ab ipso factum, percat. Sequitur: Et vita erat lux hominum. Quo verbo aperte docetur quod ipsa vitalis ratio, per quam omnia disposita sunt et reguntur, non omnem creaturam, sed rationabilem tantum, ut sapere possit, illuminat. Homines namque, qui ad imaginem Dei facti sunt, percipere sapientiam possunt, animalia non possunt. Sed et animalis quicunque est homo, non percipit ea quæ sunt Spiritus Dei (I Cor. ii, 14). Unde bene cum dixisset: Et vita erat lux hominum, subjunxit et de his qui, ab humanae conditionis honore procul recedentes, comparati sunt jumentis insipientibus, et similes facti sunt illis, atque ideo recte veritatis luce privantar.*

VERS. 5. — *Et lux, inquit, in tenebris lacet, et tenebre enim non comprehenduntur. Lux quippe est C hominum Christus, quia omnia, quæ illuminari mereantur, corda hominum sive presentia cognitionis illustrat. Tenebre autem stulti sunt et iniqui quorum cœca precordia, lux aeternæ sapientiae, qualia sint, manifeste cognoscit, quamvis ipsi radios ejusdem lucis nequaquam capere per intelligentiam possint; veluti si quilibet cœcus jubare solis perfundatur, nec tamen ipse solem, cuius lumine perfunditur, aspiciat; talibus divina consulunt misericordia, qualiter pervenire possint, ut illam veram lucem cernerent, et 469 essent filii lucis, qui lucerni filii tenebrarum. Et huius cognitionis initium fuit, quod sequitur:*

VERS. 6, 7. — *Fuit homo missus a Deo, cuius nomen erat Joannes; hic venit in testimonium, ut testimonium perhiberet de lumine, ut omnes crederent D per illum. Non ait, ut omnes crederent in illum. Maledictus enim homo, qui confidit in homine, et ponit carnem brachium suum (Jerem. xvii, 5). Sed ut omnes, inquit, crederent per illum, hoc est, ut per illum testimonium crederent in lucem, quam neccidit videre noverant, Dominum videlicet Jesum Christum, qui de seipso testatur: Ego sum lux mundi: qui sequitur me, non ambulet [Ms., ambulat] in tenebris, sed habebit lumen vitæ (Joan. viii, 12). Sequitur:*

VERS. 8, 9. — *Non erat ille lux, sed ut testimonium perhiberet de lumine; erat lux vera, quæ illuminat omnes hominem venientem in [hunc] mundum. Et sancti quidem homines lux sunt recte vocati, &*

ante ad eos Domino : *Vos estis lux mundi* (*Matth. v. 14*). Et apostolo Paulo : *Fuitis aliquando tenebrae, nunc autem lux in Domino* (*Ephes. v. 8*). Sed multum distat inter lucem quæ illuminatur, et lucem quæ illuminat; inter eos qui participationem veræ lucis accipiunt ut luceant, et ipsam lucem perpetuam, quæ non solum in se ipsa lucere, sed et sua præsentia, quoscunque attigerit, illustrare sufficit. Ad hujus comparationem veræ lucis, non tantum minoris quilibet electi, verum etiam ipse Joannes, quo major inter [natos] mulierum nemo surrexit, lux non esse asseritur, ut videlicet Christus non esse, quod putabatur, monstretur. Ille enim [*Al.*, Joannes enim], ut scriptum est : *Erat lucerna ardens, et lucens* (*Joan. v. 35*). Ardens scilicet fide et dilectione, lucens verbo et actione. Gratiam vero lucis pectoribus infundere, solius est ejus de quo dicit : *Erat lux vera, quæ illuminat omnem hominem venientem in hunc mundum*; omnem videlicet, qui illuminatur, sive naturali ingenio, seu sapientia divina. Sicut enim nemo a se ipso esse, ita etiam nemo a se ipso sapiens esse potest, sed illo illustrante, de quo scriptum est : *Omnis sapientia a Domino. Deo est* (*Ecli. i. 1*). Cujus utramque naturam, et divinam videlicet qua semper ubique totus manet, et humanam ex qua in tempore natus, loco inclusus apparuit, consequenter evangelista descripsit, dicens :

VERS. 10, 11. — *In mundo erat, et mundus eum non cognovit. In propria venit, et sui eum non receperunt.* In mundo [quippe] erat, et mundus per ipsum factus est, quia Deus erat, quia totus ubique, quia suæ præsentia majestatis, sine labore regens et sine onere contingens quod fecit. *Et mundus eum non cognovit.* Quia lux in tenebris lucet, et tenebrae eam non comprehenderunt. Mundum namque hoc in loco dicit homines, mundi amore deceptos, atque inhærendo creature, ab agnoscenda creatoris sui majestate reflexos. In propria venit, quia in mundo, quem per divinitatem fecit, per humanitatem natus apparuit. In propria venit, quia in gente Iudea, quam sibi præ ceteris nationibus speciali gratia coperaverat, incarnari dignatus est. In mundo erat ergo, et in mundum venit. In mundo erat per divinitatem : in mundum venit per incarnationem. Venire quippe et [Ms., vel] abiire, humanitas est; manere et esse, divinitatis. Quia ergo, cum in mundo esset per divinitatem, mundus eum non cognovit, dignatus est venire in mundum per humanitatem, ut vel sic eum mundus cognosceret. Sed videamus quid sequitur :

In propria venit, et sui eum non receperunt. Quem enim in potentia divinitatis caucta creantem regentemque cogoverant [Beda et ms., non cognoverunt], ipsum in carnis infirmitate, miraculis coruscantem recipere noluerunt. Et quod gravius est, sibi eum non receperunt, homines scilicet, quos ipse creavit; Iudei, quos peculiarem sibi elegarat in plebe, quibus suæ cognitionis revelaverat arenam, quos mirificis patrum gloriscaverat actis, quibus

A sue legis doctrinam contulerat, ex quibus se incarnandum promiserat, et in quibus se incarnatum, ut promiserat, ostendit, ipsi eum recipere venientes magna ex parte recusarunt. Neque enim omnes recusarunt; alioquin nullus esset salvus, et supervacua ejus esset incarnation. Nunc autem multi eum ex utroque populo non credendo [respuerunt, multi credendo] receperunt : de quibus evangelista consequenter insinuat dicens :

470 VERS. 12. — *Quotquot autem receperunt eum, dedit eis potestatem filios Dei fieri, his qui credunt in nomine ejus Consideremus, fratres charissimi, quanta gratia Redemptoris nostri, quam magna sit multitudo dulcedinis ejus Unicus ex Patre natus est, et noluit remanere unus. Descendit ad terram, ubi fratres sibi, quibus regnum Patris sui dare posset, acquireret. Deus ex Deo natus est, et noluit Dei tantum Filius manere; hominis quoque filius fieri dignatus est, non amittens quod erat, sed assumens quod non erat; ut per hoc homines in Dei filium transferret, glorieque suæ faceret cohaeredes, qui quod ipse semper habebat per naturam, inciperent habere per gratiam. Consideremus, quanta virtus est fidei, cuius merito potestas datur hominibus filios Dei fieri. Unde hene scriptum est, quia *justus ex fide vivit* (*Heb. ii. 4; Rom. i. 17*). Vivit justus ex fide, non illa qua labiorum tantum confessione profertur, sed ea qua per dilectionem operatur. Alioquin fides, si non habeat opera, mortua est in semetipsa (*Iacob. ii. 17*). Nullus scipsum despiciat, nullus de sua salute desperet, curramus [Beda, curremus] omnes, curramus singuli, ut qui eramus longe, mercamur fieri prope in sanguine Christi. Videamus quod dicitur : *Quia quotquot receperunt eum, dedit eis potestatem filios Dei fieri; Quotquot, inquit, receperunt eum.* Non est enim personarum acceptor Deus, sed in omni genite, qui timet eum et operatur justitiam, acceptus est illi. Quo autem ordine credentes filii Dei possunt fieri, et quantum hec generatio a carnali distet, subsocitus evangelista designat.*

VERS. 13. — *Qui non ex sanguinibus, inquit, neque ex voluntate carnis, neque ex voluntate vestri, sed ex Deo nati sunt: Carnalis quippe nostra singulariter generatio, ex sanguinibus, id est, ex semine matris et feminæ, a conjugi duxit originem complexum.* At vero sp̄iritualis Spiritus sancti gratia ministratur, quia carnaliter distinguens Dominus ait : *Nisi quis renatus fuerit ex aqua et spiritu, non potest introire in regnum Dei. Quod natum est ex carne, caro est, et quod natum est de spiritu, spiritus est* (*Joan. iii. 5, 6*). Vorum ne quis hominum dubitet filium se Dei cohaerendum Christi posse fieri, dat exemplum evangelista, quia et ipse Filius Dei homo fieri, et habitare inter homines dignatus sit, ut humanae particeps existendo fragilitatis, homines divinae virtutis sue donaret esse particeps.

VERS. 14. — *Et Verbum, inquit, caro factum est, et habitat in nobis.* Quod est dicere, et Filius Dei homo factus est, et inter homines conversatus est.

Solet namque Scriptura modo anime, modo carnis vocabulo, totum designare hominem; anime videlicet, ut scriptum est: *Quia descendit Jacob in Agyptum, in animabus septuaginta* (Dent. x, 22); carnis vero, ut rursus scriptum est: *Et videbit omnis caro salutare Dei* (Luc. iii, 6). Neque enim vel anime sine corporibus in Agyptum descendere, vel caro sine anima videre aliquid potest; sed hic per animam, totus homo, ibi signatur per carnem. Sic ergo hoc in loco, quod dicitur: *Et Verbum caro factum est, nihil aliud debet intelligi, quam si diceretur: Et Deus homo factus est, carnem videlicet induendo et animam.* Ut sicut quisque nostrum unus homo ex carne constat et anima, ita unus ab incarnationis tempore Christus ex divinitate, carne et anima constat: Deus ab aeterno in aeternum existens verus, ut erat, hominem ex tempore assumens in unitatem sue personae verum, quem non habuerat. Sequitur:

Et vidi mus gloriam ejus, gloriam quasi unigeniti a Patre, plenum gratiae et veritatis. Gloriam Christi quam ante incarnationem videre non poterant homines, post incarnationem viderunt, aspicientes humanitatem miraculis resurgentem, et intelligentes divinitatem intus latitantem; illi maxime, qui et ejus claritatem, ante passionem transfigurati in monte sancto, contemplari meruerunt, voce delapsa ad eum hujuscemodi a magnifica gloria: Hic est Filius meus dilectus, in quo mihi complacuit (Matth. xvii, 5). Et post passionem, resurrectionis, ascensionisque ipsius gloria conspecta, Spiritus ejus sunt domo mirifice reflecti. Quibus omnibus manifeste cognoverant, quod hujusmodi gloria non cuiilibet sanctorum, sed illi soli homini, qui esset in divinitate unigenitus a Patre, conveniret. Quod autem sequitur: *Plenum gratiae et veritatis. Gratiae plenus erat et est, homo Christus Jesus, cui singulari munere precesteris mortalibus* 471 *datum est, ut statim ex quo in utero virginis concipi et homo fieri inciperet, verus esset et Deus. Unde et eadem gloriosa semper virgo Maria, non solum hominis Christi, sed et Dei genitrix recte credenda et confitenda est. Idem veritatis plenus erat et est, ipsa videlicet Verbi divinitate, quae hominem illum singulariter electam, cum quo una Christi persona esset, assumere dignata est; non aliquid suæ divinæ substantiæ, ut haeretici volant, in faciendum hominis naturam commutans; sed ipse apud Patrem manens, totum quod erat, totam de semine David naturam veri hominis quam non habebat, suscipiens.*

Vers. 15. — ^{a b} *Joannes testimonium perhibet de ipso. Redemptoris nostri precursor testimonium de ipso perhibens, celsitudinem humanitatis ejus pariter et divinitatis aeternitatem manifesta voce pronuntiat. Clamat enim dicens: Hic erat, quem dixi vobis, qui post me venturus est, ante me factus est, quia prior me erat* (Joan. i, 15). In eo namque quod ait, qui post me venturus est, ordinem humanae dispensationis, qua post eum natus, post eum etiam praedicatur, baptizaturus, signa facturus, et mortem erat passurus

^a *Huc usque ex Bedae hom. cit.*

A insinuat. In eo vero quod subjungit, *ante me factus est*, sublimitatem ejusdem humanitatis, qua ceteris omnibus creaturis erat merito praferenda, designat. Quod eaim ait, *ante me*, non ad ordinem temporis, sed ad distantiam pertinet dignitatis, juxta quod de Joseph filii benedicente Jacob scriptum est: *Constituitque Ephraim ante Manassen* (Gen. xlvi, 20), ubi recte potuit dicere Manasses, *qui post me venit, ante me factus est*, id est, qui post me natus est, potentia me regni antecessit. Quemadmodum Joannes de Domino, *qui post me*, inquit, *venturus est, ante me factus est*, id est, qui post me ad praedicandum venturus est, culmine me regni et sacerdotii perennis antecellit. Quare autem is qui post eum venturus erat, eum dignitate antecelleret, aperuit, cum subjunxit: *Quia prior me erat*, id est, quia aeternus ante secula Deus erat, propterea me licet posterior natus, gloria majestatis etiam in assumptiona humanitate praebuit. Exposito autem evangelista precursoris Domini testimonio quod de illo perhibuerat, reddit statim sue quoque assertionis, quod ceperat, illi testimonium dare. Nam sequitur:

Vers. 16. — *Et de plenitudine ejus nos omnes accepimus gratiam pro gratia.* Superius namque dixit: *Quia Verbum caro factum est, et habitat in nobis, et vidi mus gloriam ejus, gloriam quasi unigeniti a Patre plenum gratiae et veritatis.* Quod cum precursoris [Ab., precursor] quoque ejus testimonio confirmasset, dicens: *Hic erat quem dixi vobis, qui post me venturus est, ante me factus est, quia prior me erat*, rursus ipso, quod coeparat exsequitur dicens: *Et de plenitudine ejus nos omnes accepimus gratiam pro gratia.* Plenus quippe erat Dominus Spiritu sancto, plenus gratiae et veritatis, quia sicut Apostolus ait: *In ipso habitat omnis plenitudo divinitatis corporaliter* (Coloss. ii, 9); *de cuius plenitudine nos omnes* (juxta modum nostræ capacitatibus) *accepimus, quia unicuique nostrum data est gratia, secundum mensuram donationis Christi* (Ephes. iv, 7). De solo namque mediatore Dei et hominum, homine Iesu Christo veraciter dici potuit: *Et requiescat super eum spiritus Domini, spiritus sapientie et intellectus, spiritus consilii et fortitudinis, spiritus scientie et pietatis, et replebit eum spiritus timoris Domini* (Isai. xi, 2). Omnes vero sancti non plenitudinem spiritus ejus, sed de plenitudine ejus, quantum illo donat, accepunt. Quia alii per Spiritum datur sermo sapientie, alii sermo scientie, secundum eundem Spiritum. Alteri fides in eodem Spiritu, alii gratia sanitatum in uno Spiritu. Alii operatio virtutum, alii prophetatio [Ms., prophetia], alii discretio spirituum, alii genera linguarum, alii interpretatio sermonum. *Hoc autem omnia operatur unus atque idem Spiritus,* dividens singulis prout vult (I Cor. xii, 8-11). Quia ergo de plenitudine conditoris nostri, non quidam [Beda, non quiddam], sed omnes, quidquid boni accepimus, habemus, curandum summopere est non quispian de bona se sua actione vel cogitatione in-

^b *Ex hom. 2 Bedae.*

cantus extonat; ne si ingratus largitori remanserit, perdat bonum quod accepit. Cum autem dixisset evangelista, nos omnes de plenitudine Christi acceperisse, confessum subiunxit et ait: *Gratiam pro gratia.* Gemmam ergo nos gratiam accepisse testatur, unam videlicet in presenti, alteram vero in futuro. In praesenti quidem fidem, quae per dilectionem operator; in 472 futuro autem vitam eternam. Fides quidem [Ms., quippe], quae per dilectionem operatur, gratia Dei est, quia quod credimus, et [Ms., quia ut crederemus, ut] ut diligamus, ut operemur bona quae novimus, non ulla precedentibus meritis nostris, sed ipso largiente percepimus, qui dicit: *Non vos me elegistis, sed ego elegi vos, et posui vos, ut eatis et fructum afferatis* (Joan. xv, 16). Et ut vitam, propter fidem et dilectionem, per opera bona percipiamus eternam, gratia Dei est; quia ne a bono deviemus itinere, ipso duos semper opus habemus, cui dicitur: *Deduc me, Domine, in via tua, et ambulabo in veritate tua* (Psal. lxxxv, 11). Notandum est quod quidam libri habent, *Nos omnes accipimus de plenitudine ejus, et gratiam pro gratia.* Aliquid primo de plenitudine ejus accepimus; et postea gratiam pro gratia, id est, de plenitudine ejus accepimus remissionem peccatorum; et gratiam, id est, vitam eternam, pro gratia fidei, quae per dilectionem operatur. Quae omnia ex uno fonte plenitudinis Christi nobis provenire certissimum est. Quid ergo accepimus de plenitudine bonitatis illius? Scilicet remissionem peccatorum, ut justificemur in fide. Insuper quid? Et gratiam pro gratia, id est pro gratia, in qua, ex fide vivimus, receptari sumus aliam. Quid tamen, nisi gratiam? hoc est, vitam eternam. Sequitur:

VERS. 17. — *Quia lex per Mosen data est, gratia et veritas per Iesum Christum facta est.* Lex quidem per Moysen data est, in qua quod agendum, quod vitandum sit, coelesti jure decernitur. Sed quod illa præcipit, non nisi gratia Christi completur. Illa siquidem monstrare peccatum, justitiam docere, et transgresores sui reos ostendere valebat. Perre gratia Christi diffusa per spiritum charitatis in cordibus fidelium facit, ut quod lex præcipit impletur. Unde illud quod scriptum est, non concupisces, lex est per Moysach, quae jubet [Al., quia jubetur]; sed per Christum sit gratia, quando quod jubetur, impletur. Veritas autem facta est per Christum, quia unubram habet lex futurorum bonorum, non ipsam imaginem rerum. Et sicut alibi dicit Apostolus: *Quia in figura contingebant illis* (I Cor. x, 11). Sed pro umbra lucem veritatis, pro figura legis ipsam imaginem rerum quae figurabatur, exhibuit Christus, quando data spiritus gratia, aperuit discipulis suis sensum ut intelligerent Scripturas. Lex per Moysen data est, cum populus aspersione sanguinis agni mundari præceptus est. Gratia et veritas quae in lege figurabatur, per Iesum Christum facta est, cum ipse passus in cruce, lavit nos a peccatis nostris in sanguine suo. Lex per Moysen data est, quia populum præceptis sa-

* Beda, loco citato.

A iustis instituit, que si servaret [Al., instituit si haec servaret], terram reprobationis intratacum et in ea perpetuo victorum promisit; ein alias, prosternendam ab hostibus prædictum. Gratio et veritas per Iesum Christum facta est, quia dato spiritus sui domo, et legem spiritualiter intelligi ac servare posse donavit: et eos qui servant, in veram coelestis vite beatitudinem, quam terra reprobationis signabat, introducit. Quae sit autem summa gratiae et veritatis, quae per Iesum Christum facta est, evangelista subdendo manifestat:

VERS. 18. — *Deum nemo vidit unquam; unigenitus Filius, qui est in sinu Patris, ipse enarravit.* Nulla etiam gratia major hominibus dari, nulla veritas aliorum potest ab hominibus cognosci, quam ea de qua unigenitus Filius Dei suis fidelibus narrans: *Beati, qui inquit, mundo corde, quoniam ipsi Dominum* [Ms., *Deum*] *videbunt* (Matth. v, 8). Et de qua Patri supplicans ait: *Hæc est autem vita eterna, ut cognoscant te verum, et unum Deum, et quem misisti Iesum Christum* (Joan. xvii, 3). Quæ nimur beatissima perceptio gratiae et veritatis, quoniam in hujus saeculi vita fieri non potest, recte dicitur: *Deum nemo vidit unquam* (I Joan. iv, 2), id est, nemo corruptibili adhuc, et mortali carne circumcidatus, incircumscripsum divinitatis potest locem contueri. Unde manifestius dicit Apostolus: *Quem nemo vidit dominum, nec videre potest* (I Tim. vi, 16). Nemo enim hominum dicitur, id est, nemo humano adhuc habitu aggravatus, humana coversatione caducus. Hinc est enim, quod Moyses, qui Deum, quem in angelo videbat, in ipsa ejus natura videre desiderans oralat: *Si intenci gratiam in conspectu tuo, ostende mihi g'eriam tuam, audivit: non poteris videre faciem meam, non enim videbit me homo et vivet* (Exod. xx, 18-20). Qua autem ratione ad visionem incomparabilis et eterni luminis pervenire debeat, evangelista consequenter exposuit, dicens:

473 Unigenitus Filius, qui est in sinu Patris, ipse enarravit. Cui significat, quod Dominus ait: *Nemo venit ad Patrem nisi per me* (Joan. xiv, 6); et alibi: *Nemo novit Filium nisi Pater, neque Patrem quis novit, nisi Filius, et cui voluerit Filius revelare* (Matth. xi, 27). Ipsius quippe ducatu ad Patrem venire, ipsius magisterie Patrem et Filium, nec noui et Spiritum sanctum [enun] Deum et Dominum nosse debemus: quia nimur ipse homo factus pro nobis, in hominis habitu loquens nobis, quid de sancte Trinitatis unitate recte sentiendum, qualiter ad ejus contemplationem fidelibus properandum, quibus actibus ad hanc sit pervenientium, clara luce revelavit. Ipse sacramentis sue incarnationis nos inabuens, sui nos spiritus charismatis sanctificans, ut ad hanc venire valeamus, adjuvat. Ipse peracto in hominis forma iudicio, novissime [Ms., iudicio novissimo] ad visionem nos divinae maiestatis sublimiter introducit [Ms., introducit] atque arcana nobis regni coelestis mirabiliter enarrabit [Ms., enarravit]. Sane quod ait: *Qui est in*

sinus Patris, in secreto Patris significat. Neque enim sinus Patris pueriliter est cogitandus, in similitudinem nostri sinus, quem habemus in vestibus; aut putandus est Deus, qui humanorum forma membrorum compaginatus non est, sic sedere quemadmodum nos. Sed quia sinus noster intus est, more nostro loquens Scriptura, in sinu Patris esse dicit [Ms., dicitur] quem in secreto Patris, quo humanus intuitus pertingere non valet, semper manentem vult intelligi. Non tunc autem solum enarrabit [Ms., enarravit] unigenitus Filius Deum, id est, sanctæ et individuæ Trinitatis, quæ est unus Deus, gloriam manifestabit [Ms., manifestavit] hominibus, cum post universale judicium omnes pariter electos ad visionem claritatis ejus inducat: sed et quotidie narrat, cum singulis quibusque fidelium perfectorum mox a carnis corruptione [Edit., incorruptione] solutis, implere cœperit, quod promisit: *Qui diligit me, diligetur a Patre meo, et ego diligam eum, et manifestabo ei meipsum.* Meipsum, inquit, manifestabo dilectoribus meis, ut quem in sua cognoverunt mortalem, in mea tamen [Ms., et Beda, in mea jam] natura, Patri et Spiritui sancto videre possint æqualem.

CAPUT II.

Joannes negat se esse Christum, sed missum se ante ipsum, vocemque clamantis in deserto secundum Isaiam enuntiat.

VERS. 19. — *Hoc est testimonium Joannis, quando miserunt Judæi ab Hierosolymis sacerdotes et levitas ad eum, ut interrogarent eum: Tu quis es, etc.* Ex his verbis Joannis humilitas commendatur, qui cum tantæ virtutis esset, ut Christus credi potuisset, elegit solide subsistere in se, ne humana opinione raperetur inaniter super se.

Vers. 20. — *Et confessus est, et non negavit, et confessus est, quia non sum ego Christus.* Sed quia dixit, *Non sum*, negavit plane quod non erat, sed non negavit quod erat; ut veritatem loquens, ejus membrum fieret cuius sibi nomen fallaciter non usurparet. Cum ergo non vult appetere nomen Christi, factus est membrum Christi: quia dum inservitatem suam studuit humiliiter agnoscere, illius celstitudinem meruit veraciter obtinere. Quisnam sit, continuo exprimit, cum subjungit:

Vers. 23. — *Ego vox clamantis in deserto.* Seitis quia unigenitus Filius Verbum Patris vocatur, Joanne attestante, qui ait: *In principio erat Verbum, et Verbum erat apud Deum, et Deus erat Verbum, et ex ipsa vestra locutione cognoscitis, quia prius vox sonat, ut verbum postmodum possit audiri.* Joannes ergo vocem se esse asserit, quia Verbum præcedit. Adventum itaque Dominicum præcurrrens vox dicitur, quia per ejus ministerium, Patris verbum ab hominibus [Ms., omnibus] auditur; qui etiam in deserto clamat, quia derelictæ ac destitutæ Judææ, solarium redemptoris annuntiat. Quid autem clamet insinuat, cum subjungit:

Dirigite viam Domini, sicut dixit Isaias propheta. Via Domini ad cor dirigitur, cum veritatis sermo

A humiliter auditur. Via Domini ad cor dirigitur, cum ad præceptum vita præparatur. Unde scriptum est: *Si quis diligit me, 474 sermonem meum servabit, et Pater meus diligit eum, et ad eum veniemus, et mansionem apud eum faciemus* (Joas. xiv, 23). Quisquis ergo in superbia mente elevat, quisquis avaritiae œstibus anhelat, quisquis se luxuriae inquisitionibus polluit, cordis ostium contra veritatem claudit; et ne ad se Dominus veniat, claustra animi seris vitiorum damnat. Se. adhuc qui missi sunt, percunctantur [Greg., percontantur].

VERS. 25. — *Quid ergo baptizas, si tu non es Elias, neque Christus, neque propheta?* Quod quia non studio cognoscenda veritatis, sed malitia excendæ œmulationis dicitur, evangelista tacite innuit, cum subjunxit [dicens]:

VERS. 24. — *Et qui missi fuerant, erant ex Pharisæis.* Ac si aperte dicat: Illi Joannem de suis actibus requirunt, qui doctrinam nesciunt querere, sed invidere. Sed sanctus quisque, etiam cum perversamente requiritur, a bonitatis suæ studio non mutatur. Unde Joannes quoque ad verba invidiæ, prædicamenta respondit vitæ. Nam protinus adjungit:

VERS. 26. — *Ego baptizo in aqua: medius autem vestrum stetit, quem vos nescitis.* Joannes non spiritu, sed aqua baptizat, quia peccata solvere non valens, baptizatorum corpora aqua lavat, sed tamen per veniam [Greg., mentem per veniam] non lavat. Cur ergo baptizat, qui peccata per baptismum non relaxat, nisi ut præcursoris suæ ordinem servans, qui nasciturum nascendo prævenerat, baptizaturum quoque Dominum baptizando præveniret? Et qui prædicando factus est præcursor Christi, baptizando etiam præcursor ejus fieret, imitatione sacramenti? Qui inter hæc mysterium Redemptoris nostri annuntians, hunc in medio hominum et stetisse asserit et nesciri; quia per carnem Dominus apparet, et visibilis stetit corpore et invisibilis majestate. De quo etiam subdit: *Qui post me venit, ante me factus est.* Sic namque dicitur: *Ante me factus est*, ac si dicatur, ante [me] positus. Post me ergo venit, quia postmodum natus; ante autem factus est, quia mihi prælatus. Sed hæc paulo superius dicens, etiam prælationis ejus causas aperuit cum subjunxit: *Quia prior me erat.* Ac si aperte dicat: inde me etiam post natus superat, quo eum nativitatis suæ tempora non augstant. Nam qui per matrem in tempore nascitur, sine tempore est a Patre generatus: cui quantæ reverentiae humilitatem debeat, subdendo manifestat, cum ait:

VERS. 27. — *Cujus non sum dignus solvere corrigiam calceamenti.* Mos apud veteres fuit, ut si quis eam que sibi competeteret, accipere uxorem nollet, ille ei calceamentum solveret, qui ad hanc sponsus jure propinquitatis veniret. Quid igitur inter homines Christus, nisi sanctæ Ecclesiæ sponsus apparuit? De quo et idem Joannes dicit: *Qui habet sponsum, sponsus est* (Joan. iii, 29). Sed quia Joannem homines Christum esse putaverunt, quod idem Joannes

* Ex Hom. sancti Gregorii pape lib. i, hom. 7.

negat, recte se indignum esse ad solvendum corrigiam ejus calceamenti denuntiat. Ac si aperte dicat: *Ego Redemptoris vestigia denudare non valeo, quia sponsi nomen mihi immeritus non usurpo. Quod tamen intelligi et aliter potest. Quis enim nesciat quod calceamenta ex mortuis animalibus siant? Incarnatus vero Dominus veniens, quasi calceatus apparuit, qui in divinitate sua morticina [Ms., morticinam] nostrae corruptionis assumpsit.* Unde etiam per Prophetam dicit: *In Idumeam extendam calcamentum meum (Psal. LIX, 10).* Per Idumeam quippe gentilitas designatur. In Idumeam ergo Dominus calceamentum suum se extendere asserit, quia dum per carnem gentibus innotuit, quasi calcata ad nos divinitas venit. Sed hujus incarnationis mysterium humanus oculus penetrare non sufficit. Investigari enim nullatenus potest, quomodo incorporatur [Greg., corporatur] verbum; quomodo summus et vivificator spiritus intra uterum matris animatur; quomodo is qui initium non habet, et existit et concipiatur. Corrigia vero calceamenti est ligatura mystri. Joannes itaque solvere corrigiam calceamenti ejus non valet, quia incarnationis mysterium nec ipse investigare sufficit, qui hanc per prophetarum spiritum agnoscit. Quid est ergo dicere, *Non sum dignus solvere corrigiam calceamenti ejus, nisi aperte et humiliter suam ignorantiam prosteri?* Ac si patenter dicat: *Quid mirum, si mihi ille prælatus est, quem post me quidem natum considero, sed nativitatis ejus mysterium non apprehendo?*

475 VERS. 28. — *Hæc in Bethania facta sunt trans Jordanem, ubi erat Joannes baptizans.* Bene præcursor Domini nostri in Bethania dicitur baptizasse; nam Bethania domus obedientiarum interpretatur; ut demonstraret per obedientiam fidei omnes ad Christi baptismum debere pervenire. Sicut Magis mandatum est per aliam viam reverti in patriam, ita nobis præceptum est per aliam ad paradisi gaudia pervenire: nam nostri parentes per inobedientiam culpam indejecti sunt; nos vero per obedientiam bonum et observationem mandatorum Dei, ad æternæ beatitudinis paradisum pervenire debemus.

VERS. 29. — *Altera die ridit Joannes Jesum ad se renientem.* Joannes interpretatur gratia Dei. Altera dies populo Christiano [Ms., populus Christianus] est sub gratia, qui pretioso sanguine Christi redemptus est. Altera dies sicut populo priori sub lege, qui mystice sanguine agni redemptus est a servitate Ægyptiaca. Ille agnus significabat istum agnum, quem præsentem beatum Baptista digito ostendebat, dicens: «*Ecce Agnus Dei, ecce qui tollit peccata mundi.*» Ecce agnus Dei, ecce innocens et ab omni peccato immunis, ut pote qui os quidem de ossibus Adam, et carnem [Beda, et caro] de carne Adam, sed nullam de carne peccatrice traxit maculam culpæ. Ecce qui tollit peccata mundi; ecce qui justus inter peccatores, misericordia inter impios, hoc est, quasi agnus inter lupos apparet, etiam peccatores et impios

¶ Hucusque ex Gregorio.

A justificandi habet potestatem. Quomodo autem peccata mundi tollat, quo ordine justificet impios, apostolus Petrus ostendit, qui ait: *Non corruptibilibus, argento vel auro redempti estis de vana nostra conversatione paternæ traditionis, sed pretioso sanguine, quasi agni incontaminati, et immaculati Iesu Christi (I Petr. 1, 18, 19).* Sequitur:

VERS. 30. — *Joannes testimonium perhibet de Domino. Hic est de quo dixi, post me venit vir, qui ante me factus est, quia prior me erat.* Post me venit vir, post me natus est in mundo, post me prædicare incipiet mundo; qui ante me factus est, qui me potentia majestatis tantum, quantum præconem judex, quantum sol Luciferum, licet post apparensem, antecellit. *Quia prior me erat, quia in principio erat Verbum, et Verbum erat apud Deum, et Deus erat Verbum.* Post me venit vir, tempus humanæ nativitatis designat, in quo Joanne posteriorem Christum intellige; *Qui ante me factus est, primatum regiae potestatis, quo etiam angelis presidet, intuere; quia prior me erat, aeternitatem divinæ majestatis, qua Patri est æqualis, intellige.* Post me venit vir, qui ante me factus est, quia prior me erat. Post me venit humanitate, qui ideo me præcellit dignitate, quia prior me erat divinitate.

VERS. 31. — *Et ego nesciebam, inquit, eum.* Certeum est quia sciebat Dominum Joannes, cui testimonium perhibere missus est, quem judicem omnium venturum prædicabat, dicens: *Cujus ventilabrum in manu sua, et permundabit aream suam (Matth. III, 12);* a quo Spiritum sanctum dari debere testabatur, ipse vos baptizabit, inquiens, *Spiritu sancto;* a quo se ipsum ablui desiderabat, dicens: *Ego debeo a te baptizari, et tu venis ad me?* Quomodo ergo dicit, et ego nesciebam eum, nisi quia eum quem et antea noverat, perfectius jam cum baptizaretur agnoscit? Quem mundi Salvatorem et judicem noverat, hujus potentiam majestatis altius, Spiritu sancto super eum descendente, cognovit. Neque enim dubitandum est, quia beatus Joannes, cum Spiritum sanctum, licet corporali specie videre; cum vocem Patris, licet corporaliter sonantem, meruisse audire, multum ex hoc visu et auditu profecerit; multum de divina potestatis excellentia, revelatis oculis mentis, scientiarum cœlestis accepit: adeo ut [Beda, accepit a Deo, ut] ad comparationem intelligentiarum qua tunc illustrari coepit, catenus illum quantum esset, omnimedius sibi videretur ignorasse. Qui testimonium, in quo [Beda, in quod] missus est, Domino diligenter perhibens adjungit:

Sed ut manifestaretur Israel, propterea rex ego in aqua baptizans. Quod est aperte dicere: non ideo veni in aqua baptizans, quia peccata mundi baptizando tollere possum, sed ut eum baptizando ac prædicando manifestarem populo Israel, qui in Spiritu sancto baptizans, ad tollenda peccata non solum Israel, sed et totius mundi, si ci credere voluerit, idoneus est. Propterea **476** veni ego in aqua.

¶ Beda, hom. in Epiphania Domini.

Digitized by Google

[Al., in poenitentiam] baptizans, ut sic baptizando, illi viam pararem, qui baptizaret in remissionem peccatorum.

VERS. 32. — *Et testimonium perhibuit Joannes dicens, quia vidi Spiritum descendenteum quasi columbam de celo, et mansit super eum.* Bene autem [in] columbae specie descendit super Dominum Spiritus, ut discant fidèles non aliter se membra ejus fieri; non aliter ejus Spiritu se posse repleri, nisi simplices fuerint, nisi veram cum fratribus habuerint pacem, quam significant oscula columbarum. *Habent autem oscula et corvi, sed laniant, quod columbae omnimodo non faciunt:* significantes eos, qui loquuntur pacem cum proximo suo, mala autem sunt in cordibus eorum (*Psalm. xxvii, 3*). Columbae autem natura, quae laniatu innocens est, illis aptissime congruit, qui pacem sequuntur cum omnibus et sanctimoniam, solliciti servare unitatem spiritus in vinculo pacis (*Ephes. iv, 3*). Atque ideo Spiritus in columbae specie descendendo, non suam tantummodo, vel ejus in quem descendit, innocentiam simplicitatemque designat, sed eorum aequa qui sentiunt de illo in bonitate et in simplicitate cordis querunt illum (*Sap. 1*). *Et ego, inquit, aesciebam eum.* Subaudis, tam subtiliter, quam Spiritu in eum descendente [*Beda, spiritum... descendenteum*], cognovi.

VERS. 33. — *Sed qui misit me baptizare in aqua, ille mihi dixit: Super quem videris Spiritum descendenteum, et manentem super eum, hic est qui baptizat in Spiritu sancto.* Baptizat Dominus in Spiritu sancto, per Spiritum sancti gratiam peccata dimittendo. Sive enim ipse aqua aliquos discipulorum suorum primus baptizaverit, per quos ad exteriores fidèles rivus baptismi proflueret, eosdem etiam spiritu baptizabat, peccata illis relaxando et Spiritus sancti dona ministrando; sive fideles ejus, invocato nomine ipsius, aqua baptizent electos, et chrismate sancto perungant, eosdem nihilominus ipse Spiritu sancto baptizat; quia nemo præter ipsum peccatorum nexus solvere, et Spiritus sancti valet dona tribuere. Sed diligenter intuendum est, quia cum dixisset: *Super quem videris Spiritum descendenteum, adject: et manentem super eum.* Et in sanctos enim ejus spiritus descendit: verum quandiu sunt in corpore, peccato carere nequenni, quia coelestium contemplationi semper oculum mentis intendere non sufficiunt; sed scipiis hunc ad terrene curam conversationis inflectunt: in eorum procul dubio cordibus Spiritus aliquando venit, aliquando recedit. Unde dictum est, *Spiritus, ubi vult, spirat, et vocem ejus audis, sed non scis, unde veniat, et quo vadat* (*Joan. iii, 8*). Venit quippe ad sanctos, vadit a sanctis Spiritus, ut quem semper [habere] idonei non sunt, ejus per tempora redeuntis crebra luce resplendant. In solo autem mediatore Dei et hominum homine Iesu Christo Spiritus perpetuo veraciter manet, in quo nec sordidæ cogitationis maculam, quam re-

A fugeret, ullam invenit. Mansit autem totus in illo, non ex eo solum tempore quo hunc Joannes super eum vidi descendantem; sed ex quo homo [fieri] incipiens, ejus ministerio et opere conceptus est. Idcirco autem super eum, in quo semper manebat, baptizatum descendere Spiritus ostenditur, ut et Baptista ipse [*Ms.*, ipsum] celsius jam quem prædicaret, agnoscet; et credentibus daretur indicium, nequaquam se nisi baptizatos aqua, Spiritus ejusdem posse baptismata mereri. Quærendum est interea quomodo speciale filii Dei agnoscendi signum fuerit, quod super eum descenderit, et maneat Spiritus? Cum etiam discipulis ipse promittat, dicens eis: *Ego rogabo Patrem, et alium paracletum dabit vobis, ut maneat roboscum in eternum, Spiritum veritatis* (*Joan. xiv, 15*). Et paulo post: *Quia apud vos manebit, et in vobis erit.* Si enim apud servos Dei electos manet, et in illis erit Spiritus; quid est magnum [*Ms.* et *Beda*, magni est] Filius Dei, quod in ipso manere Spiritus astruatur? Notandum quoque quod semper in Domino manserit Spiritus sanctus: in sanctis autem hominibus, quandiu mortale corpus gestaverint, partim maneat in eternum, partim redditurus secedat. Manet quippe apud eos, ut bonis insistant actibus, voluntariam paupertatem diligenter mansuetudinem sequantur [*Beda*, consequantur], pro æternorum desiderio lugeant, esuriant, et sitiunt justitiam, misericordiam, munditiam cordis, et tranquillitatem pacis amplectantur. Sed et pro observatione justitiae, persecutionem pati non vereantur, eleemosynis, orationibus, et jejuniis, ceterisque spiritualibus [*Ms.* et *Beda*, *Spiritus*] 477 fructibus insistere desiderent. Recedit autem ad tempus, ne semper infirmos curandi, mortuos suscitandi, leprosos mundandi, dæmones ejiciendi, vel etiam prophetandi possint habere virtutem. Manet semper, ut mirabiliter ipsi vivant: venit ad tempus, ut etiam alii per miraculorum signa, quales sint intuitus, effulgeant.

D VERS. 34. — *Ego, inquit, vidi et testimonium perhibui, quia hic est Filius Dei.* Supra dixerat: *Post me venit vir, qui ante [me] factus est: nunc testimonium perhibet, quia hic est Filius Dei:* utriusque naturæ veritatem, et humanæ videlicet et divinæ, in una eademque Christi persona, manifeste designans. Ereboscet Manichæus, audiens: *Venit vir.* Conticescat Photonus, audiens: *Hic est Filius Dei.* Audiant mansueti et letentur, quia venit vir post Joannem, fortior Joanne, qui baptizat in Spiritu sancto, et quia hic est Filius Dei. Quia enim per superbiam recessimus omnes a Deo, Filius Dei per misericordiam factus est homo, ut idem ipse et per divinitatem Patri et per humanitatem congrueret nobis; ac per humanitatem nostræ similem pro nobis cum hostie confligere, per divinitatem Patri consubstantialem, ad imaginem nos Dei et similitudinem, quam peccando animus, posset digne recreare; [ut] per mortem ne-

* *Beda: Manet semper, ut possint habere virtutem, qua mirabiliter ipsi vivant.*

stre fragilitatis destrueret eum qui habebat mortis imperium, et per impassibilem suæ divinitatis potentiam reconciliaret nos Deo Patri ^a.

VERS. 35. — *Stabat Joannes et ex discipulis ejus dico. Stabat Joannes, quia credebat in Domino, et duo ex discipulis ejus; statim enim crediderunt, et secuti sunt Iesum ambularem.*

VERS. 36. — *Et respiciens Iesum ambularem. Debemus singula Scripturarum verba tractare, quare Joannes stans, et Jesus ambulans dicitur: Et aspiciens Iesum ambularem, dicit: Ecce agnus Dei. Lex dat testimonium: ecce agnus Dei, agnus immaculatus, agnus anniculus, agnus qui tollit peccata mundi, agnus qui exterminatorem Ægypti populum Israel persecutere non sinit. Ecce agnus Dei.*

VERS. 37. — *Et audierunt eum discipuli. Quare voluit dicere, ecce? Quando dicitur ecce, quodammodo ille qui ostenditur, dígito demonstratur. Dicit ergo ad discipulos suos: Quid me sequimini? Quid me putatis magistrum habere? Ecce agnus Dei. Illum sequimini, illum oportet crescere, me autem minui. Nemo prudentum eum qui minuitur, sequitur, et relinquit eum qui crescit. Et audierunt eum duo discipuli loquentem magistrum: Magistri imperium sunt secuti. Testimonium Joannis fides est discipulorum. Et secuti sunt Iesum. Sequentes Iesum, reliquerunt Joannem; sequentes Evangelium, Legem aniserunt. Sic tamen secuti sunt Evangelium, ut testimonio querentur e Lege. Conversus autem Jesus, et videns eos. Discipuli Joannis cominus, et coram, et antecessu Iesum videre non poterant, sed tergum illius sequebantur ut viderent. Ergo [illi] discipuli faciem Domini videre non poterant. Convertit se et quodammodo de sua majestate descendit, ut possent discipuli contemplari faciem illius: convertit se ut ex Lege a discipulis cerneretur.*

VERS. 38. — *Conversus autem et videns eos sequentes dixit: Quid queritis? Non quasi ignorans interrogat; sed interrogat, ut mercedem habeant respondentes. Quid queritis? Nec dixit quem queritis, ne se videretur ostendere. Quid queritis? Rem interrogat, ut illi personam significant. Quid queritis? Qui dixerunt ei: Rabbi. Ipsa appellatio responsonis iudicium est fidei. Quando enim dicunt Rabbi, quod intelligitur magister, et sequuntur eum, utique magistrum sequuntur et dicunt:*

VERS. 39. — *Ubi habitat? Dicit eis: Venite et vide. Voleunt habitaculum nosse Jesu, volunt sibi ostendi qualam habitationem habeat Salvator, ut cum ille ostenderit in quibus Christus habitet, tales se exhibeant, in quibus Dominus possit habitare. Et dixit eis: Venite et vide. Vultis videre habitaculum meum? Sermone explicari non potest, opere demonstratur. Venite et vide. Isti 478 quia de testimonio legis venerant, qui [Forte, Isti, qui a testimonio . . . venerant, statim] statim in ipso nomine confiduntur, et dicunt: Rabbi, quod interpretatur magister. Jesus autem respondit eis, et dixit:*

^a Huc usque ex Beda.

A Vos autem, qui discipuli estis Joanois, qui ex ipso nomine confessionem vestram demonstratis, et dicitis: Rabbi, venite et vide [Ms. add. ubi maneo].

Venerunt et viderunt ubi maneret, et apud eum manserunt die illo. Quia credebant, non in nocte manserunt, sed in die. Nox illa tenebras non habebat, ubi erat fides veri luminis. Et apud eum manserunt die illo. Hora erat quasi decima. Ex Lege veniebant ad Evangelium; ad fidem Christi mittebat illos legis decalogus, qui per Joannem significabantur.

CAPUT III.

Quod ex duobus Joannis discipulis, qui secuti fuerant Dominum, unus Andreas adduxit fratrem suum ad Iesum, qui Petrus ab ipso nuncupatur. Philippus quoque vocatus Nathanaeli indicat. Qui mox inter cetera Dei Filium confitetur. Hinc Jesus aquam convertit in vinum, creduntque in eum discipuli ejus.

VERS. 40. — *Erat autem Andreas frater Simonis Petri, unus ex duobus, qui audierant a Joanne, et secuti fuerant eum. In fide non est ordo: ubique fidelis est anima, ibi annorum multitudo non queritur, nec paucitas. Andreas minor erat Simone Petro, et tamen non queritur ætatis ordo, sed fidei: Jesum primus inventit. Erat autem Andreas frater Simonis Petri, unus ex duobus. Nisi forte et haec dignitas est Andreæ, quia Petri appellatur frater, super quem erat fundata [Ms., postea fundanda] Ecclesia. Qui audierant a Joanne, et secuti fuerant Dominum.*

C **VERS. 41.** — *Invenit hic primum fratrem suum. O vera pietas! statim ut invenit Iesum, statim ut invenit margaritam, statim ut invenit thesaurum, fratris nuntiat. Fratrem suum Simonem vocat; fratrem, non tam sanguine quam spiritu. Quem fratrem habebat germanitate, et sanguine, voluit habere et fide germanum. Et dicit ei: Invenimus Messiam. Nemo invenit, nisi qui querit. Iste qui invenisse se dicit, ostendit, quia diu quæsivit. Invenimus Messiam, quod est interpretatum Christus. Diu quæsivimus Christum in Moyse, et in omnibus prophétis; et quem invenire cupiebamus, ipse nos invenit, et inventi invenimus.*

D **VERS. 42.** — *Et adduxit eum ad Iesum. Non dignatur major minorem sequi, quia non erat ordo ætatis, ubi erat meritum fidei. Intuitus autem Jesus eum dixit: Tu es Simon filius Jona: tu regaberis Cœphas, quod interpretatur Petrus. Necdum aliquid Petrus fecerat, et jam meruit nomen mutari [Ms., mutare]. Nunquid plus ab Andrea crediderat? Quid maior fecit, ut a fratre plus acciperet? [Quid maior fecerat?] Minorem fratrem secutus est, et quem habebat discipulum, non dignatus est habere magistrum. Tu es Simon filius Jona. Jona lingua nostra dicitur columba. Tu es ergo filius Jona, tu es filius Spiritus sancti. Filius ergo dicitur Spiritus sancti, quia humilitatem de Spiritu sancto accepérat.*

VERS. 43. — *In crastinum voluit exire in Galileam. In crastinum, inquit, voluit Jesus exire in Galileam,*

et invenerit Philippum, et dicit ei : Sequere me. « Jam patet ex superioribus, unde voluerit Jesus exire in Galileam, videlicet a Judea, ubi erat Joanpes baptizans, et testimonium illi perhibens, quod esset agnus Dei. Duos ex discipulis suis ad eum sequendum provocavit, e quibus unus Andreas, ad illum etiam fratrem Petrum adduxit. Patet juxta sensum spiritalem, et crebra expositione vestre fraternitati jam cognitum est, quid ait Dominum sequi [Ms., quod Dominum sequitur?]. Sequitur namque Dominus, qui imitatur; sequitur Dominum, qui quantum fragilitas humana patitur, ea quae in homine monstrat Filius Dei, humilitatis exempla non deserit; sequitur Dominum, qui socius passionem existenda, ad consortium resurrectionis ejus, et ascensionis **479** pertingere sedulus exoptat. Sed non sive certi ratione mysterii refertur, quod dicturus est Philippo Iesu, *sequere me. Voluis exire in Galileam.* Galilee namque transmigratio facta, vel revolutione interpretatur. In eo quippe quod transmigratio facta dicitur, profectum fidelium designat: quod [vel] de vitiis ad virtutum celsitudinem transmigrare, vel in ipsis virtutibus paulatim proficere, ac de minoribus ad majora quotidie subire contendunt, quousque de hac convalle lacrymarum ad arcem letitiae ecclesie, Domino auxiliante, perveniant; in eo autem, quod revelationem sonat, ipsam vitam aeternam beatitudinem, pro qua in presenti sancti laborant, insinuat. Cujus utramque interpretationem nominis Psalmista uno versiculo comprehendit, ubi ait: *Ambulabunt de virtute in virtutem, videbitur Deus Deserum in Sion* (Psal. lxxxiii, 8). Hoc est namque via, de qua dicit Apostolus: *Nos autem revelata facia gloriam Domini speculantes, in eamdem imaginem transformamur, a gloria in gloriam, tanquam a Domini spiritu* [Al., a Domino presenti] (II Cor. iii, 18). Bona ergo vocaturus ad sequendum se discipulum, Jesus voluit exire in Galileam, id est, in transmigrationem factam, sive revelationem, ut videlicet [sicut] ipse teste Evangelio proficiebat sapientia et scientia, et gratia apud Deum et homines (Luc. ii, 52); sicut passus est et resurrexit, et ita intravit in gloriam suam: sic etiam suos sequaces ostenderet proficere virtutibus, ac per passiones transitorias ad aeternorum dona gaudiorum transmigrare debere. Sequitur:

Vers. 44. — *Erat autem Philippus a Betsaida, civitate Andreae et Petri.* Non est putandus evangelista fortuito et absque ratione mystica nomen civitatis, de quo esset Philippus, et quod eadem Andreæ quoque et Petri esset, voluisse monstrare: sed per nomine civitatis typice, qualis tunc iam animo Philippus, qualis officio esset futurus, quales etiam Petrus et Andreas, ostendere curasse. Betsaida quippe domus venatorum dicitur, et venatores utique erant futuri, qui audiebant a Domino: *Venite post me, et faciam vos fieri pescatores hominum* (Math., iv, 19). Venator et ille, qui et antequam ad prædicationis officium

ordinaretur a Domino, quantum capiendis ad vitam animabus esset intentus, mox sponte prædicando monstravat.

Vers. 45. — *Invenit enim Nathanael, et dicit ei : Quem scripsit Moses in lege, et prophetæ, invenimus Iesum filium Joseph a Nazareth.* [Videamus] quantum rete Rdei, quam capacibus devotæ prædicationis miraculis [Ms., miraculis] intextum invento fratri circumdet, quem ad aeternam cupit providus captare salutem. Illum diebat invenit, quem Moses et prophete venturum suis scriptis signaverunt, ut cunctis sequentibus intelligatur quod ipse sit cuius adventui præconando universa veterum scripta serviant [Al., servierint]. Iesum nuncupat, quod nomen Christi futurum, prophetarum oracula concinabant. Filium Joseph appellat, non ut hunc ex conjunctione maris et semina natum asseveret, quem de virginie nasciturum in prophetis didicerait, sed ut de domo ac familia David, unde Joseph ortum noverat, secundum vaticinia prophetarum, eum venisse doceret. Neque enim mirandum si Philippus eum filium Joseph vocet, cum et ipsa genitrix illius intemerata semper Virgo Maria, quæ virum non noverat, consuetudinem vulgi sequens sic locuta legatur: *Fili, quid facisti nobis sic?* Ecce pater tuus et ego dolentes queremus te (Luc. ii, 48). Addit et patriam a Nazareth, ut ipsum esse signaret de quo legerat in prophetis, quoniam Nazareus vocabitur. Non ergo mirum si mox ad consensem credendi ac veniendo ad Christum captavit Philippus Nathanael, cui tantas undique veritatis casas pretendit. Quem scripsit Moses in lege, et prophetæ, invenimus Iesum filium Joseph a Nazareth. Neque immerito a Betsaida, id est, domo venatorum oriundus asseritur, qui tantam Deo dilectæ venationis curam pariter, et gratiam accepisse monstratur. Nam sequitur:

Vers. 46. — *Et dicit ei Nathanael : A Nazareth potest aliquid boni esse?* Nazareth, munditia sive flos ejus, aut separata interpretatur. Annuntia ergo verbis evangelizantis sibi Philippi Nathanael, a Nazareth, inquit, potest aliquid boni esse? Ac si patenter dicat: Potest fieri, ut a civitate tanti nominis aliquid summae gratiae nobis oriatur, vel ipse videlicet mundi Salvator Dominus, qui singulariter **480** sanctus est, innocens, impollutus, segregatus a peccatoribus, qui que loquitur in Cantico cantorum: *Ego flos campi, et lilyum convallium* (Cant. ii, 1). Et de quo Propheta: *Exiit, inquit, virga de radice Jesse, et Nazareus, id est, flos de radice ejus ascendet* (Iose. xi, 1). Vel certo aliquis doctor eximus, qui florem nolis virtutum mundianaque sanctitatis prædicasse sit missus. Possimus hunc locum et ita recte intelligere, quod dicente Philippo: *Quem scripsit Moses in lege et prophetæ, invenimus Iesum filium Joseph a Nazareth,* Nathanael cetera quidem bene intellexerit, miratus sit autem quomodo a Nazareth Christum venisse dixerit, quem de domo David, et de Bethelem civitate, ubi erat David, venturum prophetæ can-

* Beda, hom. 4.

bant; adeoque admirando responderit: *a Nazareth?* A sed continuo reminiscens quantum etiam vocabulum Nazareth mysteriis Christi congrueret, cante assenserit prædicanti; *Potest, inquiens, aliquid boni esse.* Utrique autem sensui potest convenire quod sequitur:

Dicit ei Philippus, veni et ride. Ipsum namque ventre et videre monebat, ut si quid ei verbo [Beda, ad verba] prædicantis ambigui in corde resedisset, totum hoc visio et allocutio præsens ejus quem predicabat, abstergeret. Nec distulit pius auditor prædicatum sibi lumen veritatis sollicite querendo ac pie pulsando, ut percipere mereretur, insistere. Unde mox Dominus satiare in bonis desiderium ejus accelerans, salutaria ejus copta provida laudatione remunerat, ut hunc paulatim ad altiora querenda simul et capienda provehat.

VERS. 47. — *Vidit namque eum renientem ad se, et dicit de eo: Ecce vere Israelita, in quo dolus non est.* Ubi notandum quod laudans hominem qui novit corda Deus, non eum absque peccato, sed absque dolo exstissee confirmat. Non est enim homo justus in terra qui faciat bonum et non peccet: multi autem sine dolo incessisse, id est, simplici et mundo corde conversati esse leguntur: imo etiam cuncti fideles tales vivere docentur, dicente Scriptura: *Sentile de Domino in bonitate, et in simplicitate cordis querite illum* (Sap. 1, 1). Et ipse Dominus: *Estote, inquit, prudenter sicut serpentes, et simplices sicut columbae* (Math. x, 16). Talis erat exemplar patientiae Job, de quo scriptum est: *Erat autem rur ille simplex et rectus* (Jot. 1, 1). Talis Jacob patriarcha, de quo scriptum est: *Jacob, vir simplex, habitabat in tabernaculo* (Gen. xxv, 27); qui quoniam puritate conscientiae simplicis videre Deum meruit, etiam Israel, id est vir videns Deum, appellatus est. Talis iste Nathanael, quem Dominus ob parilitatem innoxiae conversationis ejusdem patriarchæ meritis simul et nomine dignum dicit, *Ecce, inquiens, vere Israelita, in quo dolus non est.* Ecce qui vere a patriarcha Deum vidente genus ducit, cui, sicut et ipsi patriarchæ, doli duplicitas nulla inesse probatur. O quam pulchrum auspicium veniendi [Beda, venienti] ad Dominum, et videre illum cupient! *Ecce vere Israelita, in quo dolus non est. Beati mundo corde, quoniam ipsi Deum videbunt* (Math. v, 8). Et hic videre Deum desiderans, non ab alio, sed ab ipso, qui scrutatur renes et corda, Deo mundus corde laudatur, et Israelita, id est, a viro Deum videnti generatus, astruitur. O quam magnus nobis quoque, qui de gentibus ad fidem venimus, in hac sententia nostri Redemptoris spiritus [Beda, quam magna spes] aperitur salutis. Si enim vere Israelita est qui doli nescius incedit, jam perdidere Judæi nomen Israelitarum, quamvis carnaliter [nati] de Israel, quotquot doloso corde a simplicitate patriarchæ sui degeneraverunt; et adsciti sumus ipsi in semen Israelitarum, qui quamlibet aliis de nationibus genus carnis habentes, fide tamen veritatis et munitia corporis ac mentis vestigia se-

quimur Israel, juxta illud Apostoli: *Non enim omnes qui ex Israel, hi sunt Israelitæ; neque qui semen sunt Abraham, omnes filii: sed in Isaac vocabitur tibi semen* (Rom. ix, 6). Id est, non qui filii carnis, hi filii Dei; sed qui filii sunt recompromissionis, testimontum in semine. Seqnitur:

VERS. 48, 49. — *Dicit ei Nathanael: Unde nosci? Respondit Jesus et dixit ei: Præsumam te Philippus vocaret, cum essem sub sicu, vidi te. Respondit ei Nathanael et ait: Rabbi, tu es Filius Dei, tu es rex Israel.* Quia cognovit Nathanael vidiisse et nosse Deum [Ms. et Beda, Dominum] quæ alio in loco gererentur, id est, quomodo et ubi vocatus sit a Philippo, cum ipse ibi corporaliter non esset, divince hic majestatis intuitum 481 considerans, protinus eum non solum Rabbi, id est magistrum, sed et Filium Dei ac regem Israel, id est Christum, confessus est. Et libet intueri quam prudens laudantis servi confessio respondeat Domino [Ms. et Beda, laudanti Domino confessio respondeat servi]. Hic hunc vere Israelitam, id est virum qui Deum videre posset, eo quod dolum minime haberet, astruxit; iste eum non magistrum tam ummodo, qui utilia præciperet, verum etiam Filium Dei, qui cœlestia dona tribueret, et regem Israel, id est populi Deum videntis, religiosa devotione fatetur: ut hac confessione suum quoque hanc regem, et se ejus regni militem significet. Potest etiam Domini haec sententia, qua-dixit se Nathanael, priusquam vocaretur a Philippo, cum esset sub sicu, vidisse, super electione spiritualis Israel, id est populi Christiani, mystice intelligi, quem Dominus needum se videntem, needum per apostolos ejus ad fidei gratiam vocatum, sed sub tegmine adhuc peccati prementis abditum, misericorditer videre dignatus est. I'auio attestante, qui ait: *Qui benodixit nos in omni benedictione spirituali, in cœlestibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in charitate* (Ephes. 1, 3). Et quidem fici arbor aliquando in Scripturis dulcedinem supernæ dilectionis insinuat; unde scriptum est: *Qui servat sicum, comedet fructum ejus: et qui custos est Domini sui, glorificabitur* (Prov. xxvi, 18). Sed quia primi parentes nostri, reatu prævaricationis confusi, de fici sibi foliis succinctoria fecerunt (Gen. iii), potest arbor fici non incongrue male dulcoratam generi humano consuetudinem peccandi signare, sub qua positos adhuc electos suos, sed needum electionis sue gratiam cognoscentes, quasi sub sicu constitutum, nec se jam videntem, Dominus videt Nathanael; *novit enim Dominus, qui sunt ejus* (I Tim. ii, 19). Quorum salvationi ipsum quoque nomen Nathanael aptissime convenit; Nathanael namque donum Dei interpretatur, et nisi dono Dei quisque vocatus fuerit, nunquam reatum primæ transgressionis, nunquam male blandientia augescantium quotidie peccatorum umbracula evadit, nunquam salvandus venire meretur ad Christum. Unde dicit Apostolus: *Gratia enim estis salvati per fidem, et hoc non ex robis Dei donum est: non ex operibus,*

ne ne quis glorietur (Ephes. ii. 8, 9). Sequitur :

VERS. 50. — *Respondit Jesus et dixit ei : Quia dixi tibi : Vidi te sub fico, credis ; magus his videbis.* [Quid sit magus] de quo dicit, ipse subsequenter aperit, futuram credentibus spondendo apertio[n]em regni cœlestis, et prædicandam mundo utramque unius suæ naturam personæ, quod revera multo excellentius est arcanum, quam quod nos in peccati adhuc umbra positos a se illuminandos prævidit. Majus est enim quod nos salvatos gratia suæ cognitionis imbuit, quod cœli nobis gaudia pandit, quod prædicatores suæ fideli in mundo dispersit, quam quod nos salvandos potentia suæ majestatis ante saecula præscivit.

VERS. 51. — *Amen, amen dico vobis, videbitis cœlum apertum, et angelos dei ascendent[es] et descendentes supra filium hominis.* Jam completum cernimus promissi hujus effectum. Videmus etenim cœlum apertum, quia postquam cœlum Deus homo penetravit, etiam nō nisi in eum credentibus, supernæ patriæ patesfactum cognoscimus ingressum [At., introitum]. Videmus angelos Dei ascendent[es] et descendentes supra filium hominis, quia prædicatores sanctos novimus sublimitatem divinitatis Christi simul et humanitatis ejus insirma nuntiare. Ascendunt super filium hominis angeli, cum docent prædicatores, quia in principio erat Verbum, et Verbum erat apud Deum, et Deus erat Verbum (Joan. i, 1). Descendunt super filium hominis angeli, cum adjungunt idem [Ms., id est], quia Verbum caro factum est, et habitavit in nobis. Neque immerito prædicatores sancti typice angeli vocantur, quibus consuete derivatum ab angelis nomen evangelistarum conceditur; ut sicut hi nuntii, ita et illi propter idem summæ prædicationis officium, boni nuntii cognominentur. Et notandum quod Dominus seipsum filium hominis nuncupat : Nathanael cumdem Filium Dei prædicat. Cui simile est quod apud alios evangelistas ipse discipulos interrogat : *Quem dicunt homines esse filium hominis ? At illi dixerunt : Alti Joannem Baptizatam, alii Eliam, etc.* Dicit illis Jesus : *Vos autem quem me esse dicitis ?* Respondit Simon **482** Petrus : *Tu es Christus Filius Dei rivi* (Math. xvi, 13-16). Et quidem justæ dispensatio[n]is moderamine actum est ut cum utraque ejusdem mediatoris Dei et Domini nostri vel ab ipso Domino vel ab homine puro esset commemoranda substantia, Deus homo fragilitatem assumptæ a se humanitatis purus homo virtutem æternæ in eo divinitatis asserueret : ipse suam humilitatem, ille ejus fateretur altitudinem. Notandum quippe etiam quod Dominus, qui beatum Nathanael vere Israelitam nuncupat, in hoc quoque verbo quo ait : *Videbitis cœlum apertum, et angelos Dei ascendent[es] et descendentes super filium hominis* (Joan. i, 33), visionem Jacob patriarchæ (Gen. xxviii), qui per benedictionem vocatus est Israel, ad memoriam reducit. Is namque eum, volens in quoddam loco requiescere, lapidem capitii suo sup-

A posuisset, vidit in somnis scalam stantem super terram, et cacumen illius tangens cœlum ; angelos quoque Dei ascendent[es], et descendentes super eam, et Dominum innixum scalæ dicentem sibi : *Ego sum Deus Abraham patris tui, et Deus Isaac* : surgensque mane debito cum pavore laudes Domino referens, tulit ipsum lapidem, et erexit in titulum, fundens oleum desuper. Hujus ergo loci Dominus facit mentionem, et de se ac suis fidelibus figuratum manifestissime testatur ^a.

CAP. II, VERS. 1. *Et die tertio nuptiæ factæ sunt in Cana Galilææ, et erat mater Iesu ibi* ^b. Nec vacat a mysterio quod die tertio, post ea quæ superior [Ms., superiorius] sermo Evangelii descriperat, nuptiæ factæ referuntur. Sed tertio tempore saeculi Do- B minum ad aptandum sibi Ecclesiam venisse designat. Primum quippe saeculi tempus ante legem patriarcharum exemplis, secundum sub lege Prophetarum scriptis, tertium sub gratia præconii evangelistarum, quasi tercia diei Ince mundo resulsi, in quo Dominus et Salvator noster, pro redemptione generis humani in carne natus apparuit. Sed et hoc quod in Cana Galilææ, id est in zelo transmigrationis perpetrata, eadem nuptiæ factæ perhibentur, typice denuntiat, eos maxime gratia Christi dignos existere, qui zelo fervoris ac pia devotionis [Beda, qui zelo servare pia devotionis], et æmulari charismata majora, ac de vitiis ad virtutes, bona operando, de terrenis ad æterna norunt sperando et amando transmigrare. Discubente autem ad nuptias Domino vinum defecit, ut, vino meliore per ipsum mirabili ordine facto, manifestaretur gloria latentis in homine Dei, et credentium in eum fides aucta proficeret. Quod si mysterium novimus [Ms. et Beda, querimus], apparente in carne Domino, merita illa legalis sensus suavitas paulatim cooperat, ob carnalem Pharisæorum interpretationem, a prisca sua virtute desicere. Qui mox ea, quæ carnalia videbantur, mandata ad spiritalem convertit doctrinam, cunctaque litteræ legalis superficiem evangelica cœlestis gratiæ virtute mutavit, quod est vinum fecisse de aqua. Sed primo videamus quid sit quod, deficiente vino, dicit [Beda, cum. . . diceret] mater Iesu ad eum :

D VERS. 3, 4. — *Vinum non habent. Respondit : Quid mihi et tibi est, mulier ? Nondum venit hora mea.* Neque enim matrem suam in honorearet, qui nos jubet honorare patrem et matrem ; aut eam sibi esse matrem negaret, ex cuius carne virgine [Ms., virginem] carnem suscipere non despexit, Apostolo etiam testante, qui ait : *Qui factus est ei ex semine David secundum carnem* (Rom. i, 3). Quomodo enim ex semine David secundum carnem, si non ex corpore Mariæ secundum carnem, que ex David semine descendit ? sed in eo quod, miraculum facturus, ait : *Quid mihi et tibi est, mulier ?* significat se divinitatis, qua miraculum erat patrandum, non principium tem-

^a Hucusque ex homilia Bedæ citata.

^b Ex homilia Bedæ in Dominica secunda post Epiphaniam.

poraliter accepisse de matre, sed aeternitatem semper habuisse de Patre. *Quid mihi, inquit, et tibi est, mulier?* Nondum venit hora mea. Quid divinitati, quam ex Patre semper habui, cum tua carne, ex qua carnem suscepi, commune est? Nondum venit hora ut fragilitatem sumptus ex te humanitatis moriendo demonstrem. Prius est ut potentiam aeternae deitatis virtutes operando patesciam. Veniet autem hora ut quod sibi et matri commune esset, ostenderet, cum eam moriturus in cruce discipulo virginis virginem commendare curavit. Carnis namque infirma perpessus, matrem, de qua haec susceperebat, pie cognitam, eidem, quem maxime diligebat, discipulo commendavit: quam, divina facturus, quasi incognitam se nosse dissimulat, quia hanc **483** divinæ nativitatis auctricem non esse cognoscit. Ilujus vero [Al., ergo] horæ dominus in cruce pendens commemorat, cum dixit [Ms., commemorans dixit] matri: *Mater, ecce filius tuus;* quasi dixisset: ecce hoc quod ex te sumpsi modo ostenditur, moriendo quidem; quæ tamen natura postmodum clarificanda erat in resurrectionis gloria.

Vers. 5. — *Dixit mater ejus ministris: quodcumque dixerit vobis, facite.* Sciebat quidem mater ejus humanitatem filii sui, licet quoquomodo videtur [Ms., hoc modo videretur] negatum quod poscebat, mater tamen sciebat pietatem filii, quod non esset negaturus [Ms., negare noluit] quod petebatur: ideo fiducialiter mandavit ministris ut manda implerent filii jubentis.

Vers. 6. — *Erant autem lapidea hydriæ sex positoræ, secundum purificationem Iudeorum, capientes singulæ metretas binas vel ternas.* Hydriæ vocantur vasa aquarum receptui parata, Græce enim aqua ὕδωρ dicitur. Aqua autem Scripturæ sacrae scientiam designat, quæ suos auditores et a peccatorum sorde abluere et divinæ cognitionis solet fonte potare. Vasa sex quibus aqua continebatur, corda sunt devota sanctorum, quorum perfectio vita et fidei ad exemplum recte credendi ac vivendi proposita est generi humano per sex saeculi labentis aetates, id est, usque ad tempus Dominicæ prædicationis [Beda, passionis]. Et bene lapidea sunt vasa, quia fortia sunt precordia justorum, ut pote illius fidei et dilectione lapidis solidata quem vidit Daniel præcium de monte sine manibus, factumque in montem magnum, et implesse omnem terram (Dan. ii, 34). Et de quo dicit Zacharias: *In lapide uno septem oculi sunt* (Zach. iii, 9), id est, in Christo universitas scientiae spiritalis inhabitat; cuius et apostolus Petrus meminit ita dicens: *Ad quem accedentes lapidem virum, et ipsi tanquam lapides vivi superadiscamini* (I Petr. ii, 4). Bene secundum purificatiōnem Iudeorum [Beda add. tantum] positæ erant hydriæ, quia Iudeorum tantum populo lex per Moysen data est; nam gratia et veritas Evangelii non minus gentibus quam Iudeis per Jesum Christum facta est. *Capientes,* inquit, *singulæ metretas binas vel ternas.* Quia Scripturæ sanctæ auctores et mi-

A nistri prophetæ, modo de Patre tantum loquuntur et Filio, ut est illud: *Omnia in sapientia fecisti* (Psal. ciii, 24), virtus enim Dei et sapientia Christus est: modo etiam Spiritus sancti faciunt mentionem, juxta illud ejusdem Psalmographi: *Verbo Domini cœli firmati sunt, et spiritu oris ejus omnis virtus eorum* (Psal. xxxii, 6). Verbum, Dominus, et Spiritus, tuncunque unus Deus est intelligendus in Trinitate [Ms. et Beda, Verbum, Dominum, et Spiritum totam, quæ unus Deus est, intellige Trinitatem]. Sed quantum inter aquam et vinum, tantum distat inter sensum illum quo Scripturæ ante adventum Salvatoris intelligebantur, et eum quem veniens ipse revelavit apostolis eorumque discipulis perpetuo sequendum reliquit. Et quidem potuit Dominus vacuas implere

B hydrias vino, qui in exordio mundanæ creationis cuncta creavit ex nihilo; sed maluit de aqua facere vinum, quo typice doceret, non se ad solvendam iusprobandomque, sed ad implendam potius legem prophetasque venisse, neque alia super [Beda, se per] evangelicam gratiam facere et docere quam quæ legalis et prophetica Scriptura eum facturum docturumque signaret. Videamus ergo sex hydrias Scripturarum aqua salutari repletas, videamus eamdem aquam in suavissimum vini odorem gustumque conversam. In prima aetate saeculi, Abel justum frater invidens occidit (Gen. iv), et ob hoc ipse perpetua martyrii gloria beatus, etiam in evangelicis et apostolicis litteris justitiae laudem accepit (Matth. xxiii, Luc. xi). Fratricida vero impius aeterea maleficitionis poenas luit. Quicunque his auditis, metuentes [Beda, metuunt] cum impiis damnari, capientes benedici cum piis, omnem odiorum et invidiarum somitem abiciunt, Deo placere per sacrificium justitiae; modestiae et innocentiae, virtuteque [Ms., modestiam, innocentiam, virtutem] patientiae currant, vas profecto aquæ in Scriptura invenerunt, unde salubriter abluti potatique gaudent. Sed si intellexerint in Cain homicidam Iudeorum esse perfidiam; occisionem Abel passionem esse Domini Salvatoris; terram, quæ aperuit os suum et suscepit [ejus] sanguinem de manu Cain, Ecclesiam esse, quæ effusum a Iudeis Christi sanguinem in mysterium suæ redēptionis accepit; nimirum aquam in vinum mutatam reperint [Beda, repererunt], quia sacra dicta legis sacratius intelligunt. Secunda aetate saeculi inchoante, delctus est aquis diluvii mundus, ob peccatorum magnitudinem; sed solus Noe per justitiam cum domo sua liberatus in arca (Gen. viii). Hujus plagæ **484** audita vastatione horribili, paucorumque liberatione mirabili, quisquis emundatus vivere coepit, liberari desiderans cum electis, timens exterminari cum reprobis, hydriam profecto aquæ, qua mundetur vel resticiatur, accepit. At dum altius sapere [Beda, altius respicere] coepit, et in arca Ecclesiam, in Noe Christum, in aqua diluviente peccatores aquam baptismi quæ peccata diluit, in hominibus et in animalibus quæ arca continebat, multisariam baptizatorum differentiam, in columba,

D C aetate saeculi inchoante, delctus est aquis diluvii mundus, ob peccatorum magnitudinem; sed solus Noe per justitiam cum domo sua liberatus in arca (Gen. viii). Hujus plagæ **484** audita vastatione horribili, paucorumque liberatione mirabili, quisquis emundatus vivere coepit, liberari desiderans cum electis, timens exterminari cum reprobis, hydriam profecto aquæ, qua mundetur vel resticiatur, accepit. At dum altius sapere [Beda, altius respicere] coepit, et in arca Ecclesiam, in Noe Christum, in aqua diluviente peccatores aquam baptismi quæ peccata diluit, in hominibus et in animalibus quæ arca continebat, multisariam baptizatorum differentiam, in columba,

quæ post diluvium ramum olivæ intulit in arcam, **A** quo baptizati imbuuntur, intellexerit, vinum profecto de aqua factum libat [Beda, factum miratur]; quia in veteris historia facti [Ms., historiæ factis] suam ablutionem, sanctificationem, justificationem prophetari contemplatur. Tertia sæculi ætate, Deus tentans obedientiam Abrahæ, filium unicum, quem diligebat, in holocaustum sibi offerre præcepit (*Gen. xxii*). Non differt Abraham facere quæ jubetur, sed pro filio immolatur aries; ipse tamen, pro obedientiæ virtute eximia, perpetua benedictionis hereditatem donatur. Ecce habes hydriam tertiam. Audiens enim quanta virtus obedientiæ [quanta] mercede remuneretur, et ipse obedientiam discere atque habere satagit: quod si in immolatione filii unici dilecti passionem ejus intelligis de quo dicit Pater: *Hic est Filius meus dilectus, in quo mihi complacui* (*Matth. xvii, 5*), in qua quia, divinitate impassibili permanente, sola humanitas mortem passa est et dolorem, quasi filius offertur, sed aries mactatur. Si intelligis benedictionem quæ promissa est Abrahæ, in te, qui de gentibus credis, munus esse completum, nimirum de aqua vinum fecit tibi, quia spiritalem sensum, cuius nova fragrantia debriaris [Ms., ebriaris; Beda, ineibriaris], aperuit. Quartæ ætatis initiosis, David pro Saule regnum Israëliticæ gentis sortitur, humiliis innocens et mitis, exsul: porro ille, cuius injusta diu persecutione cruciabatur, abjectus est [Beda, exsul pro illo cuius injusta diu persecutione cruciabatur]. Ecce hydria quarta fonte salutari repleta. Quisquis hæc audiens humiliati atque innocentia studere, et superbiam cœperit atque invidiam suo de corde repellere, quasi haustum aquæ limpidissimæ, quo reficiatur, invenit. At si in Saule Judæos persequentes, in Davide Christum et Ecclesiam significare cognoverit, illorumque perfidia [Beda, ob perfidiam], et carnale simul imperium et spiritale destructum, Christi autem et Ecclesiæ regnum semper esse mansurum, poculum utique vini [Ms., non solum utique vinum] de aqua factum sentiet, quia se suamque vitam et regnum, sed et ipsum regem ibi scriptum legere novit, ubi prius quasi de aliis veterem legebat historiam. Quinta ætate sæculi, populus peccans, captivante [Beda, captivitate] Nabuchodonosor, Babyloniam transmigrat. Sed post septuaginta annos poenitens et correctus ad patriam per Jesum sacerdotem magnum reducitur, ubi dominum Dei, quæ incensa est, et civitatem sanctam, quæ destructa est, redificat. Hæc legens sive audiens quisque peccandi metum corripit, ad poenitendi remedium consurgit, aqua hydriæ purificantis ablysus est. Si vero intelligere didicerit Hierusalem et templum Dei Ecclesiam Christi, Babylonem confusione peccatorum, Nabuchodonosor diabolum, Jesum sacerdotem magnum, verum æternumque pontificem esse Jesum Christum, septuaginta annos bonorum plenitudinem operum, quæ per Spiritus sancti dona largiuntur, videlicet propter decalogum et septiformem ejusdem spiritus gratiam, videritque

B hoc quotidie fieri, alios nimirum a diabolo de Ecclesia peccando raptos, alios gratia Spiritus sancti per Jesum resipiscendo ac poenitendo reconciliatos [*Beda*, alii... raptis... reconciliatis], vinum de aqua factum habet, quia ad se pertinere quæ scripta sunt intelligens, magno mox compunctionis quasi musto incalescens, quidquid sibi peccati captivantis inesse deprehenderit [*Al.*, intellexerit], per Christi gratiam liberari deposit. Sexta inchoante sæculi ætate, Dominus in carne apparen, octava die nativitatis, juxta legem circumcisus est. Tricesima et tertia post hæc ad templum delatus, et legalia pro eo sunt munera oblata. Hæc intuentes ad litteram, aperte discimus quanta nobis diligentia sunt evangelicæ fidei subiecta mysteria, quando ipse benedictionem gratiae afferens, qui legem litteræ dedit, veterum primo ceremoniarum ritu consecrari, qui [*Beda*, quo] cuncta divinitus consecrat, et sic nova gratiae sacramenta suscipere simul et tradere curavit. Ecce hydria sexta, ad abluenda peccati **485** contagia, ad potanda vite gaudia, mundiorum ceteris afferens undam. Verum si in octava [*Beda*, octavi] diei circumcisione baptismus, quod in mysterium Dominicæ resurrectionis a peccatorum nos morte redemit, intelligis; in inductione in templum et oblatione, oblationem hostiæ purificantis figuratum cognoscis, fideles quosque [*Ms.*, in inductione in templum et oblatione hostiæ purificantis figuratum cognoscis, fideles quosque] de baptisterio ad altare sanctum ingredi, ac Dominicæ corporis et sanguinis victima singulari debere consecrari, vino quidem de aqua facto et quidem meracissimo donatus es. Porro si circumcisio **486** item ad generalem humani generis resurrectionem, quando mortalitatis propago cessabit, mortalitas vero tota in immortalitatè mutabitur, interpretaris; et circumcisos induci in templum cum hostiis intellexeris, quando post resurrectionem, universali expleto iudicio, sancti jam incorruptibiles facti, ad contemplandam perpetuo speciem divinæ majestatis cum bonorum operum muneribus intrabunt; tunc profecto vinum de aqua fieri videbis, cuius conditoris recte protesteris, et dicas: *Et poculum tuum inebrians quam præclarum est* (*Psal. xxi, 5*)! Ergo Dominus vinum in aqua [Al., in gaudio; Ms. et Beda, in gaudia] nuptiarum, non de nihilo facere voluit, sed hydrias sex impleri aqua præcipiens, hanc mirabiliter convertit in vinum, quia sex mundi ætates sapientia salutaris largitate donavit, quam tamen ipse veniens, sublimioris sensus virtute secundavit. Namque [*Beda*, Nam quo] carnales carnaliter tantum spiebant, ipse spiritualibus spiritualiter sentienda reseravit. Vultis scire qualiter de aqua vinum fecerit? Apparuit post resurrectionem suam duobus discipulis ambulantes in via, ibatque cum illis, et incipiens, a Moysè et omnibus prophetis, interpretabatur illis in omnibus Scripturis, quæ de ipso erant (*Luc. xxiv*). Vultis iterum audire quomodo eodem sint vino inebriati? Postmodum cognoscentes, quis esset qui eis verbum vite propinbat, dicebant ad invicem: *Nonna*

cor nostrum ardens erat in nobis, cum loqueretur in via, et aperiret nobis Scripturas?

VERS. 7. — *Dicit ergo ministris Jesus : Implete hydrias aqua. Et impleverunt eas usque ad sumnum. Quid per ministros qui hæc facere jubentur, nisi Christi signantur discipuli, qui impleverunt hydrias aqua? Non quidem ipsi præteritas mundi ætates legibus ac propheticis scriptis implendo, sed intelligendo ipsi prudenter et aperiendo fideliter : quia Scriptura, quæ a prophetis ministrata est, et salubris esset ad haustum sapientiae cœlestis et ad operum castigationem utilis. Impleverunt autem eas usque ad summum; quia recte intellexerunt nullum fuisse tempus seculi a sanctis alienum doctoribus, qui sive verbis, sive exemplis, sive etiam scriptis, viam vitæ mortalibus panderent.*

VERS. 8. — *Et dicit eis Jesus : Haurite nunc, et fert architriclino. Et tulerunt. Architriclinus aliquis legisperitus illius temporis est, fortasse Nicodemus vel Gamaliel, vel discipulus tunc ejus Saulus, nunc autem magister totius Ecclesiæ Paulus apostolus. Et dum talibus verbum evangelii creditur, quod in litera legis, et prophete [Ms., prophetæ; al., prophetia] latebat occultum, vinum utique architriclino de aqua factum propinatur ^a. Et bene in domo barum nuptiarum, quæ Christi et Ecclesiæ sacramenta figurarent, triclinium, id est, tres ordines discubentium, altitudine distantes [Al., distentos] inesse describuntur; quia nimirum tres sunt ordines fidelium, quibus Ecclesia constat : conjugatorum vi-*

^a *Hucusque Beda.
b* *Beda iterum.*

A delicit, continentium, et doctorum. Primus ordo discubentium ad nuptias sponsi cœlestis, id est, in Ecclesia fide et operatione gaudientium, gradus est conjugatorum fidelium. Secundus continentium. Supremus predictorum. ^c ^b Unde convenienter perhibetur, quod architriclinus vocato sponso dixerit : (VERS. 10) *Omnis homo primum bonum vinum ponit, et cum inebriati fuerint, tunc id, quod deterius est. Tu autem servasti bonum vinum usque adhuc. Quia doctorum est cognoscere distantiam Legis et Evangelii, veritatis et umbræ, cunctisque veteribus institutis, cunctis regni terreni promissis, novam evangelicæ fidei gratiam, et perpetua cœlestis patræ dona præferre [Beda, proferre].*

VERS. 11. — *Noc fecit initium signorum Jesus in Cana Galilææ, et manifestavit gloriam suam. Manifestavit hoc signo, quia ipse esset rex gloriae, et ideo sponsus Ecclesiæ, qui ut homo communis veniret ad nuptias, sed quasi [Ms., quia] cœli et terre Dominus, elementa, prout voluisse, converteret. Pulchra autem rerum convenientia. 486 Qui initio signorum quæ mortalis adhuc mortalibus erat ostensus, aquam convertit in vinum; ipse initio signorum, qui [Beda, quæ] immortalis jam per resurrectionem effectus, immortalis vitæ studia sola sectantibus ostenderet, carnalem prius, et quasi insipidam mentem eorum, sapore scientiae cœlestis imbuit: ^c post vere [Al., vero] resurrectionis gloriam, majori eos spiritualis gratiæ munere completurus.*

C

^c *Hucusque ex Beda.*

LIBER SECUNDUS.

CAPUT IV.

Appropinquante Pascha Iudeorum, ejicit vendentes, et ementes de templo.

Sequitur namque hujus prefati signi mirabile sacramentum, quomodo ipse Jesus cum matre et fratribus ascendisset Hierosolymam, et ibi invenisset vendentes et ementes in templo, eosque qualiter inde ejecerit, dicente evangelista :

VERS. 12, 13. — *Descendit Jesus Capharnaum, ipse et mater ejus, et fratres ejus, et discipuli ejus, ibique manserunt non multis diebus, et prope erat Pascha Iudeorum, et ascendit Jesus Hierosolymam. Bene autem evangelista ait, descendisse Jesum in Capharnaum. Capharnaum vero villa pulcherrima interpretatur, significans hunc mundum, quo Dominus noster Jesus Christus pro salute humani generis a paterna sede nunquam recedens descendisse dicitur. ^c Sed solet movere quosdam, quod in exordio lectionis hujus evangelicæ dictum est quia descendente Capharnaum Domino, non solum mater et discipuli, sed et fratres ejus seculi sunt eum. Nec defuere heretici qui Joseph virum beate semper virginis Marie pu-*

D tarent ex alia uxore genuisse eos, quos fratres Domini Scriptura appellat. Alii majore perfidia hos eum ex ipsa Maria, post natum Dominum, generasse putarunt. Sed nos, fratres charissimi, absque ullius scrupulo questionis, scire et consideri oportet, non tantum beatam Dei genitricem, sed et beatissimum castitatis ejus testem atque custodem Joseph, ab omni prorsus actione conjugali mansisse semper immutarem; nec hatos, sed cognatos eorum, more Scriptura usitato, fratres, sorores Salvatoris vocari. Deinde Abraham hoc modo loquitur ad Lot : *Ne quare sit iurgium inter me et te, et pastores meos et pastores tuos, fratres enim sumus* (Gen. xiii, 8). Et Laban ad Jacob : *Nam quia frater meus es, gratis serveis mihi* (Gen. xxix, 15)? Et quidem constat quia Lot filius Aran fratris Abrahæ fuit, et Jacob filius Rebekæ sororis Laban. Sed propter cognationem sunt fratres nuncupati. Hac ergo regula, in Scripturis sanctis, ut dixi, frequentissima, etiam cognatos Marie vel Joseph, fratres Domini appellatos oportet intelligi. Quod autem propinquante Pascha, Jesus ascendens Hierosolymam, nobis profecto dat exemplum quanta

^a *Ex Homil. 6 Ven. Beke.*

animi vigilantia Dominicis subjici debeamus imperiis, cum ipse in hominis infirmitate apparet, eadem, quæ ex divinitatis auctoritate statuit, decreta custodiat. Ne enim putarent servi, abeque crebris orationum bonorumque actuum victimis, vel flagella evadere, vel præmia se posse percipere, et ipse inter servos ad adorandum [Beda, ad orandum] immolan-dumque [Dei] Filius ascendit. Qui veniens Hierosolymam, quid ibi gerentes invenerit, quid ibidem ipse gesserit, videamus.

Vers. 14, 15. — *Et invenit, inquit, in templo vende-
tentes oves, et boves, et columbas, et nummularios
sedentes. Et cum fecisset quasi flagellum de funiculis,
opines ejecit de templo, oves quoque, et boves, et num-
mulariorum effudit as, et mensas subvertit.* Boves,
487 oves, et columbae ad hoc emebantur ut offer-
rentur in templo. Nummularii ad hoc sedebant ad
mensas, ut inter emptores vendidoresque hostiarum
prompta esset pecuniae taxatio. Videbantur ergo licite
vendi in templo, quæ ob hoc emebantur ut in eodem
templo offerrentur Domino. Sed nolens ipse Dominus
aliquid in domo sua terrene negotiationis, ne
eius quidem quæ honesta putaretur, exhiberi, dispu-
lit negotiatores injustos, et foras omnes simul cum
his quæ negotiabantur, ejecit. Quid ergo, fratres
mei, quid putamus faceret Dominus? Si rixis dissiden-
tes, si fabulis vacantes, si risu dissolutos, vel ajo
quolibet scelere reperiret irretitos? Qui hostias quæ
sibi immolarentur ementes in templo vidi, et elimi-
nare festinavit? Hæc propter illos diximus qui ec-
clesiam ingressi non solum intentionem orandi ne-
gligunt, verum etiam ea pro quibus orare debuerant,
augent; insuper et arguentes se pro hujusmodi stulti-
tua, conviciis odiisque, vel etiam detractionibus inse-
quuntur, addentes videlicet peccata peccatis, et quasi
funem sibi longissimum incauta eorum augmentatione
texentes, nec timentes ex eo districti judicis
examinatione damnari. Nam bis quidem in Evangelio
sancto legimus quod veniens in templo Dominus hu-
jusmodi negotiatores ejecerit; nunc videlicet, id est,
tertio ante passionem suam anno, sicut ex hujus
evangeliste sequentibus scriptis agnoscamus; et ipso
quo passus est anno, cum ante quinque dies Paschæ
sedens asino, Hierosolymam venisset. Sed et hoc
item eum in templo sanctæ Ecclesie examine quo-
tidiane visitationis agere, omnibus qui recte sapit, in-
tellexit. Unde multum tremenda sunt hæc, dilectissimi-
ni, et digno expavescenda timore; sedulaque pre-
cavendum industria, ne veniens improviso pver-
sum quid in nobis, unde merito flagellari, ac de Ec-
clesia ejici debeamus, inveniat. Et maxime in illa,
quæ specialiter dominus orationis vocatur, observan-
dom ne quid ineptum geramus, ne cum Corinthiis
auflamus ab Apostolo: Nunquid domos non habetis
ad agenda vel loquenda temporalia (*I Cor. xi, 22?*)
aut Ecclesiam Dei contemnitis? Et a Propheta cum

^a Hæc, quæ sequuntur, in collectaneis Anselmi
Lucensis apud Canisium Lect. Antiq. edit. Basnagii
tom. III, part. I, pag. 389, citantur et describuntur,

A Judæis: *Dilectus meus in domo mea facti sceleris
multa* (*Jer. xi, 15*). Et quidem gaudendum est, quia
ipsi sumus in baptismo templum Dei facti, testa
Apostolo, qui ait: *Tempium Dei sanctum est, quod
estis vos* (*I Cor. iii, 17*). Ipsi civitas regis magni, de
qua canitur: *Fundamenta ejus in montibus sanctis* (*Psal. lxxxvi, 1*), id est, fundamenta Ecclesie in so-
liditate fidei apostolorum et prophetarum. Sed non
minus [*Mss.*, n:mis] tremendum, quia præmisit Apo-
stolus dicens: *Si quis autem templum Dei violarit,
disperdet illum Deus* (*I Cor. iii, 17*). Et ipse judex
justus, *Disperdam*, inquit, *de civitate Domini omnes,
qui operantur iniquitatem* (*Psal. c, 8*). Gaudendum,
quia in nobis Paschæ solemnitas agitur, cum de vi-
tiis ad virtutes transire satagimus. Pascha quippe

B transitus dicitur. Gaudendum quia Dominus nostra
pectoris, civitatem videlicet suam visitare, quia idem
Pascha nostre bone actionis, præsentia sue pietatis
illustrare dignatur. Sed timendum satis, ne nos in
civitate sua aliud quam ipse diligit, agentes inveniat,
et ipse qualem non diligimus nobis districtus redditor
ostendatur [*Al.*, et ipse se nobis, qualem non diligimus,
districtus redditor ostendat]; ne nos in templo
nummularios, ne vendidores boum, ovium, columba-
rum reperiens damnet (*Matth. xxi*). Boves quippe
doctrinam vitæ cœlestis, oves opera munditiae et
pietatis, columbae sancti Spiritus dona designant.
Quia nimur boum juvamine solet ager exerceri;
ager autem est Domini, cor cœlesti excultum do-
ctrina, et suscipiendis verbis Dei preparatum rite
seminibus. Oves innocenter sua vellera vestiendis
hominibus præstant. Spiritus super Dominum in co-
lumbæ specie descendit. Vendunt autem boves, qui
verbū evangelii non divino amore, sed terreni quæ-
stus intuitu audientibus impendunt; quales repro-
hendit Apostolus, quia Christum annuntiarent non
sincere. Vendunt oves, qui humanæ gratia laudis
opera pietatis exercent, de quibus Dominus ait: *Quia
recepérunt mercedem suam* (*Matth. vi, 2*). Vendunt
columbas, qui acceptam Spiritus gratiam, non gra-
tis, ut præceptum est, sed ad præmium dant; qui
impositionem manus, qua Spiritus accipitur, elici-
non ad quæstum pecuniae, ad vulgi tamē favorem
tribuunt; qui sacros ordines non ad vitæ meritum,
sed ad gratiam largiuntur. Nummos mutuo dant in
templo, qui non simulate cœlestibus, sed aperte ter-
rentis rebus in **488** Ecclesia deserviunt; sua qua-
rantes, non quæ Jesu Christi (*Philip. ii, 21*). Verum
hujusmodi operarios fraudulentos quæ merces ma-
neat, ostendit Dominus, cum, facto de funiculis fla-
gello, omnes ejecit de templo. Ejiciuntur enim [*Mss.*,
autem] de parte sortis sanctorum, qui inter sanctos
positi, vel sicut bona, vel aperte faciunt opera mala.
Oves quoque et boves ejecit, qui talium vitam pariter
et doctrinam ostendit esse reprobam. Funicali, qui-
bus flagellando impios de templo expulit, tremendo

C D ex fibr. II Albini super Matthæum: cuius tamen loco
legendum esse: super Joannem, jam in Monito prætie
advertisimus.

[Ms. et Beda, tremenda] sunt actionum malarum, de quibus materia damnandi reprobos districto judicatur. Hinc etenim dicit Isaías : *Vt qui trahitis iniqitatem in funiculis vanitatis* (*Isaiæ, v, 18*)! Et in Proverbiis Salomon : *Iniquitates, inquit, suæ capiunt impium, et funibus peccatorum suorum constringitur* (*Prov. v, 22*). Qui enim peccata peccatis, pro quibus serius damnetur, accumulat, quasi funiculos quibus ligetur ac flagelletur, paulatim augendo prolongat. Nummulariorum quoque quos expulerat [Beda, expulsat], effudit æs et mensas subvertit, quia damnatis in fine reprobis, etiam ipsarum quas dilexerat veram tollit figuram, juxta hoc quod scriptum est : *Et mundus transibit et concupiscentia ejus* (*I Joan. ii, 17*).

Vers. 16. — *Et eis qui columbas vendebant, dixit :* Aſferte ista hinc, nolite facere domum Patris mei, domum negotiationis. Venditionem columbarum de templo auferri precipit, quia gratia Spiritus gratis recipi, gratis debet dari ^a (*Math. x*). Unde Simon ille magus, quia hanc emere pecunia voluit, ut maiore pretio venderet, audivit : *Pecunia tua tecum sit in perditione, non est tibi pars, neque sors in sermone hoc* (*Act. viii, 20, 21*). Notandum autem quia nos soli venditores sunt columbarum et domum Dei factum domum negotiationis, qui sacros ordines largientes [Beda, largiendo], premium pecuniae, vel laudis, vel etiam honoris inquirunt : verum hi quoque qui gradum vel gratiam in Ecclesia spiritalem, quam Domino largiente perceperent, non simplici intentione, sed cajuslibet humanæ causa retributionis exercent, contra illud apostoli Petri : *Qui loquitor quasi sermones Dei, qui ministral tantum ex virtute, quam ad ministros Deos, ut in omnibus honorificetur Deus per Jesum Christum* (*1 Petr. iv, 11*). Quicunque ergo tales sunt, si nolint veniente Domino de Ecclesia auferri, auferant ista de suis actibus, ne faciant dominum Dei domum negotiationis. Nec pretereundum quia sollicite nobis Scriptura utramque Salvatoris nostri naturali, et humanam videlicet commendat et divisam. Ut enim verus Dei Filius intelligatur, audiamus quod ipse dicit : *Nolite facere domum Patris mei, domum negotiationis*. Aperte namque se Filium Dei Patris ostendit, qui templum Dei domum sui Patris cognominat. Et ut rursum verus hominis filius sentiatur, recolamus quod in hujus capite lectionis descendens in Capharnaum, matrem cometem [Beda om. cometem] habuisse perhibetur. Sequitur :

Vers. 17. — *Recordati vero sunt discipuli ejus, quia scriptum est : Zelus domus tuæ comedit me.* Zelo domus Patris Salvator ejecit impios de templo. Zelemus et nos, fratres charissimi, domum Dei, et quantum possumus, ne quid in ea pravum geratur, insistamus. Si viderimus fratrem qui ad domum Dei pertinet, superbia turbidem, si detractionibus assuetum, si ebrietati servientem, si luxurie enervatum

^a *Beda : Quia gratiam Spiritus, qui gratis accepit, gratis debet dare.*

A si iracundia turbidum, si alio culquam vitio substratum, studeamus, in quantum facultas suppetit, castigare, polluta ac perversa corrigeret, et si quid de talibus emendare nequivimus [Beda, nequimus], non sine acerrimo mentis sustinere dolore. Et maxime in ipsa domo orationis, ubi corpus Domini consecrat, ubi Angelorum praesentia semper adesse non dubitatur, ne quid ineptum fiat, ne quid, quod nostram fraternam orationem impedit, totis viribus agamus ^b. Sequitur :

Vers. 18, 19. — *Responderunt ergo Judæi, et dixerunt ei : Quod signum ostendis nobis, quia hæc facis ? Respondit Jesus, et dixit eis : Solvite templum hoc, et in tribus diebus excitabo illud.* De quo templo diceret, evangelista post aperuit; videlicet de templo corporis sui, quod ab illis passione solutum, ipse post triduum excitavit de morte. Quia ergo signum quærebant a Domino, quare solita commercia projicere debuerat [Ms. et Beda, debuerit] e templo, respondit; ideo se rectissime impios ~~489~~ exterminare de templo, quia ipsum templum significaverit templum corporis sui, in quo nulla prorsus esset alicuius macula peccati. Neque immerito typicum purgaverit a sceleribus templum, qui verum Dei templum ab hominibus morte solutum, divinæ potentia majestatis excitare posset a mortuis.

Vers. 20. — *Dixerunt ergo Judæi : Quadragesima et sex annis aedificatum est templum hoc, et tu tribus diebus excabis illud ?* Quomodo intellexerunt, ita responderunt. Sed ne nos quoque spiritalem Domini sermonem carnaliter sentiremus, evangelista subsequenter, de quo templo loqueretur, exposuit. Quod autem aiunt templum quadragesima et sex annis aedificatum, non primam, sed secundam illius aedificationem significant. Primus enim Salomon templum in maxima regni sui pace decentissimo [Beda, citissimo] septem annorum [Ms., xx septem annorum] opere perfecit, quod destructum a Chaldeis, post septuaginta annos ad iussionem Cyri Persæ laxata captivitate, reædificari coepit. Sed filii transmigrationis opus, quod sub principibus Zorobabel et Jesu faciebant, propter impugnationem gentium vicinarum, ante quadragesima et sex annos implore nequierunt. Qui etiam numerus annorum perfectioni Dominici corporis aptissime congruit. Tradunt etenim naturalium scriptores rerum, formam corporis humani tot dierum spatio percisi : quia videlicet primis sex a conceptione diebus, lactis habeat similitudinem, sequentibus novem convertatur in sanguinem, deinde duodecim solidetur, reliquis decem et octo formetur usque ad perfecta lineaemata omnium membrorum; et hinc jam reliquo tempore, usque ad tempus partus, magnitudine augeatur. Sex autem, et novem, et duodecim, et decem, et octo, quadragesima quinque faciunt; quibus si unum adjoerimus, id est, ipsum diem, quo discretum per membra corpus crementam sumere incipit, tot nimis dies in ædi-

^b *Hucusque Anselmus Luceensis.*

sciatione corporis Domini, quot in fabrica templi annos invenimus. Et quia templum illud manuscium, sacrosanctam Domini carnem, quam ex virginie sumpeit, ut ex hoc loco discimus, figurabat, quia *æque* corpus ejus, quod est Ecclesia, quod [Beda, quia] uniuscujusque fidelium corpus, animamque designabat, ut in plerisque Scripturarum locis invenimus⁴. » Adam vero primus post peccatum audivit: *Terra es, et in terram ibis* (Gen. iii). Secundus vero Adam de se ipso ait: *Solvite templum hoc, et in tribus diebus excitabo illud*. Sparsus vero fuit primus Adam per universum mundum, qui in secundo collectus est; quod significat nomen Adam, qui quatuor litteris scribitur, id est: Alpha, Delta, iterum Alpha, et My: quæ quatuor litteræ, quatuor partes orbis designant, in quas sparsus est Adam in filiis suis. Ileo in principiis nominum partium mundi hæc quatuor litteræ leguntur; nam ἄρτος, quod est Septentrio, ab Alpha incipit; et δύσις, quod est Occidens, a Δέτα incipit; et ἀνατολή, quod est Oriens, ab Alpha incipit; μεσημβρίας, quod est Meridies, a Μυ incipit. quæ sunt quatuor partes orbis, ab his quatuor litteris incipientes. Quæ litteræ si in computo Græco considerentur, quadraginta sex faciunt. Nam Alpha unum, Delta quatuor, et iterum Alpha unum, My quadraginta, quæ simul ducta faciunt quadraginta sex. Qui numerus mystice designat quadraginta sex dies, quibus templum corporis Christi in utero virginali ædificatum est, sicut superius diximus. Caro autem Christi, quæ de Adam sumpta est, destructa est a Judeis, et a seipso iterum ædificata secundum Scripturas prophetarum; et ideo dicit evangelista: *Hoc enim dicebat de templo corporis sui*.

VERS. 21, 22. — *Cum ergo resurrexisset a mortuis, recordati sunt discipuli ejus quia hoc dicebat, et crediderunt Scripturæ. Id est, prophetarum, qui prædixerunt Christum tertia die resurgere. Et sermonem, quem dixit Jesus, id est, quod ait: Solvite templum hoc, et in tribus diebus excitabo illud: hoc est, tertia die resuscitabo, quod vos solvetis in cruce. Sequitur:*

VERS. 23, 24. — *Cum autem esset Jesus Hierosolymis in Pascha in die festo, multi crediderunt in eum, ipse autem Jesus non credebat semetipsum eis, quia ipse sciebat quid esset in homine. Non enim sic credebant in eum ut digni essent Christum habitare in eis, quorum fidès catechumenis comparari potest, qui credunt in Christum, sed Christus non credit seipsum eis, quia, nisi quis renatus fuerit ex aqua et Spiritu sancto, non potest introire in regnum Dei. Nemini vero se credit Christus, nisi qui dignus est introire in regnum Dei; nullus vero dignus est introire in regnum Dei, nisi qui renatus est ex aqua et Spiritu sancto. Inde et ecclesiastica consuetudo catechumenis corporis et sanguinis Christi communionem non tradit, quia non sunt renati ex aqua et Spiritu sancto, quibus tantum creditur participatio*

⁴ Hucusque ex homilia Bedæ citata.

A corporis et sanguinis Christi. Ex his autem multis, qui credebant in Jesum, unus erat Nicodemus iste; et ideo nocte venit, non die, quia necdum illuminatus venit coelestis gratiae luce.

CAPUT V.

Nicodemo inter multa dicit, nisi renatum in regnum Dei intrare non posse: ut quod non judicare, sed salvare venerit mundum. Et manifestari dicit opera, quæ in Deo sunt acta.

CAPUT III. VERS. 1, 2. — *Erat homo ex Pharisæis Nicodemus nomine, princeps Iudeorum, hic venit ad Jesum nocte.* ^a Princeps scilicet Iudeorum venit ad Jesum nocte, cupiens secreta ejus allocutione plenius discere mysteria fidei, cujus aperta ostensione signorum aliquatenus jam rudimenta percepérat. Qui quoniam prudenter ea quæ ab illo fieri videbat, intelligere curavit, subtiliter ea quæ ab illo quærebatur, investigare promeruit. Rabbi, inquit, scimus quia a Deo venisti magister; nemo enim potest hæc signa facere quæ tu facis, nisi fuerit Deus cum eo. A Deo igitur Jesum ad magisterium coeleste mundo adhibendum venisse confessus est, Deum cum illo fuisse miraculis prudentibus [Al., prudentius] intellexit, necdum tamen ipsum Deum esse cognovit. Sed quia quem magistrum noverat veritatis studiose docendus adiit, merito ad cognitionem [Beda, agnitionem] divinitatis ejus perfecte doctus subiit; merito utriusque nativitatis ejus, divinæ scilicet et humanæ, sed et passionis [ejus] atque ascensionis ipsius arcana percepit; nec non etiam modum secundæ generationis, ingressum regni coelestis, aliaque perplura doctrinæ evangelicæ sacramenta, Domino revelante, didicit.

VERS. 3. — *Respondit enim Jesus, et dixit ei: Amen amen dico vobis: Nisi quis renatus fuerit denuo, non potest videre regnum Dei. Quæ sententia tanto aperi-
tius cunctis fidelibus lucet, quanto constat quia sine
hujus luce fideles esse nequunt. Quis etenim sine
lavacro regenerationis, remissionem peccatorum
consequi, et regnum valet intrare celorum? Sed Ni-
codemus, qui nocte venit ad Jesum, necdum lucis
mysteria capere noverat; nam et nox, in qua venit,
ipsam ejus qua premebatur ignorantiam designat;
necdum enim eorum numero sociatus erat, quibus
ait Apostolus: *Fuistis aliquando tenebræ, nunc autem
lux in Domino* (Ephes. v, 8); sed inter eos potius re-
manebat, quibus loquitur Isaías: *Surge, illuminare
Ierusalem, quia venit lumen tuum, et gloria Domini
super te orta est* (Isai. lx, 1). Respondit ergo Domi-
no, et ait:*

VERS. 4. — *Quomodo potest homo nasci cum senecte sit? Nunquid potest in ventrem matris suæ iterato in-
troire et nasci? Quia secundæ nativitatis adhuc no-
scius perseverabat, de salute autem sua jam sollici-
tus extiterat, necessario de una quam noverat na-
tivitate, an posset iterari, vel quo ordine regenerationis
posset impleri, quærebat, ne hujus expers remanen-*

^b Ex Bedæ homilia in festo Inventionis Sanctæ Crucis.

do; vita coelestis particeps esse nequirit. Notandum autem quia quod de carnali dixit, hoc etiam de spirituali est regeneratione sentiendum; nequaquam videlicet eam, postquam semel exulta fuerit, posse repeti: sive enim hereticus, sive schismaticus, sive facinorosus quisque in confessione sanctae Trinitatis baptizet, non valet ille qui ita baptizatus est, a bonis catholicis rebaptizari, ne confessio vel invocatio tanti nominis videatur nullari. Et quia Nicodemus ad primam Domini responsum sollicitus, quomodo sit intelligenda diligenter inquirit, meretur jam plenus instrui, et quia secunda nativitas non carnalis est, sed spiritualis, audire; respondit namque illi Jesus:

491 VERS. 5. — *Amen amen dico tibi, nisi quis renatus fuerit ex aqua et Spiritu, non potest introire in regnum Dei.* Cujus nativitatis modum subsequenter exponens, prorsusque a carnali distinguens ait: (VERS. 6) *Quod natum est ex carne, caro est; et quod natum est ex spiritu, spiritus est.* Natura spiritus invisibilis, carnis est visibilis; atque ideo carnalis generatio visibiliter administratur visibilibus incrementis. Qui in carne nascitur, per seatum momenta proficit; spiritualis autem generatio tota invisibiliter agitur. Nam videtur quidem baptizatus [Beda, baptizandus] in fontem descendere, videtur aquis intingui, videtur de aquis ascendere; qui autem in illo lavacrum regenerationis egerit, minime potest videri. Sola autem [Beda, sola hoc] fidelium pietas novit, quia peccator in fontem descendit, sed purificatus ascendit. Filius prevaricationis descendit, sed filius reconciliationis ascendit; filius mortis descendit, sed filius resurrectionis ascendit; filius irae descendit, sed filius misericordie ascendit; filius diaboli descendit, sed filius Dei ascendit. Sola haec Ecclesia mater, quae generat, novit. Ceterum, oculis insipientium videtur talis exire de fonte qualis intravit, totumque ludus esse quod agitur. Unde in fine videntes gloriam sanctorum dicent gementes in tormentis: *Hi sunt, quos aliquando habuimus in derisum et in similitudinem improperii, quomodo computati sunt inter filios Dei* (Sap. v, 3)? Apostolus Joannes, charissimi, inquit, *nunc filii Dei sumus, et nondum apparuit quid erimus* (I Joan. iii, 2). Quod ergo natum est ex spiritu, spiritus est; quia qui ex aqua et Spiritu regeneratur, invisibiliter in novum mutatur hominem, et de carnali efficitur spiritualis. Qui ideo recte non solum spiritualis, sed etiam spiritus vocatur; quia sicut substantia spiritus invisibilis est nostris aspectibus, ita is qui per gratiam Dei renovatur, invisibiliter fit spiritualis et Dei filius, cum visibiliter omnibus caro et filius hominis appearat. Sequitur:

Vers. 7, 8. — *Non mireris quia dixi tibi, oportet eos nasci denuo. Spiritus, ubi vult, spirat, et vocem ejus audis, sed non scis, unde veniat, et quo vadat.* Sic est omnis qui natus est ex Spiritu. Spiritus, ubi vult, spirat, quia ipse habet in potestate, cuius gratia suæ visitationi illustreret. *Et vocem ejus audis,*

A cum te presente loquitur is qui Spiritu sancto repletus est; sed non scis, unde veniat, et quo vadat, quia etiam si te presente quempiam Spiritus ad horam impellerit, non potest vi. fieri [Ali., non potes videre], quomodo eum intraverit, vel quomodo redierit: quia natura est invisibilis. *Sic est omnis qui natus est ex Spiritu:* et ipse enim invisibiliter agente Spiritu incipit esse quod non erat, ita ut infideles nesciant, unde veniat et quo vadat, id est, quia a gratia regenerationis venit in adoptionem filiorum Dei; et vadit in perceptionem regni coelestis. Quare autem adhuc Nicolenio quomodo possint haec fieri (VERS. 9), subjungit Dominus, dicens:

Vers. 10. — *Tu es magister in Israel, et haec ignoras?* Non quasi insultare volens ei qui magister vocetur, cum sit ignarus sacramentorum coelestium; sed ad humilitatis illum viam provocans, sine qua janua coelestis non potest inveniri.

Vers. 12. — *Si terrena dixi vobis, et non creditis, quomodo, si dixerim vobis cælestia, credetis?* Terrena illis dixit, ut in superiori lectione invenimus, cum de passione et de resurrectione sui corporis, quod de terra assumpserat, loqueretur dicens: *Solvite templum hoc, et in tribus diebus excitabo illud* (Joan. ii, 19). Non tamen credebant verbo quod dixit, sed ne hoc quidem intelligere valebant [Beda, volebant], quia non de alio, quam de templo corporis sui dicebat. Qui ergo terrena audientes non capiebant, quanto minus ad coelestia, id est, divinae generationis [Ms., regenerationis] capienda mysteria sufficient? Addit autem Dominus adhuc, et de coelestibus sacramentis, et de terrenis instruere eum, quem vidit sapienter ac diligenter his quæ audit, intendere. Coelestis namque est ascensio ejus ad vitam sempiternam; terrena vero exaltatio ejus ad mortem temporalem. Dicit ergo de coelestibus:

Vers. 13. — *Et nemo ascendit in cælum, nisi qui descendit de cælo, Filius hominis, qui est in cælo.* Subjungit vero de terrenis: (VERS. 14) *Et sicut Moses exaltavit serpentin in deserto, ita exaltari oportet Filium hominis.* Merito autem queritur quomodo dicitur Filius hominis, vel descendisse de cælo, vel eo tempore quo haec in terra loquebatur, **492** iam fuisse in cælo? Nota est namque confessio fidei catholicæ, quia descendens de cælo Filius Dei, Filium hominis in utero virginali suscepit, eumque completa dispensatione passionis suæ resuscitavit a mortuis, et assumpsit in cælum. Non ergo caro Christi descendit de cælo, neque ante tempus ascensionis erat in cælo. Et qua ratione dicitur: *Nisi qui descendit de cælo, Filius hominis, qui est in cælo, nisi quia Christi persona una est, in duabus existens naturis?* atque ideo Filius hominis recte dicitur, et descendit de cælo, et ante passionem fuisse in cælo; quia quod in sua natura habere non potuit, hoc in Filio Dei, a quo assumptus est, habuit. *Sicut propter eamdem unius Christi personam, quæ ex duabus existit naturis, Apostolus ait: Vos Spiritus sanctus positis episcopos regere Ecclesiam Dei, quam acqui-*

vit sanguine suo (*Act. xx, 28*). Neque enim Deus A in sua substantia, sed in homine assumptio sanguinem, qui pro Ecclesia funderetur [*Beda*, quem funderet], habuit. Hinc enim Psalmista dicit: *Ascendit Deus in jubilatione* (*Psalm. xlvi, 6*). Quomodo enim Deus nisi in homine ascenderet, qui in suæ natura in majestatis semper ubique præsens adest? Sed et hoc quærendum est quomodo dictum sit, et *nemo ascendit in cælum*, nisi qui descendit de cælo, cum omnes electi se veraciter confidant ascensuros in cælum, promittente sibi Domino, quia, ubi ego sum, illuc et minister meus erit? Cujus tamen nodum questionis apertissima ratio solvit, quia videlicet mediator Dei et hominum, homo Christus Jesus, electorum omnium caput est. Itemque omnes electi, ejusdem capitatis membra sunt, dicente Apostolo: *Et ipsum dedit caput super omnia Ecclesie* [*Ms. et Beda, omnem Ecclesiam*] (*Ephes. i, 22*). Et rursum: *Vos enim estis corpus Christi et membra de membro* (*I Cor. xii, 27*) Nemo ergo ascendit in cælum, nisi qui descendit de cælo Filius hominis, qui est in cælo; quod est aperte dicere: Nemo ascendit in cælum, nisi Christus in corpore suo, quod est Ecclesia, qui in seipso quidem primum cernentibus apostolis, eminentioribus nimirum membris suis, ascendit, et exinde in membris suis quotidie ascendens se colligit in cælum. Hinc est enim quod ipsum corpus ejus, intra adversa præsentis saeculi deprehensum gloriatitur et dicit: *Nunc autem exaltavit caput meum super inimicos meos* (*Psalm. xxvi, 6*). Ac si patenter dicat: Qui ecclisiam a Judæis Christum, caput videlicet meum sasanitavit a mortuis, ac frustratis omnibus inimicorum insidiis, sublevavit in cælum, spero [quod] me etiam de præseatis periculis eruens, meo capiti jungat in regno suo. Quia ergo nemo ascendit in cælum, nisi qui descendit de cælo, quisquis in cælum ascendere desiderat, ei qui de cælo descendit et [est] in cælo, se vera fidei et dilectionis unitate conjungat; aperte intelligens quia nullo alio ordine, nisi per eum qui descendit de cælo, potest ascendere in cælum. Unde alias ipse dicit: *Nemo venit ad Patrem nisi per me*. Hec ideo Nicodemo et [*Ms. vel*] cunctis dicuntur catechumenis, ut discant ejus membris renascendo incorporari, per quem possint ascendere in regnum Dei. Et quia ascensio vel ingressus regni fieri non potest absque fide et sacramentis Dominicæ passionis, recte insertur: *Et sicut Moyses exaltavit serpentem in deserto, ita exaltari oportet Filium hominis*.

Vers. 15. — *Ut omnis qui credit in ipsum, non pereat, sed habeat vitam æternam*. Mira magisterii cœlestis arte Dominus magistrum legis Mosaicæ ad spiritalem legis ejusdem sensum inducit, recordans historias veteris, et hanc in figuram suæ passionis atque humanæ salvationis factam edisserens. Narrat quippe liber Numerorum, quia per Iesum in eterno populus Israel itineris longi ac laboris, murmuravit contra Dominum et Moysen; ideoque Dominus immuniserit in illis ignitos serpentes, ad quorum

A plegas et mortes plurimorum, cum clamaret ad Moysen, et ille oraret pro eis, jussit eum Dominus facere serpentem æneum, et ponere pro signo. Qui percussus, inquit, *asperxit eum, viret*. Et ita factum est (*Num. xxi*). Plaga [*Ms. et Beda, Plaga*] igitur serpentium ignitorum, venena sunt, et incentiva viatorum, quæ animam quam tangunt spiritali morte perimunt. Et bene murmurans contra Dominum populus serpentium morsibus sternebatur, ut ex ordine flagelli exterioris agnosceret quantam intus perniciem murmurando pateretur. Exaltatio autem serpentis ænei, quem dum percussi aspicerent, sanabantur, passio est nostri Redemptoris in cruce, in cuius solum side 493 regnum mortis et peccati superatur. Recte etenim per serpentes peccata, quæ animam simul et corpus ad interitum trahunt, exprimitur; non solum quia igniti, quia virulenti, quia ad pernendum sunt astuti, verum etiam quia per serpentem primi parentes nostri ad peccandum persuasi, ac de immortalibus sunt peccando mortales effecti. Recte per serpentem æneum Dominus ostenditur, qui venit in similitudinem [*Beda, similitudine*] carnis peccati: quia sicut æneus serpens effigiem quidem ignitis serpentibus similem, sed nullum prorsus in suis membris habuit ardorem veneni nocentis; quia potius percussos a serpentibus, sua exaltatione sanabat: sic nimirum, sic Redemptor humani generis, non carnem peccati, sed similitudinem induit carnis peccati, in qua mortem crucis patiendo, credentes in se ab omni peccato et ab ipsa etiam morte liberaret. *Sicut ergo Moyses exaltavit serpentem in deserto, ita [inquit] exaltari oportet Filium hominis*. Quia sicut illi qui exaltatum pro signo serpentem æneum aspiciebant, sanabantur ad tempus a temporali morte et plaga quam serpentium morsus intulerat, ita et qui mysterium Dominicæ passionis credendo, constendo, sinceriter imitando aspiciunt, salvantur in perpetuum ab omni morte, quam peccando in anima pariter et carne contraxerant. Unde recte subiungitur: *Ut omnis qui credit in ipsum* [*Beda, in ipso non pereat, sed habeat vitam æternam*]. Cuius quidem verbi patet sensus; quia qui credit in Christum, non solum perditionem evadit peccatum, sed et vitam percipit æternam. Et hoc inter figuram distat ei veritatem, quia per illam vita protelatur [*Beda, protelabatur*] temporalis, per hanc vita donatur sine fine mansura. Sed curandum solerter est, ut quoq[ue] intellectus bene sentit, operatio condigna perficiat, quatenus confessio rectæ nostræ fidei, pie et sobrie conversando, ad perfectionem [*Beda, ad perceptiōnem*] promissa nobis vita mereatur attingere. Verum quia haec de Filio hominis dicuntur, qui exaltari in cruce, et mortem potuit pati, ne putaret Nicodemus Filium tantum eum hominis esse, a quo vita esset expectanda perpetua, curavit ei Dominus etiam diuinitatis suæ patefacere sacramentum, unumq[ue] et eundem Filium Dei, et Filium hominis miseri ostendere salvatorem. Nam sequitur:

Vers. 16. — *Sic enim dilexit Deus mundum, ut*

Filiū suū unigenitū daret, ut omnis qui credit in eum, non pereat, sed habeat vitam æternam. Unde notandum quod eadem de Filio Dei unigenito replicat, que de Filio hominis in cruce exaltato præmisserat, dicens : *Ut omnis qui credit in eum, non pereat, sed habeat vitam æternam.* Quia profecto idem redemptor et conditor noster, Filius Dei ante sæcula existens, Filius hominis factus est in fine sæculorum, ut, qui per divinitatis sue potentiam nos creaverat ad perfruendam vitæ beatitudinem perennis, ipse per fragilitatem humanitatis nostræ nos restauraret ad recipiendam quam perdidimus vitam. ^a Sequitur autem :

VERS. 17. — *Non enim misit Deus Filium suum in mundum, ut judicet mundum, sed ut salvetur mundus per ipsum.* ^b Ergo quantum in medico est, sanare venit agrotum. Se ergo interimit, qui præcepta medici observare non vult. Venit Salvator in mundum : quare Salvator dictus est mundi, nisi ut salvet mundum, non ut judicet mundum? Salvari non vis ab ipso, ex te judicaberis. Et quid dicam judicaberis? vide quid ait : *Qui credit in eum, non judicabitur* [Al., judicatur]. *Qui autem non credit* : quid dictarum sperabas, nisi, *judicatur?* Jam, inquit, *judicatus est.* Nondum apparuit judicium, sed jam factum est judicium; *Novit enim Dominus, qui sunt ejus,* (II Tim. ii, 19); novit, qui permaneant ad coronam, qui permaneant ad flammarum; novit in area sua triticum suum, novit et paleam; novit et segetem, novit zizania. Jam judicatus est qui non credit. Quare judicatus? *Quia non credit in nomine unigeniti Filii Dei.* (VERS. 19.) *Hoc est autem judicium, quia lux venit in mundum, et dilexerunt homines magis tenebras quam lucem : erant enim mala opera eorum.* Fratres mei, quorum opera bona invenit Dominus? Nullorum. Omnia [Aug., Omnia] enī mala opera invenit. Quomodo ergo quidam fecerunt veritatem, et venerunt ad lucem? Hoc enim sequitur :

VERS. 21. — *Qui autem facit veritatem, venit ad lucem, ut manifestentur opera ejus, quia in Deo facta sunt.* Quomodo ergo quidam bonum opus fecerunt, ut venirent ^c ad lucem, id est, ad Christum? Et quomodo quidam dilexerunt tenebras? Si enim omnes peccatores invenit, et omnes a peccato sanat; et serpens ille, in quo figurata est mors Domini, eos sanat qui morsi fuerant; et propter morsus serpentis erectus est serpens, id est, mors Domini, propter mortales homines, quos invenit injustos; quomodo intelligitur, *hoc est judicium, quoniam lux venit in mundum, et dilexerunt homines magis tenebras quam lucem : erant enim mala opera eorum?* Quid enim est hoc? Quorum enim erant opera bona? Nonne venisti ut justifices impios? Sed dilexerunt, inquit, *tenebras magis quam lucem.* Ibi posuit vim; multi enim dilexerunt peccata sua, [multi confessi sunt peccata sua]: quia, qui constitutur peccata sua et accusat peccata

A sua, jam cum Deo facit. Accusat Deus peccata tua: si et tu accuses, conjungeris Deo. Quasi duæ res sunt, homo et peccator. Quod audis homo, Deus fecit; quod audis peccator, ipse homo fecit. Dele quod fecisti, ut Deus salvet quod fecit. Oportet ut oderis in te opus tuum, et ames in te opus Dei. Cum autem corperit tibi displicere quod fecisti, inde incipiunt bona opera tua, quia accusas mala opera tua. Initiam bonorum operum, confessio est operum malorum. Facis veritatem, et venis ad lucem. Quid est, facis veritatem? Non te palpas, non tibi blandiris, non te adulas; non dicis: *justus sum, cum sis iniquus,* et incipis facere veritatem. Venis autem ad lucem, ut manifestentur opera tua quia in Deo sunt facta, quia et hoc ipsum quod tibi displicuit peccatum tuum, non tibi displiceret, nisi Deus tibi liceret, et ejus veritas tibi ostenderet lucem [*In Aug. deest, lucem*]; sed qui etiam admonitus diligit peccata sua, odit admonentem lucem, et fugit eam, ut non arguatur opera ejus mala quæ diligit. Qui autem facit veritatem, accusat in se mala sua, non sibi percit, non sibi ignoscit, ut Deus ignoscat; quia quod vult ut Deus ignoscat, ipse agnoscit, et venit ad lucem, coi gratias agit quod illi, quid in se odiasset, ostenderit. Dicit Dominus: *Averte faciem tuam a peccatis meis.* Et qua fronte dicit, nisi iterum dicat? *Quoniam facinza meum ego agnosco, et peccatum meum contra me eis semper* (*Psal. i, 5, 11*). Sit ante te, quod non vis esse ante Dominum [Aug., Deum]. Si autem post te feceris peccatum tuum, retorquet tibi illud Deus ante oculos tuos: et tunc retorquet, quando iam poenitentie fructus nullus erit. Currite dum lucem habetis, ne tenebrae mortis vos comprehendant. ^d Sequitur autem :

VERS. 22. — *Post hæc autem venit Jesus et discipuli ejus in Iudeam terram.* Et illic demorabatur cum eis, et illic baptizabat. ^e Baptizatus baptizat; non in eo baptismate baptizatus quo baptizatus est. Dat baptismum [Ms., baptisma] Dominus baptizatus a servo, ostendens humilitatis viam, et perducens ad baptismum [Ms., baptisma] Domini. Hoc est baptisma suum, præbendo humilitatis exemplum, quia ipse non respuit baptisma servi; et baptismate servi via præparabatur Domino: et baptizatus Dominus, viam se fecit ad se [venientibus.] Ipsum audiamus: *Ego sum via, veritas et vita* (*Joan. xiv, 6*). Si veritatem quæris, viam tene: nam ipse est via, qui est veritas. Audiamus Joannem; *Baptizabat Jesus.* Diximus quia baptizat Jesus. Quomodo, inquit, Jesus, quomodo Dominus, quomodo Dei Filius, quomodo Verbum; sed Verbum caro factum est. ^f

CAPUT VI.

Joanni in *Enon* baptizanti a suis discipulis dicitur, quod, cui ille testimonium perhibebat, hic baptizet, et quod omnes ad eum veniant. Quem ille sponsum esse, et oportere crescere, se autem minui. Illumque desursum, et supra omnes esse. Credentemque in

^a Ilucusque ex Bedæ homilia citata.

^b Ex sancto Augustino, Tract. xii in Joan., n. 12, 13.

^c Ex sancto Augustino, Tract. xiii, num 4, 6.

cum habere vitam eternam. Super incredulum vero A iram manere confirmat.

VERS. 23. — *Erat autem Joannes baptizans in Enon, juxta Salin. Locus quidem [Forte, lacus quidam] ex nomine intelligiur, quia aquæ multæ erant ibi. Enon juxta Salim locus est, ubi baptizabat Joannes, et ostenditur nunc usque locus, in octavo lapide 495 Scytopoleos ad meridiem, juxta Salim et Jordaneum. (VERS. 24.) Nondum enim missus fuerat Joannes in carcerem. Quare baptizabat Joannes? Quia oportebat ut baptizaretur Dominus. Quare oportebat ut Dominus baptizaretur? Ne aliquis magna licet prædictus gratia vel potestate, contemneret baptizari. Ipse Dominus non contempsit baptismi sacramentum, quanvis in illo non esset quod mundaretur in baptismi, qui nullum habuit peccatum, quod dimitteretur in baptismi lavaero. Baptizatus est a servo Dominus, ne servus Domini baptismum contemneret. Nondum enim missus fuerat Joannes in carcerem. Ideo hoc dixit evangelista, ut intelligeretur [hæc miracul.], quæ ante posuit, primo anno doctrinæ Domini nostri Iesu Christi, quæ incipiebat a baptismi suo, acta esse; cuius annigesta, maxime alios intellexit evangelistas tacere.*

VERS. 25. — *Facta est autem quæstio ex discipulis Joannis cum Iudeis de purificatione. Zelantes vero discipuli Joannis magistrum, quia plures audiebant concurrere ad baptismum Christi, et preferre Iudeos baptismum Joannis baptismum Christi, ita ut novissime ventum est ad ipsum Joannem, ut solveret quæstionem quam haberunt discipuli illius cum Iudeis, de discretione inter baptismum Christi et baptismum Joannis, et dixerunt ei :*

VERS. 26. — *Rabbi, qui erat tecum trans Jordanem, cui tu testimonium perhibuisti, ecce hic baptizat, et omnes veniunt ad eum. Quasi indignantes quod plures venissent ad baptismum Christi, dixerunt : Omnes veniunt ad eum, et te dimittunt, dum tuo baptismi baptizatus est ille, ad cuius baptismum omnes modo concurrunt.*

Vers. 27. — *Respondit Joannes et dixit : Non potest homo accipere quidquam, nisi fuerit ei datum de celo. Vos mihi testimonium perhibetis, quod dixerim : Non sum ego Christus. Si meo testimonio creditis, scitote me non esse Christum, sed illum; et illius baptismum esse in quo est remissio peccatorum et Spiritus sanctus datur; non meum in quo tantummodo poenitentia dabatur, et fides in eum in quo [Ms., de quo] querimoniam nunc habetis. Non potest homo aliquid accipere, nisi fuerit illi datum de celo. Ministerium accepi quod mihi datum fuit de celo. Preco sum, ille iudex; ego servus, ille Dominus; ille sponsus, ego amicus sponsi. Illum oportet crescere, me autem minui. Veniebam illi viam parare, non me exaltare. Ego vox clamantis, ille Verbum patris. Qui post me venit, ante me factus est, id est, dignitate prelatos est mihi. Cuius ego non sum dignus corrigiam calceamenta [ejus] solvere, id est, nuditatis illius qui ex virgine natus venit in mundum*

* Sanctus Augustinus loc. cit. num. 12.

A enarrare mysterium. Audistis testimonium meum; credite testimonio meo. Concurrite ad illum, in cuius baptismo est remissio peccatorum. Iste Joannes tanta auctoritatis habebatur, ut a populo Christus putaretur; sed ille falsum respuit honorem, ut solidam potuisse habere veritatem. Noluit de se jactare quod non fuit, ne sine eo esset qui semper fuit.

Vers. 29. — *Qui habet sponsam, sponsus est. Ego non sum sponsus. Sed quid sum? Amicus sponsi, gaudens in voce illius. Quis est sponsus? Ille de quo dicitur: Rex omnium terra Deus; et adorabunt eum omnes reges terræ, omnes gentes seruent ei (Psal. lxxi, 11). Ille sponsus verus; sponsa vero sancta Ecclesia, ex omnibus congregata gentibus, de qua Apostolus ait: Desponsari vos uni viro, virginem castum exhibere Christo (II Cor. xi, 2). Virgo est et sponsum habet, quæ quotidie generat et virgo perpetua permanet. Virginitas hæc integritas est mentis, charitatis perfectio, unitas catholicae fidei, pacis concordia, castitas in corde et anima; quia nihil valet corporis castitas sine catholicae fidei integritate; cuius virginis, id est, universalis Ecclesie, amici sunt prædicta ores evangelicas veritatis. Et ideo dicit iste Joannes, amicus sponsi: Qui stat et audit, gaudio gaudent propter vocem sponsi. Stat enim, qui in fide recta permanet, et quod credit, prædicat. C Quare stat? Quia non cadit. Quare non cadit? Quia humilis est. Iste præcursor Domini in solida petra stabat, dum ait: Non sum ego Christus, non sum ego sponsus, sed amicus sponsi. Qui gloriam illius querit qui misit eum, merito non cadit, merito stat, merito audit vocem sponsi, et gaudio gaudent propter vocem sponsi. Vox ergo sponsi est: Ite, doceite omnes gentes, baptizantes eos in nomine Patris, et Filii, et Spiritus sancti. 496 b Confessus est ergo Joannes, sicut superioris audistis, quia non sum ego Christus: quia cum discipulis multos faceret Jesus, et perferreret ad eum, veluti [ut] instigaretur, quasi invido enim narraverunt: Ecce ille facit plures discipulos quam tu, ille confessus est quid esset, et inde meruit pertinere ad eum, quia non est ausus se dicere, quod est ille. Hoc ergo dicit Joannes, Non potest homo accipere quidquam, nisi fuerit ei datum de celo. Ergo Christus [dat], homo accipit.*

D VERS. 28, 29. — *Ipsi vos mihi testimonium perhibetis, quod dixerim: Ego non sum Christus; sed qui missus sum ante illum. Qui habet sponsam, sponsus est, amicus autem sponsi, qui stat et audit eum, et gaudio gaudent propter vocem sponsi. Non sibi gaudium facit de se. Qui vult gaudere de se, tristis erit; qui autem de Deo vult gaudere, semper gaudebit, quia Deus sempiternus est. Vis [ergo] habere gaudium sempiternum? inhære illi qui sempiternus est. Talem se dixit Joannes. Propter vocem sponsi gaudent amicus sponsi, ait, non propter vocem suam; et stat et audit eum: si ergo cadit, non audit eum. De illo [enim] quendam [Aug., quodam] qui cœcidit, dictum est: Et in veritate non stetit (Joan. viii, 44). De diabolo*

* S. Aug. Tract. xiv, num. 2, 3, 5.

dictum est. Ergo stare debet amicus sponsi, et audire. Quid est stare? Permanere in gratia ejus quam accepit, et audire [Aug., et audit] vocem ad quoniam gaudeat. Sic erat Joannes. Noverat, unde gaudebat. Non sibi arrogabat, quod ipse noverat [Aug., quod ipse non erat]: sciebat illuminatum se, non illuminatorem. *Frat enim lumen verum*, ait evangelista, *quod illuminat omnem hominem venientem in hunc mundum* (Joan. i, 9). Si ergo omnem hominem, et ipsum Joannem, quia et ipse de hominibus erat. Sequitur et dicit Joannes: *Hoc ergo gaudium meum impletum est*. Quod est gaudium ipsius? ut gaudeat ad vocem sponsi. Multi enim ideo facti sunt insipientes, quia dixerunt se esse sapientes; quos arguit Apostolus in Epistola ad Romanos dicens: *Aestimantes se esse sapientes, stulti facti sunt* (Rom. i, 20). Ergo Deus quod dat gratias agentibus, tulit non agentibus. Noluit esse hoc Joannes; gratus esse voluit. Confessus est accepisse se, et gaudere se dixit, propter vocem sponsi, et ait:

Vers. 30. — *Hoc ergo gaudium meum impletum est. Illum oportet crescere, me autem minui.* Quid est hoc? illum oportet exaltari, me autem humiliari. Magnum hoc sacramentum est: antequam veniret Dominus Jesus, homines gloriabantur de se: venit ille homo, ut minueretur illius [Ms., hominis] gloria, et augeretur gloria Dei. Etenim venit ille sine peccato, et invenit omnes cum peccato. Si sic venit ille, ut dimitteret peccata, Dens largiatur, homo confiteatur. Etenim confessio hominis, humilitas hominis; miseratio Dei, altitudo Dei. Si ergo venit ille dimittere peccata [Aug., homini peccata], agnoscat homo humilitatem suam, et Deus faciet misericordiam suam. *Illum oportet crescere, me autem minui*: hoc est, illum oportet dare, me autem accipere; illum oportet glorificari, me autem confiteri. Intelligat homo gradum suum, et confiteatur Deo, et audiat Apostolum dicentem homini superbienti et elato et extollere se volenti: *Quid enim habes, quod non acceperis?* Si autem acceperisti, *quid gloriaris, quasi non acceperis* (I Cor. iv, 7)? Intelligat ergo homo, quia accepit, qui volebat suum dicere quod non est ejus, et minnatur. Bonum est illi enim ut Deus in illo glorifetur; Ipse in se minuatur, ut in Deo augeatur. Hæc testimonia, hanc [Aug., et hanc] veritatem, etiam passionibus suis, significaverunt Christus et Joannes. Nam Joannes capite minoratus est, et Christus in cruce exaltatus est, ut et ibi appareret, quid est, *illum oportet crescere, me autem minui*, hoc est, illum oportet exaltari, me autem humiliari. Hoc enim significat et ipsa creatura lucis. Nam Christus natus est diebus crescentibus, Joannes vero decrescentibus; ut ostenderetur quid est Christus, hoc est lumen verum; et quid est Joannes, hoc est illuminatus ab eo. Crescamus [nos] in illo, et per illum, ut ille crescat in nobis, donec perveniamus ad perfectum diem. Audiamus adhuc quid Joannes de Christo dixerit, vel quid de seipso. Dicit enim:

* S. Aug. loc. cit. num. 6, 7, 8.

A 497 Vers. 31. — *a Qui de sursum venit, super omnes est, et qui de terra est, de terra loquitur. Qui de sursum venit, super omnes est, id est Christus. Qui autem est de terra, terra est, et de terra loquitur, id est Joannes.* *b Quomodo ergo de terra loquitur? Omnis homo terrenus est, et dum terrena loquitur, de terra loquitur; qui vero illuminatus est ab eo, qui est lumen verum, de divinis loquitur. Ergo seorsum [Ms., sursum] est gratia Dei, seorsum natura hominis. Carnalis carnaliter aestimat, carnaliter suspicatur. Duna venit gratia Dei illuminans hominem, caelestia loquitur, sicut dictum est: *Qui illuminas lucernam meam, Domine, Deus meus, illumina tenebras meas* (Psal. xvii, 29). *c Hoc est, illum oportet crescere, me autem minui.* Ergo Joannes, quod ad Joannem pertinet, de terra est, et de terra loquitur: si quid divinum a Joanne audisti, illuminantis est, non recipientis.*

Vers. 32. — *Qui de caelo venit, super omnes est, et quod vidit et audivit, hoc testificatur, et testimonium ejus nemo accepit.* Qui de caelo venit, super omnes est, Dominus noster Jesus Christus, de quo superius dictum est: *Nemo ascendit in caelum, nisi qui descendit de caelo, Filius hominis, qui est in caelo.* Est autem super omnes, et quod vidit et audivit, hoc loquitur. Habet enim et Patrem ipse Filius Dei; habet et matrem [Aug., et Patrem], et audivit a Patre. Et quod audivit a Patre, quid est? Quis hoc explicet? Quando lingua mea, quando cor meum sufficere potest, vel cor ad intelligendum, vel lingua ad proferendum? *Quid est quod Filius audivit a Patre?* Forte Filius Verbum Patris audivit? Imo Filius Verbum Patris est. Cum ergo Verbum Dei Filius sit, Filius autem locutus est nobis; non verbum suum, sed Verbum Patris se nobis loqui voluit, qui Verbum Patris loquebatur. Illoc ergo, quomodo decuit et oportuit, dixit Joannes. *Qui de caelo venit, super omnes est, et quod vidit et audivit, illum testatur, et testimonium ejus nemo accepit.* Si nemo, ut quid venit? quorundam enim [Al., ergo] nemo. Est quidam populus præparatus ad iram Dei, damnandus cum diabolo, horum nemo accepit [Aug., accipit] testimonium Christi. Nam si omnino nemo, nullus homo; quid ergo est quod sequitur?

Vers. 33. — *Qui accepit testimonium ejus, signavit, quia Deus verax est.* Certe ergo nemo, sed tu ipse dicas [Aug., non nemo, si tu ipse dicas]: *Qui accepit testimonium ejus, signavit, quia Deus verax est.* Responderet ergo fortasse interrogatus Joannes, et dicaret nobis, quid dixerit [Aug., novi quid dixerim, nemo] nemo [Ms., Certe ergo nemo, si tu ipse dicas, Qui accepit, etc...], et diceret: *Novi quid dixerim: nemo est quidam populus.* Est quidam populus natus ad iram Dei, et ad hoc præcognitus. Qui sint enim credituri, et qui non sint credituri, novit Dominus; qui sint perseveraturi in eo quod crediderint, et qui sint lapsuri, novit Deus; et numerantur Deo omnes futuri in vitam aeternam. *c Testi-*

monium ejus qui venit de celo, nemo accepit; qui autem accepit testimonium ejus, signavit, quia Deus verax est. Signavit, dixit; hoc est, signum posuit in corde suo, quasi singulare et speciale aliquid, hunc esse Denum verum, qui missus est ob salutem humani generis. Quid est, signavit, quia Deus verax est, nisi quia omnis homo mendax, Deus autem verax est? Quia nemo hominum potest dicere, quod veritas [Aug., veritatis est] est, nisi illuminetur ab eo, qui mentiri non potest. Deus ergo verax, Christus autem Deus. Vis probare? Accipe testimonium ejus, et invenis. Qui enim accepit testimonium ejus, signavit quia Deus verax est. Quis? Ipse qui de celo venit et descendit, et super omnes est, Deus verax est. Quem enim misit Deus, verba Dei loquitur; ipse est Deus verax, ipse est Deus, et Dominus noster Jesus Christus, de quo Apostolus ait: Postquam renit plenitudo temporis, misit Deus Filium suum factum ex muliere, factum sub lege (Gal. iv, 4).

VERS. 34. — *Quem enim misit Deus, verba Dei loquitur.* Hoc utique de Christo dicebat, ut se ab illo distingueret. Quid enim? Joannem nomine Deus misit? An non ipse dixit: *Misit me ante eum: et qui me misit baptizare in aqua: et de illo dictum est: Ecce ego mittio Angelum meum ante te, et preparabit viam tuam* (Malach. iii, 1). Nonne et ipse verba Dei loquitur, de quo etiam dictum est quod sit amplius quam propheta? Si ergo et ipsum Deus misit, et verba Dei loquitur, quomodo ad distinctionem de Christo eum dixisse accepimus: *Quem enim misit Deus, verba Dei loquitur?* Sed vide, quid adjungat:

498 — *Non enim ad mensuram dat Deus Spiritum.* Audi Apostolum dicentem: Secundum mensuram donationis Christi (Ephes. iv, 7). Homini bus ad mensuram dat, unico Filio non dat ad mensuram. Quomodo homini bus dat ad mensuram? Alii quidem datur per Spiritum sermo sapientiae, alii sermo scientiae secundum eundem Spiritum; alii fides in eodem Spiritu, alii prophetia, alii iudicatio [Aug., dijudicatio] spirituum, alteri genera linguarum, alii dona eurationum (I Cor. xii, 8). [Aug., Nunquid omnes apostoli?] Nunquid omnes prophetae? Nunquid omnes doctores? Nunquid omnes habent virtutes? Nunquid omnes dona habent sanitatem? Nunquid omnes linguis loquuntur? Nunquid omnes interpretantur? Aliud habet ille, aliud iste; et quod habet iste, ille non habet. Mensura, divisio quedam donorum est. Ergo homini bus mensura [Idem, ad mensuram] datur; et concordia ibi unum corpus facit. Quomodo aliud accepit manus ut operetur; aliud oculos ut videat; aliud aures ut audiat; aliud pedes [Idem, oculus, auris, pes] ut ambulet: anima tamen una est, quae agit omnia; in manu, ut operetur; in pede, ut ambulet; in aure, ut audiat; in oculo, ut videat: sic sunt etiam diversa dona fidelium, tanquam membris ad mensuram cuique propriam distributa. Sed Chri-

^a S. Aug. Ibid. num. 10.

^b Idem, loc. cit. num. 11

A stus, qui dat, non ad mensuram accipit. ^b Audi enim adhuc, quod sequitur, quia de Filio dixerat: *Non enim ad mensuram dat Deus Spiritum.*

VERS. 35. — *Pater diligit Filium, et omnia dedit in manus ejus.* Addidit: *Et omnia dedit in manus ejus,* ut nossos et hic quam distincte [Aug., qua distinctione] dictum est: *Pater diligit Filium.* Quare? Ergo Pater non diligit Joannem? et tamen [non] omnia dedit in manu ejus; Pater non diligit Paulum? et tamen [non] omnia dedit in manu ejus. *Pater diligit Filium:* sed quomodo Pater Filium, non quomodo Dominus servum; quomodo Unicum, non quomodo adoptatum. Itaque *omnia dedit in manus ejus.* Quid est *omnia?* Ut tantus sit Filius, quantus est Pater. Sequitur:

CAPUT IV. VERS. 1, 2, 3. — *Ut ergo cognovit Jesus quia audierunt Pharisæi, quia Jesus plures discipulos facit quam Joannes, et baptizat: quanquam Jesus non baptizare, sed discipuli ejus: reliquit Iudeam terram, et abiit in Galileam.* ^c Utique Dominus si sciret Pharisæos ita de se cognovisse quod plures discipulos ficeret et quod plures baptizaret, ut hoc eis ad salutem pertineret [Aug., valeret] sequendi eum, ut et ipsi essent discipuli, et ipsi vellent ab eo baptizari; magis non relinqueret Iudeam terram, sed propter illos maneret ibi: quia vero cognovit eorum scientiam, simul cognovit et invidentiam, quia non hoc propterea didicerunt ut sequerentur, sed ut persequerentur, abiit inde. Poterat quidem ille et præsens ab his non teneri, si nollet; non occidi, si nollet; qui [Aug., quia] potuit, et non nasci, si nollet:

D sed quia in omni re quam gessit ut homo, hominibus in se creditur prebeat exemplum (quia unusquisque servus Dei non peccat, si secesserit in alium locum, videns furorem fortis [Aug., forte] persequentium se aut quærentium in malum animam suam; videretur autem sibi servus Dei peccare si ficeret, nisi in faciendo Dominus præcessisset), fecit hoc ille magister bonus, ut doceret, non quod timeret. Fortassis etiam hoc moveat, cur dictum sit: *Baptizabat Jesus plures quam Joannes, et posteaquam dictum est, baptizat [Ms., baptizabat], subiectum sit: Quanquam Jesus non baptizaret, sed discipuli ejus.* Quid ergo? Falsum dictum erat, et correctum est cum additum est, *quanquam Jesus non baptizaret, sed discipuli ejus?* An utrumque verum est, quia Jesus et baptizabat, et non baptizabat? Baptizabat enim, quia et ipse mundabat; non baptizabat, quia non ipse tingebat. Præbebat discipuli ministerium corporis, prebeat ille adjutorium majestatis. Quando enim cessaret a baptizando, qui non cessat a mundando, de quo dictum est ab eodem Joanne per Joannis Baptiste personam [dicentis]: *Hic est qui baptizat?* Ergo Jesus adhuc baptizat; et quousque baptizantur, qui baptizandi sunt [Aug., quousque baptizandi sumus], Jesus baptizat. Securus homo accedat ad inferiorem ministrum, habet enim superiore magistrum. Sed forte dicat aliquis:

^c S. Aug. Tract. xv in Joan. num. 2, 3, 4.

Baptizat quidem Christus in spiritu, non in corpore. ▲
 Quasi vero alterius dono quam illius, quisquam etiam sacramenta corporalis et visibilis baptismatis imbuatur. Vis nosse quia ipse baptizat non solum spiritu, sed etiam aqua? Audi Apostolum: *Sicut Christus, inquit, 499 dilexit Ecclesium suum, et seipsum tradidit pro ea, mundans eam lavacro aquæ in verbo, ut exhiberet sibi ipse gloriosam Ecclesiam, non habentem maculam aut rugam, aut aliquid ejusmodi (Ephes. v. 25).* Mundans eam, unde? Lavacro aquæ in verbo. Tolle aquam, non est baptismum. Similiter verbum si tuleris, baptismum non sit [Ms., baptismata, tolle verbum, non est baptismata]. ▲ Quæri enim solet si in hoc baptismo discipulorum Christi, Spiritus sanctus daretur, propter verba quæ in sequenti hujus Evangelii loco leguntur, ubi dicitur: *Spiritus sanctus nondum fuerat datus, quia Jesus nondum fuerat glorificatus (Joan. vii. 59)*? Profecto dahatur Spiritus sanctus in hoc discipulorum Christi baptismo, licet non ea manifestatione, qua post ascensionem Christi decima die in igneis linguis datus est. Quod quædam latenter, quædam vero per visibilem creaturam, visibiliter Deus operatur, pertinet ad gubernationem prudentiæ, quia omnes divinæ actiones, locorum, temporumque ordinis [Ms., ordine] distinctione pulcherrima aguntur. Quomodo autem ipse Dominus secum habebat utique Spiritum sanctum in ipso homine quem gerebat, quando ut baptizaretur venit ad Jordanem [Ms., amnem]; et tamen posteaquam baptizatus est, descendere in eum in columbæ specie idem Spiritus [sanctus] visus est: sic intelligendum est, ante manifestum et visibilem adventum Spiritus sancti quoscumque sanctos eum latenter habere potuisse. Ita sane hoc diximus ut intelligamus etiam visibili demonstratione Spiritus sancti, qui adventus ejus dicitur, ineffabili vel etiam incogitabili modo largius in hominum corda plenitudinem ejus infusam. Sequitur: *Reliquit Iudeam, et abiit iterum in Galileam. Quid est, reliquit Iudeam, nisi reliquit infidelitatem illorum qui eum recipere noluerunt; et lapidem quem ædificare debuerunt, reprobaverunt?* Et abiit per apostolos in Galileam, id est, in voluntatem istius mundi, præcipiens apostolis: *Ite, docete omnes gentes, baptizantes eos in nomine Patris, et Filii, et Spiritus sancti (Matth. xxviii. 19).*

D VERS. 4. — Oportebat enim eum transire per Samariam. In lectione vero Evangelii, insirmitatem humani generis suscepisse Dominum Jesum Christum plenissime nobis sanctus evangelista monstravit; si quidem cum dixisset venisse Dominum in civitatem Samariae, quæ dicitur Sichar, juxta prædium quod dedit Jacob filio suo Joseph, in quo prædio erat fons Jacob, addidit: *Jesus, inquit, fatigatus ex itinere, sedebat sic supra fontem [Ms., supra puteum].*

CAPUT VII

Ad puteum Jacob mulieri Samaritanæ Christus se manifestans plurima mystice loquitur, et multi Sam-

* Hucusque Augustinus.

ritanorum credunt in eum, dicentes: *Vers hic est Salvator mundi.*

VERS. 5, 6. — Venit Jesus in civitatem Samariae, quæ dicitur Sichar, juxta prædium quod dedit Jacob Joseph filio suo. Erat enim ibi fons Jacob. Jesus, inquit, fatigatus itinere, sedebat sic super fontem. Super fontem videlicet putei, [qui erat in prædio, quod] sanctus Jacob Joseph filio suo dereliquerat: quod prædium non tam Joseph quam Christo arbitror derelictum, cuius figuram sanctus Joseph patriarcha portavit, quem vere sol adorat et luna, et omnes stellæ benedicunt. Ad hoc prædium ideo venit Dominus, ut Samaritani, qui hæreditatem sibi patriarchæ Israel vindicare cupiebant, agnoscerent possesse: suum, et converterentur ad Christum qui legitimus patriarchæ hæres est factus. Dicit evangelista: *Jesus autem fatigatus ex itinere, sedebat sic super fontem [Ms., supra puteum].* Evangelica sacramenta in Domini nostri Iesu Christi dictis factisque signata, non omnibus patent; et ea nonnulli minus diligenter minusque sobrie interpretando afferunt plerunque pro salute perniciem et pro cogitatione veritatis errorem. Inter quæ illud est sacramentum quod scriptum est Dominum hora diei sexta venisse ad puteum Jacob, fessumque ab itinere resedisse, a muliere Samaritana potum petisse, et cætera quæ in eodem loco Scripturarum discutienda et pertractanda dicuntur. De qua re id primum **500** tenendum est, quod in omnibus Scripturis summa vigilancia custodire oportet ut secundum fidem sit sacramenti divini expositio. Hora igitur diei sexta venit ad puteum Dominus noster. Video in puteo tenebrosam profunditatem. Admoneo ergo intelligi [Ms., intelligere] mundi hujus infirmas partes, id est, terrenas, quo venit Dominus Jesus hora sexta, id est, sexta ætate generis humani, tanquam senectute veteris hominis, quo jubemur exui, ut induamur novo qui secundum Deum creatus est (Ephes. iv. 24). Nam sexta ætas senectus est, quoniam prima est infantia, secunda pueritia, tertia adolescentia, quarta juventus, quinta gravitas. Veteris itaque hominis vita, quæ secundum carnem temporali conditione peragit, sexta ætate, id est, senectute concluditur, quia senectute, ut dixi, humani generis Dominus noster creator nolis et reparator advenit, ut moriente scilicet vetere homine, novum in se constitueret, que in exutum luto terreno in cœlestia regna transferret. Ergo nunc puteus, ut dictum est, mundi hujus terrenum laborem et errorem tenebrosa profunditate significat. Et quoniam exterior est homo *velut*, et novus interior, dictum est ab Apostolo: *Et si exterior homo noster corruptitur, interior autem renovatur de die in diem.* Rectissime omnino, quoniam omnia visibilia ad exteriorem hominem pertinent, quibus Christiana disciplina renuntiat. Hora sexta venit Dominus ad puteum, id est, medio die, unde jam incipit sol iste visibilis declinare in oce-

sum : quoniam et nobis vocatis a Christo ad invisibilium amorem, homo interior recreatus, ad interiorum lucem quae nunquam occidit, revertatur; secundum apostolicam disciplinam, non querens quae videntur, sed quae non videntur. Quae enim videntur temporalia sunt, quae autem non videntur aeterna sunt. Quod autem fatigatus venit ad puteum, infirmitatem carnis significat; quod sedet, humilitatem, quia et imbecillitatem carnis pro nobis suscepit, et homo hominibus tam humiliiter apparere dignatus est. De hac infirmitate carnis Propheta dicit: Homo in plaga positus, et sciens ferre imbecillitatem; de humilitate vero Apostolus loquitur dicens: *Humilitas se factus subditus usque ad mortem* (*Philip. ii, 8*). Quanquam illud quod sedet, quoniam solent sedere doctores, possit alio intellectu non humilitatis modestiam, sed magistri demonstrare personam. Sed queri potest quare a muliere Samaritana, que aqua inplendae gratia venerat, bibere postulaverit, cum ipse postea spiritualis fontis affluentiam se potentibus dare posse praedicaverit? Sed scilicet sitiebat Deus mulieris illius fidem, quoniam Samaritana erat, et solet Samaria idolatrie imaginem sustinere; ipsi enim separati a populo Iudeorum, simulacris mutorum animalium, id eat, vaecis aureis animarum suarum dedecus adduxerant [*Ms.*, decus addixerant]. Venerat autem Jesus Dominus noster ut genitum multitudinem, que simulacris servierat, ad munimentum fidei Christianae et incorrupte religionis adduceret. Non enim est, inquit, satis opus medicus, sed male habentibus. Ergo eorum fidem satit, pro quibus sanguinem fudit.

Vers. 7. — *Dixit ergo ad eam Jesus: Mulier, da mihi bibere.* Et ut noveris quid sitiebat Dominus noster post panulum venientis discipuli ejus, qui perrexerant in civitatem, ut cibos emerent, et dicunt ei: *Rabbi, manduca.* *Ille autem dixit eis: Ego aliam habeo escam manducare, quam vos nescitis.* Dicunt ergo discipuli ejus ad alterutrum: *Nunquid aliquis attulit ei manducare?* Dicit eis Jesus: *Meus cibus est, ut saciam voluntatem ejus qui me misit, et ut perficiam opus ejus.* Nunquid hic intelligitur alia voluntas Patris qui eum misit, et opus ejus quod perficere velle respondit, nisi ut nos ad fidem suam a perniciose mundi errore converteret? Qualis est ergo cibus ejus, talis et potus. Quapropter hec in illa muliere sitiebat, ut saceret in ea voluntatem Patris, et perficeret opus ejus. Sed illa carnaliter intelligens respondit: (*Vers. 9.*) *Tu cum sis Iudeus, quomodo a me bibere possis, cum sim mulier Samaritana?* Non enim contumelie Iudei Samaritanis. Cui Dominus noster dixit:

Vers. 10. — *Si scires donum Dei, et quis est qui dicit tibi, Da mihi bibere, tu magis petisses ab eo, ut dedisset tibi aquam vivam.* Ut hinc ei ostenderet non se talem **501** aquam petisse, qualem ipse intellexerat; sed quia ipse sitiebat fidem ejus, eidem sicuti

A Spiritum sanctum dare cupiebat. Haec enim recte intelligimus aquam vivam, quod est donum Dei, sicut ipse ait: *Si scires donum Dei; et sicut idem Joannes testatur alio loco dieiens: Quoniam stabat Jesus, et clamabat: Si quis siti, veniat [ad me] et bibat.* Qui credit in me, sicut dicit Scriptura, flumina de ventre ejus fluent aquae vivae (*Joan. viii, 37, 38*). Consequenter omnino, qui credit in me, inquit, flumina de ventre ejus fluent aquae vivae, quis primo credimus, ut haec dona mereamur. Hæc ergo flumina aquæ vivæ, quæ illi mulieri volebat dare, merces est fidei quam prius sitiebat. Cujus aquæ vivæ interpretationem ita su jicit: *Hoc autem dicebat, inquit, de Spiritu, quem acceptari erant hi qui ex eum credibili erant.* Nondum autem erat Spiritus datum, quia

B Jesus nondum fuerat clarificatus. Hoc itaque donum Spiritus sanctus est, quod post suam clarificationem dedit Ecclesie, sicut alia Scriptura dicit: *Ascendens in altum captivam duxit captivitatem, dedit dona hominibus* (*Ephes. iv, 8*). Sed adhuc illa mulier carnaliter sapit. Sic enim respondit: (*Vers. 11, 12*) *Domine, neque hauritorum habes, et patens altus est Unde mihi habes dare aquam vivam? Nunquid tu major es Patre nostro Jacob, qui dedit nobis hunc putoem, et ipse ex eo bibit, et filii ejus, et pecora ejus?* Nunc vero jam Dominus exponit quid dixerit: (*Vers. 13, 14*) *Omnis, inquit, qui biberit de aqua terra, sicut iterum. Qui autem de aqua, quam [ego] dederam, biberit, non sicut in sempiternum. Sed aqua illa quam dederam, fiet in eo fons aquæ salientis in vitam aeternam.* Sed adhuc mulier prudentiam eam amplectitur. Quid enim respondit? (*Vers. 15, 16*) *Domine, da mihi hanc aquam, ut neque siti, neque vaniam huc haurire. Dicit ei Jesus: Vade, voca virum tuum, et veni huc. Cum sciret eam virum non habere, cur hoc dixerit, quæritur; namque cum mulier dixerit: Non habeo virum,*

Vers. 18. — *Dicit ei Jesus: Bene diaisti non habere te virum. Quinque enim viros habuisti, et nunc, quem habes, non est tuus vir. Nec vere [Ms., verum] dixisti. Sed non sunt haec carnaliter accipienda, ne huic ipsi adhuc mulieri Samaritanæ similes esse videamur: sed de illo dono Dei si aliquid jam gustavimus, spiritualiter ista tractemus.* ** Quinque viros, quinque libros qui per Moysen ministrati sunt, nonnulli acceperunt.* Quod autem dictum est: *Et nunc quem habes, non est tuus vir,* de se ipso Dominum dixisse intelligent, ut iste sit sensus: Primo quinque libris Moysi, quasi quinque viris serviasti; num autem hic quem habes, id est, quem audis, non est tuus vir, quia nondum in eum credidisti. Sed quoniam nondum credens Christo, adhuc utique illorum quinque virorum, id est, quinque librorum copulatione tenebatur; potest movere quomodo dici potuerit, quinque viros habuisti, quasi nunc eos jam non haberet, cum adhuc utique ipsis subdita viveret? Deinde cum quinque libri Moysi nihil aliud quam Christum pre-

* Vide sanctum Ambrosium in Luc. cap. 14 et 20.

*Gloria, sicut ipse ait : Si crederetis Moysi, crederetis soritem et mihi ; ille enim de me scripsit (Joan. v., 46), quomodo potest intelligi a quinque illis libris recedere hominem, ut ad Christum transeat ; cum ille qui credit in Christum, non relinquendos quinque illos libros, sed spiritualiter intelligendos multo beatius amplectatur ? * Est ergo alius intellectus, ut quinque viri intelligentur quinque corporis sensus ; unus, qui ad oculos pertinet, quo lucem istam visibillem, et quolibet colores, formasque corporum cernimus ; alter est aurium, quo vocum et omnium sonorum momenta sentimus ; tertius narium, quo varia odorum suavitatem delectamus ; quartus in ore gustus, dulcia et amara sentit, et omnium saporum habet examen ; quintus per totum corpus tangendo dijudicat calida et frigida, mollia et dura, lenia et aspera, et quidquid aliud est quod tangendo sentimus. Iste itaque carnalibus sensibus quinque prima hominis aetas habuit, necessitate nature mortali, qua ita post peccatum primi hominis natu sumus, ut nondum reddit a luce mentis, carnalibus sensibus subdit, carnalem vitam sine ulla veritatis intelligentia transeamus. Tales necesse est esse infantes et parvulos pueros, qui nondum possunt accipere rationem. Et quia naturales sunt isti sensus, qui primam aetatem regunt, et Deo artifice nobis tributti sunt, recte dicuntur viri, id est mariti, 502 tanquam legitimi, quoniam non eos error virtus proprio, sed Dei artificio natura contribuit. Cum autem quisque venerit ad eam aetatem cui vita possit capax esse rationis, si veritatem statim comprehendere potuerit, non jam illis sensibus rectoribus utitur ; sed habebit virum spiritum rationalem, cui sensus illos in famelatum redigat, servituti subjiciens corpus suum ; cum anima non jam viris quinque, id est, quinque corporis sensibus subdita est, sed Verbum divinum habet legitimum virum, cui copulata inherens, cum et ipse spiritus hominis haeserit Christo, quia caput viri Christus est (1 Cor. xi, 3), amplexus spiritualia, sine ullo separationis timore eterna perficitur vita. Quis nos enim separare potuerit a charitate Christi (Rom. viii., 35) ? Sed quoniam illa mulier errore tenebatur, quae significabat multitudinem saeculi vanis superstitionibus subjugati [Ms., subjugari], post tempora illa quinque carnalium sensuum, quibus prima aetas, ut diximus, regitur, non eam verbum Dei accepterat in conjugium, sed complexu adulterino diabolus obtinebat. Itaque illi Dominus dicit, videns eam esse carnalem, id est, carnaliter sapere : *Vade, voca virum tuum, et veni hoc. Ille est, remove te ab affectione carnali, in qua nunc constituta es, unde non potes intelligere quae loqueris : Et voca virum tuum, id est, spiritu intelligentiae praesens esto.* Est enim anima quasi maritus quo-lammodo spiritus hominis, qui animalem affectionem tanquam conjugem regit : non ille Spiritus sanctus, qui cum Patre et Filio incommutabiliter datur, sed spiritus ho-*

A minis, de quo Apostolus dicit : *Nemo scit quid est in homine, nisi spiritus hominis.* Nam ille Spiritus sanctus, Spiritus Dei est, de quo iterum dicit : *Sic et quae Dei sunt, nemo scit, nisi Spiritus Dei.* Hic ergo spiritus hominis cum praesens est, id est, intentus est et se pietate subjicit Deo, intelligit homo quae spiritualiter dieuntur ; cum autem diaboli error, tanquam absente intellectu in anima dominatur, adulter est. *Voca ergo, inquit, virum tuum, id est, spiritum, qui est in te, quo potest homo intelligere spiritualia, si cum lux veritatis illustret.* Ipse adsi cum loquor tibi, ut spiritalem aquam possis aceipere. Et cum illa diceret : *Non habeo virum ; Bene, inquit, dixisti. Quinque enim viros habuisti, id est, quinque sensus carnis te in prima aetate rexerunt, et aunc, quem habes, non est tuus vir, quia non in te est spiritus, qui intelligat Denm, cum quo legitimus potes habere conjugium ; sed error diaboli potius dominatur, qui te adulterina contaminatione corruptit.* Et fortasse ut intelligentibus indicaret quinque memoratos corporis sensus quinque virorum nomine significari, post quinque carnales responsiones ista mulier sexta responsione nominat Christum ; nam prima ejus responsio est : *Tu cum sis Judeus, quoniam a me bibere petis ?* Secunda : *Domine, neque in quo haurias, habes, et puteus altus est.* Tertia : *Domine, da mihi hanc aquam, ut neque siti, neque ventiam huc haurire.* Quarta : *Non habeo virum.* Quinta : *Video quia propheta es tu, patres nostri in monte hoc adoraverunt.* Nam ista responsio carnalis est ; carnalibus enim datus fuerat locus terrenus, ubi orarent : spiritales autem spiritu et veritate oratores Dominus dixerat ; quia posteaquam locutus est, sexta mulieris responsio Christum fatetur omnium istorum esse doctorem. Dicit enim : *Scio, quia Messias venit, qui dicitur Christus. Cum ergo renoverit, ipse nobis annuntiabit omnia.* Sed adhuc errat, quia eum quem venturum sperat, venisse non videt ; verumtamen misericordia Domini nunc error iste tanquam adulter expellitur. Dicit enim [ei] Jesus :

Ego sum, qui tecum loquor. Quo audito, illa non respondit ; sed statim relicta hydria sua, abiit in civitatem festinans, ut evangelium et Domini adventum non tantum crederet, sed etiam predicaret. Nec hoc, quod relicta hydria discessit, negligenter praeterendum est ; hydria enim fortasse amorem secundum hujus significat, id est cupiditatem, qua sibi bonitates de tenebrosa profunditate, cuius imaginem putatus gerit, hoc est, de terrena conversatione hauriunt voluptatem ; qua percepta iterum in ejus appetitu inardescunt, sicut de aqua illa qui biberit, sicut iterum. Oportebat autem ut Christo credebas seculo renuntiaret, et relicta hydria, cupiditatem secularem se reliquisse 503 monstraret, una solum corde credens ad justitiam, sed etiam ad salutem ore confessura et predicatura quod credidit.

* Vide sanctum Augustinum, Tract. xv, num. 21.

Vers. 19. — *Dicit ei mulier : Domine, ut video, quia propheta es tu.* « Cœpit venire vir, sed nondum plene venit. Prophetam Dominum putabat. Erat quidem et propheta; nam de se ipso ait : *Non es propheta sine honore, nisi in patria sua* (*Luc. iv, 21*). Item de illo dictum est ad Moysen : *Prophetam eis suscitabo de fratribus eorum similem tui* (*Deut. xviii, 18*); similem scilicet ad formam carnis, non ad eminentiam majestatis. Ergo iuvenimus Dominum Iesum dictum prophetam. Prolinde jam non multum errat mulier ista, *Video, inquit, quia propheta es tu*. Incipit virum adulterum excludere, cum ait : *Video quia propheta es*; et incipit quaerere quod illam solebat mouere. Contentio quippe fuerat inter Samaritanos et Judeos, quia Iudei in templo a Salomone fabricato adorabant Deum : Samaritani longe inde positi, non in eo adorabant; et en Iudei meliores se esse lætabantur, quia in templo adorabant Deum. *Non enim contundit Iudei Samaritanis*; quia dicebant eis : *Quomodo vos jactatis [Al., lætatis ; al., lætamini], et ideo vos nobis meliores esse perhibetis, quia templum habetis, quod nos non habemus?* Nunquid patres nostri, qui Deo placuerunt, in illo templo adoraverunt? Nonne in isto monte adoraverunt, ubi nos sumus? Melius ergo nos, inquit, in hoc monte Deum rogamus, ubi patres nostri rogavérunt. Contendebant utrique ignari, quia virum non habebat, illi pro templo, isti pro monte inflammabantur [*Ms. et Aug., inflabantur*] adversus se invicem. Dominus tamen modo quid decet mulierem, tanquam cuius vir cœperit præsens esse? Dicit ei mulier : *Domine, video quia propheta es tu*.

Vers. 20, 21. — *Patres nostri in monte hoc adoraverunt, et nos dicitis quia Hierosolymis adorare oportet.* Dicit ei Jesus : *Mulier, crede mihi, quia veniet hora, quando neque in monte hoc, neque in Hierosolymis adorabitis Patrem.* Veniet enim Ecclesia, sicut dictum est in Cantico cantorum : *Dilectus meus loquitor mihi : Surge, propera, amica mea, sponsa mea, columba mea, immaculata mea, et veni : jam enim hiems transiit, imber abiit et recessit; flores apparuerunt in terra, tempus putationis advenit, vox turritis audiatur in terra nostra* (*Cant. ii, 10, 12*). Merito jam præsente viro audit : *Mulier crede mihi, jam enim est in te qui credat, quia præsens est vir tuus.* Cospiati adesse intellectu, quando me prophetam appellasti. Mulier, crede mihi, quia nisi credideritis, non intelligetis : Ergo mulier crede mihi, quia veniet hora, quando neque in monte hoc, neque in Hierosolymis adorabitis Patrem. (Vers. 22, 23.) *Vos adoratis quod neacitis, nos adoramus quod scimus, quia salus ex Iudeis est.* Sed veniet hora, [quando?] et nunc est, [quae ergo hora?] quando veri adoratores adorabunt Patrem in spiritu et veritate; non in monte isto, non in templo, sed in spiritu et veritate.

Vers. 24. — *Spiritus est Deus.* Si corporeus esset Deus, oportebat eum adorari in monte, quia corpo-

A reus est mons; oportebat eum adorari in templo, quia corporeum est templum. *Spiritus est Deus, et eos, qui adorant eum, in spiritu oportet adorare.* Nós adoramus quod scimus, vos adoratis quod nescitis, quia salus ex Iudeis est. » Multum dedit Iudeis; sed noli istos reprobos accipere. Parietem illum accipe, cui adjunctus est aliud, ut pacati in lapide angulari, qui est Christus, copularentur. Unus enim paries a Iudeis, unus a Gentibus : longe a se isti paries distabant, donec in angulo [Al., Christo] conjunguntur. Alienigenæ autem et hospites erant Gentes, et peregrini a testamento [*Ms., testamentis*] Dei. Secundum ergo hoc dictum est : *Nos adoramus quod scimus.* Ex persona quidem Iudeorum dictum est, sed non omnium Iudeorum, non reproborum Iudeorum : sed de qualibus fuerunt apostoli. quales fuerunt prophete, quales fuerunt illi omnes sancti, qui omnia sua vendiderunt, et pretia rerum suarum ad pedes apostolorum posuerunt (*Act. iv, 34*). Non repulit enim Deus plebem suam quam prescrivit. Audivit hoc mulier ista, et addidit. Jam dudum prophetam dixerat : *vidit alia [Aug., vidi talia] dicere eum, cum quo loquebatur, qui etiam [Ms., jam] plus esset quam propheta.* Et quid respondit, videat : *Dicit ei mulier : Scio, quia Messias veniet, qui dicitur Christus; cum ergo venerit, ille nobis omnia demonstrabit.* Quid est hoc? Modo, inquit, de templo contendunt Iudei, et nos **504** de monte contendimus; cum ille venerit, montem spernet, et templum evenerit. Docebit nos iste omnia, ut in spiritu et veritate oportet [*Ms., noverimus*] adorare. Sciebat, quis eam posset docere, sed jam docentem nondum agnoscebat. Jam ergo digna erat, cui manifestaretur. Messias autem unctus est : unctus enim Graece Christus est, Hebraice Messias. Ergo dicit ei mulier : (Vers. 25) *Scio quia Messias veniet, qui dicitur Christus. Cum ergo venerit, ille nobis annuntiabit omnia.*

Vers. 26. — *Dicit ei Jesus : Ego sum, qui loquor tecum.* Vocavit virum suum, factus est vir caput mulieris, factus est Christus caput viri. Jam mulier ordinatur in ille, et regitur bene victura [Al., duclara]. Posteaquam audivit hoc, *Ego sum, qui loquor tecum,* jam ultra quid diceret, quando Christus Dominus manifestare se voluit mulieri, cui dixerat, *crede mihi?* (Vers. 27.) *Et continuo tenerunt discipuli ejus, et mirabantur, quia cum muliere loquebatur.* Quia quererat perditam, qui venerat querere quod perierat, hoc illi mirabantur. Bonum enim mirabantur, non malum suspicabantur. (Vers. 28.) *Nemo tamen dixit, quid queris? aut quid loqueris cum ea?* Reliquit ergo hydriam suam mulier, et abiit ad civitatem. Auditio *Ego sum, qui loquor tecum,* et recepto in corde Christo Domino, quid faceret nisi jam hydriam dimitteret, et evangelizare curreret? Projecit cupiditatem, et properavit annuntiare veritatem. Discent qui volunt evangelizare, projiciant hydriam ad puteum. Recordamini quid superius dixerim de hydria.

* S. Aug. Loc. cit. num. 25, 24.

b Ibid. num. 26, 27, 28, 29, 30, 31, 32, 33.

*Hydria vas erat, unde aqua hauriebatur; Græco nomine appellatur hydria, quoniam Græce, aqua, ὕδωρ dicitur, tanquam si aquarium diceretur. Projectit ergo hydriam, que non jam usui, sed oneri fuit, avida quippe desiderabat aqua illa satiari. Ut nuntiaret Christum, onere abjecto cucurrit ad civitatem, et dicit illis hominibus : (VERS. 29) *Venite, et ridate hominem, qui dixit mihi omnia quæcunque feci.* Projectit hydriam, et abiit, et nuntiavit civitati pedentim, ne illi quasi jam irascerentur, et indignarentur, et persequerentur. Ait enim : *Venite et videte hominem, qui dixit mihi omnia quæcunque feci : nunquid ipse est Christus ?**

Vers. 30, 33. — Exierunt de civitate, et veniebant ad eum, et rogabant eum discipuli dicentes : *Rabbi, manda.* Ierant enim emere cibos, et venerant. **B** Ille autem dixit : *Ego cibum habeo manducare, quem vos nescitis.* Dicebant ergo discipuli ad intricem : *Nunquid aliquis attulit ei manducare ? Quid mirum si iustifier illa non intelligat aquam ?* Ecce discipuli nondem intelligunt escam. Audivit autem cogitationes illorum, et jam instruit, ut magister, non per circumstans, sicut illa cuius adhuc virum requirebat, sed jam aperte dicit eis Jesus : (Vers. 34.) *Meus, inquit, cibus est, ut faciam voluntatem ejus, qui me misit.* Ergo et potus ille [Ms., ipse¹] erat in illa muliere, ut faceret voluntatem ejus qui eum misit. Ideo dicebat : *Sitio, da mihi bibere : scilicet, ut fidem in ea operaretur, et fidem ejus biberet, et eam in corpus suum trahiceret : corpus enim ejus est Ecclesia.* (Vers. 38.) Ergo, inquit, ipse est oibus meus, ut faciam voluntatem ejus qui me misit. Nonne vos dicitis, quod adhuc quatuor menses sunt, et messis [renisi] ? In opus servebat, et operarios mittere disponebat. Vos quatuor menses computatis ad messem, ego vobis aliam messem albam et paratam ostendo. Ecce dico vobis, levate oculos vestros, et videte quia iam alba sunt regiones ad messem. Ergo messores missarum est [Ms., sum] ? In hoc enim est verbum verum, quia altius est qui metit, et altius qui seminat, ut et qui seminat, simul gaudet et qui metit.

Vers. 38. — *Ego misi vos metere quod vos non laboratis. Altii laboraverunt, et vos in eorum laborem introiistis. Quid ergo ? Messores misit, non seminatores. Quo messores ? ubi jam alii laboraverunt. Nam ubi jam laboratum erat, utique seminatum erat ; et quod seminatum erat, jam matarum factum, falcem et trituram desiderabat. Quo ergo erant messores mittendi ? ubi jam prophetæ prædicaverunt : ipsi enim seminatores. Nam si ipse non seminatores, sed messores erant, unde ad illam mulierem porvenerat, quæ ait : *Scio quia Messias venit ?* Jam ista mulier fructus maturus erat, et erant albae menses, et falcem quærebant. *Misi vos : quo ? Metere quod non seminasti : altii seminaverunt, et vos in eorum labores introiistis.* Qui laboraverunt ? Ipse Abraham, **505** Isaac, et Jacob. Legite labores illorum : in omnibus eorum laboribus est prophetia*

A Christi ; et ideo seminatores. Moyses et ceteri patriarchæ, et omnes prophetæ, quanta pertulerunt in illo frigore quando seminabant ? Ergo jam in Iudea messis parata erat. Merito ibi tanquam natura seges fuit, quando tot millia hominum pretia rerum suarum afferebant ; et ad pedes apostolorum ponebant, expeditis humeris a sarcinis secularibus, Christum Dominum requebantur (Act. iv, 35). Vere matura messis ! Quid inde factum est ? De ipsa messe ejecta sunt pauca grana, et seminaverunt orbem terrarum, et surgit alia messis quæ in fine seculi metenda est. De ipsa [Aug., ista] messe dicitur : *Qui seminant in lacrymis, in gaudio metent (Psal. cxxv, 5).* Ad istam ergo messem non apostoli, sed angeli mittuntur [Ms., mittentur]. *Messores,* inquit, **B** angeli sunt (Matth. xiii, 39). Ista ergo messis crevit inter zizania, et exspectat in fide purgari. Illa ergo messis jam matura erat, quo prius missi sunt discipuli, ubi prophætie laboraverunt. Sed tamen, fratres, vide quid dictum sit : *Simul gaudet et qui seminat, et qui metit ?* Disparis temporis labores habuerunt, sed gaudio pariter persuenter, mercedem simul accepturi sunt vitam æternam.

Vers. 39-42. — *Ex civitate autem illa multi crediderunt in eum, propter sermonem ejus, non propter verbum mulieris testimonium perhibentis : Quia dixi mihi omnia quæcunque feci.* Cum venissent autem ad illum Samaritani, rogeverunt ut apud eos maneret ; et manauit ibi duos dies, et multo plures crediderunt propter sermones ejus ; et mulieri dicebant : *Quia jam non propter tuam loquaciam credimus, ipsi enim audiavimus et scimus quia hic est vera Salvator mundi.* Et hoc paululum animadvertisendum est, quia lectio terminata est. Mulier prima nuntiavit, et ad mulieris testimonium crediderunt Samaritani, et rogeverunt eam ut apud eos maneret ; et mansit ibi biduo, et plures crediderunt. Et cum credidissent, dicebant mulieri : *Noz jam propter verbum tuum credimus, sed ipse cognoscimus et scimus quia hic est vere Salvator mundi.* Primo per famam, postea per præceptum. Sic agitur hodie cum eis qui foris sunt, et nondum sunt Christiani. Christus nuntiatnr per Christianos amicos ; tanquam illa muliere, hoc est, Ecclesia annuntiante, ad Christum veniunt. Credunt per istam famam ; manet apud eos biduo, hoc est, dat illis duo præcepta charitatis ; et multo plures in eum credunt firmius, quoniam vere ipse est [Ms., esset] Salvator mundi ^a.

Vers. 43-44. — *Post duos autem dies exiit inde, et abiit in Galileam. Ipse enim Jesus testimonium perhibuit : quia propheta in sua patria honorem non habet.* Confirmatis vero in fide et charitate Samaritanis, id est Gentibus, revertitur novissimis diebus hiujus seculi in patriam, in qua necdum honorem habuit. De qua ipse in hoc loco testatur, quia propheta in sua patria honorem non habet. In patria vero miracula fecit, et non crediderunt in eum ; in Samaria

^a Hucusque ex sancto Augustino.

non fecit, tamen crediderunt, unius feminæ testimoniæ incitatæ. Mundus credit apostolicæ Ecclesiæ prædicatione, quæ est una columba, incitatus; patræ vero terrenæ, nec ipse Christo prædicante, nisi pauci crediderunt. Et hoc est quod in alio loco ejusdem [Ms., hujus] Evangelii ait: *Qui credit in me, opera quæ ego facio, et ipse faciet, et majora horum faciet* (Joan. xiv. 12). Majora opera fuerunt totius mundi filii per apostolicam prædicationem, quam Christi; qui in Iudea paucos admodum salvavit, in tantum paucos, ut discipuli sui pene omnes, præter duodecim, dimiserint eum, sicut dictum est: *Ex hoc muli discipulorum ejus abierunt retro, et jam cum illo non ambulabant* (Joan. vi. 67). (VERS. 45.) *Cum ergo venisset in Galilæam, exeperunt [eum] Galilæi, cum omnia vidissent quæ fecerat Hierosolymis in die festo, et ipsi ascenderant ad diem festum; forte miraculorum curiositate incitati, non voluntate prædicationis au.lienda.* (VERS. 46.) *Venit ergo iterum Jesus in Canu Galilæe, ubi aquam vinum fecit.* Quasi dicaret: Quamvis plena domus esset discubentium, ubi miraculum in conspectu illorum fecit Christus, tamen pauci crediderunt in eum, dicente evangelista: *Et crediderunt in eum discipuli ejus.* Et forsitan ad veritatem dictum est civium suorum, et ad laudem alienigenarum; nam Galilei cives fuerunt Christi, et Samaritani alienigenæ fuerunt, ut in sacra legitur historia.

506 CAPUT VIII.

Reguli cujusdam filius agrotans absentis Domini vocatur.

VERS. 46. — *Erat autem quidam regulus, cuius filius infirmabatur Capharnaum.* Regulus vero diminutivum domini est a rege; et ideo forsitan regulus dicitur iste, qui salutem posuit filio suo, quia plenam uox ^a abuit ^b fidei. *Habuit, et non habuit,* ideo auditum: (VERS. 48.) *Nisi signa et prodigia videritis, non creditis.* ^c Qui enim salutem quererebat pro filio, procul dubio credebat: neque enim ab eo quereret salutem, quem non eredaret Salvatorem. Quare ergo dicitur, nisi signa et prodigia videritis, non creditis, qui ante credebat quæ signum videret? Sed memenisse quod petiit, et aperte cognoscetis quia in fide dubitavit. *Poposet namque ut descendere et sanaret aliud ejus.* Corporalem ergo præsentiam Domini quererebat, qui per spiritum nusquam deerat. Minus itaque in illo credidit, quem non putavit posse salutem dare, nisi præsens esset et corpore. Si enim perfecte credidisset, procul dubio sciret quia non esset locus, ubi non esset Deus. Ex magna ergo parte diffusa: [Ms., diffusa] est, quia honorem non dedit maiestati, sed præsentie corporali: et salutem itaque filiu petuit, et tamen in fide dubitavit, quia eum ad poem venerat et potentem ad curandum credidit, et tamen morienti filio esse absentem putavit Deum (Apud Greg. deest, Deum). Sed Dominus qui'rogatur ut vadat, quia non desit ubi invitatur, indicat: solo

A jussu salutem reddidit, qui voluntate omnia creavit. Quia in re hoc est nobis solerter intuendum, quoniam, sicut, alio evangelista attestante, didicimus, centurio ad Dominum venit dicens: *Domine, puer meus jacet paralyticus in domo, et male torquetur.* Cui a Jesu protinus respondet: *Ego reniam, et curabo eum* (Matth. VIII, 6, 7). Quid est quod regulus rogat ut ad ejus filium veniat, et tamen corporaliter ire recusat; ad servum vero centurionis non invitatur, et tamen se corporaliter ire pollicetur? Reguli filio per corporalem præsentiam non dignatur adesse, centurionis servo non designatur occurrere. Quid est hoc, nisi quod superbia nostra retunditur, qui in hominibus non naturam, qua ad imaginem Dei facti sunt, sed honores et divitias veneramur? Cumque pensamus quæ circa eos sunt, profectio interiora minime pavidemus. Dum ea consideramus quæ in corporibus despiciuntur, negligimus pensare quod sunt. Redemptor vero noster, ut ostenderet quia quæ alta sunt hominum, sanctis despicienda sunt; et quæ despiciuntur hominum, despicienda non sunt sanctis, ad filium reguli ire voluit, et ad servum centurionis ire paratus fuit. Incepata est ergo superbia nostra, quæ nescit pensare homines propter homines. Sola, ut diximus, quæ circumstant hominibus, pensat, naturam non aspicit, honorem Dei in hominibus non agnoscit. Ecce ire non vult Filius Dei ad filium reguli, et tamen venire paratus est ad salutem servi b. Hoc est quod Apostolus ait: *In firma mundi elegit Deus, ut confundat fortia* (I Cor. i, 27).

VERS. 50, 51, 52. — *Creditit homo sermoni, quem dixit ei Jesus, et ibat.* Incipit enim jam fidem habere in sermone Jesu, et ideo sanitatem meruit filii; ^c qui ex parte dubius venit, fidelis recessit, et idem sanitatem meruit filii. *Jam autem eo descendente, serui occurrerunt ei, nuntiantes quod filius ejus vivet.* Interrogavit ergo horam ab eis, in qua melius habuc-rat. Dixerunt ei: *Quia heri hora septima reliquit eum febris.* Septenarius numerus sanctificatus est in donis Spiritus sancti, in quo sanitas omnibus credentibus constat, quia in sancto Spiritu, qui est donum Dei, remissio est omnium peccatorum credentibus. Septenarius quoque numerus, si dividitur in tria et quatuor, sanctam Trinitatem significat in trinario numero; et omnium creaturarum perfectionem in quaternario, propter quatuor elementa plenaria [Ms., plenaria], et quatuor plagas mundi, et quatuor annū tempora. Quæ omnia ex ipso, et per ipsum, et in ipso creata sunt, constant et gubernantur, quomodo [Ms., quoniam] in ipso viri nus, moremur et sumus (Act. xvii, 28).

507 VERS. 53. — *Cognovit ergo pater quia illa hora erat in qua dixit ei Jesus: Filius tuus vivit.* Et credidit ipse, et dominus ejus tota, quia nuntiatus est ei filius ejus sanus. Ad solum ergo sermonem credidit plures Samaritani; ad illud autem miraculum sola dominus [illa] eredit. Quæ res protendit [Ms.,

* Ex sancto Gregorio, hom. 28, num. 1, 2.

† Hucusque ex sancto Gregorio.

portendit] in multis tunc fidem Gentium, et in paucitate fidem Iudeorum. Gentes vero solo sermone, id est, prædicatione apostolica crediderunt; Iudei

A vero signa viderunt ipsum Dei filium facientem, et tamen pauci crediderunt ex eis.

LIBER TERTIUS.

Delectatio [Bed., Dilectio] divinorum eloquiorum, et dulcedo intelligendae sanctæ Scripturæ, et maximus humilis evangelice veritatis, in qua verborum honesta simplicitas patet et sensuum alta profunditas latet, adjuvante ipso Domino qui dat suavitatem ut terra nostra det fructum suum, et nos ad loquendum et vos ad audiendum exhortatur. Atque utnam tam efficax nobis esset loquendi sensus quam vobis studiosa [Ms., studiose] audiendi data est diligentia; dum video sine fastidio vos audire, et gaudeo palato cordis vestri, a quo id quod salubre est non respuitur, sed cum aviditate percipitur et utiliter continetur. Loquamur ergo vobis et nunc de evangelica lectione in qua duo pariter miracula humanæ sanitatis leguntur, unum invisibiliter per angelicam administrationem, alterum per Dominicam presentiam visibiliter exhibitum. Sed utriusque nobis sunt breviter exponenda mysteria, ne prolixæ lectionis prolixa quoque explanatio cuiquam forte gravior existat.

CAPUT IX.

Hominem triginta annos habentem in infirmitate sua Jesus dicendo: Tolle grabatum tuum, et ambara, in sabbato curavit, æqualem se, qui erat, faciens Deo.

CAPUT V VERS. 1, 2, 3, 4. — Post hac erat dies sextus Iudeorum, et ascendit Jesus Hierosolymam. **E**sí autem Hierosolymis Probatice piscina, quæ cognominatur Hebraice Bethsaida, quinque porticus habens. In his jacebat multitudo magna languantium, cæcorum, claudorum, aridorum, exspectantium aquæ motum. Angelus autem Domini secundum tempus descendebat in piscinam, et morebatur aqua. Et qui prius descendisset in piscinam post motionem aquæ, sanus fiebat a quacunque detinebatur infirmitate. Probatica piscina quæ quinque porticibus cingebatur, populus est Iudeorum, legis undique custodia ne peccare debeat munitus. Recte etenim lex, quæ quinque libris Moysi descripta est, quinario numero figuratur; recte populus, qui in quibusdam munditiis vita servare [Ms., munditiæ vita servire], in quibusdam vero solebat immundorum spirituum tentamentis agitari, per aquam significatur piscine, quæ nunc placida ventis stare, nunc eis irruentibus turbari consueverat. Et bene piscina eadem probatica vocatur: probata quippe Græce oves dicuntur. Quia erant nimis in illo populo, qui dicere Dominum nossent: **N**os autem populus tuus, et oves grexis tui, confitebimur tibi in sæcula (Psal. lxxviii, 43). Vulgo autem probatica. id est, pecualis piscina

fertur appellata, quod in ea sacerdotes hostias lavare consueverint. **M**ultitudo languantium, quæ in memoriatis porticibus jacebat, aquæ motum exspectans, significat eorum catervas, quæ [Beda, qui] legis verba audientes, suis se hanc viribus implere non posse dolebant, atque ideo Dominicæ auxillum gratiae totis animæ affectibus implorabant. **C**eci erant, qui necedum perfectum fidei lumen habebant; **c**laudi erant, qui bona quæ noverant, operandi gressibus implere nequibant; **a**ridi, qui quamlibet oculum scientiæ habentes, piaguedine lamen spei et dilectionis egebant. Tales in quinque porticibus jacebant, sed nonnisi in piscina angelo veniente sanabantur; quia per legem cognitio peccati, gratia autem remissionis nonnisi per Jesum Christum facta est (Rom. iii, 21, seq.). Hunc designat angelus, qui invisibiliter descendens in 503 piscinam, ad surgerendam vim sanandi movebat aquam. Descendit enim carne induitus magni consilii angelus (Iust. ix, 6), id est, paternæ voluntatis nuntius, in populum Iudeorum, et movit peccatores factis ac doctrina sua, ut occideretur ipse, qui suæ morte corporal non solum spiritualiter languentes sanare, sed et mortuos vivificare sufficeret. Motus ergo aquæ passionem Domini, quæ [Ms. et Beda, quæ] mota turbataque Iudeorum gente] mota turba a Iudeorum gente facta est, insinuat; et quia per eamdem passionem redempti sunt credentes a maledicto legis, quasi descendentes in aquam piscinæ turbatam sanabantur, qui etenus jacebant in porticibus segregati. Legis siquidem littera, quæ nescientes quid agendum, quid vitandum esset, docuit; nec tamen eductos, ut sua decreta completerentur, adjuvit, quasi eductos de sedibus ignorantie prioris, in porticibus suis continebat, nec sanabat languidos: gratia autem Evangelii, quæ per fidem ac mysterium Dominicæ passionis sanat omnes languores iniquitatum nostrarum, a quibus in lege Moysi non potuimus justificari, quasi electos de porticibus legis segregatos in aquam piscinæ turbidam, ut sanari possint, immittit, quia a peccatis quæ lex ostenderat per aquam baptismatis ablit, testante Apostolo: **Q**uia quicunque baptizati sumus in Christo Iesu, in morte ipsius baptizati sumus; consequenti enim sumus cum illo per baptismum in mortem, ut quomodo surrexit Christus a mortuis per gloriam Patris, ita et nos in novitate vite ambulemus (Rom. vi, 3). Bene autem dicitur quia qui primus descendisset post motum aquæ, sanus fiebat, a quocunque languore tenebatur; quia unus Dominus, una fides, unum ha-

* Ex Bedæ hom. 7.

pistema, unus Deus (*Ephes.* iv, 5). Et qui in unitate catholica Christi mysteriis imbuitur, sanus fit a quoque peccatorum languore detinebatur [*Beda, de lenteitate*]; quisque autem ab unitate discrepat, salutem quae ab uno est, consequi non valet. Hæc de primo evangelice lectionis miraculo quod Dominus dedit locuti, nunc de secundo quod ipse deridet, fraternitati vestre loquamur, in quo etiam ipso unus commendatur sanatus: non quia omnipotens pietas Salvatoris omnes quos ibi languentes invenit, sanare nequit [*Beda, ne quiverit*], sed ut doceret, preter unitatem catholicæ fidei nullum cui libet locum patere salutis.

VERS. 5. — *Erat autem quidam homo ibi*, inquit, *triginta et octo annos habens in infirmitate sua*. Homo iste multorum infirmitate detenus annorum significat peccatorem quemlibet, enormi scelerum magnitudine vel numerositate depresso, cuius significando reatui, etiam motus [*Beda, modus*] temporis, quo iste languebat, congruit; nam duodequadraginta annos babebat in infirmitate: quadragenarius autem numerus, qui denario quater ducto conficitur, pro perfectione recte conversationis solet in Scripturis accipi; quia quisquis perfectam conversationem [*Ms. et Beda*, perfectæ conversationis opera] egerit, legis profecto decalogum per quatuor sancti Evangelii libros implet: ad quam nimur perfectionem [*Ms.*, a qua... perfectione] duo minus habet, qui a Dei et proximi dilectione, quam legis pariter et Evangelii Scriptura commendat, vacuus incedit. Quod etiam mystice Dominus sanans infirmum docuit, cum ait:

VERS. 8. — *Surge, tolle grabatum tuum, et ambula*. Surge enim dicitur, vitiorum torporem, [in] quibus diu languebas, excute, et ad exercitium virtutum, quibus perpetuo salveris, erigere. *Tolle grabatum tuum*, id est, porta. Diligis proximum tuum? Patienter ejus infirma tolerando porta^a, qui te adhuc tentationum fasce depresso diu patienterque sustinuit. Alter, enim, alterius onera portare, et sic adimplebitis legem Christi (*Gal. vi, 2*). Et sicut alibi dicitur: *Supportantes invicem in charitate, solliciti servare unitatem spiritus in vinculo pacis* (*Ephes. iv, 2*). Ambula autem; toto corde, tota anima, tota virtute Deum dilige, et ut ad ejus visionem pertinere merearis, quotidianis bonorum operum passibus de virtute in virtutem progredere, nec fratrem quem sufferendo ducis ob amorem ejus ad quem pergis, deseras [*Ms.*, deserens]; nec ob fratris amorem, ab illo querendo cum quo manere desideras, intentionem recti incessus avertas [*Ms.*, avertens]; sed ut perfecte possas salvari, surge, tolle grabatum tuum et ambula, id est, relinque peccata pristina, necessitatibus fratrum succarre, et in universis quæ agis, vide ne **509** in hoc seculo mentem flagas, sed ad videndum faciem tui festines Redemptoris. Surge bona operando, porta grabatum diligendo

A proximum, et ambula expectando beatam spem et adventum gloriae magni Dei (*Tit. ii, 13*). Sed o mira perfidorum dementia! qui ad tam inopinatam diu languentis sanationem credere ac spiritualiter sanari debuerant, e contra scandalizantur, et salvato pariter ac Salvatori calumnias struunt. Salvato quidem, quia sabbato grabatum tulerit; Salvatori autem, quia sabbato illum salvari, et grabatum tolli precepit, quasi melius ipse diem sabbati [*Ms.*, ipsi de sabbato] quam tanta divinitatis potentia nosset. (*Vers. 10.*) *Dicebant*, inquit, *Judei illi qui sanus* [*Ms.*, *sanatus*] *fuerat: Sabbatum est, non licet tibi tollere grabatum tuum*. Litteram legis stulte defendebant ignorando dispensationem ejus, qui legis quondam edicta per servum decernens, nunc ipse adveniens eamdem legem gratia mutare dispositus; ut quo*juxta litteram diu carnales carnaliter observabant, deinceps spiritaliter observandum cognoscerent*. Sabbato quippe [*Al. quidem*] carnali, quod juxta litteram custodiebatur, populus [*Edit. custodiebat populus*] ab omni opere servili die septima vacare præceptus est; spirale autem sabbatum est in luce gratiae spiritualis, quæ septiformis accipitur, quia non una, sed omni die nos ab inquietudine vitiorum manere feriatos oportet. Si enim juxta vocem Dominicam, *omnis, qui facit peccatum, servus est peccati* (*Joan. viii, 34*), patet liquido quia peccata recte opera servilia intelliguntur, a quibus quasi in die septima in præceptione [*Beda, perceptione*] gratiae spiritualis, immunes incedere jubemur, nec solum a pravis continere, sed et bonis insistere factis. [Quod] in hac quoque lectione Dominus typice ostendit, cum eum qui duodequadraginta annos languebat, in die sabbati non solum surgere, verum etiam grabatum tollere et ambulare præcepit: vide licet insinuans eos qui longo vitiorum languore labescunt, et Dei ac proximi dilectione [*Ms.*, *dilectionis*] inanes, quasi a perfecta virtutum summa duo minus habent, jam per donum sancti Spiritus a vitii posse resurgere, eorumque discusso torpore, cum fraternæ dilectionis onere ad visionem debere sui properare conditoris. Nam sequitur:

VERS. 14. — *Postea inveniit eum Jesus in templo, et dixit ei: Ecce sanus factus es, jam noli peccare, ne deterius tibi aliquid contingat*. Quod autem is qui sanatus est Jesum non in turba adhuc positus, sed post in templo cognoscit, mystice nos instituit ut si vere conditoris nostri gratiam cognoscere, si ejus amore confirmari, si ad ejus visionem pervenire desideramus, fugianus sollicite turbam, non solum turbantium nos cogitationum affectumque pravorum, verum etiam hominum nequam, qui nostræ sinceritatis possunt impedire propositum, vel mala videlicet exemplo suo monstrando, vel bona nostra opera deridendo, aut etiam prohibendo. Confugiamus sednli ad domum orationis, ubi secreta libertate Dominum invocantes, et de perceptis ab eo

^a *Beda et ms.* : « *Tolle grabatum tuum, porta diligens proximum tuum, patienter ejus infirma tolerando, qui te, etc.* »

beneficiis gratias agamus, et de perceptionis [Ms. et **A** Beda percipiendis] humili devotione precemur. Imo etiam ipsi templum Dei sanctum, in quo venire et mansionem facere dignetur, existere curemus, audientes ab Apostolo : *Quia corpus vestrum templum est Spiritus sancti, qui in vobis est* (*I Cor. vi, 19*). Inter quæ diligentius intuendum, fratres mei, quod inveniens in templo quem sanaverat, Dominus ait illi : *Ecce sanus factus es, jam noli peccare, ne deterrius tibi aliquid contingat*. Quibus verbis aperte monstratur quia propter peccata languebat, nec nisi dimissis eisdem peccatis poterat sanari ; sed qui foris ab infirmitate, ipse etiam intus salvavit a scelere. Unde et caute premonuit ne amplius peccando gravioris sibi sententiam damnationis contraheret. Quod non ita sentiendum est, quasi omnis qui infirmatur, ob peccata infirmetur. » Sæpe infirmatur homo ne extollatur in donis Dei, sicut de Paulo apostolo legitur (*II Cor. XII, 7*) ; sæpe ut probetur, tribulatur, sicut beati Job patientia tribulata et probata est ; sæpe infirmitas pro castigatione datur, ut illud : *Flagellat Deus omnem filium, quem recipit* (*Hebr. XII, 6*) ; quibusdam vero infirmitas pro gloria Dei datur, ut de creco nato, vel de Lazaro legitur. Novit Dominus pro quo quemlibet jubeat infirmari, vel dimittat sæpe occulto hominibus judicio, sed nunquam injusto. « Sed discamus flagellis piissimi Redemptoris nostri humiliter substerni, arbitrantes nos minus pati quam meremur, semper **510** illius sententiae memores : *Quia beatus homo, qui corripitur a Domino* (*Job. v, 17*). Et ipse in Apocalypsi : *Ego, inquit, quos amo, arguo et castigo* (*Apoc. III, 19*). Longevo autem languenti, interius exteriusque sanato, id est, et a flagellis aperte castigationis et a peccatis quibus hæc merebatur erepto ; Judæi e contra male intus languidi jam deterius ægrotare incipiunt, persequendo videlicet Jesum, qui hoc faceret in sabbato. Persequabantur autem eum quasi legis auctoritatem simul et divinæ operationis exempla secuti ; quia et Dominus sex diebus mundi perfecta creatione, septimo requievit [Beda, requieverit] ab omnibus operibus suis, et populum sex diebus operari, septimo vacare præceperit ; non intelligentes quia carnalia legis decreta paulatim erant spiritali interpretatione mutanda, apparente illo qui non tantum legislator, sed et *finis legis est Christus*, ad justitiam omni credenti (*Rom. X, 4*) ; neque animadvertentes quia conditor in die septima non ab opere mundane gubernationis et annule, imo quotidiana [Ms., collidiane. . . substitutionis] rerum creaturarum substitutione, sed a nova creaturarum institutione cessavit ». Quod vero dicitur, *Requievit Deus in die septimo ab omnibus operibus suis*, ita intelligendum est, cessasse Deum a novarum conditione creaturarum. Quid vero hic ipsa Veritas ait ?

^a Hic non obsecro Beda minime contradicente hic Alcuino videtur negare quotidianam animarum creationem : quod paulo post clarius declarat his verbis : Non novum creaturæ genus instituendo, sed quæ a principio creaverat, ne deficiant, propagan-

VERS. 17. — *Pater mens usque modo operatur, et ego operor. Operatur Pater et Filius, ut naturarum diversitas permaneat, quæ in prima conditione mundi condite sunt. Ideo dictum est in Psalmo : Qui fixit singulatim corda eorum (Psalm. xxxii, 15), non incognita animarum genera, sed ejusdem substantie animas, quæ in primo homine condita est, reformat.* ^b Quapropter Psalmista cum non solum primordialem mundi creationem, sed et quotidianam creature gubernationem ad laudem creatoris referret, ait inter cætera : *Omnia in sapientia fecisti* (Psalm. ciii, 24). Si autem Christum Dei virtutem et Dei sapientiam recte constemur, et omnia in sapientia fecit ac regit Deus, constat nimis quia Pater usque modo operatur, operatur et Filius ; ergo *Pater meus*, inquit, non solum sex, ut putatis, diebus primis operatus est, verum *usque modo operatur*, non novum creaturæ genus instituendo, sed quæ in principio creaverat, ne deficiant propagando. *Et ego operor*, subauditur, *usque modo*, cum eo cuncta disponens, regens, accumulans ; ac si aperte dicat : *Quid mihi invidetis ? Cur me vituperatis, cæci legi lectores [Beda, legislatoris], quod in forma hominis sabbato salutem unius hominis operatus sim, qui in natura divinitatis una cum Deo Patre totum genus humanum, imo totam mundi machinam, et cuncta visibilia et invisibilia quietus semper operor ? Sed ipsi talis ac tanti mysterii minus capaces, propterea magis quærebant eum interfiscere, quia non solum solvebat sabbatum, sed et Patrem suum dicebat Deum, æqualem se faciens Deo. In eo maxime dolebant, quia is quem verum ex infirmitate carnis hominem cognoverant, verum se Dei Filium credi voluisse, id est, non gratia adoptatum, ut ceteros sanctos, quibus loquitur Propheta : Ego dixi, dñi estis, et filii Excelsi omnes (Psalm. LXXXI, 6) ; sed natura Patri per omnia æqualem e.*

Notandum sane quod dictum est, *æqualem se faciens Deo*, a Judæorum persona dictum, qui putabant Dominum Jesum predicando se facere quod non esset, et non veraciter intimare quod esset. ^c *Commoti igitur Judæi, et indignati sunt*. Merito quidem, quod audiebat homo æqualem se facere Deo ; sed ideo immerito, quia in homine non intelligebant Deum. Carnem videbant, Deum nesciebant ; habitaculum cernerant, habitatorem ignorabant. Caro enim illa templum erat, Deus inhabitabat intus. Non ergo Jesus carnem æquabat Patri, non formam servi Domino comparabat : non quod factum est propter nos, sed quod erat quando fecit nos. Quis namque sit Christus, (catholicis loquor,) nos, quia bene credidimus : non Verbum tantum, non caro tantum ; sed Verbum caro factum est, et habitavit [Aug., ut habaret] in nobis. Recensete de Verbo, quod nos. In principio erat Verbum, et Verbum erat apud Dicem,

do. MARTENE.

^b Ex eadem homilia Bedæ.

^c Hucusque ex homilia 7 Bedæ.

^d S. Aug. Tract. xviii in Joan., num. 2.

511 *ei Deus erat Verbum. Hic æqualitas cum Pater. Sed Verbum caro factum est, et habitavit in nobis: hac carne major est Pater. Ita Pater et æqualis et major: æqualis Verbo, major carne; æqualis ei per quem fecit nos, major eo qui factus est propter nos.* » *Commotis vero et turbatis Judæis, quia se æqualem Christus Patri fecit, qui hominem tantummodo intellexerunt, non Deum; carnem vide- runt, divinitatem non crediderunt; dixit enim:*

VERS. 19. — *Non potest a se Filius facere quidquam, nisi quod viderit Patrem facientem.* ^c *Non alia opera facit Pater quæ videat Filius, et alia Filius cum [Ms., quæ] viderit Patrem facientem; sed eadem opera ipse Pater et Filius facit. Secutus enim ait [Ms., sequitur enim]: Quæcumque ille fecerit, hæc [et] Filius similiter facit. Non cum ille fecerit, alia Filius si- militer facit: sed quæcumque ille fecerit, hæc et Filius si- militer facit. Si hæc facit Filius quæ fecerit Pater, per Filium facit Pater; si per Filium facit Pater quæ facit, non alia Pater, alia Filius facit, sed eadem opera sunt Patris et Filii. Et quomodo ea- dem facit Filius, eadem et Pater similiter* ^b. *Ne forte eadem, sed dissimiliter: Eadem, inquit, et simi- lier. Et quomodo possit eadem non similiter,* ^c *dum omnia, quæ Pater facit, per Filium facit? Sicut dictum est: Omnia per ipsum facta sunt, et sine ipso factum est nihil. Ideo similiter dixit, quia eadem facit Filius, quæ facit et Pater: quia una Patris et Filii in divinitate substantia est [Ms., substantia et] operatio, una voluntas et potestas, una vita et essen- dia, et æqualia omnia sunt in Patre et Filio, nisi quod Pater pater est, et Filius filius est. Separatio est in personis, sed unitas in natura. Non enim po- test Filius a se facere quidquam, nisi quod viderit Pa- trem facientem. Non debemus carnaliter intelligere hanc sententiam, ^c *d* quasi duorum hominum Patris et Filii, unius ostendens, alterius videntis; unius loquentis, alterius auditentis; quæ omnia phanta- smata cordis sunt. » *Talis cogitatio procul a pecto- ribus Christianis expellenda est. Ergo de Filio et Patre præsentis docet lectionis exemplum, quia nec Pater minorem quam Filius, nec Dei Filius majo- rem, quam Pater habet personam* ^c, *cum Patri et Filio nulla distantia divinitatis sit, sed una majestas. Quod enim ait Filium nihil facere, nisi quod vide- rit Patrem facientem, non corporaliter intelligen- dum est, quia non corporalibus modis Deus videt: sed visus ei omnis in virtute naturæ est; neque enim partitio esse poterit in simplici natura divinitatis; sed [idem est] Filio videre Patris opera, cum Patre æqualiter facere, quia idem est Filio videre et esse. Ideo subjecit: Omnia enim quæcumque facit Pater, eadem et Filius facit similiter. Significationem unius naturæ ostendit et unius operationis, quia communis [est] operatio Patris et Filii, quorum est una natura, una etiam et operatio. Ideo consequenter**

S. Aug. ibidem num. 8.

^b *Ms. et Aug. : « Et quomodo eadem facit et Fi- lius? et eadem et similiter. »*

^c *Hucusque sanctus Augustinus, loco citato.*

PATROL. C.

A subjunxit: (VERS. 20) *Pater enim diligit Filium, et omnia demonstrat ei quæ ipse facit. Ut ostenderet omnem hanc Patris demonstrationem fidei nostræ esse doctrinam. Ut scilicet et Pater nobis in con- fessione esset et Filius; et ne qua ignoratio in Fi- lio posset intelligi, cui Pater opera omnia quæ ipse faceret, monstraret, continuo ait: Et majora horum opera demonstrabit ei, ut vos admirermini.*

CAPUT X.

Quod sicut Pater suscitat mortuos, sic et Filius; et quod æqualiter cum Patre sit honorandus; et in quod credentes transeant de morte ad vitam. Ven- turam quoque pronuntiat horam, qua de monumen- tis boni malique resurgent.

B *VERS. 21.* — *Sicut enim Pater suscitat mortuos, et vivificat, sic et Filius quos vult vivificat. Ea enim Patrem demonstraturum Filio dicit quæ mirentur. Et quæ eadem essent illa, mox docuit: Sicut enim Pater suscitat mortuos, sic et Filius quos vult vivificat. Exæqua virtus est indissimilis per naturæ [Ms., per naturæ indissimilis] unitatem, et demonstratio operum non ignorantis instructio est, sed nostræ fidei quæ* **512** *non Filio scientiam ignoratorum, sed nobis confessionem nativitatis invexit. Demon- strare enim Patrem, est per Filium facere quæ facturus est. Nam majora opera sunt resurrectio mortuo- rum quæ erit in novissimo die, quam istius languen- tis sanitas, qui Christi verbo sanatus est. Ex quo nata est hujus occasio tota sermonis; dicit enim: Ut vos miremini.* ^c *Et hoc difficile est videre, quo- modo tanquam temporaliter Filio coeterno aliqua demonstraret æternus Pater, omnia scienti quæ sunt apud Patrem. Quæ sunt tamen illa majora? Hoc enim facile est intelligere. Sicut enim Pater, inquit, suscitat mortuos et vivificat, sic et Filius quos vult vi- vivificat. Majora ergo sunt opera mortuos suscitare, quam languidos sanare. Sed sicut suscitat Pater mortuos et vivificat, sic et Filius quos vult vivificat. Non aliis ergo Pater, aliis Filius: sed omnia per ipsum; ipsos itaque Filius quos et Pater: quia non alia, nec aliter, sed hæc Filius similiter facit. Ita plane intelligendum est, et ita tenendum: sed me- mentote, quia Filius quos vult vi- vivificat. Tenete hic ergo non solum potestatem Filii, verum etiam voluntatem [Ms., et voluntatem Patris]. Filius quos vult vivi- ficat, et Pater quos vult vivificat: et ipsos Filii, quos et Pater: ac per hoc eadem Patris et Filii [et] potestas est et voluntas, » eadem quoque vita et vi- vivificatio mortuorum. Et ideo dicit: Sicut Pater sus- citat mortuos, et vivificat quos vult, sic et Filius quos vult vivificat. Non enim aliis Pater, aliis Filius vi- vivificat; sed una potestas unam vivificationem facit; quæ etiam potestas uno honore honoranda est [Al., veneranda]. Et ideo consequenter subjunxit:*

VERS. 22, 23. — *Pater enim non judicat quem- quam, sed omne judicium dedit Filio, ut omnes hono-*

^d *Ex S. Aug. Tract. xix, num. 4.*

^e *Ms. « Quia nec Pater minorem habet, nec ma- jorem Dei Filius: cum... »*

^f *Ex S. Aug. Tract. xix, num. 4, 5.*

rificent Filium, sicut honorificant Patrem. Qui non honorificat Patrem, non honorificat Filium. Pater non judicat quemquam, quia Patris persona hominem non suscepit, nec in judicio videbitur: sed sola Filii persona, in ea forma quæ judicata est injuste, et juste judicabit vivos ac mortuos. Nec enim Filius videbitur in judicio in ea natura qua consubstantialis est Deo Patri, sed in ea qua consubstantialis est in patri, et homo factus est. Ita intelligendum est: *Pater non judicat quemquam, sed omne judicium dedit Filio;* ac si diceretur: Patrem nemo videbit in judicio vivorum et mortuorum, sed omnes Filium; quia et filius hominis est, ut possit et ab impiis videri, cum et illi videbunt in quem pupugerunt. Quod ne conjicere potius quam aperte demonstrare videamur, proferimus ejusdem Domini certam manifestamque sententiam, qua ostendimus ipsam fuisse causam ut diceret: *Pater non judicat quemquam, sed omne judicium dedit Filio,* quia judex forma filii hominis apparebit. Quæ forma non est Patris, sed Filii, nec [ea] Filii in qua æqualis est Patri, sed in qua minor est Patre: ut sit in judicio conspicuus bonis et malis.

C *Ut omnes honorificant Filium, sicut honorificant Patrem. Qui non honorificat Patrem, non honorificat Filium.* ¶ Quid est enim honorificare Patrem, nisi quod habeat Filium? Aliud est enim cum tibi commendatur Deus quia Deus est, et aliud, cum tibi commendatur Deus quia Pater est. Cum tibi Deus quia Deus est commendatur, creator tibi commendatur, omnipotens tibi commendatur, spiritus quidem [Aug., quidam] summus, æternus, invisibilis, incommutabilis tibi commendatur: cum vero tibi Pater quia pater est commendatur, nihil tibi aliud quam et Filius commendatur, quia Pater non dici potest, si Filium non habet; sicut nec Filius, si Patrem non habet. Sed ne forte Patrem quidem honorifices tanquam majorem, Filium vero tanquam minorem, ut dicas mihi: Honorifico Patrem; scio enim quod habeat Filium, et non erro in Patris nomine, non enim Patrem intelligo sine Filio, honorifico tamen et Filius tanquam minorem: corrigite ipse Filius, et revocat [te] dicens: *Ut omnes honorificant Filium, non inferius, sed sicut honorificant Patrem.* Qui ergo non honorificat Filium, nec Patrem honorificat, qui misit illum. Ego, inquis, majorem honorem volo dare Patri, minorem Filio. Ibi tollis honorem Patri, ubi minorem das Filio. Quid enim tibi aliud videtur ista sententia [Aug., ita sentiendi], nisi quia Pater æqualem sibi Filium generare aut noluit aut non potuit? Si noluit, invidit; **513** si non potuit, defecit. Non ergo vides, quia ita est sentiendum: Ubi [Aug., quia ita sentiendo, ubi] majorem honorem vis dare Patri, ibi es contumeliosus in Patrem. Proinde sic honorifica Filium, quomodo honorificas Patrem, si vis honorificare et Filium et Patrem.

^a S. Aug. loc. cit. num. 6, 7.

^b Ex S. Aug. loc. cit. num. 8.

A **VERS. 24.** — Amen amen dico vobis, quia qui verbum meum audit, et credit ei, qui misit me, habet vitam æternam, et in judicium non veniet, sed transierit a morte ad vitam. Non nunc transit, jam transiit a morte in vitam. Et hoc attendite, qui verbum meum audit: et non dixit: credit mihi; sed, credit ei, qui misit me. Verbum ergo Filii audiat, in Patre creditat [Ms., et Aug., ut Patri creditat]. Quare Verbum audituum, et credit alteri? Nonne cum verbum alicujus audimus, eidem verbum proferenti credimus, loquendi nobis fidem accommodamus? Quid ergo voluit dicere, qui verbum meum audit, et credit ei, qui misit me, nisi quia verbum ejus est in me? Et quis est, qui audit verbum meum, nisi, qui audit me? [Aug.: Et quid est, audit verbum meum, nisi audit me?] Qui B credit in me, credit etiam ei qui misit me: quia cum illi credit, verbum [Aug., verbo] ejus credit; cum autem verbum ejus credit, mihi credit, quia Verbum Patris ego sum.

b Non enim transiret de morte ad vitam, nisi primo esset in morte, et non esset in vita. Cum ergo transierit in vitam, non erit in morte. Mortuus ergo erat, et revixit, perierat, et inventus est (Luc. xv, 32). Fit proinde jam quædam resurrectio, et transeunt homines a morte quadam ad quædam vitam; a morte infidelitatis ad vitam fidei; a morte falsitatis ad vitam veritatis; a morte iniquitatis ad vitam justitiae. Est ergo et ista [Aug., et ista quædam] resurrectio mortuorum. Aperiat illam plenius, et luceat nobis, ut cœpit. ¶

C **VERS. 25.** — Amen amen dico vobis, quia renit hora, et nunc est, quando mortui audient vocem Filii Dei, et qui audierint, vivent. Hoc proprium est piorum, qui sic audiunt de incarnatione ejus, ut credant quia Filius Dei est, id est, sic eum propter se factum accipiunt minorem Patre in forma servi, ut credant quia æqualis est Patri in forma Dei. Et ideo sequitur, et hoc ipsum commendans dicit: (VERS. 26) *Sicut enim Pater habet vitam in semetipso, ita dedit et Filio gratiam* [Ms., vitam] *habere in semetipso.* ¶ Quod ergo ait, *Dedit Filio vitam habere in semetipso,* breviter dicam: Genuit Filius, vitam in se habentem. Neque enim erat sine vita, et accepit vitam, sed nascendo vita est. Pater vita est non nascendo, Filius vita est nascendo. Pater de nullo patre, Filius de Deo Patre. Pater propter Filium est, Filius vero et quod [Filius] est, propter Patrem est; et quod est, a Patre est. Hoc ergo dixit: *Vitam dedi Filio, ut haberet eam in semetipso,* tanquam diceret: Pater qui est vita in semetipso, genuit Filium, qui esset vita in semetipso. Pro eo enim, quod genuit, voluit intelligi dedit. Tanquam si cuidam diceremus: Dedit tibi Deus esse. ¶ Sequitur enim et dicit:

D **VERS. 27.** — *Et dedit ei potestatem facere judicium,* quia Filius hominis est. Puto nihil esse manifestius; nam quia Filius Dei est, æqualis est Patri; non accipit hanc potestatem judicium faciendi, sed habet il-

^c Ex eodem, num. 13.

lam cum Patre in occulto. Accipit autem illam, ut boni vel mali eum videant judicantem, quia filius hominis est. Visio quippe filii hominis exhibetur et malis. Nam visio formæ Dei non nisi mundis corde, quia ipsi Deum videbunt (*Matth. v, 8*). Id est, solis piis, quorum dilectioni hoc ipsum promittit, quia ostendat seipsum illis. Et ideo vide quid sequatur : (Vers. 28) *Nolite mirari hoc*, inquit. Quid nos prohibet mirari? nisi illud quo*l* revera miratur omnis qui non intelligit? ut ideo diceret Patrem dedisse ei potestatem judicium facere, quoniam Filius hominis est, cum magis quasi hoc exspectaretur ut diceret [*Al.*, judicaret], quoniam Filius Dei est. Sed quia Filium Dei secundum id quod in forma Dei aequalis est Patri videre iniqui non possunt, oporteat [*Ms.*, oportet] autem et judicem vivorum et mortuorum, cum coram eo judicabuntur, et justi videant et iniqui; *Nolite*, inquit, *hoc mirari*. (Vers. 29.) Quoniam veniet hora, in qua omnes qui in monumentis sunt, audient vocem ejus: et procedent, qui bona fecerunt, in resurrectionem vitæ, qui vero mala gesserunt, in resurrectionem judicii. Ad hoc ergo oportebat ut ideo acciperet illam potestatem, **514** quia filius hominis est, ut resurgentes omnes viderent eum in forma in qua videri ab omnibus potest, sed alii ad damnationem, alii ad vitam æternam. Quæ est autem vita æterna, nisi illa visio quæ non conceditur impiis? Ut cognoscant te, inquit, unum verum Deum, et quem misisti Iesum Christum (*Joan. xvii, 3*). Quomodo et ipsum Jesum Christum, nisi quemadmodum unum verum Deum, qui ostendet se ipsum illis, non quomodo se ostendet etiam puniendis in forma filii hominis. Secundum autem illam visionem bonus est, secundum quam visionem Deus appareret mundis corde, quanquam [*Ms.*, quomodo] bonus Deus Israel rectis corde. Quando autem judicem videbunt mali, non eis videbitur bonus, quia non ad eum gaudebunt corde, sed tunc se plangent omnes tribus terræ: in numero itaque [*Forte*, utique] malorum omnium et infidelium. Propter hoc etiam illi qui eum dixerat magistrum bonum, querens ab eo consilium consequende vitæ æternæ, respondit: *Quid me interrogas de bono?* *Nemo bonus nisi unus Deus* (*Luc. xviii, 19*). Cum et hominem alio loco dicat bonum ipse Dominus: *Bonus homo*, inquit, *de bono thesauro cordis sui profert bona, et malus homo de malo thesauro cordis sui profert mala* (*Matth. xii, 35*). Sed quia ille vitam æternam querebat, vita autem æterna est in illa contemplatione, qua non ad poenam videtur Deus, sed ad gaudium supernum [*Ms.*, sempiternum]: duas hic resurrectiones ipse Dominus Christus in his verbis nobis demonstrat. Primam quæ in fide est resurgendo a peccatis, de qua ait: *Amen amen dico vobis, quia venit hora, et nunc est, in qua mortui audient vocem Filii Dei*. Alteram ubi ait: *Amen amen dico vobis, quia veniet hora, in qua omnes qui in monumentis sunt, audient vocem Filii Dei*. Illa prior est

A resurrectio animarum, ista sequens resurrectio erit corporum. Qui vero in hac prima resurgit, in secunda resurget ad gloriam. Qui vero in hac prima non resurgit, in secunda tamen resurget, sed ad poenam. Utramque facit Deus per Christum. Qui hic resurgit per eum, ibi resurget ad eum. Qui hic per eum non resurgit, nec ibi ad eum resurget. **B** Hora autem nunc est, ut resurgent mortui; hora erit in fine saeculi, ut resurgent mortui. Sed resurgent [Aug., resurgent] nunc in mente, tunc in carne. Resurgent nunc in mente per verbum Dei, Filium Dei: resurgent tunc in carne per Verbum Dei, carnem factum filium hominis. Neque enim ad judicium vivorum et mortuorum Pater ipse venturus est; nec tamen recordit a Filio Pater: quomodo ergo non ipse venturos est? quia non ipse videbitur in judicio. Videbunt in quem compunixerunt (*Joan. xix, 37*). Forma illa erit judex, quæ stetit sub judice; illa judicabit, quæ judicata est: judicata est enim inique, judicabit iuste. Talis apparebit judex, qualis videri possit et ab eis, quos coronaturus est, et ab eis quos damnaturus est. **C** Distinctio est inter illud verbum quod superius dixit, quod mortui audient vocem Filii Dei, et inter illud quod hic ait: *venit hora, in qua omnes qui in monumentis sunt, audient vocem Filii Dei*. Ibi vero ait: *audient*, id est, obedient. Ideo ista resurrectio est ad vitam, illa vero quæ futura est, de qua dicit, *audient vocem Filii Dei*, audient ut resurgent ad judicium; non addit hic ad vitam, quia omnes ad gloriam non resurgent, sed mulsi ad poenam. Ideo addidit de futura resurrectione: *Qui bona fecerunt, in resurrectionem vitæ; qui mala egerunt, in resurrectionem judicii*, id est, damnationis, quia hic judicium pro pena posuit. Tunc erit ultima pala [*Ms.*, palea], quæ separat bonos a malis, triticum a paleis. Tunc ibunt impii in ignem æternum, justi autem in vitam æternam. Sequitur autem :

D Vers. 30. — *Non possum a me ipso facere quidquam, sed sicut audio, judico, et judicium meum iustum est*. Fortassis ideo dixit, non possum a me ipso facere quidquam, quasi dixisset: A me ipso non sum, sed a Patre. Pater enim a nullo alio est, Filius enim a Patre est. Ideo dixit: *Sicut audio, judico, quia unum opus est Patris, et Filii, et Spiritus sancti*. Sicut audit, judicat; audit videlicet per unitatem substantiæ et proprietatem scientiæ. Non judicat a semetipso, quia non est a semetipso. Pater quippe solus de alio non est, Filius a Patre genitus est, ut diximus. Ab ipso enim audit et Filius, a quo genitus est, quia non est a se ipso, sed ab illo, a quo genitus est. A quo illi est intelligentia, **515** ab illo utique et scientia. Ab illo igitur audientia, quæ nihil est aliud quam scientia. Potest quoque hoc ipsum quod dixit, sicut audio, judico, de humanitatis natura intelligi, quam Del Filius ex virgine sumpsit. Cum ageret de resurrectione animarum, non dicebat, *audio*, sed *judico*. *Audio* enim, tanquam præcipiens

• S. Aug. loc. cit. num. 16.

Patris imperium. Jam ergo sicut homo, sicut quo major est Pater; jam ex forma servi, non ex forma Dei. *Sicut audio, judico, et judicium meum justum est.* Unde est judicium justum hominis? Quia sequitur: *Non quero voluntatem meam, sed voluntatem ejus qui misit me.* Ista missio, incarnationis Christi, quæ ad hoc facta est ut paterna voluntas in salutem humani generis per eum efficieretur. Videtur enim in hoc loco ex his verbis Salvatoris nostri, velle eum insinuare nobis duas naturas in se esse, et veram habere animam, in qua sola voluntas est [Ms., solet voluntas esse]; quæ etiam tanta conjunctione commista est divinitati, ut tota voluntas in ea spiritualis fuerit, non animalis, id est, carnalis. Nam consequenter subjunxit:

VERS. 31.—*Si ego testimonium perhibeo de me ipso, testimonium meum non est verum.* Sicut in consequentibus dixit: *Si glorifico me ipsum, gloria mea nihil est; sed qui misit me Pater, ipse me glorificat:* sic et hic dictum est: *Si ego testimonium perhibeo de me ipso, testimonium meum non est verum.* Et paulo post: *Qui misit me Pater, ipse testimonium perhibet de me.* Nunc in se naturam hominis demonstrat; nunc in Dei maiestate æqualem se significat Patri; nunc unitatem sibi divinitatis cum Deo Patre vindicans, nunc fragilitatem humanæ carnis ostendens; nunc doctrinam suam se non dicere, nunc voluntatem suam se non querere: nunc testimonium suum verum non esse, nunc verum esse significans. Nam hic ait: *Si ego testimonium perhibeo de me ipso, testimonium meum non est verum;* et paulo post: *Et si ego testimonium perhibeo de me, verum est testimonium meum.* Quomodo ergo non [Ms., nunc] est verum testimonium tuum, Domine, nisi secundum fragilitatem carnis? Nam et illud quod dixit: *Non veni facere voluntatem meam, et Filius a se nihil potest facere,* et alia multa hujusmodi; quæ omnia non inserviant Filium, neque depreciant, nec a Patre disjungunt: siquidem et haec ideo sunt posita, ut vera incarnationis noscatur. Nam quod dicit: *Ego de Patre exivi, ego in Patre, et Pater in me;* ego et Pater unus sumus, et qui me videt, videt et Patrem; et sicut Pater suscitat mortuos, et vivifical, ita et Filius quos vult vivifical: vera ejus divinitas approbatur: quia voluntas Patris et Filii, una operatio, una denique gratia, eademque gubernatio est, sicut magister gentium docet ita scribens: *Gratia vobis, et pax a Deo Patre nostro, et Domino Iesu Christo* (Rom. 1, 7).

VERS. 32.—Alius est qui testimonium perhibet de me. In sequentibus ostendit quis sit ille aliis, qui testimonium perhibet de se, ubi ait: *Qui misit me Pater, ipse testimonium perhibet de me* (Joan. v, 37). Testimonium Patris est de Filio in baptismo, ubi vox facta est de cœlo: *Hic est Filius meus dilectus, in quo mihi bene complacuit* [Ms., *complacui*] (Matth. xvii, 5). Simile quoque testimonium in monte sancto perhibuit Pater, audientibus tribus discipulis de Fi-

lio suo. *Et scio quia testimonium ejus rerum est.* Omne verum, a veritate verum est: Deus enim veritas est. Et quidquid verum est, a Deo verum est. *Atque id testimonium dixit, qui sit: Opera, inquit, quæ ego facio, testimonium perhibent de me.* Deinde adjunxit, *Et testimonium perhibet de me, qui misit me Pater.* Ipsaque opera quæ facit, a Patre se accepisse dicit. Testimonium ergo perhibent opera, testimonium perhibet Pater qui misit eum. Perhibuit Joannes testimonium de Christo tanquam lucerna, non ad sanandos [Aug., satiandos] amicos, sed ad confundendos inimicos. Jam antea prædictum erat a persona Patris: *Paravi lucernam Christo meo; Inimicos ejus induam confusione, super ipsum autem florebit sanctificatio mea* (Psal. cxxxii, 17, 18). Esto tanquam in nocte positus, attendisti in lucernam, et miratus es lucernam, et exsultasti a lumen lucernæ. Sed illa lucerna dicit esse solem, in quo exsultare debes; et quamvis ardeat in nocte, diem te jubet exspectare. Non ergo, quia illius hominis testimonium [Aug., testimonio] non erat opus. Nam ut quid mitteretur, si non erat opus? Sed ne in lucerna [remaneat] homo, et lumen lucernæ sibi sufficere arbitretur; ideo Dominus nec lucernam illam superfluam dicit fuisse, nec tamen dicit in lucerna dehere 516 remanere. Dicit aliud testimonium Scriptura Dei, ubi utique Deus perhibuit testimonium Filio suo; et in illa Scriptura Judæi spem posuerant, in lege scilicet Dei, ministrata sibi per Moysen famulum Dei. Scrutamini, inquit, *Scripturam* (Joan. iii, 39, 40), in qua vos putatis vitam æternam habere. Ipsa testimonium perhibet de me, et non vultis venire ad me ut vitam habetis. Quid vos putatis habere in Scriptura vitam æternam? Ipsum interrogate cui perhibet testimonium, et intelligite quæ sit vita æterna. Et quia propter Moysen videbantur [Aug., volebant] repudiare Christum tanquam adversarium institutis et præceptis, quæ Moyses tradidit, rursus eosdem ipse convincit tanquam de alia lucerna, dicens:

CAPUT XI.

Joannem lucernam appellat. Patrem quoque, et Scripturas de se testimonium perhibere. Judæos se non recipientes venientem in nomine Patris, alium in nomine suo venturum recepturos. De se autem Moysen scripsisse testatur.

VERS. 33-36.—*Vos misistis ad Joannem, et testimonium perhibuit veritati. Ego autem non ab homine accipio testimonium; sed haec dico, ut vos salvi sis.* Ille erat lucerna ardens et lucens. *Vos autem voluistis exsultare ad horam in lucem ejus. Ego autem habeo testimonium majus Joanne.* Omnes enim homines lucernæ sunt, quia et incendi [Aug., accendi] possunt et extingui. Et lucernæ quidem cum sapiunt, lucet, et spiritu fervent. Nam et si ardeant, et extinxerintur, etiam putent. Permanserunt autem servi Dei lucernæ bonæ ex oleo misericordie illius, non ex viribus suis. Gratia quippe Dei gratuita, illa oleum lucernarum est. *Plus enim illis omnibus laborari*

* S. Aug., tract. xxiii, num. 2, 3.

(*I Cor. xv, 10*), ait quædam lucerna : et ne viribus suis ardere videretur, adjunxit : *Non ego autem, sed gratia Dei mecum*. Omnis ergo propheta ante Domini adventum lucerna est, de quo apostolus Petrus dicit : *Habemus certiorem propheticum sermonem; cui benefacit intendentis, quemadmodum lucernæ lucenti in obscuro loco, donec dies lucescat, et lucifer oriatur in cordibus vestris* (*II Petr. i, 19*). Lucernæ itaque prophetæ, et omnis prophetia una magna lucerna. Quid apostoli, nonne lucerne ? Eiam ipsi lucernæ plane. Sol [*Ms. et Aug.*, solus] enim ille, non lucerna. Non accenditur et extinguitur, sed est lux vera, quæ illuminat omnem hominem venientem in hunc mundum. De Joanne dicitur : *Non erat ille lumen, sed ut testimonium perhiberet de lumine* (*Joan. i, 8, 9*). De Christo autem : *Erat lux vera, quæ illuminat omnem hominem venientiam in hunc mundum*. Quid est, quod de Apostolis ipsa Veritas dicit ? *Vos estis lux mundi* (*Matth. v, 14*). Et Joannes [Et de Joanne] evangelista : *Non erat ille lumen*. Nec Joannes per se erat lucerna, nec apostoli per se lumen, sed a lumine Christo ille lucerna, et illi illuminati ab eo, qui est sol verus oriens in cordibus fidelium [*Al. credentium*]. *Ego autem habeo testimonium majus Joanne*. *Opera enim, quæ dedit mihi Pater, ipsa opera quæ ego facio, testimonium perhibent de me, quia Pater me misit*. (*Vers. 37*.) *Et qui misit me Pater, ipse testimonium perhibuit de me*. Superius dixit : *Testimonium non accipio ab homine*. Hic causam reddit, quare ab homine testimonium non accepisset, quia habet testimonium Patris, et operum testimonia quæ sunt majus quam hominum. Ergo hæc missio incarnationis Christi ; incarnationis vero Christi, redemptio est nostra ; redemptio vero nostra est ipsa Veritas, quæ ait [*Ms.*, in ipsa veritate, quæ ait] : *Ego veni, ut vitam habeant, et abundantius habeant*. Subjunxit vero huic testimonio Patris de ipso Patre, quod Judæi vel magi, omnesque infideles, excæcatis mentibus veritatem divinitatis non possunt accipere, dicens :

Vers. 38. — *Neque enim vocem ejus audistis, unquam, neque speciem ejus vidistis; et verbum ejus non habetis in vobis manens*. Dicit apostolus : *Non enim auditores legis justificati sunt, sed factores verbi Dei* (*Rom. ii, 13*). Id est Filius Dei non manet in eorum cordibus, quia non servant quæ audiunt. Quod vero ait : *Neque vocem ejus audistis, neque speciem ejus vidistis*. In hoc ostendit substantiam divinitatis incomprehensibilem esse, et invisibilem, et vocem ejus non carnalibus audire. **517** potuisse auribus, sed spirituali intelligenti per gratiam sancti Spiritus intelligere vel amare, secundum quod unicuique datum erit. (*Vers. 39*.) *Quia, quem misit ille, huic vos non creditis*. Scrutamini Scripturas, quia vos putatis in ipsis ritam eternam habere, et illæ sunt quæ testimonium perhibent de me, (*Vers. 40*) et non vultis venire ad me ut vitam habeatis. Non vultis venire, id est, non vultis credere, quia impossibile est sine fide Deo placere (*Hebr. xi, 6*). Venire nostrum est ad Christum, id est, credere illum verum Filium Dei, et veram nos

A per illum habere salutem. Omnis enim Scriptura sancta testimonium perhibuit Christo, sive per figuratas, sive per prophetas, sive per angelorum ministeria. Ergo et Moyses perhibuit testimonium Christo, et Joannes perhibuit testimonium Christo, et cæteri prophetæ, et apostoli perhibuerunt testimonium Christo. His omnibus testimoniis præponit testimonium operum suorum, quia per illa non nisi Deus perhibuit testimonium filio suo.

Vers. 41. — *Claritatem ab hominibus non recipio*. Id est, laudem humanam non quero, quia non veni ministrari, sed ministrare ; id est, non veni ut honorem ab hominibus acciperem carnalem, sed ut honorem hominibus darem spiritalem. (*Vers. 42*.) *Sed cognori vos, quia dilectionem Dei non habetis in vobis*. Ideo dilectionem Dei non habuerunt, quia non crediderunt in eum [*Ms.*, in eo], qui non venit facere voluntatem suam, sed voluntatem ejus qui misit illum. Ideo subjunxit : (*Vers. 43*) *Ego reni in nomine Patris mei, et non suscepistis me*. Id est, non crediditis in me, quia ideo veni [*Ms.*, veniebam] in mundum, ut glorificaretur nomen Patris. *Si alius venerit in nomine suo, illum accipietis*. Quis est qui venit in nomine suo, nisi ille qui gloriam propriam quærerit, et non illius qui misit illum ? Quis est quem accepturi erunt Judæi, nisi Antichristum, qui venturus est gloriam propriam querere ? Et hoc erit illis poena peccati, quia noluerunt veritati credere, ut crederent mendacio [*Ms.*, et credent mendaciun] (*II Thess. ii*).

Vers. 44. — *Quomodo potestis vos credere, qui gloriam ad invicem accipitis; et gloriam, quæ est a solo Deo, non queritis*? Considerandum est intentius quantum sit jactantia et humanæ laudis ambitio malum, pro quo ipsa Veritas ait, credere non posse quosdam, quia sœcularis gloriae cupidi erapt. Quæ est humanæ laudis cupiditas, nisi superbæ mentis elatio ? Vult de se honio estimari, quod in se habere non studet. Alter est interius, alter foris [*Ms.*, foras] videri desiderat. Humilitas vero gloriam quærerit a solo Deo, superbia ab hominibus. Iude Joannes Baptista ab ipsa Veritate tam excellenter laudatus est, ut non esset arundo, vento agitata (*Matth. xi, 7*) : quia non humanæ laudis, nec odiosæ vituperationis aura flante, flexibilis, fuit. Ideo gloriam habuit a Deo Christo, quia gloriam non quæsivit humanam. (*Vers. 45, 46*.) *Nolite putare, quia ego accusatus sum vobis apud Patrem. Est, qui accusat vos Moyses, de [Ms., in] quo vos maxime speratis*. Si enim crederetis Moysi, crederetis forsan et mihi ; de me enim ille scripsit. Ideo non accuso, quia non veni damnare, sed salvare ; Moyses vero accusat, quia increduli estis voci illius. De me ille scripsit, dum ait : *Prophetam vobis suscitabit Dominus Deus de fratribus vestris, tanquam me ipsum audieritis eum* (*Deut. xviii, 15; Actor. iii, 22, 23*). Quid vero sequatur, attendite. *Et erit omnis anima, quæ non obedierit Prophetæ illi, exterminabitur de populo Dei*. (*Vers. 47*.) *Si enim illius litteris non creditis, quomodo meis creditis verbis?* Quidquid enim lex et

[Ms., vel] prophetæ scripserunt, omnia Christum venturum esse designabant. Si enim Judei legi vel prophetis credidissent, [credidissent] utique et Christo.

Post hæc verba mystica, et profundissimæ intelligentie Domini nostri Iesu Christi, quibus partim sue divinitatis, partim et humanitatis arcana mysteria, vel tunc audientibus, vel nunc legentibus demonstrare voluit, quinque panum miraculo seipsum ostendere, quis esset, studuit. Idcirco consequenter evangelista adjunxit :

518 CAPUT XII.

Appropinquante Iudeorum Pascha de quinque panibus, et duobus piscibus quinque millia hominum satiavit. Pro quo signo cum regem vellent eum facere, fugit in montem. Dehinc ambulans super mare pa-ventibus ait discipulis : Ego sum, nolite timere.

CAPUT VI. VERS. 1, 2. — Post hæc abiit Jesus trans mare Galilææ, quod est Tiberiadis, et sequebatur illum multitudine maxima, quia videbant signum quæ fiebant super h̄is qui infirmabantur [Ms., que faciebat super infirmos]. Abiit Jesus trans mare Galilææ, quod est Tiberiadis. ^a Primo dicendum juxta historiam, quia mare Galilææ, quod multis pro diversitate circumiacentium regionum vocabulis distinguitur, illis tantum in locis mare Tiberiadis vocabatur [Ms., vocatur], ubi Tiberiadem civitatem aquis, ut aiunt, calidis salubrem habitationem ab occidente præmonstrat. Siquidem interfluente Jordane, duo de viginti passuum millibus in longum, et quinque extenditur in latum. Mysticæ autem mare, turbida ac tumensia sæculi hujus volumina significat; in quibus pravi quilibet injuste delectati, quasi profundis dediti pisces, mente [Ms., mentem] ad superna gaudia non intendunt. Unde bene idem mare Galilææ, id est, rota cognominatur, quia nimirum amor labentis sæculi quasi in vertiginem [Al., voraginem] corda mittit, quæ ad perennis vitæ desideria non permittit erigi. De qualibus Psalmista : *In circuitu, inquit, impii ambulant (Psal. xi, 9).* Sed abeuntem trans mare Galilææ Jesum multitudine maxima sequebatur, quæ doctrinæ, sanationis et refectionis ab eo cœlestis munere summa [Beda, summa munera] perciperet. Quia priusquam Dominus in carne appareret, sola illum gens Iudea sequebatur credendo; postquam vero per incarnationis suæ dispensationem fluctus vitæ corruptibilis adiit, calcavit, transiit, maxima mox eum multitudine credentium secuta est nationum, spiritualiter instrui, sanari, ac satiari desiderans, et cum Psalmista deprecans : *Domine ad te confugi, doce me facer voluntatem tuam (Psal. cxlii, 9, 10).* Et iterum : *Miserere mihi [Al., mei], Domine, quoniam infirmus sum, sana me Domine, quoniam conturbata sunt omnia ossa mea (Psal. vi, 3).* Et iterum de percipiendis ab eo vitæ perpetuæ alimentois confusa : *Dominus, inquit, pascit me, et nihil mihi derit, in loco pascuæ ibi me collocavit (Psal. xxii, 1, 2).*

A VERS. 3, 4. — Subiit ergo Jesus in montem, et ibi sedebat cum discipulis suis. Erat autem proximum Pascha dies festus Iudeorum. Quod autem subiens in montem Jesus, ibi sedebat cum discipulis suis; sed veniente ad eum multitudine descendit, atque hanc in superioribus [Ms., inferioribus] reficit, quam in inferioribus paulo ante curaverat, nequaquam frustra factum credamus, sed ad significandum mystice quia doctrinam et charismata sua Dominus juxta percipientium capacitatem distribuit, infirmis quidem adhuc mentibus ac parvulis spiritu simpliciora monita committens et apertiora credens sacramenta; celsioribus autem quibusque, et perfectioribus sensu, secretiora suæ majestatis arcana reserans, arctiora devote conversationis itinera sugerens, et B altiora præriorum cœlestium dona promittens. Denique cuidam sciscitanti quid faciens ultam æternam possideret, quasi inferius adhuc positio communia suæ dona largitatis impendit dicens : *Non occides, non mæchaberis, non furtum facies, non falsum testimonium dices, honora patrem tuum et matrem.* Cui postmodum majora querenti, et velut ad montem virtutum ascendere cupienti, si vis, inquit, perfectus es, rade, rende quæ habes, et da pauperibus, et habebis thesaurum in cœlo, et veni, sequere me (Matth. xix, 18, 19, 21). Cujus discretionem moderamini, non per se solum Dominus in carne dicens exhibuit, verum nunc quoque per verbi sui ministros exhibere non cessat. Unde de eisdem sub unius boni servi persona testatur quia dare debeant conservis in tempore tritici mensuram, id est, pro captu audientium, opportune et mensurate verbi dapes suggerere (Luc. xii, 42). Quod vero propinquante Pascha Dominus turbas docet, et sanat, et reficit, possumus ita mystice interpretari, quia Pascha transitus dicitur; et quoscunque Dominus in terra munerum suorum 519 suavitate recuperat, ad salubrem profecto transitum preparat, ut carnales videlicet concupiscentias mentis sublimitate transcendent; infima mundi desideria, prospera pariter et adversa, cœlesti spe et amore conculcent; et si necdum anima vel carne ad superna valent pertingere, quia hoc nimirum in futuro promittitur; quidquid tamen carnales quasi altum amplecti conspiciunt, compatriatione æternorum, quasi nihil despiciant, juxta exempla [Ms., exemplum] illius, qui videns impium superexaltatum et elevatum super cedros Libani, transiit temporalia, contemplando æterna, et quasi jam non esse videbat, quem cito tollendum prævidebat (Psal. xxxvi, 55).

VERS. 5, 6, 7. — Cum sublevasset ergo oculos Jesus, et vidisset quia multitudine maxima venit ad eum, dicit ad Philippum : *Unde ememus panes, ut manducemus hi? Hoc autem dicebat, tentans eum; ipse enim sciebat quid esset facturus. Respondens autem Philippus dixit ei : Ducentorum denariorum panes non sufficiunt eis, ut unusquisque modicum quid accipiat. Quod*

* Ex Bedæ hom. 21, in Quadragesima, Patrol. tom. XCIV, col. 110.

sublevasse oculos Jesus, et venientem ad se multitudinem vidisse perhibetur, divinae pietatis indicium est : quia videlicet cunctis ad se venire querentibus, gratia misericordiae celestis occurtere consuevit ; et ne querendo errare possint, lucem sui spiritus aperire currentibus [Ms., querentibus]. Nam quod oculi Jesu dona Spiritus ejus mystice designant, testatur in Apocalypsi Joannes, qui figurate de illo loquens : *Et vidi, inquit, agnum sicutem tanquam occisum, habentem cornua septem, et oculos septem, qui sunt septem Spiritus Dei missi in omnem terram* (Apoc. v, 6). Quod tentans Philippum Dominus, unde, inquit, ememus panes, ut manducemus hi ; provida utique dispensatione facit, non ut ipse, quæ non noverat, discat, sed ut Philippus tarditatem suæ fidei, quam magistro sciente ipse nesciebat, tentatus agnoscat, et miraculo facto castiget. Neque enim dubitare debuerat præsente rerum creatore, qui educit panem de terra, et vinum [Beda, vino] latifical cor hominis (Psalm. ciii, 15), paucorum denariorum panes sufficere turbarum millibus, non paucis, ut unusquisque sufficienter acciperet, et jam saturatus abiret.

VERS. 8-11. — *Dicit ei unus ex discipulis ejus, Andreas frater Simonis Petri : Est puer unus hic, qui habet quinque panes hordeaceos, et duos pisces. Sed haec quid sunt inter tantos ? Dicit ergo ei Jesus : Facite homines discubere. Erat autem fenum multum in loco. Discubuerunt ergo viri, numero quasi quinque millia. Accepit ergo panes Jesus, et cum gratias egisset, distribuit discubentibus. Similiter et ex piscibus, quantum volebant. Quinque autem panes, quibus multitudinem populi saturavit, quinque sunt libri Moysi, quibus spiritali intellectu patescunt, et abundantiori jam sensu multiplicatis, auditorum fidelium quotidie corda reficit. Qui bene hordeacei suis referuntur, propter nimirum austiora legis edicta, et integumenta litteræ grossiora [Beda, grossioris], quæ interiorem intelligentiam spiritalis sensus quasi medullam celabant. Duo autem pisces quos addidit, psalmistarum non inconvenienter et prophetarum scripta significant, quorum uni canendo, alteri [Beda, unum... alterum] colloquendo, suis auditoribus futura Christi, et Ecclesie sacramenta narrabant. Et bene per aquatilia animantia figurantur illius ævi precones ; in quo populus fidelium sine aquis baptismi vivere nullatenus posset. » Sunt, qui putant, duos pisces qui saporem suavem pani dabunt, duas illas personas significare, quibus populus ille regebatur, ut per eas consiliorum moderamen acciperet, regiam scilicet et sacerdotalem ; ad quas etiam sacrosancta illa unctione pertinebat ; quarum officium erat procellosis fluctibus popularibus nunquam frangi atque corrumpi ; et violentas turbarum contradictiones tanquam adversantes undas saepe disrumpere, interdum eis custodita sua integritate cedere ; prorsus more piscium, tanquam in proceloso mari, sic in turbulenta populi administratione versari. Quæ tamen duæ personæ Dominum nostrum præfigurabant ; ambas enim solus ille sustinuit, et non*

A figurare, sed proprie solus implevit. Puer, qui quinque panes et duos pisces habuit, nec tamen hos esurientibus turbis distribuit, sed Domino distribuendos obtulit, populus est Iudeorum, litterali sensu puerilis, qui Scripturarum dicta clausa secum tenuit, quæ tamen Dominus in carne apparens accepit, et quid intus haberent utilitatis ac dulcedinis, ostendit ; quam multiplici spiritus gratia, quæ pauca ac despacta videbantur, 520 exuberarent, patescunt ; et hoc per apostolos suos, apostolorumque successores, cunctis nationibus ministranda porrexit. Unde bene alii evangelistæ referunt, quia panes et pisces Dominus discipulis, discipuli autem ministraverunt turbis (Matth. xix ; Luc. ix ; Marc. vi). Cum enim ministerium humanæ salutis initium accopisset enarrari per Dominum, ab eis qui audierunt in nos confirmatum est. Quinque siquidem panes, et duos pisces fregit, et distribuit discipulis, quando aperuit illis sensum, ut intellegent omnia quæ scripta essent in lege Moysi, et Prophetis, et Psalmis de ipso (Luc. xxiv). Discipuli apposuerunt turbis, quando profecti prædicaverunt ubique Domino cooperante, et sermonem confirmante sequentibus signis (Marc. xvi, 20).

Fenum, in quo discumbens turba reficitur, concupiscentia carnalis intelligitur, quam calcare ac premere debet omnis qui spiritualibus alimentis satiare desiderat. Omnis enim caro fenum, et omnis gloria ejus tanquam flos feni (Isai. xl, 6). Discubat ergo super fenum, florem feni conterat, id est, castiget corpus suum, et servituti subjiciat (I Cor. ix, 27) ; voluptates carnis edomet, luxuriae fluxa restringat, quisquis panis vivi cupid suavitate refici, quisquis supernæ gratiæ dapibus renovari, ne insima vetustate deficiat, amet. Quinque millia virorum qui manducaverunt, perfectionem vitæ eorum qui verbo reficiuntur [Beda, perfectionem eorum, qui verbo vita reficiuntur], insinuant. Virorum quippe nomine solent in Scripturis perfectiores quique figurari, quos feminea mollities nulla corrumpt : quales esse cupit eos, quibus dicit apostolus : *Vigilate, state in fide, viriliter agite, et confortamini* (I Cor. xvi, 13). Millennium autem numerus, ultra quem nulla nostra computatio succrescit, plenitudinem rerum de quibus agitur indicare consuevit. Quinario vero numero quinque notissimi corporis nostri sensus exprimuntur, visus. videlicet, auditus, gustus, olfactus et tactus. In quibus singulis quicunque viriliter agere, et confortari satagunt, sobrie, et juste, et pie vivendo, ut celestis sapientia mereantur dulcedine recreari ; hi nimirum quinque millibus virorum, quos Dominus mysticis dapibus satiavit, figurantur. Nec prætereundum quod refecturus multitudinem gratias egit. Egit quippe gratias, ut et nos de perceptis cœli muneribus gratias semper agere doceret, et ipse quantum de nostris profectibus gratuletur, de nostra spiritali refectione gaudeat, intimaret. Vultis etenim nosse, fratres, quantum Salvator noster nostræ gaudet saluti ? Narrat evangelista Lucas, dedisse eum discipulis potestatem calcandi supra omnem virtu-

tem inimici, eorumque nomina scripta indicasse in *cœlis* (*Luc.* x, 19, 20); et statim insert: *In ipsa hora exsultavit Spiritu sancto, et dixit: Confiteor tibi, Pater, Domine cœli et terræ, quia abscondisti hæc a sapientibus et prudentibus, et revelasti ea pueris* (*Luc.* x, 21; *Matth.* xi, 25). Claret ergo, quia saluti ac vita fidelium congratuletur, qui Patrem gratias agendo collaudat, quod ea quæ superbientibus abscondit, humilibus spiritu secreta revelavit.

Vers. 12. — *Ut autem impleti sunt, dixit discipulis suis: Colligite quæ superaverunt fragmenta, ne pereant.* Quod autem saturata multitudine, jussit discipulos colligere quæ superaverunt fragmentorum, ne perirent, hoc profecto signat quia pleraque sunt arcana divinorum eloquiorum, quæ vulgi sensus non capit; nonnulla, quæ per se quidem minus docti assequi nequeunt, sed a doctoribus exposita max intelligere queunt. Hæc ergo necesse est, ut qui valent, diligenter scrutando colligant, et ad eruditio[n]em minorum suo dicto vel scripto faciant pervenire, ne alimenta verbi illorum desidia pereant, pleibusque tollantur, qui hæc Domino donante interpretando colligere norunt. Sequitur: (*Vers. 13*) *Collegerunt ergo, inquit, et impleverunt duodecim cophinos fragmentorum ex quinque panibus hordeaceis, quæ superfuerunt his qui manducaverant.* Quia duodenario numero solet perfectionis cuiuslibet summa figurari, recte per duodecim cophinos fragmentorum plenos, omnis doctorum spiritualium chorus exprimitur, qui obscura Scripturarum, quæ [per se] turbæ nequeunt, et meditando colligere, [et meditata] et mandata litteris suo pariter ac turbarum usui conservare jubentur. Hoc ipsi fecere apostoli et evangelistæ, non pauca legis et prophetarum dicta, mystica suis interpretatione addita inserendo opusculis; hoc sequaces eorum Ecclesiæ toto orbe magistri, etiam integros nonnulli utriusque **521** Testamenti libros, diligenter explanatione discutiendo: qui quamlibet hominibus despici, coelestis tamen gratiae sunt pane secundi. Nam servilia cophinis solent opera fieri, unde de populo, qui in luto ac lateribus serviebat in Ægypto, dicit Psalnista: *Manus ejus in cophino servierunt* (*Psal.* lxxx, 7).

Vers. 14. — *Illi ergo homines cum vidissent quod fecerat signum, dicebant: Quia hic est vere propheta, qui venturus est in mundum.* Recte quidem dicebant Dominum prophetam magnum, magnæ salutis præconem jam mundo futurum. Nam et ipse prophetam se vocare dignatur, ubi ait: *Quia non capit prophetam perire extra Jerusalem* (*Luc.* xiii, 33). Sed neendum plena fide proficiebant, qui hunc etiam Deum dicere nesciebant. Ergo illi videntes signum quod fecerat Jesus, dixerunt: *Quia hic est vere propheta, qui venturus est in mundum.* Nos certiori agnitione veritatis et fidei, videntes mundum quem fecit Jesus, et signa quibus illum replevit, dicamus: *Quia hic est vere mediator Dei et hominum* (*1 Tim.* ii, 5), qui in mundo

* Hucusque Beda.

† S. Aug., tract. xxv, num. 1, 2.

A erat [Beda, qui mundum implet] divinitate, et manus per ipsum factus est; qui in propria venit humanitate, querere et salvare quod perierat (*Joan.* i), ac recreare mundum quem fecerat; qui cum suis filiis per præsentiam divinitatis est in mundo, omnibus [diebus] usque ad consummationem sæculi ^a, (*Vers. 15.*) *Jesus autem cum cognovisset quia venturi essent ut raperent eum et facerent eum regem, fugit iterum in montem ipse solus.* ^b Datur ergo intelligi quod Dominus cum sederet in monte cum discipulis suis et videret turbas ad se venientes, descendebat de monte et circa inferiora loca turbas paverat. Nam quomodo fieri potest ut rursus illuc fugeret, nisi ante de monte descendebat? Significat ergo aliquid, quod Dominus de alto descendit ad pascendas turbas. Pavit et ascendit. Quare ascendit, cum cognovisset quod vellent eum rapere et regem facere? Quid enim? Non erat rex, qui timebat fieri rex? Erat omnino; nec talis rex qui ab hominibus fieret, sed talis qui hominibus regnum daret. Nunquid forte et hic aliquid significat nobis Jesus, cujus facta verba sunt? Ergo in hoc quod voluerunt eum rapere et regem facere, et propter hoc fugit in montem ipse solus, hoc in illo [Ms., ipso] factum tacet, nihil loquitur, nihil significat? An forte hoc erat rapere eum, prævenire velle tempus regni ejus? Etenim venerat modo, non jam regnare, quomodo regnatus est in eo quod dicimus: *Adveniat regnum tuum.* Semper quidem ille cum Patre regnat, secundum quod est Filius Dei, Verbum Dei, Verbum per quod facta sunt omnia. Prædixerunt autem prophetæ regnum ejus, etiam secundum id quod homo factus est Christus, et fecit fidèles suos Christianos. Erit ergo regnum Christianorum, quod modo colligitur, quod modo commoratur [*Al.* et *Aug.*, comparatur], quod modo emitur sanguine Christi; erit aliquando manifestum regnum, quando erit aperta clavitas sanctorum ejus, post judicium ab eo factum: quod judicium superius ipse dixit, quod Filius hominis facturus sit; de quo regno etiam Apostolus dicit: *Cum tradiderit regnum Deo et Patri* (*I Cor.* xv, 24). Unde etiam ipse dicit: *Venite benedicti Patris mei, percipite regnum quod vobis paratum est ab initio mundi* (*Matth.* xxv, 34). Discipuli autem et turbæ credentes in eum, putaverunt illum sic venisse ut jam regnaret: hoc est velle rapere et regem facere, prævenire velle tempus ejus, quod ipse apud se occultabat, ut opportune proderet et opportune in fine sæculi declararet. ^c Quare autem dictum est, *fugit?* Neque enim si nollet teneretur, si nollet raperetur, qui si nollet, nec agnosceretur. ^d Sed hoc significative factum est. Solus fugit, ne carnaliter regnaret, quia solus ascendit in cœcum, unde spiritualiter regnaret in sanctis suis (*Hebr.* ix). ^e *Fugit in montem ipse solus*, primogenitus a mortuis, ascendens super omnes cœlos, et interpellans pro nobis. ^f *Quem sacerdos significat semel in anno sancta sanctorum ingrediens, non sine sanguine, ut interpellaret pro populo.* Sic rur-

^a Ibidem, num. 4.

sus [Ms., sursum] posito solo in monte magno, qui intravit in interiora veli, foris populo constituto. Sed videamus quid illo intra velum coelestis altitudinis morante, quid discipuli in navicula patiebantur? Quid est navicula quæ a fluctibus jactabatur, nisi Ecclesia, quæ persecutionibus fatigatur et foris et intus? Foris a paganis aperta persecutione: intus a falsis fratribus occulta seditione. Ideo addidit:

522 VERS. 16, 17. — *Ut autem sero factum est, descenderunt discipuli ejus ad mare, et cum ascendissent naviculam, venerunt trans mare in Capharnaum.* e Cito dixit finitum, quod postea factum est. *Venerunt trans mare in Capharnaum.* Et reddit, ut exponeat quomodo venerunt, quia per stagnum navigantes transierunt. Et cum navigarent ad eum locum quo eos venisse jam dixit, recapitulando exponit quid acciderit: (VERS. 18) *Tenebrae jam factæ erant, et non venerat ad illos Jesus. Mare autem vento magno flante exsurgebat.* Merito tenebrae, quia lux non venerat. Tenebrae jam factæ erant, et non venerat ad illos Jesus; quia, quantum proprius accedit finis mundi, tanto vehementius crescunt errores, crebrescent terrores, crescit iniquitas, crescit infidelitas. Lux denique quæ charitas apud Joannem ipsum evangelistam satis aperteque monstratur, ita ut dicaret: *Qui odit fratrem suum, in tenebris est* (I Joan. ii, 11), creberrime extinguitur, refrigerescente charitate, abundante iniquitate. Ipsi sunt fluctus navem turbantes: tempestas et venti clamores sunt maledictorum. Inde charitas refrigerescit, inde fluctus augentur. Turbabatur navis, vento magno flante mare exsurgebat; tenebrae crescebant, intelligentia minuebatur, iniquitas augebatur. Tamen inter hæc omnia navis ibat ad terram, properabat, portum quærebat. Ita inter omnia tentatorum genera, Ecclesia proficit; laborat, sed non mergitur. Christum exspectat, quando per eum ad portum perveniat tranquillitas.

VERS. 19, 20. — *Cum ergo remigrassent stadia vingtini quinque aut triginta, vident Jesum ambularem super mare, et proximum navi fieri. Et timuerunt. Ille autem dicit eis: Ego sum, nolite timere.* e Crebrescent fluctus, augentur tenebrae, savyunt tempestates; sed tamen navis ambulat, quia qui perseveraverit in finem, hic salvus erit (Matth. x, 22). Nec ipse stadiorum numerus contemnendus esse videtur. Et quare dixit [Ms., dixisset] evangelista: *Quasi stadiis vingtini quinque aut triginta?* Sufficeret dicere: *vingtini quinque, aut triginta;* nisi quod hos numeros æstimantis voce, non affirmantis protulit idem evangelista. Quæramus ergo numerum. Viginti quinque unde constant, unde sunt? De quinario. Quinarius ille numerus ad legem pertinet. Ipsi sunt quinque libri Moysi, ipsi sunt quinque porticus illi [Ms., illæ] languidos continent, ipsi quinque panes quinque millia hominum paescentes. Ergo legem significat numerus viginti quinque, quoniam quinque per quinque, id est, quinquies quinque, faciunt viginti quadrato numero, quinario su-

A peraddito [Ms. et Aug., faciunt viginti quinque, quadratum quinarium]. Sed huic legi, antequam Evangelium veniret, deerat perfectio. Perfectio autem in senario numero comprehenditur. » Nam senarius numerus perfectus est, et partibus suis impletur [Ms., impletur]. Id est, unum, duo, tres. Nec aliæ partes in eo inveniri possunt, nec illæ partes conjuncte aliud quid [Al., aliquid] confucere possunt, nisi senarium numerum. Præterea sex diebus Deus mundum perfecit, et quinque ipsi per sex multipli cantur, ut lex per Evangelium adimpleatur, ut fiant sexies quini, triginta. Ad eos ergo [Al., igitur], qui implent legem, venit Jesus. Et quomodo venit? Cal cans fluctus, omnes tumores mundi sub pedibus habens, omnes celsitudines sæculi premens. » Et tam men tanta sunt tribulationes, ut etiam ipsi qui crediderunt in Jesum, et qui conantur perseverare, expavescant nec [Ms. et Aug., ne] deficiant, Christo fluctus calcante sæculi. Cur timet Christianus, dum Christus loquitur? *Ego sum, nolite timere. Confidite, ego vici mundum* (Joan. xvi).

VERS. 21. — *Voluerunt ergo eum accipere in navi.* Agnoscentes ac gaudentes, securi facti. *Et statim fuit nubes ad terram, in quam ibant.* Factus est finis ad terram, de humido ad solidum, de turbato ad firmum, de itinere ad finem, » id est, ad perfectam tranquillitatem, quæ non erit nisi in portu æternæ serenitatis. Ibi tota charitas, et nulla iniquitas, tota felicitas, et nulla perturbatio, ubi sine fine regnabunt, qui hic fortiter usque in finem vitæ sum laborant.

VERS. 22, 23. — *Altera die turba quæ stabat trans mare, vidi quia alia navicula non esset ibi nisi una, et quia non introiisset Jesus cum discipulis suis in navem, sed soli discipuli ejus abiissent. Aliæ vero super venerunt naves a Tiberiade, iuxta locum ubi manducauerunt panem, gratias agentes Deo.*

523 CAPUT XIII.

A turbis quæsusitus, et inventus ait: Operamini cibum, non qui perit, sed qui permanet in vitam æternam. Et panem de cælis se dicit verum, vitamque mundi.

VERS. 24. — *Cum ergo vidisset turba, quia Jesus non esset ibi, neque discipuli ejus, ascenderunt in naviculas, et venerunt in Capharnaum quærentes Jesum.* e Insinuatum est tamen illis tam magnum miraculum. Viderunt enim quod discipuli soli ascendissent in navem, et quia navis non erat ibi. Venerunt autem inde, et naves juxta locum illum ubi manducauerunt panem, in quibus eum turbæ secutæ sunt. Cum discipulis ergo non ascenderat: alia navis illic non erat. Unde subito trans mare factus est Jesus, nisi quia super mare ambulavit, ut miraculum monstraret? *Et cum invenissent eum turbæ.* Ecce præsentat se turbis, a quibus rapi timuerat, et in montem fugerat; omnino confirmans et insinuans nobis in mysterio dicta esse illa omnia: et facta in magno sacramento, ut aliquid significarent. Ecce adest ille qui

^a S. Augustinus, loc. cit. num. 5.

^b Ibid. num. 6.

^c Ibid. num. 7.

^d S. Aug. loc. cit. num. 8, 9, 10.

in montem fuderat turbas; nonne cum ipsis turbis loquitur? modo teneant, modo regem faciant.

Vers. 25. — *Et cum invenissent eum trans mare, dixerunt ei: Rabbi, quando huc venisti?* Ille post miraculi sacramentum, et sermonem insert, ut si fieri potest, qui pasti sunt, pascantur, et quorum satiavit panibus ventrem, satiet sermonibus mentem, sed sic, ut capiant; et si non capiunt, sumant quod capiant [Aug., sumatur quod non capiunt], ne fragmenta perirent. Loquatur ergo Dominus, et audiamus [quod sequitur]: (Vers. 26) *Respondit Jesus, et dixit eis: Amen amen dico vobis, queritis me, non quia vidistis signa, sed quia manducatis ex panibus meis, et saturati estis.* Propter carnem me queritis, non propter spiritum. Quam multi non querunt Jesum, nisi ut illis faciat bene secundum tempus! Alius negotium habet, querit intercessionem clericorum; aliud premitur a potente, refugit [Ms., a potentiore fugit] ad Ecclesiam; aliud vult pro se interveniri apud eum contra quem [Aug., apud quem] parum valet: ille sic, iste vero sic; impletur quotidie talibus Ecclesia: vix queritur Jesus propter Jesum. *Queritis me, non quia vidistis signa, sed quia manducatis ex panibus meis.*

Vers. 27. — *Operanini non cibum, qui perit, sed qui permanet in vitam æternam. Queritis me propter aliud, querite me propter me.* Seipsum enim insinuat istum cibum, qui [Al., quod] in consequentibus illucescit, quem *Filius hominis dabit vobis.* Exspectabas, credo, iterum panes manducare, iterum discubere, iterum saginari. Sed [Al., semetipsum] dixerat, *cibum non qui perit, sed qui permanet in vitam æternam.* Superius diximus navem Ecclesiam Christi significare, quæ tempestatibus hujus saeculi turbatur, et laborantes in se portat [Ms., in ea hortatur], ut viriliter laborent, donec Christus comprimat fluctus persecutionum, et reddat serenitatem. Hic vero dicit: *Altera die turba, quæ stabat trans mare, vidit quia alia navicula non erat ibi nisi una.* Quid est altera die turbam stare super mare, nisi post ascensionem Christi turba stans in operibus bonis, non jacens in terrenis volutabris, sed exspectans unde veniat ad eos Jesus? Et hic una navis dicitur, sicut prius una fuit Ecclesia Christi, in qua ille præsentialiter corpore versabatur: nunc quoque una est, quæ similiter in spe exspectat adventum illius. Sed quid est quod aliae naves venerunt a Tiberiade, nisi haereticorum conventicula, quæ Jesum non sincera fide querunt; quæ sub dolo calliditatis sua querunt, non quæ sunt Iesu (Philip. ii, 21). Unde consequenter respondit eis Jesus: *Amen amen dico vobis, queritis me, non quia vidistis signa, sed quia manducatis ex panibus, et saturati estis.* De illis vero qui saturati sunt, in alio dicit Evangelio: *Væ vobis, qui saturati estis* (Luc. vi, 25). De esuriensibus vero vita panem et justitiae cognitionem, dicitur: *Beati qui esuriunt et sitiunt justitiam* (Matth. v, 6); ad quem cibum hortabatur eos in sequenti mox Christus sermone dicens: *Ope-*

ramini non cibum qui perit, sed qui permanet in vitam æternam. Carnalis cibus perit, spiritualis vero permanet, quem Filius hominis vobis dabit.

524. *Hunc ergo Pater significavit* [Al., significavit] Deus. « Istum filium hominis nolite sic accipere, quasi alios filios hominis, quibus dictum est: *Filius autem hominum in protectione alerum tuarum sperabunt* (Psalm. xxxv). Iste filius hominis sequestratus quadam gratia Dei est a ceteris filiis hominum. Iste filius hominis, exceptus a numero hominum, filius hominis est. Iste filius hominis et Filius Dei est, iste homo, etiam Deus est. » Unde et ipsa Veritas quæ tunc loquebatur ad Judæos et nunc omnibus loquitur per evangelicæ prædicationis verba, et quis sit ostendit, non qualem esse plurimi tunc aestimaverunt, vel etiam nunc aestimant. Subiunxit vero: *Hunc enim Deus Pater significavit* [Ms., significavit]. « Signare quid est, nisi proprium aliquid ponere? Hoc est signare, ponere aliquid, quod [Ms., quo] non confundatur cum ceteris. Signare est signum rei ponere. Cuicunque rei ponis signum, ideo ponis signum ne confusa cum aliis a te non possit agnosciri. Pater ergo eum signavit. Quid est signavit? proprium quiddam illi dedit, ne ceteris compararetur hominibus, id est dictum est: *Unxit te Deus, Deus tuus oleo exultationis, præ participibus tuis* (Psalm. xliv, 8). Ergo signare quid est? exceptum habere; hoc est præ participibus tuis. Itaque nolite, inquit, me contemnere, quia filius hominis sum, et querite a me cibum, *non qui perit, sed qui permanet in vitam æternam.* Sic enim filius hominis sum, ut non sim unus ex vobis; sic sum filius hominis, ut Deus Pater me signaret. Quid est signare? proprium aliquid mihi dare, quo non confunderer cum genere humano, sed per me liberaretur genus humanum.

Vers. 28. — *Dixerunt ergo ad eum: Quid facies, ut operemur opera Dei?* b Dixerat enim illis: *Operamini escam, non quæ perit, sed quæ permanet in vitam æternam. Quid faciemus, inquiunt? quid observando, hoc præceptum implore poterimus?* (Vers. 29.) *Respondit Jesus, et dixit eis: Hoc est opus Dei, ut credatis in eum quem misit ille.* Hoc est ergo manducare cibum non qui perit, sed qui permanet in æternum [Ms., in vitam æternam]. Ut quid paras deritem et ventrem? Crede, et manducasti. Discernitur quidem ab operibus fides, sicut Apostolus dicit, *justificari hominem per fidem, sine operibus legis* (Rom. iii, 28). Et sunt opera quæ videntur bona sine fide Christi, et non sunt bona, quia non referuntur ad eum finem ex quo sunt omnia bona. *Finis enim legis Christus ad justitiam omni credenti* (Rom. x, 4). Ideo noluit discernere fidem ab opere, sed ipsam fidem dixit esse opus. Ipsa est enim fides, quæ per dilectionem operatur (Gal. v, 6). Nec dixit: *Hoc est opus vestrum; sed dixit: Hoc est opus Dei, ut credatis in eum quem misit ille, ut qui gloriatur, in Domino gemitur* (I Cor. i, 31). Quia ergo invitabat eos ad fi-

a S. Aug. loc. cit. num. 11.

b Ibidem, num. 12, 13.

dem, illi adhuc quærebant signa quibus crederent. Vide si non Iudei signa petunt? (Vers. 30.) Dixerunt ergo ei, quod ergo tu facis signum, ut videamus et credamus tibi? quid operaris? Parumne erat quod de quinque panibus pasti sunt? Sciebant hoc quidem, sed huic cibo manna de cœlo præferebant. Dominus autem Jesus talem se dicebat, ut Moysi præponeretur. Non enim ausus est Moyses de se dicere quod daret cibum, non qui perit, sed qui habet vitam æternam [Aug., qui permanet in vitam æternam]. Aliquid plus promittebat Dominus quam Moyses. Per Moysen quippe promittebatur regnum, et terra fluens lac et mel, temporalis pax, abundantia filiorum, salus corporis, et cætera omnia temporalia quidem, in figura tamen spiritualia, qui [Ms., et quia] veteri homini in veteri testamento promittebatur [Aug., promittabantur]. Attendebant autem promissa per Moysen [Al., per Christum Moysi], et attendebant promissa per Jesum. Ille plenum ventrem promittebat in terra, sed cibum [Aug., cibo] qui perit; iste promittebat cibum, non qui perit, sed qui permanet in vitam æternam. Attendebant enim [Al., autem; ms. et Aug., eum] plus promittentem, et quasi nondum videbant majora facientem. Attendebant utique qualia fecisset Moyses, et adhuc aliqua majora volebant fieri ab eo, qui tam magna pollicebatur. Quid, inquiunt, facis, ut credamus tibi? Et ut noveritis, quia miracula illa huic miraculo comparabant, et ideo quasi majora ista judecabant, quam [Ms. et Aug., quasi minora ista iudicabant, quæ] quæ faciebat Jesus,

Vers. 34. — Patres nostri, inquiunt, manna manducaverunt in deserto. Sed quid est manna? forte contemnitis; sicut scriptum est: *Dedit illis manna manducare*. Per Moysen patres nostri panem de cœlo acceperunt, et non eis datum [Ms. et Aug., dictum] est a Moyse: *Operamini cibum, qui non perit, sed qui permanet in vitam æternam*, et tu non talia operaris, qualia Moyses. Panes hordeaceos ille non dedit, sed manna de **525** cœlo. (Vers. 32, 33.) *Dixit ergo eis Jesus: Amen amen dico vobis, non Moyses dedit vobis panem de cœlo, sed Pater meus dedit vobis panem de cœlo*. Verus enim panis est, qui de cœlo descendit, et dat vitam mundo. Verus ergo ille panis est, qui dat vitam mundo, et ipse cibus est, de quo paulo ante locutus sum: *Operamini cibum, qui non perit, sed qui permanet in vitam æternam*. Ergo et illud manna hoc significabat, et illa omnia signa mea erant. Signa mea dilexitis; quod significabant [Aug., qui significabatur], contemnitis. Non ergo Moyses dedit panem de cœlo; Deus dat panem; sed quem panem? forte manna? non; sed panem, quem significavit manna, ipsum scilicet Dominum Jesum. *Pater meus dat vobis panem verum*. Panis verus Dei est, qui descendit de cœlo, et dat vitam mundo.

Vers. 34. — *Dixerunt ergo ad eum: Domine, semper da nobis panem hunc*. Quomodo mulier [illa] Samaritana, cui dictum est, *Qui biberit de hac aqua, non siet unquam*, continuo illa secundum corpus ac-

A cipiens, sed tamen carere indigentia volens; *Da*, inquit, *miki, Domine, de hac aqua*; sic et isti, *Domine, da nobis panem hunc*, qui nos reficiat, nec deficiat.

CAPUT XIV.

Panem vitæ se dicit, et resurrecturos credentes in se in novissimo die.

Vers. 35. — *Dixit ergo eis Jesus: Ego sum panis vitæ [Ms., vivus]*. Qui venit ad me, non esuriat, et qui credit in me, non siet unquam. *Qui venit ad me*, hoc est quod ait, et qui credit in me: et quod dixit, non esuriat, hoc intelligendum est, non siet unquam. Utroque enim illa significatur æterna satietas, ubi nulla est egestas. Panem de cœlo desideratis, ante vos habetis, et non manducatis. (Vers. 36.) *Sed dixi vobis, quia et vidistis me, et non credidistis* (Rom. III, 3). Sed non ideo ego populum perdidii. Nunquid enim infidelitas vestra fidem Dei evanescit? Videamus enim quod sequitur: (Vers. 37) *Omne quod datur mihi Pater, ad me veniet, et eum qui venit ad me non ejiciam foras*. Quale est illud intus, unde non exitur foras? Magnum penetrale et dulce secretum. O secretum sine tædio, sine amaritudine malarum cogitationum, sine interpellatione tentationum et dolorum! Nonne illud secretum est quo intrabit ille cui dicturus est Deus: *Euge, serve bone et fidelis, intra in gaudium Domini tui* (Matth. xxv, 23)? Et: *Fum, qui veniet ad me, non ejiciam foras*. (Vers. 38.) *Quia descendisti de cœlo, non ut facias voluntatem meam, sed ejus qui misit me*. Ideo ergo eum qui veniet ad te non ejicies foras, quia descendisti de cœlo non facere voluntatem tuam, sed voluntatem ejus qui te misit. Magnum sacramentum est, quod ait: *Qui venit ad me non ejiciam foras*. Causam mox subjungens [Ms., subjungit] quare foras non ejecerit ad se venientem, id est, in se credentem dicit [Ms., dicens]: *Quia non reni facere voluntatem meam, sed voluntatem ejus qui misit me*. *Quis est qui ejicitur foras, de illo dulci et suavissimo secreto, quo intrare præcipitur servus faciens voluntatem Domini sui, nisi superbus, nisi anima in se ipsa confidens et suæ potestatis esse quærens, nec cum propheta habens dicere: Nonne Deo anima mea subjecta est* (Psal. LXI)? Anima vero per humilitatem Dei subiecta gratiæ, nunquam ejicietur foras, sed intrat in gaudium Domini Dei sui. *Igitur ut causa omnium morborum curaretur, id est superbia, descendit humilitas, id est, humiliavit se Filius Dei. Quid superbis homo? Deus humilis propter te factus est. Pudet te fortasse imitari humilem hominem, saltum imitare humilem Deum. Venit Filius Dei in homine, et humilis factus est: præcipitur tibi ut sis humilis, non tibi præcipitur ut ex homine facias [Ms., fas] pecus. Ille Deus factus est homo, tu homo, cognosce quia es homo. Tota humilitas tua est ut cognoscas te. Ergo quia humilitatem docet Deus, dixit: Non reni facere voluntatem meam, sed ejus qui me misit*. Hæc enim commendatio humilitatis est. Superbia quippe facit voluntatem suam, humilitas facit voluntatem Dei.

* Vide S. Aug. loc. cit., num. 14, 15, 16, 18, 19.

Ideo qui ad me reverit, non ejiciam foras. Quare? A
Quia non veni facere voluntatem meam, sed voluntatem ejus qui me misit. Humilis veni, humilitatem docere veni, magister humilitatis veni. Qui ad me ve-
nit, 526 incorporetur [Ms., incorporatur] mihi; qui ad me venit, humilis fit; qui mihi adhæserit [Al., aderit; Ms., adhæret], humilis erit, quia non faciet voluntatem suam, sed Dei: et ideo non ejicetur foras, quia Adam, cum superbus esset, projectus est foras. » Christus vero humilis factus, exaltatus est super omne nomen, quod nominatur vel in cœlo, vel in terra (*Philip. ii*). « Qui doctor humilitatis ve-
nit, non facere voluntatem suam, sed voluntatem ejus qui misit illum: veniamus ad eum, intremus ad eum, incorporemur ei, ut nec nos faciamus voluntatem nostram, sed voluntatem Dei; et non nos ejiciet foras, quia membra ejus sumus, quia caput nostrum esse voluit docendo humilitatem. » Ad quem venire non potest nisi humilis, a quo non mittitur foras, nisi superbus.

Vers. 39. — *Hæc est voluntas ejus qui misit me Patris, ut omne quod dedit mihi non perdam ex eo, sed resuscitem illud in novissimo die. » Ipse ille datus est. Qui servat humilitatem, hoc accipit; qui non servat [Aug., Ipse illi datus est, qui servat humilitatem; hunc accipit: qui non servat] humilitatem, longe est a magistro humilitatis. Ut omne, quod dedit mihi Pater, non perdam ex eo. Sic non est voluntas in conspectu Patris vestri ut pereat unus de pusillis istis. De tumentibus potest perire, de pusillis nihil perit; quia nisi fueritis sicut pusillus iste, non intrabitis in regnum cœlorum (*Matth. xviii*, 4). Omne, quod dedit mihi Pater, non perdam ex eo, sed resuscitabo ego eum in novissimo die. Vide quemadmodum et hic geminam illam resurrectionem delineat [Ms., deliniet; Aug., delineet]. Qui venit ad me, modo resurget humilis factus in membris meis; sed resuscitabo eum in novissimo die secundum carnem.*

Vers. 40. — *Hæc est enim voluntas Patris mei qui misit me, ut omnis qui videt Filium et credit in eum, habeat vitam æternam. Et ego resuscitabo eum in novissimo die. Superius dixit: Qui audit verbum meum, et credit ei qui misit me; modo autem: Qui videt Filium, et credit in eum. Non dixit, videt Filium et credit in Patrem: hoc est enim credere in Filium, quod et in Patrem. Quia sicut habet vitam Pater in semetipso, sic dedit et Filio vitam habere in semetipso (*Joan. v*, 26). Ut omnis, qui videt Filium, et credit in eum, habeat vitam æternam. Credendo et transiendo ad vitam, tanquam pristinam illam resurrectionem [Aug., prima illa resurrectione]. Et quia non est sola, et resuscitabo, inquit, eum in novissimo die. » Sequitur: Ego sum panis vivus, qui de cœlo descendit. Ideo panis, qui vita; et ideo vita, quia de cœlo descendit, dicente ipso: Ego sum via, veritas, et vita. Ille est panis supersubstantialis, qui ut nobis detur quotidie deprecari jubemur, cum Dominus noster Jesus Christus panem se dicebat de cœlo descendisse.*

* Apud sanctum Augustinum, tract. xxvi, num. 1, 5, 6, 7, 9, 10, 11, 12, 13, 15-20.

CAPUT XV.

Murmurantes Pharisæi filium Joseph cum dicunt. Et ipse inter plura carnem suam panem se daturum dicit pro mundi vita. Et cætera his similia plurima de pane et carne sua testatur.

Vers. 41, 42. — *Murmurarunt Judæi, et dixerant ei: Hic est [Jesus] filius Joseph, cuius nos novimus patrem et matrem. Quomodo ergo dicit hic, quia de cœlo descendit? Ideo murmurabant quia hunc panem non intelligebant, hunc panem non esuriebant, hunc panem non amabant. Si amarent, utique non murmurarent. » Ideo a pane cœlesti longe erant, nec eum esurire noverant. Fauces cordis languidas habebant, auribus apertis surdi erant: videbant, et cæci stabant. Panis quippe iste, interioris hominis quererit esuriem: unde alio loco dicit: Beati, qui esuriant et sitiunt justitiam, quoniam ipsi saturabuntur (*Matth. v*, 6). » Dixerunt: Cujus [nos] novimus patrem et matrem. Matrem sciebant terrenam, patrem nesciebant cœlestem; quia a Patre cœlestis attracti non fuerunt; quod mox ipse Dominus sequenti verbo innuit, dicens: (VERS. 43, 44) Nolite murmurare invicem. Nemo potest venire ad me, nisi Pater, qui misit me, attraxerit eum. Quid est, Nemo potest venire ad me, nisi quia nemo potest credere in me, nisi Pater, qui misit me, attraxerit eum? Ille venit, quem gratia Dei prævenit, cui cum Propheta 527 dicamus: Misericordia ejus præveniet me (*Psal. lviii*). Et iterum: misericordia ejus subsequetur me (*Psal. xxii*). Præveniet velle, subsequetur perficere.*

C « Trahit Pater ad Filium eos qui propterea credunt in Filium, quia eum cogitant Patrem habere Deum. Deus enim Pater æqualem sibi genuit Filium: et qui cogitat atque in fide sua sentit et ruminat æqualem esse Patri eum in quem credit, ipsum trahit Pater ad Filium. » Qui enim de Christo dicit, Non est Deus verus, non trahit eum Pater, sed sua perversa cogitatio trahit eum veritati non consentire. « Ille tractus est a Patre, qui ait: Tu es Christus Filius Dei vivi. Cui Dominus inquit: Beatus es, Simon Bar-Jona, quia caro et sanguis non revelarit tibi, sed Pater meus qui in cœlis est (*Matth. xvi*, 16, 17). Ista revelatione ipsa est attractio. Dum enim dixit: Nemo potest venire ad me, nisi Pater qui me misit, attraxerit eum, continuo subjunxit: Et ego resuscitabo eum in novissimo die. Credendo quod sperat, videbit quod adhuc non videndo credidit; manducabit quod esurit, satiabitur eo quod sitit. Ubi? in resurrectione mortuorum. Quia ego resuscitabo eum in novissimo die.

D *Vers. 45. — Scriptum est enim in prophetis: Et erunt omnes docibiles Dei. Quare hoc dicit [Ms., dixit; Aug., dixi] o Judæi? Pater vos non docuit: quomodo potestis me cognoscere? Omnes regni illius homines docibiles Dei erunt, non ab hominibus audiunt; et si ab hominibus audiunt, tamen quod intelligunt intus datur, intus coruscat, intus revelatur. » Homines foris verbum sonare possunt, sed in vanum laborant, nisi intus Deus docens aperiat sensus. Ille*

est Dei docibilis, quem Deus intus veritatis instruit agnitione et amore. *Omnis qui audit [Ms., audivit] a Pater, et didicit, venit ad me.* Quomodo trahit Pater? Docendo delectat, non necessitatem imponendo; quia nemo necessitate credit, sed voluntate. Filius dicebat, Pater docebat; homo qui videbatur, loquebatur, sed ut Deus in corde audientis interius docebat. Ideo subiunxit :

VERS. 46. — *Non quia Patrem vidit quisquam, nisi is qui est a Deo, hic vidit Patrem.* Nolite putare Patrem esse visibilem vobis; nemo vidit Patrem, nisi is qui est a Deo; hic vidit Patrem. Ego sum a Pater, et ideo Patrem video. *Quid est autem vos trahi a Pater, nisi discere a Pater? Quid est discere a Patre, nisi audire Patrem [Ms., a Patre]?* Et quid est audire a Patre, nisi audire Verbum Patris, id est me? Ne forte ergo cum dico vobis : *Omnis qui audivit a Pater et didicit, dicatis apud vos : Sed nunquam vidimus Patrem, quomodo autem discere potuimus a Patre?* A meipso audite. *Non quia Patrem vidit quisquam, sed qui est a Deo, hic vidit Patrem.* Ego novi Patrem, ab illo sum; sed quomodo verbum ab illo cuius est verbum : non quod sonat et transit, sed quod manet cum dicente, et trahit audiendum. Sequitur: (**Vers. 47**) *Amen amen dico vobis, qui credit in me, habet vitam æternam.* Revelare se voluit, quid esset: nam compendio dicere potuit: Qui credit in me, habet me. Ipse enim Christus verus est Deus, et vita æterna. Qui ergo credit in me, inquit, it ad me, et qui it ad me, habet me. Quid est autem habere me? Habere vitam æternam. Mortem assumpsit vita æterna, et mori voluit; sed de two, o homo, non de suo: accepit a te, ubi moreretur pro te. Assumpsit [*Al.*, Accepit] ergo vita mortem, ut vita occideret mortem. Nam qui credit, inquit, habet vitam æternam; non quæ patet, sed quæ latet. Vita enim æterna, Verbum in principio apud Deum erat, et Deus erat Verbum, et erat vita lux hominum. Mori venit, sed tertia die resurrexit.

VERS. 48, 49. — *Ego sum, inquit, panis vita.* Et unde illi superbiant? *Patres, inquit, vestri manducaverunt manna, et mortui sunt.* Quare manducaverunt, et mortui sunt? Quia quod videbant, credebant: quod non videbant, non intelligebant. Ideo patres vestri, quia similes esti illorum. Manducaverunt Moses et Aaron, et cæteri sancti qui fuerunt in populo manna, et non sunt mortui, quia spiritualiter visibilem cibum intellexerunt, spiritualiter esuriunt [*Ms.*, esurierunt]; alii vero manducaverunt et permaneserunt in infidelitate; sicut Judæi audierunt loquenterum Christum, sed non spiritualiter verba ejus intellexerunt; ideo dixit eis: *Patres vestri manducaverunt manna in deserto, et 528 mortui sunt.* Qua morte, nisi infidelitas? Nam communi morte mortui sunt et sancti qui fuerunt inter eos. Ideo signavit [*Ms.*, significavit] Dominus his verbis mortem spiritalem, non carnalem. *Patres ergo istorum, id est, mali patres malorum, infideles patres, infideles murmuratores, patres murmuratorum [Ms. et Aug., infideles*

patres infidelium; murmuratores patres murmuratores]. Nam de re nulla magis Deum offendisse ille populus dictus est, quam contra Deum murmurando. Ideo et Dominus eos volens ostendere talium filios, hinc ad [*Ms.*, hinc caute eos] eos coepit, *Quid murmuratis in invicem, murmuratores, filii murmuratorum? Patres vestri manna manducaverunt, et mortui sunt: non quia malum erat manna, sed quia male manducaverunt.* »

VERS. 50. — *Hic est panis, qui de cœlo descendit.* « Hunc panem significavit manna, hunc panem significat altare Dei. Sacraenta illic [*Ms.*, illa] fuerunt: in signis diversa sunt; in re qua significantur [*Ms.*, qua significatur], paria sunt. Apostolum audi: *Nolo enim, inquit, vos ignorare fratres, quia patres nostri omnes sub nube fuerunt, et omnes per mare transierunt, et omnes in Moyse baptizati sunt in nube et in mari, et omnes eamdem escam spiritalem manducaverunt (I Cor. x, 1 seq.).* Spiritalem utique, non corporalem. Alteram [*Aug.*, spiritalem utique eamdem: nam corporalem alteram], quia illi manna, nos aliud: spiritalem vero quain nos; sed [*Ms.*, et] patres nostri, non patres illorum, quibus nos similes sumus, non quibus illi similes fuerunt. *Hic est ergo panis de cœlo descendens, ut si quis ex ipso manducaverit, non moriatur.* Sed quod pertinet ad virtutem sacramenti, non quod pertinet ad visibile sacramentum; qui manducat intus, non foris; qui manducat in corde, non qui premit dente. (**Vers. 51.**) *Ego sum panis vivus, qui de cœlo descendit.*

C Ideo vivus, quia de cœlo descendit. De cœlo descendit et manna, sed manna umbra erat, ista veritas est. (**Vers. 52.**) *Si quis manducaverit ex hoc pane, vivet in æternum; et panis quem ego dabo, caro mea est pro mundi vita.* Hoc quando caperet caro, quod dixit panem carnem? Vocatur caro, quod non capit caro: et ideo magis non capit caro, quia vocatur caro. Hoc enim exhorruerunt, hoc assimilatum [*Ms.*, assimilatum; *Aug.*, ad se multum] esse dixerunt, hoc non posse fieri putaverunt. *Caro mea est, inquit, pro mundi vita.* Norunt fideles corpus Christi, si corpus Christi esse non negligunt. Fiant corpus Christi, si volunt vivere de spiritu Christi. De spiritu Christi non vivit, nisi corpus Christi. » Quisque vivere vult, credit in Christum, manducet spiritualiter spiritalem cibum. Incorporetur corpori Christi, et non sit putridum membrum, quod resecari mereatur [*Al.*, debeat]. Sit pulchrum, sit sanum, sit aptum capiti suo. (**Vers. 53.**) *Litigabant ergo Judæi ad invicem dicentes: Quomodo potest hic nobis carnem suam dare ad manducandum?* « Litigabant utique ad invicem, quoniam panem concordie non intelligebant, nec sumere volebant: nam qui manducant talem panem, non litigant ad invicem; quoniam unus panis unus corpus multi sumus, et per hunc facit Deus unius moris habitare in domo (I Cor. x, 17; *Psalm. lxvii*, 7). Quod autem ad invicem litigantes querunt, quomodo possit Dominus carnem suam dare ad manducandum, non statim edunt [*Aug.*, audiunt], sed adhuc eis dici-

tur : (VERS. 54) *Amen amen dico vobis, nisi manducaveritis carnem Filii hominis, et biberitis ejus sanguinem, non habebitis vitam in vobis.* Quomodo quidem detur [Aug., edatur] et quisnam modus sit manducandi istum panem, ignoratis : verumtamen nisi manducaveritis carnem filii hominis et ejus sanguinem biberitis, non habetis vitam in vobis^a. Hæc non itaque [Aug., utique] cadaveribus, sed viventibus loquebatur. Unde ne istam vitam intelligentes de hac re litigarent, securus adjunxit.

529 VERS. 55. — *Qui manducat meam carnem, et bibit meum sanguinem, habet vitam æternam.* Hanc ergo non habet, qui istum panem non manducat, nec istum sanguinem bibit ; nam temporalē vitam sine illo, ut cuncte homines in hoc saeculo, qui non sunt per fidem in corpore ejus, habere possunt ; æternam autem, quæ sanctis promittitur, nunquam. Ne autem putarent sic in isto cibo et potu [eis qui (Ms., ejus quæ) carnaliter sumunt (Al., sapiunt), et non spiritaliter intelligent in fide], promitti vitam æternam, ut qui eam sumerent jam nec corpore morerentur ; huic etiam cogitationi est dignatus occurrere. Nam cum dixisset : *Qui manducat meam carnem, et bibit meum sanguinem, habet vitam æternam*; continuo subjecit, et dixit : *Et ego resuscitabo eum in novissimo die.* Ut habeat interim secundum spiritum vitam æternam in requie, quæ sanctorum spiritus suscipit : quod autem ad corpus attinet, nec ejus vita æterna fraudetur [Ms., nec eos... fraudat], sed in resurrectione mortuorum, in novissimo die caro viva resurgat [Ms., caro suscitabitur]. (VERS. 56.) *Caro enim mea, inquit, vere est cibus, et sanguis meus vere est potus.* *Cum enim cibo et potu id appetant homines, ut non esuriant neque sitiant ;* hoc veraciter non præstat nisi iste cibus et potus, qui eos a quibus sumunt immortales et incorruptibles facit, id est, societas ipsa sanctorum, ubi pax erit et unitas plena atque perfecta. Propterea quippe, sicut etiam hoc ante nos intellexerunt homines [Dei], Dominus noster Jesus Christus corpus et sanguinem suum in eis rebus commendavit, quæ ad unum aliud rediguntur ex multis. Namque aliud in unum aliud ex multis granis conficitur et constat [Aug., confit], aliud in unum ex multis racemis [Al., acinis] conficit. Denique jam exponit quomodo id fiat quod loquitur, et quid sit manducare corpus ejus et sanguinem bibere. (VERS. 57.) *Et qui manducat, inquit, meam carnem, et bibit meum sanguinem, in me manet, et ego in eo.* Hoc est ergo manducare illam escam et illum hibere potum, in Christo manere, et illum manentem in se habere : ac per hoc, qui non manet in Christo, et in quo non manet Christus, procul dubio nec manducat spiritu-

^a Edit. Argentorat. de anno 1527 ita prosequitur : « Hanc itaque carnem, hunc itaque cibum et potum societatem vult intelligi corporis et membrorum suorum, quod est sancta Ecclesia, quæ corpus est Christi, et de hac re loquuntur. Secutus adjunxit, etc. » Sed hæc sententia huc prorsus est impertinens, nec in codd. mss. quos consului, nec in editione Cl. Quer-

A liter ejus carnem, licet carnaliter et visibiliter premit [dentibus] sacramentum corporis et sanguinis Christi; sed magis tantæ rei sacramentum ad judicium sibi manducat et bibit, quia immundus præsumpsit ad Christi accedere sacramenta, quæ alius [Aug., quæ aliquis] non digne sumit, nisi qui mundus est, de quibus dicitur : *Beati mundo corde, quoniam ipsi Deum videbunt (Matth. v, 8).*

VERS. 58. — *Sicut misit me, inquit, vivens Pater, et ego vivo propter Patrem. Et qui manducat me, et ipse vivit propter me.* Non enim Filius participatione Patris sit melior, qui est natus æqualis; sicut participatio Filii per unitatem corporis ejus et sanguinis, quæ [Ms., quod] illa manducatio potatioque significat, efficit nos meliores. Vivimus ergo nos propter ipsum, manducantes eum, id est, ipsum accipientes æternam vitam, quam non habemus [Al., habebamus] ex nobis. Vivit autem ipse propter Patrem, missus ab eo, quia semetipsum exinanivit, factus obediens usque ad signum [Al., mortem] crucis (Philipp. ii, 8). *Sicut misit me vivens Pater, et ego vivo propter Patrem, et qui manducat me, et ipse vivit propter me*; ac si diceret : *Ut ego vivam [Ms., vivo]* propter Patrem, id est, ut ad illum tanquam ad majorem referam vitam meam, exinanitio mea fecit, in qua me misit ; ut autem quisque vivat propter me, participatio facit, qua [Al., quia] manducat me. Ego itaque humiliatus vivo propter Patrem, ille rectus [Aug., erectus] vivit propter me. *Non de ea natura dixit, quia semper est æqualis Patri, sed de ea, in qua minor factus est Patri.* Quia [Ms., Qui] etiam superius dixerat : *Sicut Pater habet vitam habere in semetipso, ita dedit Filio vitam habere in semetipso*; id est, genuit Filium vitam habentem in semetipso.

VERS. 59. — *Hic est panis, qui de cælo descendit,* ut illum manducando vivamus, quia æternam vitam ex nobis habere non possumus. *Non sicut manducaverunt, inquit, patres vestri manna, et mortui sunt : qui manducat hunc panem, vives in æternum.* Quod ergo illi mortui sunt, ita vult intelligi, ut non vivant in æternum ; nam temporaliter profecto et tunc morientur qui Christum manducant ; sed vivent in æternum, quia Christus est vita æterna. *b Signum ejus quia manducavit et bibit, hoc est si manet et manetur, si habitat et inhabitatur, si sic hæret, ut non deseratur.* Hoc ergo nos **530** docuit, et admonuit mysticis verbis, ut simus in ejus corpore, sub ipso capite in membris ejus, edentes carnem ejus, non relinquentes unitatem ejus. Sed qui aderant plures, non intelligendo scandalizati sunt : non enim cogitabant hæc audiendo, nisi carnem, quod ipsi erant. Apostolus autem dicit, et verum dicit : *Sapere secundum carnem, mors est (Rom. viii, 6).* Carnem

cetani, nec in Augustino, quem Alcuinus sic descripsit, reperitur. Intrusa ergo est a quodam malevolo, ut subdole mentem Alcuini de veritate corporis et sanguinis Christi in Eucharistia corrumperet ; quod et alii hæretici in aliorum Patrum scriptis tentarunt.

^b Ex S. Aug. Tract. xxvii in Joan. num. 1-5.

suam dat nobis Dominus ad manducandum, et sapere tamen secundum carnem mors est; cum de carne sua dicat, quia ibi est vita aeterna. Ergo nec carnem debemus sapere secundum carnem, sicut in his verbis: (VERS. 61) *Multi itaque audientes, non ex inimicis, sed ex discipulis ejus, dixerunt: Durus est hic sermo: quis potest eum audire?* Si discipuli durum habuerunt istum sermonem, quid inimici? Et tamen sic oportebat, ut diceretur, quod non ab hominibus [Ms. et Aug., omnibus] intelligeretur. Secretum Dei intentos debet facere, non aversos [Ms. et Aug., adversos]. Isti autem cito defecerunt, talia loquente Domino Jesu: nou crediderunt, aliquid magnum dicente, et verbi illius aliquam gratiam cooperiente [Aug., non crediderunt aliquid magnum dicentem, et verbis illis... cooperientem]. Sed prout voluerunt, ita intellexerunt; et more hominum, quia apud eos erat Jesus, aut hoc disponebat Jesus [Ms., et more hominum quia hoc asseruerat Jesus; Aug., et more hominum quia poterat Jesus], carnem qua indutum erat Verbum, velut inconcisam distribuere creditibus in sc. *Durus est, iniquum, hic sermo, quis potest eum audire?* (VERS. 62.) *Sciens autem Jesus apud semetipsum, quia murmurarent de hoc* [Aug. et Ms., de eo] *discipuli ejus.* Sic enim apud se ista dixerunt, ut ab illo non andirentur. Sed ille qui eos noverat in seipsis, audiens apud semetipsum, respondit et ait: *Hoc vos scandalizat. Quia dixi, carnem meam do vobis manducare et sanguinem meum bibere, hoc vos nempe scandalizat.*

Vers. 63. — *Si ergo videritis Filium hominis ascendentem ubi erat prius. Quid est hoc? Hinc solvit quod illos moverat? hinc aperuit [Ms., eruit] unde fuerant scandalizati? hinc plane, si intelligerent. Illi enim putaverunt illum erogatum corpus suum, ille autem se dixit ascensurum in coelum, utique integrum. Cum videretis Filium hominis ascendentem ubi erat prius, certe vel tunc videbitis, quia non eo modo quo putatis, erogat corpus suum. Certe vel tunc intelligetis quia gratia ejus non consumitur in mortibus. In his verbis perspicue intelligitur Christum esse unam personam, dum dixit Filium hominis esse prius in celo. In terra loquebatur, et in celo se esse dicebat. Quo pertinet, nisi ut intelligamus unam personam esse Christum Deum et hominem, non duas, ne fides nostra non sit trinitas, sed quaternitas? Christus ergo unus est, verbum, anima et caro unus Christus; Filius Dei, et Filius hominis unus Christus; Filius Dei semper, filius hominis ex tempore; tamen unus Christus, secundum unitatem personae. In celo erat, quando in terra loquebatur. Sic erat Filius hominis in celo, quomodo Filius Dei erat in terra. Filius Dei in terra in suscepta carne; Filius Dei [Ms. et Aug., Filius hominis] in celo in unitate personae. Quod mox latius exponit quid intersit inter spiritum et*

A carnem, et quid inter carnaliter Christum manducare velle, vel spiritualiter accipere; ait enim: (VERS. 64) *Spiritus est, qui vivificat, caro non prodest quidquam.* Paulo ante dixit: *Nisi manducaveritis carnem Filii hominis, et biberitis ejus sanguinem, non habebitis vitam in vobis;* et modo dicit: *Caro non prodest quidquam, id est, si carnaliter vultis intelligere quae dico, caro non prodest quidquam, si sic carnem intelligitis manducandam sicut alium cibum, sicut carnes quae emuntur in macellis.* *Spiritus est ergo qui vivificat, per spiritum prodest caro, quae per seipsam non prodest, quia littera occidit, spiritus autem vivificat.* « Nam per carnem spiritus aliquid pro salute nostra egit. Caro vas fuit, » quod habebat, per quam spiritus salvabit [Ms., salvavit] nos, utens organo carnis ad salutem humani generis: quia diabolus utebatur serpente quasi organo, ad subversionem primi parentis nostri. « *Spiritus est qui vivificat, caro autem non prodest quidquam:* sicut illi intellexerunt carnem, non sic ego do ad manducandum meam carnem. »

531 CAPUT XVI.

Verba sua spiritum vitianque pronuntiat, et unum ex duodecim diabolum appellat.

« Proinde verba, inquit, quae ego locutus sum vobis, spiritus et vita sunt. Diximus enim, fratres, hoc Dominum commendasse in manducatione carnis suae et potionis sanguinis sui, ut in illo maneamus, et ipse in nobis. Maneamus autem in illo, cum sumus membra ejus; manet autem ipse in nobis, cum sumus templum ejus. Ut autem simus membra ejus, unitas nos compaginet; ut enim compaginet nos unitas, quid hoc facit nisi charitas Dei? Unde? Apostolum [Ms. et Aug.]: *Unitas nos compaginat: ut compaginet unitas, quae facit nisi charitas? Charitas Dei unde?* Apostolum interroga: *Charitas, inquit, Dei diffusa est in cordibus nostris per Spiritum sanctum, qui datus est nobis* (Rom. v, 5). Ergo *Spiritus est qui vivificat:* spiritus enim facit viva membra; nec viva membra spiritus facit, nisi quae in corpore, quod vegetat ipse, Christus [Aug., ipse spiritus] invenerit. Nam spiritus qui est in te, o homo, quo constas, ut homo sis, nunquid vivificat membrum quod separatum invenerit a carne tua? Spiritum tuum dico animam tuam. Anima tua non vivificat, nisi membra quae sunt in carne tua; unum si tollas, jam ex anima tua non vivificatur, quia unitati corporis tui non copulatur. Haec dicuntur ut amemus unitatem et timeamus separationem. Nihil enim sic debet formidare Christianus, quam separari a corpore Christi. Si enim separatur a corpore Christi, non est membrum ejus, si non est membrum ejus, non vegetatur spiritu ejus. *Quiequis autem, inquit Apostolus, Spiritum Christi non habet, hic non est ejus* (Rom. viii, 9). Spiritus ergo est qui vivificat, caro non prodest quidquam. *Verba quae locutus sum vobis, spiritus et vita sunt.* Quid est, spiritus et vita

* Ex S. Aug., tract. xxvii in Joan. num. 6, 7, 9, 10.

sunt, nisi spiritualiter intelligenda sunt? Intellexisti carnaliter? etiam sic illa spiritus et vita sunt, sed tibi non sunt, » o homo, qui spiritualiter ea non intelligis, nec fide ea venerari nosti.

VERS. 65. — « *Sunt enim quidam in vobis qui non credunt* : et ideo non intelligunt, quia non credunt. Propheta enim dixit : *Nisi credideritis, non intelligetis* (*Isai. vii, 9, sec. LXX*). Per fidem copulamur, per intellectum viviscamur. Prius hæreamus per fidem, ut sic post viviscemur [*Aug.*, ut sit, quod viviscatur] per intellectum. Sciebat enim ab initio Jesus, qui essent credentes, et quis traditurus esset eum. Nam ibi Judas erat inter eos qui scandalizati sunt, quem Christus nec siluit, nec aperte monstravit, ut omnes timerent, quamvis unus periret. Sed posteaquam dixit et distinxit credentes a non credentibus, expressit causam quare non credebant. » (**VERS. 66.**) *Propterea dixi vobis*, inquit, *quia nemo potest venire ad me, nisi fuerit ei datum a Patre meo*. Dabitur enim a Patre credentibus fides, ut nemo glorietur in fide sua, quæ a se non est quasi propria, sed a Deo data, quasi gratia. (**VERS. 67.**) *Ex hoc multi discipulorum ejus abierunt retro, et jam non cum illo ambulabant*. Abierunt retro, non post Christum, sed post Satanam. Isti autem sic abierunt retro, quomodo præcisi a corpore Christi, nec ultra redientes ad eum, quia fortes [*Ms.*, forte] fideliter in corpore ejus non fuerunt. Et hi non pauci, sed multi. « *Audiamus ergo, quid ad paucos dixerit, qui remanserunt*. (**VERS. 68.**) *Dixit ergo Jesus ad duodecim* : *Nunquid et ros vultis abire?* Non discessit nec Judas : sed quare manebat Domino jam apparetat [nobis] postea manifestatus est. Respondit Petrus pro omnibus, unus pro multis, unitas pro unius [*Aug.*, universis] *Respondit ergo Simon Petrus* : *Domine, ad quem ibimus?* Repellis nos a te, da nobis alterum [te] similem tui, ad quem eamus. Si a te recedimus, ad quem ibimus? [*Aug.* : Da nobis alterum te. *Ad quem ibimus?* si a te recedimus, ad quem ibimus?]

VERS. 69. — *Verba vitæ æternæ habes*. Vide, quemadmodum Petrus, dante Domino, recreante Spiritu sancto, intellexit. Unde, nisi quia creditit verba vita **532** æternæ? Vitam enim æternam habes in ministracione corporis et sanguinis tui. (**VERS. 70.**) *Et nos credidimus, et cognovimus*. Non cognovimus et credidimus; sed credidimus et co-

Agnovimus. Credidimus enim ut cognosceremus; nam si prius cognoscere, et deinde credere vellemus, nec cognoscere, nec credere valeremus. Quid credidimus et quid cognovimus? *Quia tu es Christus Filius Dei*. Id est, quia ipsa vita æterna tu es, et non das in carne et sanguine tuo, nisi quod es. »

VERS. 71, 72. — *Respondit eis Jesus* : *Nonne ego vos duodecim elegi, et unus ex vobis diabolus est?* Dicebat autem de Juda Simone Scariotis. *Hic enim erat eum traditurus, cum esset unus ex duodecim*. Unus ex duodecim erat, non fide, sed numero; non veritate, sed simulatione. Sed quomodo intelligendum est, *nonne ego vos duodecim elegi*, dum ille unus filius diaboli dicitur esse: nisi quia aliter electi sunt illi undecim, aliter et ille unus? Electi sunt illi ut manerent in Christo, et ut sonus illorum exiret per orbem terrarum; electus est ille unus ut dispensatio divina misericordiae in salutem humani generis impleretur per eum. Unde bonitas Dei bene utebatur malitia illius, sicut in venditione Joseph bene usus est Deus malitia fratrum (*Gen. xxxvii*): ut ex opere malo illorum bonitas Dei ostenderetur in salutem [*Ms.*, salute] multorum. Sic malum Jude in bonum versum est nostrum. Quod facit malus male utendo bonis Dei, sibi nocet, non bonitatem Dei destruere poterit. Quare duodecim elegit Christus? « *Duodenarius numerus sacratus est*. Non enim quia perit inde unus, ideo illius numeri honor ademptus est; nam in loco pereuntis alias subrogatus est. Mansit numerus consecratus, hoc est, numerus duodenarius; quia per universum orbem, hoc est, per quatuor cardines mundi, Trinitatem fuerat annuntiaturus [*Ms.* et *Aug.*, fuerant annuntiaturi]. Ideo ter quaterni » electi sunt, ut sancta Trinitas per quatuor partes orbis prædicaretur. Nam et annus duodenario numero currit, et ordo signorum in cœlis, per quæ solet luna currere, noscuntur, duodenario numero distinguuntur: ideo hoc numero primos prædicatores Deus Christus direxit in mundum. Nec numerus Juda pereunte violatus est, sed alias ejus loco subrogatus. De cuius numeri sacra-tissima significazione ipse Christus in Evangelio ait, de excellentissima sanctorum gloria: *Cum autem sederit Filius hominis in sede majestatis sue, sedebitis et vos super sedes duodecim, judicantes duodecim tribus Israel* (*Matt. xix, 28*).

LIBER QUARTUS.

CAPUT XVII.

Judeis interficere eum quærentibus, ascendit occulta ad diem festum Scenopégie, ubi diversa de eo et ab eo dicuntur. Et quærentes eum apprehendere, ne quiverunt, quia nondum venerata hora ejus.

CAPUT VII, VERS. 1. — *Post hæc, inquit evan-glista, ambulabat Jesus in Galileam*. Non enim rolebat

in Judæam ambulare, quia quærebant eum Judei interficere. « *Hoc infirmitati nostræ præbebat exemplum*. Non ipse perdiderat potestatem, sed nostram consolabatur fragilitatem. Futurum enim erat, ut dixi, ut aliquis fidelis ejus absconderet se, ne a persecutoribus inveniretur; et ne illi pro crimine

* S. Aug., tract. xxviii, num. 2-4, 6, 8, 10-12.

objiceretur latibulum, processit in capite, quod in membris confirmaretur. » Potuit enim Christus ambulare in Iudeam [Ms., inter Iudeos] et non occidi, qui ait : *Potestatem habeo ponendi animam meam, et potestatem habeo iterum sumendi eam* (Joan. x, 18). Hanc potestatem ostendit dum voluit, cum ad vocem illius retro ceciderunt qui eum cum armis venerunt apprehendere. (VERS. 2.) *Erat autem in proximo dies festus Iudaorum Scenopegia* [Ms., Scenophagiae]. Scenopegia est dies festus quo Iudei mense septimo in tabernaculis sub ramis arborum habitare diebus septem jubebantur ad memoriam habitationis illorum in eremo. Iste erat dies festus quem Iudei magna solemnitate celebrabant, velut reminiscentes beneficiorum Domini, qui eos eduxit de terra Aegypti. Dies festus more Iudaorum dicitur, non unus dies, sed quotquot illius festivitatis fuerunt, quasi unum diem festum propter unius festivitatis consuetudinem nominare solebant. (VERS. 3.) *Dixerunt ergo ad eum fratres ejus : Transi hinc, et vade in Iudeam.* » Fratres Domini usitatissimo sancte Scripturae more consanguinei sanctae Marie semper virginis dicebantur. Nam Abraham et Lot fratres sunt dicti, cum Abraham patrunc esset Lot; et La-han et Jacob fratres sunt dicti, cum esset Laban avunculus Jacob (Gen. xiv, 14, et xxix, 15). Cum ergo audieritis fratres Domini, Marie cogitate consanguinitatem, non iterum parentis ullam propaginem. « Diximus fratres qui fuerint; audiamus quid dixerint. *Transi hinc, et vade in Iudeam, ut et discipuli tui videant opera tua que facis.* Opera Domini discipulos non latebant, sed istos latebant. Iste enim fratres, id est consanguinei Christi, consanguineum Christum habere potuerunt, credere autem in eum ipsa propinquitate fastidierunt. Ideo continuo evangelista secutus est : (VERS. 4.) *Neque enim fratres ejus credebant in eum.* Quare in eum non credebat? Quia humanam gloriam requirebant, » dicentes ad eum : *Transi hinc, et vade in Iudeam, ut et discipuli tui videant opera tua, quae facis.* (VERS. 5.) Nemo quippe in occulto aliquid facit, et querit ipse in palam esse. Si haec facis, manifesta te ipsum mundo. Nam his verbis ostenditur gloriam illius carnaliter querere eos; quasi dixissent : Facis miracilia, sed abscondis te; transi in Iudeam, ut principatus gentis et civitas caput regni videant miracilia tua. Innotescere, appare omnibus, ut laudari possis ab omnibus. Quid ergo ad haec Dominus Jesus dicit? (VERS. 6.) *Tempus meum nondum advenit, tempus autem restrum semper est paratum.* Apostolus dicit, postquam renit plenitudo temporis, misit Deus Filium suum (Cat. iv, 4). Tempus vero gloriae Christi necedum venit, cum haec locutus est. Quod illi videbantur querere, qui ei snadebant ire in Iudeam, miraculum facere, mundo innotescere, ne latens ignobilis putaretur. Sed ille voluit altitudinem humilitate praecedere, et ad ipsam celsitudinem per humilitatis viam pervenire. « Tempus autem vestrum, id est, mundi gloria, semper est paratum. Erit enim tempus

A gloria, quia qui venit in humilitate, veniet in altitudine; qui venit judicandus, veniet judicaturus; qui venit occidi a mortuis, veniet judicare de vivis et mortuis. (VERS. 8.) *Vos ascendite ad diem festum hunc.* « Quid est hunc? Ubi gloriam humanam quereritis. Quid est hunc? Ubi extendere vultis carnalia gaudia, non aeterna cogitare. Ego non ascendo ad diem festum hunc, quia meum tempus nondum impletum est. In die enim festo hoc gloriam vos humanam quereritis, meum vero tempus, id est, gloriae meae, nondum venit. Ipse erit dies festus meus, non diebus istis percurrens [Aug., praecurrentes] et transiens, sed permanens in aeterno. Ipsa erit festivitas, gaudium sine fine, aeternitas sine labe, serenitas sine nube.

VERS. 9. — *Hac cum dixisset, ipse mansit in Galilaea.* Ut autem ascenderunt fratres ejus, tunc et ipse ascendit ad diem festum, non manifeste, sed quasi in occulto. « Ideo non ad diem festum hunc, quia non gloriam [Ms., gloriari] temporaliter cupiebat, sed aliquid docere salubriter, corrigeres homines, de die festo aeterno admonere, amorem eorum ab hoc seculo avertere, et in Deum convertere. Quid est autem quod quasi latenter ascendit ad diem festum? non vacat et hoc Dei [Ms., Domini] opus. » Nam omnes dies festi Iudaorum in figura fuerunt. Ideo Christus latenter ascendebat in eis, quia Christus latuit in illis. Populo vero priori occultus, modo vero meliori populo manifestus; quia ille populus in umbra agebat, nos vero manifesta luce facimus. Licet quidam intelligere velint hanc Domini C responsionem, qua ait : *Ego non ascendo ad diem festum hunc, ad passionem illius pertinere, qua [Ms., quia] Christus non in festivitate Scenopigiae, sed in festivitate paschali, qua agnus occidi solebat, crucem ascendit.* (VERS. 11.) « *Iudei autem quererant eum in die festo, antequam ascenderet.* Priores enim fratres ascenderunt, et non tunc ascendit ille, quando illi putabant et volebant : ut etiam hoc impleretur, quod ait : *Non ad hunc, id est, ad quem vos vultis, primum vel secundum diem.* 534 Ascendit autem postea, ut Evangelium loquitur, mediante [Aug. et Ms., mediato] die festo, id est, cum jam illius diei festi tot dies preteriissent, quot remansissent. Ipsam enim festivitatem, quantum intelligendum est, diebus plurimis celebrabant.

D VERS. 12. — *Dicebant ergo : Ubi est ille?* Et murmur multum de eo erat in turba. Unde murmur? De contentione. Quae fuit contentio? Quidam enim dicebant : *Quia bonus est.* Alii autem dicebant : *Non, sed seducit turbas.* De omnibus ejus servis hoc dicitur modo, quicunque eminent in aliqua gratia : alii dicunt, *bonus est;* alii, *non, sed seducit turbas.* Unde hoc? Quia vita nostra abscondita est cum Christo in Deo. » Hoc patitur Christus [Ms., corpus Christi] usque in finem saeculi a mundi amatoribus, quod tunc passus est a Iudaorum murmuratoribus. Necdum frumentum a paleis segregatum est, ut grana frumenti congregentur in horrea, et paleae comburantur igni aeterno. « Quod dictum

est ergo de Domino, valet ad consolationem, de quo-
cunque hoc dictum fuerit Christiano. (VERS. 13.)
*Nem̄ tamē palam loquebatur de illo propter metum
Judæorum*, qui dicebant : *Bonus est; non [Ms.,
nam], qui dicebant : seducit turbas.* [Qui dicebant :
seducit turbas, sonitus eorum apparebat, tanquam
aridorum foliorum. *Seducit turbas*, clarius sonabant;
bonus est, pressius susurrabant. Modo autem, fra-
tres, quamvis nondum venerit illa gloria Christi,
quaे nos æternos factura est; modo tamen ita crescit Ecclesia ejus, ita eam dignatus est per cuncta dif-
fundere, ut etiam susurretur : *Seducit turbas*; sed
clarius personet, *bonus est.*] Nam nova haeresis in
angulis occulte susurrauit : Christus est adoptivus. Sed
clarius universalis sanctae Ecclesiae vox resonat :
Christus Filius est Dei proprius. Sibilant quoque
serpentino ore : Christus nuncupatus [Ms., nun-
cupatus] est Deus; sed pressius firniusque sile-
lum omnium unanimitas clamat : Christus bonus
est Deus, verus est Deus; teste egregio prædicatore,
qui ait : *Quorum patres, ex quibus Christus, qui est
super omnia Deus benedictus* (Rom. ix, 5).

VERS. 15. — Ascendit ergo Dominus ad diem festum mediante die festo, et docebat. *Et mirabantur
Judei dicentes : Quomodo hic litteras scit, cum non
didicerit?* « Ille quia (Al., qui) latet, docebat;
et palam loquebatur, et non tenebatur. Illud enim
ut latoret, [erat] exempli, hoc potestatis. Sed cum
doceret, mirabantur Judei omnes quidem, quantu[m]
arbitror, mirabantur, sed non omnes converte-
bantur. Unde admiratio? Quia multi noverant ubi
natus et quemadmodum fuerat educatus; nunquam
cum viderant litteras discentem, audiebant tamen
de lego disputantem, legis testimonia proferentem,
quaे nemo potest proferre, nisi legisset, nemo legere,
nisi litteras didicisset; et ideo mirabantur. Eorum
autem admiratio, magistro facta est: insinuande al-
lius veritatis occasio. Ex eorum quippe admiratione et verbis, dixit Dominus aliiquid profundum et
diligentius inspicendum. « Quid ergo respondit Do-
minus eis admirantibus, quomodo sciret litteras,
quas non didicerat? (VERS. 16.) *Mea, inquit, do-
ctrina non est mea, sed ejus qui me misit.* Haec enim
profunditas [Ms. et Aug.,] Haec est prima profunditas;
videtur enim paucis verbis quasi contraria locu-
lus. Non enim ait : ista doctrina non est mea;
sed : *mea doctrina non est mea.* Quomodo mea et non
mea? Questio est quomodo fieri possit utrumque, et
mea, et non mea. Si enim diligenter intuemur quid
ipse in exordio dicit sanctus evangelista : *In prin-
cipio erat Verbum, et Verbum erat apud Deum, et
Deus erat Verbum*: inde pendet hujus solutio qua-
stionis. Quæ [est] ergo doctrina Patris, nisi Verbum
Patris. Ipse [est] ergo Christus doctrina Patris, si Ver-
bum Patris. Sed quia verbum non potest esse nullius,
sed aliquis : et suam doctrinam dixit, seipsum;
et non suam, quia Verbum Patris est. « Hoc dixisse

* Ex S. Aug., tract. xxix, num. 2, 3 5, 6, 8.

A videtur Dominus Christus, *mea doctrina non est
mea*; ac si diceret : Ego non sum a meipso : quam-
vis enim Filium Patri dicamus et credamus æqua-
lem, nec ullam in eis esse naturæ vel substantiæ
distantiam, nec inter generatorem atque generatum
aliquod interfuisse intervallum [Aug., temporis in-
tervallum] : tamen hoc servato et custodito ista di-
cimus, quod ille Pater est, ille Filius. Pater autem
non est, si non habeat Filium; Filius non est, si non
habeat Patrem : sed tamen Filius Deus de Patre;
Pater autem Deus, sed non de Filio. Pater non Deus
de Deo, Filius vero Deus de Deo, lumen de lumine.
Pater lumen, Filius lumen. Non duo lumen, sed
unum lumen. » Pater Deus, **535** Filius Deus. Non
duo dī, sed unus Deus Pater et Filius. Spiritus
sanctus de Patre et Filio procedens, et ipse Deus.
Sicut Pater Deus, sicut Filius Deus, sic etiam Spi-
ritus sanctus Deus. Non tres dī, sed unus Deus.
Unum lumen, una substantia, una natura, una ma-
jestas, una æternitas, una magnitudo, una poten-
tia, una bonitas. » Vedit itaque ipse Dominus Chri-
stus, Dei sapientia, hoc tam profundum arcanum
non omnes intellecturos : in consequenti dedit consil-
lium. Intelligere vis? crede. Deus enim per prophe-
tam dixit : *Nisi credideritis, non intelligetis* (Isai.
vii, 9, see. LXX). Ad hoc pertinet quod hic etiam
Dominus secutus adjunxit :

VERS. 17. — *Si quis voluerit voluntatem ejus facere,
cognoscet de doctrina mea, utrum ex Deo sit, an ego
a me ipso loquar. Quid est hoc, Si quis voluntatem
ejus voluerit facere? Sed ego dixeram, si quis credi-
derit; et hoc consilium dederam, si non intellexisti,
inquam, crede. Intellectus enim merces est fidei.
Ergo noli querere intelligere ut credas, sed crede ut
intelligas; quoniam nisi credideritis, non intelligitis.
Cum ergo ad possiblitas intelligendi consilium
dederim obedientiam credendi, et dixerim Dominum
Iesum Christum hoc ipsum conjunxisse [Aug., ad-
junxisse], in consequenti sententia invenimus eum
dixisse : Si quis voluerit voluntatem ejus facere, hoc
est, credere, cognoscet de doctrina. Quid est cognos-
cet? Hoc est intelliget; sed quia cognoscet, hoc est,
intelliget, omnes intelligunt. Quia vero ait : Si quis
voluerit voluntatem ejus facere, hoc pertinet ad cre-
dere; ut diligentius intelligatur, opus est [Ms., opus
esse] nobis ipso Domino nostro expositore, ut indicet
nobis utrum revera ad credere pertineat facere vol-
untatem Patris ejus. Quis nesciat hoc esse facere
voluntatem Dei, operari opus ejus, id est, quod illi
placet? Ipse autem Dominus aperte alio loco dicit :
Hoc est opus Dei, ut credatis in eum quem ille misit (Joan. vi, 29). Ut credatis in eum, non ut credatis
ei. Non autem continuo, qui credit ei, credit in eum.
Nam et dæmones credebant ei, et non credebant in
eum. Rursus etiam de apostolis ipsius possumus di-
cere : Credimus Paulo, sed non credimus in Pau-
lum; credimus Petro, sed non credimus in Petrum.*

Credenti in cuius qui justificat impium, deputatur fides ejus ad justitiam (*Rom. iv, 5*). Quid est ergo credere in eum? Credendo amare, credendo diligere, credendo ad eumire [*Aug.*, in cumire], et ejus membris incorporeari. Ipsa est ergo fides quam de nobis exigit Deus, quem per dilectionem operatur. Si intellige verba Dei, intellige quia Christus [est] Filius Dei, qui est doctrina Patris, non ex seipso, sed Filius Patris; non ex nihilo, non ex aliis subsistentibus, sed ex Patre tantum in Patre manens æqualis Patri.

VERS. 18. — *Qui a semetipsa loquitur, gloriam propriam querit.* « Hoc erit [Ms., querit], qui vocatur Antichristus, extollens se, sicut Apostolus dicit, super omne quod dicitur Deus et quod colitur (*II Thess. ii, 4*). Ipsum quippe annuntians Dominus, gloriam suam quæsitus, non gloriam Patris, ait ad Iudeos: *Ego veni in nomine Patris mei, et non suscepistis me. Alius veniet in nomine suo et hunc suscipietis* (*Joan. v, 43*). Significavit eos Antichristum suscepturos, qui gloriam nominis sui quæsitus est, inflatus, non solidus; et ideo non stabilis, sed utique ruinosus. Dominus autem noster Jesus Christus magnum exemplum nobis præbuit humilitatis: nempe æqualis Patri; nempe, in principio erat Verbum, et Verbum erat apud Deum, et Deus erat Verbum; nempe ipse dixit, et verissime dixit: *Tanto tempore vobiscum sum, et non cognovistis me. Philippe, qui me videt, videt et Patrem* (*Joan. xiv, 8*). Nempe ipse dixit, et verissime dixit: *Ego et Pater unus sumus* (*Joan. x, 30*). Si ergo cum Patre unum, æqualis Patri Deus de Deo, Deus apud Deum, coeternus, immortalis, pariter incommutabilis, pariter [sine tempore, pariter] creator, dispensator temporum, tamen quia venit in tempore, et formam servi accepit, et habitu est inventus ut homo, querit gloriam Patris, non suam: quid tu homo facere debes, qui quando aliquid boni facis, gloriam tuam queris; quando autem aliquid mali facis, Deo calumniam meditaris? Intende tibi, creatura es, agnoscere Creatorem; servus es, ne contemnas Dominum; adoptatus es, sed non meritis tuis; quære gloriam ejus a quo habes hanc gratiam, **536** o homo adoptatus, cuius gloriam quæsivit, qui est ab illo unicus natus. Qui autem querit gloriam ejus, qui misit illum, hic verax est, et injustitia in illo non est. In Antichristo autem injustitia est, et verax non est; quia gloriam suam quæsitus est, non ejus a quo missus est: non enim est missus, sed venire permissus. Omnes ergo pertinentes ad corpus Christi, ne inducamur in laqueum Antichristi, non quæramus gloriam nostram; sed si ille quæsivit gloriam ejus qui eum misit ad nos, quanto magis nos ejus qui nos fecit? Sequitur: (*Vers. 19, 20*) *Nonne Moyses, inquit, dedit vobis legem, et nemo ex vobis facit legem?* Quid me queritis interficere? « Ideo enim me queritis interficere, quia nemo ex vobis facit legem: nam si legem fecissetis, in ipsis litteris Christum agnosceretis, et præsentem non occidere-

tis. Et illi responderunt: *Respondit enim turba, et dixit.* Respondit quasi turba, non pertinente ad ordinem, sed ad perturbationem. Denique turba turbata, videte quid responderit? *Dæmonium habes, quis te querit occidere?* quasi non sicut [Al., fuerit] pejus dicere, dæmonium habes, quam cum occidere. Ei quippe dictum est, *dæmonium habes*, qui dæmones expellebat. Quid posset aliud dicere turba turbulenta? Quid posset aliud olere cœnum commotum, nisi putidum? Turbatur turba, unde? A veritate. Turbam lippitudinis turbavit claritas lucis. Oculi autem non habentes sanitatem non possunt ferre luminis claritatem. « Dominus autem non plane turbatur; sed in sua veritate tranquillus, non reddidit malum pro malo, nec maledictum pro maledicto. Quibus si diceret, dæmonium habet vos, verum utique dicaret. Unde auderent dicere Veritati [Ms., unde hoc dicere de Veritate], *dæmonium habes*, nisi eos diaboli falsitas irritaret? Quid ergo respondeat tranquillus, audiamus, et tranquille vivamus [*Aug. l. cit.*, Quid ergo respondit? Audiamus tranquille, et tranquillum bibamus]. (**VERS. 21.**) *Unum opus feci, et omnes admiramini.* Tanquam diceret: Quid si omnia opera mea videretis? Ipsius enim opera erant quæ in mundo videbant, et ipsum qui fecit omnia, non videbant; fecit unam rem, et turbati sunt, quia salvum fecit hominem in sabbato. Non intelligentes Dominum esse sabbati filium hominis, qui sabbatum propter hominem constituit, non hominem propter sabbatum. Nec sabbatum destruxit, qui sanum fecit hominem in sabbato, quia ad salutem hominum, hominibus sabbati custodia data est.

VERS. 22. — *Propterea Moyses dedit vobis circumcisio.* « Bene factum est, ut acciperetis circumcisionem a Moyse, non quia ex Moyse est, sed ex patribus. Abraham quippe primus accepit circumcisionem a Domino (*Gen. xvii, 10*). *Et in sabbato circumciditis hominem.* Convincit vos Moyses. In lege accepistis ut circumcidatis octavo die; accepistis in lege, ut vacetis septimo die; si octavus dies illius qui natus est occurrit ad diem septimum sabbati, quid facietis? Vacabitis ut servetis sabbatum, an circumcidetis ut impleatis sacramentum diei octavi? Sed novi, inquit, quid facietis: Circumcidetis hominem. Quare? Quia circumcisione pertinet ad aliquod signum salutis, et non debent homines sabbato vacare a salute. Ergo nec mihi irascamini, quia salutem feci totum hominem in sabbato.

VERS. 23. — *Si circumcisionem, inquit, accipit homo in sabbato, ut non solvatur lex Moysi.* (Aliquid enim per Moysen in illa constitutione circumcisionis salubriter institutum est) mihi operanti salutem in sabbato quare indignamini? « Forte enim illa circumcisione ipsum Dominum significabat, cui isti curanti et sananti indignabantur. Jussa est enim adhiberi octava die: et quid est circumcisione, nisi carnis expoliatione? Significat ergo ista circumcisione expoliationem a

* Ex S. Aug., tract. xxx, num. 2-7.

corde cupiditatum carnalium. Non ergo [Al., enim] sine causa data est, et in eo membro fieri jussa; quoniam per illud membrum procreatur creatura mortaliū. Et per unum hominem mors, sicut per [unum] hominem resurrectio mortuorum (*I Cor. xv. 21*); et per unum hominem peccatum introivit in mundum, et per peccatum mors (*Rom. v. 12*). Ideo quisque cum preputio nascitur, quia omnis homo cum vitio propaginis nascitur: et non mundat Deus, sive a vitio, cum quo nascimur, sive a vitiis quae male vivendo addimus, nisi per cultellum petrinum, id est, Dominum Iesum Christum. Petra enim erat Christus (*I Cor. x. 4*). **537** Cultellis enim petrinis circumcidebant, et petrae nomine Christum figurabant: et praesentem non agnoscebant, sed insuper eum occidere cupiebant. Quod vero circumciditis hominem in sabbato, intelligite hoc significari [Ms., significare] opus bonum, quod ego feci totum hominem salvum in sabbato: quia et curatus est ut sanus esset in corpore, et creditit ut sanus esset in mente [Al., in anima].

Vers. 24. — *Nolite judicare personaliter, sed rectum judicium judicate.* • Quid est hoc quia cum [Al., modo quasi per] per legem Moysi circumciditis in sabbato, non irascimini Moysi; et quia ego die sabbati salvum feci hominem, irascimini mihi? Personaliter judicatis; veritatem attendite, et justum judicium judicate. Si secundum veritatem judicatis, neque Moysen, neque me condemnabitis: et veritate cognita me cognoscetis, quia ego sum veritas. • Hoc vitium, fratres, quod Dominus notavit hoc loco, evadere in hoc saeculo magni laboris est, non personaliter judicare, sed rectum judicium retinere. Admonuit quidem Dominus Iudeos, sed monuit nos; illos convincit, nos instruxit; illos redarguit, nos exacuit. Non putemus hoc nobis ideo non dictum, quia tunc ibi non fuimus. • Nos itaque sic audiamus Evangelium, quasi praesentem Dominum. Ne dicamus: O illi felices qui eum videre potuerunt! Multi in eis qui viderunt eum carnaliter, occiderunt: multi autem in nobis, qui non viderunt, crediderunt, de quibus dictum est: *Beati qui non viderunt et crediderunt.* Quis est qui non judicat personaliter, nisi qui aequaliter diligit? Qui aequaliter omnes diligit, aequaliter de omnibus judicat. Nec hoc dictum putemus de illis quos pro honore graduum diverso modo honoramus, sed de illis quorum causas dijudicare jubemur.

• • Dominus igitur Jesus non manifeste, sed occulte ascendit ad diem festum, non quia timebat ut [Ms., ne] teneretur, cuius potestas erat ut non teneatur; sed ut significaret, jam [Ms., etiam] in ipso die festo, qui celebrabatur a Iudeis, occultandum [Aug., se occultari] et suum esse mysterium. Sed mox apparuit potestas, quae putabatur timiditas: loquebatur enim palam in die festo, ita ut mirarentur turbae, et dicerent, quod audivimus, cum lectio legeretur: •

Vers. 25, 26. — *Nonne hic est quem quererebant interficere? Et ecce palam loquitur, et nihil ei dicunt.*

• Ex S. Aug., tract. xxxi, num. 4-4.

A *Nanc vero cognoverunt principes quia hic est Christus?* Qui noverant qua scientia quereretur, mirabantur qua potentia non tenebatur. Deinde non plene [Ms., plane] intelligentes illius potentiam, putaverunt esse principum scientiam, quod ipsi cognoverint eundem esse Christum; ideo pepercérunt ei quem tanto tempore occidendum quæsierunt. • Deinde illi ipsi qui dixerant apud semetipsos: *Nunquid cognoverunt principes quia hic est Christus?* fecerunt sibi questionem, qua eis videretur non esse Christus [Ms., Christum]: adjangentes enim dixerunt: (Vers. 27.) *Sed istum novimus, unde sit; Christus autem cum venerit, nemo scit unde sit.* • Quid est quod dixerunt Iudei: *Christus cum venerit, nemo scit unde sit,* dum Herode interrogante locum nativitatis ejus, demonstraverunt juxta prophetiam Micheæ prophetæ, et ex hoc certum est locum nativitatis illius eos nosse? Sed considerandum est quid se nosse putarent, et quid se non scire dixerunt. Locum vero nativitatis illius sciebant per prophetarum dicta: sed divinam ejus nativitatem, qua ex Deo Patre aeternaliter natus est, propter impietatem cordis sui nesciebant, Isaia dicente: *Generationem ejus quis enarrabit* [Isai. LIII, 8]? Denique et ipse Dominus ad utrumque respondit, et de humilitatis fragilitate, et de nativitate majestatis [Ms., de divinitatis majestate], dicens: (Vers. 28.) *Clamabat ergo docens in templo Jesus: et me scitis, et unde sim, scitis. Recte ergo dixit, et me nostis, et unde sim scitis.* Id est, secundum carnem nativitatem meam nostis, et nobilitatem parentum meorum, et effigiem vultus mei nostis: secundum divinitatem autem non nostis, quia a me ipso non veni, sed est verus qui me misit, quem vos nescitis. • Sed ut eum sciatis, credite in eum quem misit, et sciatis quod nemo vidit Deum unquam, nisi unigenitus Filius qui est in sinu Patris, et ipse narravit: et Patrem nemo cognovit, nisi Filius, et cui voluerit Filius revelare. • Denique cum dixisset: *sed est verus, qui misit me, quem vos nescitis,* ut ostenderet eis, unde possint scire quod nesciebant, subiecit: (Vers. 29.) *Ego scio eum.* **538** Ergo a me querite, ut sciatis eum. Quare autem scio eum? *Quia ab ipso sum, et ipse me misit.* Magnifice utrumque monstravit. *Ab ipso,* inquit, *sum,* quia Filius de Patre: et quidquid est Filius, de illo est cuius est Filius. Ideo Dominum Iesum dicimus, Deum de Deo; Patrem non dicimus Deum de Deo, sed tantum Deum: et dicimus Dominum Iesum, lumen de lumine; Patrem non dicimus lumen de lumine, sed tantum lumen. Ad hoc ergo pertinet, quod dixit: *Ab ipso sum.* Quod autem videtis me in carne, *ipse me misit.* Ubi audis, *ipse me misit,* noli intelligere naturæ dissimilitudinem, sed generantis auctoritatem. •

Vers. 30. — *Quererebant ergo eum apprehendere, et nemo misit in illum manus, quia nondum venerabat hora ejus;* hoc est, quia nolebat. Qui enim voluntate natus est, voluntate passus est, sicut horam prævidit sibi nativitatis sue, ita horam prædestinavit passio-

nis suæ. Si hora mortis nostræ [Al., suæ] illius est voluntas, quanto magis hora passionis suæ in arbitrio voluntatis suæ venit? « Magna igitur misericordia Domini nostri Jesu Christi, factum esse eum propter nos in tempore, per quem facta sunt tempora; factum esse inter omnia, per quem facta sunt omnia: factum esse quod fecit [Ms., quod factus est], ut salvaret quod fecerat. Factus est enim homo qui hominem fecerat, ne periret quod fecerat. Secundum hanc dispensationem jam venerat hora nativitatis, et natus erat: sed nondum venerat hora passionis; ideo nondum passus erat, » quia necdum venerat hora, in qua pati voluisse. Ideo in cruce legitur eum dixisse, dum omnia perfecta fuerant secundum Scripturas prophetarum, consummatum est. *Et inclinato capite tradidit spiritum* (Joan. xix, 30). Dum vero voluit, consummata fuerunt quæ de eo scripta sunt: et consummatis omnibus, potestate propria emisit spiritum.

CAPUT XVIII.

Multis de turba credentibus plurima loquitur, inter quæ ait: Qui sitit, veniat ad me, et bibat. Nicodemus quoque de audientia ipsius resistitur a Pharisæis.

« De turba autem multi crediderunt in eum. Humiles et pauperes salvos faciebat Dominus: principes insaniebant, et ideo medicum non solum [non] agnoscabant, sed etiam occidere cupiebant. Erat quedam turba, quæ suam ægritudinem cito vidit, et illius medicinam sine dilatione cognovit. » Quæ commota miraculis creditit, principibus in infidelitate manentibus. (VERS. 32.) *Et audierunt Pharisæi turbam murmurantem de illo hoc.* Ideo auditæ multitudinis fide murmurabant, quia Christus gloriabatur. Et cito miserant ministros, ut eum comprehendenderent, quem apprehendere non potuerunt adhuc nolentem ut comprehendenderetur; sed audierunt docentem, qui venerant apprehendere. (VERS. 33.) *Dixit ergo Jesus: Adhuc modicum tempus vobiscum sum, et vado ad eum qui misit me.* « Quod modo vultis facere, facturi estis, sed non modo, quia modo nolo. Quare adhuc in modo nolo? Quia adhuc modicum tempus vobiscum sum, et tunc vado ad eum qui misit me. Impiere debeo dispensationem meam, et [sic] pervenire ad passionem meam. (VERS. 34.) *Quæritis me, et non invenietis, et ubi sum ego, vos non potestis venire.* « Hic jam resurrectionem suam predixit: noluerunt eum agnosceré præsentem, et postea quæsierunt, cum viderent multitudinem jam credentem. Magna enim signa facta sunt, etiam cum Dominus resurrexit et ascendit in cœlum. Tunc per discipulos facta sunt magna; sed ille per illos, [qui] et per se ipsum: ipse quippe illis dixerat: *Sine me nihil potestis facere,* (Joan. xv, 5). Quare non potuerunt venire? Quia noluerant credere, quia nullus sine fide salvari potest. (VERS. 35.) « *Dixerunt ergo Judæi, non ad ipsum, sed ad seipso: Quo hic iturus est, quia non inveniemus eum?* Nunquid in dispersionem gentium

A *iturus est, et docturus gentes?* Non enim sciebant quid dixerint [Ms., quod dixerunt]; sed quia ille voluit, prophetaverunt. Iturus enim erat Dominus ad gentes, non præsentia corporis sui, » sed potestate divina in discipulis suis, de quibus dixit Prophetæ: *Quam pulchri 539 sunt pedes evangelizantium pacem, evangelizantium bona* (Rom. x, 15)? In his pedibus Christus iturus erat ad gentes, et per eos docturus gentes, ut fidem accepissent gentes, quam Judæi spreverunt. Qui verum nescientes, prophetaverunt, qui [Ms., quia] et ignoraverunt Christum dicentes: *Et ubi ego sum, vos non potestis venire.* Quare non potestis venire? quia non vultis credere. Quid est quod dixit, *ubi sum ego, nisi in sinu Patris, consempiternus Patri sum?* In terra loquebatur, sed in Patris sinu se esse monstrabat.

C « Inter cæteras dispensationes Domini nostri, et doctrinas salutis nostræ, et dubitationes Judæorum de Domino Iesu Christo quæ dixit, quibus alii confunderentur, alii docerentur; novissimo festivitatis illius die (tunc enim ista agebantur, quæ appellantur Scenopegia, id est, tabernaculorum constructio), [de] qua festivitate jam antea meminit charitas vestra fuisse dissertum, vocat Dominus Christus, et hoc non utcunque loquendo, sed clamando, ut qui sitit veniat ad eum. Si sitimus, veniamus; et non pedestibus, sed affectibus; nec migrando, sed amando veniamus. Quanquam secundum interiorum hominem, et qui amat migrat. Sed aliud est migrare corpore, aliud corde: migrat corpore, qui motu corporis mutat locum; migrat corde, qui motu cordis mutat affectum. Si aliud amas, aliud amabas, non ibi es, ubi eras. Clamat ergo nobis Dominus: *Stabat et clamabat:*

D VERS. 38, 39. — *Si quis sitit, veniat ad me, et bibat. Qui credit in me, sicut dicit Scriptura, flumina de ventre ejus fluent aquæ vivæ.* « Quid hoc esset, quando evangelista exposuit, immorari non debemus. Unde enim dixerit Dominus: *Si quis sitit, veniat ad me, et bibat;* et *Qui credit in me, flumina de ventre ejus fluent aquæ vivæ,* consequenter exposuit Evangelista, dicens: *Hoc autem dixit de Spiritu, quem accepturi erant credentes in eum.* Hoc tantum sciamus, quod de charitate hoc clamabat Dominus Jesus. « Clamat ergo et dicit, ut veniamus et bibamus, si intus sitit animus [Aug., si intus sitiamus], quia cum biberimus, flumina aquæ vivæ fluent de ventre nostro. Venter interioris hominis conscientia cordis est [Ms., ejus]. Bibito ergo isto liquore, revivisca purgata conscientia, et hauriens fontem habebit; etiam ipsa fons erit. Quid est fons, vel quid est fluvius qui emanat de ventre interioris hominis? Benevolentia qua vult consulere proximo. Si enim putet quia quod bibit soli ipsi debet sufficiere, non fluit aqua viva de ventre ejus: si autem proximo festinat consulere, ideo non siccatur, quia emanat. Videbimus quid nunc sit quod bibunt qui credunt in Deum: quia utique Christiani sumus, et si credimus, hibi-

* S. Aug., loc. cit. num. 7-10.

Ex S. Aug., tract. xxxii, num. 1, 8.

mus. Et unusquisque in se debet cognoscere, si bibit. **A** Et si bibit, largiatur ex eo quod bibit [Aug., et si vivit ex eo, quod bibit]; non enim nos deserit fons, si non deseramus fontem. « Expositus evangelista et dixit, unde Dominus clamasset, ad qualem potum invitasset, quidve ex bibentibus [Ms., quid bibentibus] propinasset, dicens : *Hoc autem dicebat de Spiritu, quem accepturi erant credentes in eum. Nondum enim erat Spiritus datus, quia Jesus nondum fuerat glorificatus.* Quem dicit spiritum, nisi sanctum [Spiritum?] Nam unusquisque homo habet in se proprium spiritum, id est, animam. Anima [Ms., animum. Animus] enim cuiusque ejus est spiritus. De quo dicit Paulus apostolus : *Quis enim scit hominum quae sunt hominis, nisi spiritus hominis qui in ipso est* (I Cor. ii, 11)? Sed quid est quod ait : *Non enim erat Spiritus datus, quia Jesus nondum erat glorificatus?* Nunquid non spiritus fuit in sanctis Dei prophetis et patriarchis, qui multa per Spiritum sanctum futura praedixerunt? Igitur et Elisabeth legitur Spiritu sancto repleta esse, et Zacharias similiter, dicente evangelista : *Et Zacharias pater ejus repletus est Spiritu sancto, et prophetavit* (Luc. i, 67). Quid est, quod dicit : *Spiritus sanctus neccum fuerat datus?* « Multa ergo indicia praecedentis [Aug., praecedentia] Spiritus sancti habemus, antequam Dominus glorificaretur resurrectione carnis sua; non enim alium spiritum etiam prophetæ habuerunt, qui Christum venturum prænuntiaverunt. Sed modus quidam futurus erat donationis [Aug., dationis] hujus, qui omnino antea non apparuerat : de ipso hic dicitur. Nusquam enim legimus antea congregatos homines accepto Spiritu sancto, linguis omnium gentium locutos fuisse. Post resurrectionem autem suam primum, quando apparuit discipulis suis, dixit illis : **C** *Accipite 540 Spiritum sanctum* (Joan. xx, 22). De hoc ergo dictum est : *Non erat Spiritus datus, quia Jesus nondum erat glorificatus. Et insuflavit in faciem eorum* (Gen. ii, 7). Quo statu primum hominem quem fecit, vivisicavit, et de limo erexit; quo statu animam membris ejus dedit; significans enim eumdem esse spiritum, quem insuflavit [Aug., significans eum se esse, qui insuflavit] in faciem eorum, ut a luto exsurerent, et luteis operibus renuntiarent. Tunc prius post resurrectionem suam Dominus, quam dicit evangelista glorificationem, dedit discipulis suis Spiritum sanctum. Deinde commoratus cum eis xi diebus, ut liber Actuum apostolorum demonstrat, ipsis videntibus, et videndo deducentibus, ascendit in celum (Act. i, 3, 9). Ibi peractis decem diebus, die Pentecostes misit desuper Spiritum sanctum, qui, sicut dixi, fuerant uno in loco congregati. Quo accepto Spiritu sancto, omnium gentium linguis locuti sunt. Quærerit aliquis forsitan, si baptizati in Christo, et in charitate præceptorum ejus viventes, quare omnium gentium linguis non loquantur, dum certum est Spiritum sanctum eos accepisse? Quia

^a Hic textus in cod. ms. et aliis edit. omittitur, et quæ præcodunt, cum sequentibus uno sensu nectun-

A ipsa Ecclesia, quæ est corpus Christi, omnium gentium linguis loquitur. Quod tunc in primitiva Ecclesia presignum est, quæ in Iudea una tantummodo gente initia est, nunc vero ex omnibus gentibus congregata. Quomodo vero unus tunc homo loquebatur omnibus linguis, ita modo unitas sanctæ Ecclesie omnibus loquitur linguis. « Accipimus ergo et nos Spiritum sanctum, si amamus Ecclesiam, si charitate compaginamur, si catholico nomine et fide gaudemus. Igitur quantum quisque amat Ecclesiam Christi, tantum habet Spiritum sanctum. Habemus ergo Spiritum sanctum, si amamus Ecclesiam; amamus autem, si in ejus compage et charitate consentimus [Ms., consistimus], quam Apostolus omnibus virtutibus fiducialiter præposuit. Quicunque ipsam habet, cuncta **B** habebit bona; quia sine illa nihil proderit, quidquid habere potuerit homo » (I Cor. xiii). De qua beatus Jacobus apostolus ait : *Qui autem offendit in uno, factus est omnium reus* (Jacob. ii, 10). De hac etiam et ipsa Veritas ait : *In hoc enim cognoscent omnes, quia mei discipuli estis, si dilectionem habueritis ad invicem.* Cum ergo hæc loquebatur Christus in die novissimo festivitatis, quæ modo proposuimus, et ut potuimus, tractavimus,

VERS. 40, 41. — *Ex illa ergo turba cum audissent quidam de turba sermones Jesu, dicebant : Hic est vere propheta. Alii dicebant, hic est Christus a. c. b* Nata est de illo in turba dissensio, aliis putantibus, quod ipse esset Christus; aliis dicentibus, quia de Galilæa non exsurget Christus. Qui vero missi fuerant ut eum tenerent, redierunt immunes a crimen et pleni admirationis. Nam et testimonium perhibuerunt divinæ doctrinæ ejus, cum dicerent, a quibus missi fuerant : (VERS. 45.) *Quare non adduxistis eum?* Responderunt enim nunquam se audivisse hominem sic locutum. (VERS. 46.) *Non enim quisquam sic loquitur homo.* Ille autem sic locutus est, quia Deus erat et homo. Tamen Pharisei testimonium eorum repellentes, dixerunt eis : (VERS. 47, 48.) *Nunquid et vos seducti estis?* Videmus enim delectatos vos esse sermonibus illius. *Nunquid aliquis de principibus credidit in eum, aut ex Pharisæis?* Sed turba hæc, quæ non novit legem, maledicti sunt. Qui non noverant legem, ipsi credebant in eum; et qui docebant legem, eum qui miserat legem, contemnebant : ut impleretur quod dixerat ipse Dominus : *Ego reni, ut non videntes videant, et videntes cæci fiant.* Cæci enim facti sunt Pharisæi doctores, illuminati sunt populi legem nescientes, et in auctorem legis credentes. « Nicodemus tamen [unus] ex Pharisæis, qui ad Dominum nocte venerat, et ipse quidem non incredulus, sed timidus; nam ideo et nocte venerat a lucem, quia illuminari volebat et sciri timebat. Respondit [Judeis] : (VERS. 51.) *Nunquid lex nostra judicat hominem, nisi audierit ab ipso prius, et cognoverit quid faciat?* Volebant enim illi perversi [Aug., perverse] ante esse dannatores quam cogni-

tur sic : *tractavimus, nata est, etc.*

^b Ex S. Aug., tract. xxxiii, num. 1, 2.

tores. Sciebat autem Nicodemus, vel potius credebat, quia si tantummodo eum patienter vellent audire, forte similes fierent illis qui missi sunt tenere eum, et maluerunt credere illi quam tenere illum. Responderunt ex præjudicio cordis sui, quod et illis : (VERS. 52.) *Nunquid et tu Galilæus es?* Id est, quasi a Galileo seductus. Dominus 541 enim Galileus dicebatur, quoniam de Nazareth civitate erant parentes ejus. Secundum Mariam dixi parentes, non secundum virile semen : non enim quæsivit in terra nisi matrem, qui jam habebat desuper Patrem. Nam utraque ejus nativitas mirabilis fuit ; divina sine matre, humana sine Patre homine. Quid ergo illi quasi legis doctores ad Nicodemum ? (VERS. 53.) *Scrutare Scripturas, et vide quia propheta a Galilæa non surget.* Sed Dominus prophetarum inde surrexit. Reversi sunt, inquit evangelista, unusquisque in domum suam. ▶

CAPUT XIX.

Mulierem in adulterio deprehensam, adductamque ad se, nec ab accusatoribus condemnatam, ipse sub conditione, qua ulterius non peccaret, absolvit.

CAPUT VIII, VERS. 1, 2. — *Inde Jesus perrexit in montem Oliveti, et diluculo iterum venit in templum.* « Mons quippe Oliveti sublimitatem Dominicæ pietatis et misericordiae designat. Quia et Græce οὐαος misericordia, olivetum vocatur οὐαον; et ipsa unctio olei sessis ac dolentibus membris solet afferre levamen. Sed et hoc quod oleum et virtute ac puritate præminet, et quemcunque ei liquorem superfundere volueris, confestim hunc transcendere, eique superferri consuevit, gratiam misericordiae cœlestis non inconvenienter insinuat, de qua scriptum est : *Suaris Dominus universis, et miserationes ejus super omnia opera ejus* (*Psalm. cxliv*, 9). Tempus quoque diluculi exortum ejusdem gratiæ [Al., ejusdem gratiam exortam], qua remota legis umbra, lux evangeliæ veritatis erat revelanda, demonstrat. Pergit ergo Jesus in montem Oliveti, ut arcem misericordiae in se constare denuntiet. *Venit iterum diluculo in templum*, ut eamdem misericordiam, cum incipiente novi testamenti lumine fidilibus, templo videlicet suo, pandendam præbendamque significeret. *Et omnis, inquit, populus venit ad eum, et sedens docebat eos.* Sessio Domini humilitatem incarnationis ejus, per quam nobis misereri dignatus est, insinuat. Bene autem dicitur quia cum sedens doceret Jesus, omnis populus venit ad eum : quia postquam humilitate suæ incarnationis proximus hominum factus est, libenter est a multis ejus sermo receptus; a multis, inquam, est [ejus] sermo receptus; namque a pluribus est superba impietate contemptus. Audierunt enim mansueti, et latenti sunt (*Psalm. xxxiii*, 3). (VERS. 3.) Denique Iudei tentantes, adduxerunt mulierem in adulterio deprehensam, interrogantes quid de ea fieri juberet. Quoniam Moyses talem lapidem mandaverat (*Levit. xx*), ut si et ipse hanc lapidandam

A decerneret, deriderent eum, quasi misericordia quam semper docebat oblitum; si lapidari vetaret, striderent dentibus suis in eum, et quasi sautorem scelerum legisque contrarium, velut merito damnarent. (VERS. 6.) *Jesus autem inclinans se deorsum, digito scribebat in terra.* Per inclinationem Jesu humilitas, per digitum, qui articulorum compositione flexibilis est, subtilitas discretionis exprimitur; porro per terram, cor humanum, quod vel bonarum vel malarum actionum solet reddere fructus, ostenditur. Postulatus ergo Dominus judicare de peccatrice, non statim dat judicium, sed prius se inclinans deorsum, digito scribit in terra, ac sic demum quod obnixe rogatur [Ms., quam enixe rogatus], judicat : nos videlicet typice instituens [Ms., instruens], ut cum quælibet

B proximorum errata conspicimus, non hæc antea reprehendendo judicemus, quam ad conscientiam nostram humiliter reversi, digito eam discretionis solerter exculpamus [Ms., exculpamus]; et quid in ea conditori placeat, quidve displiceat, sedula examinatione dirimamus, juxta illud Apostoli : *Frates, et si præoccupatus fuerit homo in aliquo delicio, vos qui spirituales estis, instruite hujusmodi in spiritu mansuetudinis, considerans te ipsum, ne et tu tenteris* (*Gal. vi, 1*).

C VERS. 7. — *Cum autem perseverarent interrogantes eum, erexit se et dixit eis : Qui sine peccato est restrum, primus in illam lapidem mittat.* Quia hinc et inde Domino Scribæ et Pharisæi tendebant laqueos insidiarum, putantes eum vel immisericordem futurum in judicando, vel injustum : prævidens ille dolos, quasi 542 filia transit aranæ, et judicium justitiae per omnia et mansuetudinem pietatis ostendens. Ecce temperantia miserandi, qui sine peccato est restrum; ecce iterum justitia judicandi, primus in illam lapidem mittat. Ac si dixisset : Si Moyses mandavit vobis mulierem hujusmodi lapidare, videte quia non hoc peccatores, sed justos facere præcepit. Primo vos ipsi justitiam legis implete, et sic innocentes manibus et mundo corde, ad lapidandam ream concurrete. Primo spiritalia legis edicta, fidem, misericordiam et charitatem perficie, et sic ad carnalia judicanda divertite. Dato autem judicio, *Dominus iterum se inclinans scribebat in terra.* Et quidem juxta morem consuetudinis humanæ potest intelligi, quod

D ideo Dominus coram tentatoribus improbis inclinari, et in terra scribere voluerit, ut alio vulnus intendens, libertatem eis daret exire [Al., liberum eis dare exitum; *Beda*, exire arbitrium], quos sua responsione perculso citius exituros, quam plura interrogaturos esse præviderat.

E VERS. 9. — *Denique audientes unus post unum exhibant, incipientes a senioribus.* Sed figurate nos admonet in eo, quod et ante datam et post datam sententiam inclinans scripsit in terra; ut et prius quam peccantein proximum corripiamus, et postquam debite castigationis illi ministerium reddiderimus, nos

• Ex hom. 5 Ven. Bedæ.

Ipsos digna humilitatis investigatione perpendamus, quæ in ipsis reprehendimus, aut aliis quibuslibet simus facinoribus irretiti. » Sicut forte fieri potest, ut ipse qui homicidam reum mortis esse judicaverit, ipse in seipso per odium fraternalis mortis reus esse ante oculum conditoris inveniatur. Similiter qui fornicationis crimen in fratre accusat, in se ipso superbiae facinus non videat. Ideo jubetur judex alieni criminis digito discretionis in corde suo describere, ne forte in seipso reus inveniatur. « Quid igitur nobis in hujusmodi periculis remedii, quid restat salutis, nisi ut cum peccantem conspicimus alium, mox inclinemus deorsum, id est, quam dejecti ex nostræ conditione fragilitatis simus, si non nos divina pietas sustineat [Al., sustentet], humiliiter inspiciamus? Digito scribamus in terra, id est, discriminare solerti pensemus, an cum beato Job dicere possimus: *Neque enim reprehendit nos cor nostrum in omni vita nostra* (Job. xxvii, 6). Bene qui inclinatus scripsit in terra, erectus misericordia verba depromit, quia quod per humanæ infirmitatis societatem promisit, per divinæ virtutem potentiae hominibus donum pietatis impendit.

VERS. 10, 11. — *Erigens, inquit, se Jesus dixit ei: Mulier, ubi sunt, qui te accusabant? Nemo te condemnavit?* Quæ dixit: *Nemo, Domine. Nemo condamnare ausus est peccatricem, quia in se singuli cernere cooperant quod magis damnandum cognoscerent.* Sed quia accusantium turbas prolati justitiae pondere fugavit, videamus accusatam quanto misericordia munere sublevet. » Sequitur: *Dixit autem Jesus: Nec ego te condemnabo. Vade, et amplius noli peccare.* Quoniam misericors et pius est, præterita peccata relaxat. Quoniam justus est, et justitiam diligit, ne amplius jam peccet, interdicit. « Verum quia poterant dubitare aliqui an posset Jesus, quem verum hominem noverant, dimittere peccata, dignatur ipse apertius, quid divinitus valeat, ostendere. Post repulsam namque tentatorum nequitiam, post solutam peccataricis culpam, iterum locutus est.

CAPUT XX.

Lucem mundi se dicit. Pharisæos de proprio testimonio refutans arguit. Judicium suum verum ipse confirmat.

VERS. 12. — *Ego sum lux mundi. Qui sequitur me, non ambulabit in tenebris, sed habebit lucem vitæ.* Ubi manifeste docet non solum qua auctoritate mulieri peccata dimiserit; sed etiam, quod ipse sit vera lux, quæ illuminat omnem hominem venientem in hunc mundum: cuius perpetuum splendorem humana fragilitas videre non potuisset, nisi nube carnis tegeretur, per quam quasi per quoddam lucidissimum speculum divini luminis claritas humanis mentibus innotesceret, quæ fide purganda est, ut tanti luminis aspectui digna efficiatur. Unde secutus

A 543 ait: *Qui sequitur me, non ambulabit in tenebris, sed habebit lucem [Ms., lumen] vitæ.* Qui meis modo jussis et exemplis obsequitur, non timebit in futuro tenebras damnationis, sed lucem potius vitæ, ubi nunquam prorsus moriatur, habebit ^{a.}

b Itaque, fratres mei, sequamur Christum lumen mundi, ne ambulemus in tenebris. Tenebrae metuenda sunt morum, non oculorum; et si oculorum, non exteriorum, sed interiorum, unde discernitur non album et nigrum, sed justum et injustum. Cum ergo dixisset Dominus noster Jesus Christus, responderunt Iudei: (VERS. 13.) *Tu de te testimonium dicas [Al., perhibes], testimonium tuum non est verum.* Antequam veniret Dominus noster Jesus Christus, multas ante se lucernas propheticas accendit et misit. De his erat etiam Joannes Baptista [cui tam magnum ipsum lumen, quod est Christus, perhibuit testimonium, quale nulli hominum; ait enim: *In natu mulierum non surrexit major Joanne Baptista* (Matth. xi, 11)]. Hic tamen quo nemo erat major in natu mulierum, dicit de Domino nostro Iesu Christo: *Ego quidem baptizo vos in aqua, qui autem venit post me, fortior me est, cui non sum dignus corrigiam calceamenti solvere* (Joan. i, 26). Vide quemadmodum se lucerna Dei [Al., dici] submittat. Lucernam vero ipsum Joannem suisse, Dominus ipse testatur: *Ille erat, inquit, lucerna ardens et lucens, et vos voluistis ad horam exsultare in lumine ejus* (Joan. v, 35). **C** Responderunt ergo Iudei: *Tu de te testimonium dicas, testimonium tuum non est verum.* Videamus, quid audiunt: audiamus et nos, sed non sicut illi. Illi contemnentes, nos credentes; illi Christum occidere volentes, nos Christum [Aug., per Christum] vivere cupientes. Interim ista distantia distinguat aures mentesque nostras, et audiamus quid Iudeis responderit Dominus:

VERS. 14. — *Respondit Jesus, et dicit eis: Et si ego testimonium perhibeo de meipso, verum est testimonium meum; quia scio unde veni et quo vado.* Lumen et alia demonstrat et seipsum. Christus et se ostendit et Patrem ostendit, et de Iudeis quid esset venturum. Ergo ait Dominus, et verum ait: *Et si ego de me testimonium perhibeo, verum est testimonium meum, quia scio unde veni et quo vado.* Patrem volebat intelligi, Patri gloriam dabat Filius; æqualis glorificabat eum, a quo est missus: quantum debet homo glorificare eum, a quo est creatus? *Scio unde veni et quo vado.* « Iste, qui in presentia vobis loquitur, habet quod non deseruit, sed tamen venit; non enim veniendo inde discessit, aut rediendo nos dereliquit. Quid miramini? Deus est. Non potest hoc fieri, sed ab homine: non potest hoc fieri ab ipso sole oriente. Sol oriens pergit ad occidentem, et deserit orientem. Non eo more Dominus noster Jesus Christus: et venit enim, et ibi est; et rediit, et

^a Necusque ex homilia Ven. Bede.

^b Ex sancto Augustino, tract. xxxv in Joan., num. 1, 2, 4-6.

c Aug.: « Non potest hoc fieri ab homine: non potest hoc fieri ab ipso sole. Quando pergit ad occidentem, deserit orientem, et donec oriturus rediit ad

hic est. Audi ipsum evangelistam alio loco dicentem, et si potes, cape; si non potes, crede. *Deum, inquit, nemo vidit unquam, nisi unigenitus Filius, qui est in sinu Patris, ipse enarravit (Joan. i, 18).* Non dixit: Qui fuit in sinu Patris. Hic loquebatur, et ibi se esse dicebat: qui et hinc discessurus dixit: *Ecce ego robiscum sum omnibus diebus usque ad consummationem saeculi (Matth. xxviii, 20).* Ergo verum est testimonium luminis, sive se ostendat, sive alia: quia sine lumine non potest videri lumen; et sine lumine non potest videri quodlibet aliud quod non est lumen. Itaque et lumen et seipsum ostendit, et quae circa se sunt; ita et Christus, et seipsum ostendit, et alios illuminat qui charitate circa se sunt, et sequuntur illum non pedum gressibus, sed charitatis officiis.

Duos adventus Domini nostri Jesu Christi legimus in Scripturis sanctis a prophetis esse praedictos, unum misericordiae qui peractus est, alterum judicii qui venturus est. « Prima ergo dispensatio Domini nostri Jesu Christi medicinalis, non judicialis; nam si primo venisset judicaturus, neminem invenisset cui præmia justitiae redderet. Quia ergo vidit omnes peccatores, et omnino esse neminem immunem a morte peccati, prius ejus erat misericordia præroganda, et post exercendum [Aug., exsereadum] judicium: quia de illo cantaverat Psalmus: *Misericordiam et judicium cantabo tibi, Domine (Psalm. c, 4).* Non enim ante judicium et post misericordiam: nam si primum esset judicium, nulla esset 544 misericordia; sed primo misericordia, postea judicium. Quæ est primo [Ms., prima] misericordia? Creator hominis homo. esse dignatus est, factus quod fecerat, ne periret quod fecerat. Quid huic misericordiæ addi potest? Addidit tamen. » Nam reprobatus est ab omnibus [Al., hominibus], pro quorum salute venerat in mundum, irrisiones sustinuit, flagella, sputa, opprobria inimicorum, turpissimam mortem crucis. Hæc omnia sustinuit quia voluit, ut salvaret hominem quem creaverat. Nullum genus mortis intolerabilius fuit cruce, propter longos cruciatus: sed nihil nunc gloriosius quam signum crucis portare in fronte. Unde Apostolus ait, gloriari crucis predicans: *Mihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo (Galat. vi, 14).*

Vers. 45. — Quia venit neminem judicare, conseruenter Judæis respondit: *Vos secundum carnem judicatis, ego non judico quemquam.* « Pertulit injustum judicium, ut ageret justum. Sed in eo quod pertulit injustum, misericordia fuit. Denique ita humilis factus est, ut perveniret ad crucem; distulit quidem potentiam, sed publicavit misericordiam. Unde distulit potentiam? Quia de cruce noluit descendere, qui potuit de sepulcro resurgere. Unde publicavit misericordiam? Quia pendens in cruce dixit: *Pater ignosce illis, quia nesciunt quid faciunt (Luc. xxiii, 34).* Sive ergo propter hoc, quia non venerat orientem, non est in oriente: Dominus autem noster Jesus Christus et venit, etc. »

A judicare mundum, sed salvare mundum, dixit: *Ego non judico quemquam;* sive quemadmodum commemoravi, quoniam dixerat: *Vos secundum carnem judicatis,* addidit: *Ego non judico quemquam,* ut intelligamus Christum, non secundum carnem judicare, sicut ab hominibus judicatus est. « Nam ut cognoscatis jam et judicem Christum, audite quid sequitur: (VERS. 16.) *Et si judico ego, judicium meum verum est.* Ecce habet eti judicium [Aug., et judicem... ne sentias judicem], sed agnosce Salvatorem, ne sentias judicium. Quare autem dixit judicium suum verum esse? *Quia solus, inquit, non sum, sed ego, et qui me misit Pater.* » Quid est missio Christi, nisi incarnationis ejus? Missus est Christus, idem est ut si dicas, incarnatus est Christus. Et a Patre missus erat, et a Patre nunquam recessit: et hic fuit per incarnationem, et hic est modo per divinitatem. Fides ergo mundet corda nostra, et intellectus impletat corda nostra, ut intelligamus mysterium salutis nostræ. Altum est, profundum est, secretum est. Una est substantia, una divinitas, una majestas Patris et Filii. Pater non passus est, sed solus Filius. Ergo intelligamus missionem Filii nominatam incarnationem Filii: Patrem autem incarnatum esse non credamus. Unde ergo verum [est] judicium ejus, nisi quia verus est Filius Patris? Ideo dixit: *Judicium meum verum est, quia solus non sum, inquit, sed ego, et qui me misit Pater.* Idem ergo in alio loco dixit: *Ego et Pater unum sumus;* unum in substantia, duo in persona. Unum dixit, propter substantiæ unitatem, *sumus* dixit, propter personarum distinctiōnem. Audi [agnosce], quid dixit, *Ego et qui me misit Pater.* Distingue personas, et agnosce quia Pater pater est, et Filius filius est, ne in barathrum Sabelliani pervenias. Et noli dicere: *alius* [Ms., aliud] et *aliud*, sed dic, *alius et aliud.* Non aliud in substantia, sed aliud in persona. Non Pater maior, non Filius minor in divinitatis gloria; sed crede, *unum sumus.* « In eo quod dixit ipsa Veritas *unum*, liberate ab Ario; quod dixit *sumus*, liberate a Sabellio. Si *unum*, non ergo diversum; si *sumus*, non ergo unus. » De judicio dixerat, dum dixit: *Ego non judico quemquam;* de testimonio nunc vult dicere, ut intellectus impletat corda nostra.

D VERS. 17. — *In lege vestra*, inquit, *scriptum est.* Vestram dixit, tanquam diceret: In lege quæ vobis a Deo data est; sicut dicimus: *Panem nostrum quotidianum, quem a Deo nobis dari poscimus.* Quid est quod in lege vestra scriptum est, quia duorum hominum testimonium verum est? Nunquid semper duo homines verum dicunt testimonium? Nonne duo falsi testes contra Susannam falsum protulerunt testimonium (*Dan. xiii, 36*)? Et Judæis querentibus falsum testimonium contra Christum, dicit Evangelista. *Norissime venerunt duo falsi testes.* « Nunquid quia duo erant, ideo falsi testes non erant? Quid de duabus dicimus vel tribus? Universus populus mentitus

* Ex S. Aug., tract. xxxvi, num. 4, 5, 9, 10.

est contra Christum. Si ergo totus populus, **545** qui constat ex magna hominum multitudine, falsum testimonium dicere inventus est, quomodo accipendum est, *In ore duorum vel trium testium stabit omne verbum*, nisi quia hoc modo per mysterium Trinitas commendata est, in qua perpetua stabilitas veritatis est? Si vis habere bonam causam, habeto duos vel tres testes, Patrem et Filium, et Spiritum sanctum. Denique quando Susanna casta femina fidelisque conjux duobus falsis testibus urgebatur, Trinitas illi in conscientia atque in occulto suffragabatur: illa Trinitas de occulto unum testem Danielem excitavit, et duos convicit. Ergo quia in lege vestra scriptum est: *Duorum hominum testimonium verum esse, accipite verum testimonium, ne sentiatis judicium. Ego enim, inquit, non judico quemquam, sed testimonium perhibeo de me;* differo judicium, non differo testimonium. » Eligamus, fratres, testimonium Dei; quia testimonium Dei verum est; et qui modo testis est omnium quae agimus, judex erit omnium quae fecimus. Et alium non querit testem nisi seipsum, quia omnia secreta cordis nostri considerat, et quid et ex quo sicut procedat. Ideo testis, quia non querit alium unde cognoscat quis sis vel qualis sit vita tua, qui reddet unicuique secundum opera sua. « Responderunt ergo Iudei Domino loquenti de Patre suo, et dixerunt: (Vers. 49.) *Ubi est pater tuus?* Patrem Christi carnaliter acceperunt, quia verba Christi secundum carnem judicaverunt. Erat autem qui loquebatur in aperto caro, in occulto Verbum; homo manifestus, Deus occultus: videbant indumentum, et contemnebant indutum. » Videamus ergo quid ad huc Dominus respondit: *Ubi est, inquiunt, pater tuus?* Audivimus enim te dicere: *Solus non sum, sed ego, et qui me misit Pater.* Nam solum te videmus, Patrem tuum tecum non videmus: quomodo te dicis solum non esse, sed cum Patre tuo esse? [aut] ostende nobis tecum esse Patrem tuum. Et Dominus: *Nunquid me videtis, et Patrem meum non videtis?* [Aug., ut Patrem ostendam vobis] Hoc enim sequitur, hoc suis verbis ipse respondit, quorum verborum expositionem nos ante praemisimus. Videte enim quid dixerit: *Neque me scitis, neque Patrem meum. Si me sciretis, forte et Patrem meum sciretis.* Dicitis ergo: *Ubi est Pater tuus?* Quasi mejam sciatis; quasi totum hoc sim quod videtis. Ergo quia me non nostis, ideo vobis Patrem meum non ostendo. Me quippe hominem putatis, ideo Patrem meum hominem quereritis, quia secundum carnem judicatis. Quia vero secundum quod videtis aliud sum, et aliud secundum quod non videtis, Patrem meum loquor occultum [Aug., occultus occultum]; prius est ut me noveritis, tunc et Patrem meum scietis. « *Si enim me sciretis, et Patrem meum forsitan sciretis.* Ille qui omnia scit, quando dicit *forsitan*, non dubitat, sed increpat. Attende enim quomodo increpativo dicatur ipsum *forsitan*, quod videtur esse verbum dubitationis. Sed dubitationis verbum est, quando dicitur ab homine, ideo dubitantes quia nesciente; eum vero dicitur a Deo

A verbum dubitationis, cum Domino [Ms., Deum] nihil utique lateat, illa dubitatione arguitur infidelitas, non opinatur divinitas. Homines enim de his rebus quas certas habent, aliquando increpatio [Aug., increpativo] dubitant, id est, verbum dubitationis ponunt, cum corde non dubitant: velut si indignus servo tuo, et dicas: Contemnis me; considera, forsitan Dominus tuus sum. Hinc et Apostolus ad quosdam contemptores suos loquens ait: *Puto autem, et ego Spiritum Dei habeo* (I Cor. vii, 40). Qui dicit *puto*, dubitare videtur; sed ille increbat, non dubitabat. Et Dominus Jesus Christus alio loco increpans infidelitatem futuram generis humani: *Cum venerit, inquit, Filius hominis, putas inveniet fidem super terram* (Luc. xviii, 8)? « Scit ergo omnia, per quem facta sunt omnia, et tamen dubitando increbat. Si me sciretis, forsitan et Patrem meum sciretis. Increbat infideles, admonet fideles; » ut sciant unam esse cogitationem Patris et Filii, quatenus scient cognitionem Filii cognitionem esse et Patris. Ideo discipulo electo poscenti ut ostenderet eis Patrem, respondit: *Tanto tempore robiscum sum, et non cognovistis me. Philippe, qui videt me, videt et Patrem meum* (Joan. xiv, 8). Si dissimilis esset Filius Patri, nunquid diceret discipulis suis: *Qui me videt, videt et Patrem?* nunquid diceret Iudeis: *si me sciretis, forsitan et Patrem meum sciretis?*

546 VERS. 20. — « *Hæc verba locutus est Jesus in gazophylacio docens in templo.* Magna fiducia sine timore. Non enim pateretur, si nollet; quia nec nasceretur, si nollet. » Quid est quod hæc verba [Jesus] in gazophylacio docens in templo locutus est? Gazophylacium locus est ubi thesauri conluntur. Jesus in gazophylacio loquebatur Iudeis, dum in parabolis locutus est turbis. Nam gazophylacium fuit Christus, in quo omnia latuerunt mysteria tunc aperienda, dum ipse, qui latuit in littera, loquebatur, non in proverbiis, sed palam omnia fidelibus suis enarrans. Nam et gazophylacia adhærebant templo, quia ipse Christus templum est, de quo ipse ait: *Solire templum hoc* (Joan. ii, 19), cui omnia mysteria veteris legis adhærebant, et ad eum omnia respiciabant, donec veniret ad aperienda singulorum gazophylacia posteriorum, aperiente eo sensus fidelium suorum, ut intellegent quæ latebant, sicut evangelista ait: *Tunc aperuit illis sensum, ut intellegissent Scripturas* (Luc. xxiv, 45). Denique quid sequitur? *Nemo apprehendit eum, quia necdum venerat hora ejus.* Scilicet omnia dispositionis sue, omnia voluntatis sue. Quia qui voluntate natus est, voluntate et passus est. « Si ergo pati nollet, non pateretur; si non patetur, sanguis ille non funderetur, mundus non redimeretur. Agamus itaque gratias et potestati divinitatis et miserationi infirmitatis ejus, de occulta potentia quam Iudei non noverant; unde illis modo dictum est: *Neque me noveris, neque Patrem meum* (Joan. viii, 19); et de carne suscepta, quam Iudei noverant, et cuius patriam sciebant; unde illis alio loco dixit: *Et me noveris, et unde sim scitis* (Joan.

vii, 28). Utrumque noverimus in Christo, et unde aequalis [est] Patri, et unde illo major est Pater. Illud Verbum est, illud caro; illud Deus est, illud homo. Sed unus Christus Deus et homo. » Modo de sua passione, quid loquatur Christus, audiamus.

CAPUT XXI.

Dicit Iudeis quod in peccato suo morientur. A quibus cum esset interrogatus quis esset, respondit principium se esse, addens hoc: Cum exaltaveritis Filium hominis, tunc cognoscetis quia ego sum.

VERS. 21. — « Ego vado, et queretis me, et in peccato vestro morimini. Quo ego vado, vos non potestis venire. Ego vado, inquit, et queretis me: non desiderio, sed odio. Nam illum, posteaquam abscessit ab oculis hominum, inquisierunt, et qui oderant, et qui amabant: illi persequendo, illi habere cupiendo. Bonum est animam Christi querere, sed quomodo discipuli eam quæsierunt; et malum est querere animam Christi, sed quomodo eam Iudici quæsierunt; illi enim ut haberent, isti, ut perderent. Denique isti, quia sic quæabant more malo, corde perverso, quid secutus adjunxit? Quæretis me; et ne putatis, quia bene me quæretis, in peccato vestro morimini; hoc est Christum male quærere, in peccato suo mori. » In peccato suo moritur, qui in peccato permanet usque ad mortem. Ille Christum non quærerit qui salutem animæ suæ per pœnitentiam non quærerit. Ad quem Propheta clamat: *Quærite Dominum, dum inveniri potest (Isai. LV, 6).* Modo qui misericordem, dum tempus habet, non quærerit, inveniet eum iratum. Iudeis dixit: *In peccato vestro morimini, quia præsciebat eos in peccato suo permanere.* Singulare [vero] numero dixit *in peccato*, et plurali numero *morimini*, quia omnibus illis ad quos loquebatur, unam esse voluntatem, æqualem malitiam perdendi eum [sciebat], qui salvare eos venerat. « Alio vero loco discipulis suis dixit: *Quo ego vado, [vos] non potestis modo venire (Joun. xxi, 22).* Non abstulit eis spem, sed prædicti dilationem. Quando enim hoc discipulis Dominus loquebatur, tunc non poterant venire quo ille ibat, sed postea venturi erant: isti autem nunquam quibus præsciens [Ms., præscius] dixit: *In peccato vestro morimini.* » His autem auditis verbis, quomodo solent carnalia cogitantes, et secundum carnem judicantes, et totum carnaliter audientes et sapientes, dixerunt: (Vers. 22.) *Nunquid interficiet semetipsum, quia dicit: 547 Quo ego vado, vos non potestis venire?* Stulta verba et omnino insipientiae plena. Quid enim? Non poterant illo venire quo ille perrexisset, si interficeret semetipsum? Nunquid ipsi non erant morituri? Quid est ergo, *nunquid interficiet semetipsum, quia dicit: Quo ego vado, vos non potestis venire?* Si de morte hominis diceret, quis hominum non moritur? Ergo,

a S. Aug., tract. xxxviii, num. 2-8, 11.

b Al., « Illi itaque non intelligentes, ista respondit eis Dominus, qui terram sapiebant. Quid ait? *Discusat eis: Vos, etc.* »

c S. Aug.: « Si delectat te mundus, semper vis esse

A quo ego vado dixit, non quo itur ad mortem, sed quo ibat ipse post mortem, ut occideret mortem. « Illis itaque non intelligentibus ista, respondit Dogninus b: *Vos deorsum estis.* Ideo terram [Al., terrena] sapitis, quia sicut serpens terram manducatis. Quid est, terram manducatis, nisi terrenis pascimini, terrenis delectamini, terrenis inhiatis, sursum cor non habetis? *Vos deorsum estis, ego de supernis sum; vos de mundo hoc estis, ego non sum de hoc mundo.* Quomodo ergo non erat de hoc mundo, per quem factus est mundus, et semper ubique est? Sed omnes de mundo: sed prius mundus, postea homo. Sed Christus ante mundum, ante Christum nihil. Quia in principio erat Verbum, et omnia per ipsum facta sunt. Sic enim erat ille de supernis; de quibus supernisi Christus? Ab ipso Patre, nihil illo supereris; quia Pater Verbum genuit æquale sibi, coeternus sibi, unigenitus sibi, sine tempore, per quem condideret tempora. » Ideo Christus ante omnes creaturem, et ante omnia tempora, quia de Patre coeternus Patri genitus est. *Ego de supernis sum, vos de hoc mundo estis; ego non sum de hoc mundo.*

VERS. 24. — « Dixi ergo vobis, quia morimini in peccatis vestris. Exposuit nobis, fratres, quod [Ms., quid] intelligi voluit, vos de mundo hoc estis. Ideo quippe dixit: *Vos de hoc mundo estis, quia peccatores erant, quia iniqui erant, quia infideles erant, quia terrena sapiebant.* » Nunquid apostoli et sancti Dei de hoc mundo non erant? Erant siquidem, quia de Adam nati sunt, sed ipsa Veritas de eis ait: *Ego elegi vos de mundo (Joun. xv, 19), id est, de carnali conuersatione, quae mundi nomine hoc loco significari videtur.* « Qui ergo erant de mundo, facti sunt non de mundo, et pertinere cōperunt ad eum per quem factus est mundus. Isti autem remanserunt esse in mundo, quibus dictum est: *Morimini in peccatis vestris.* » Nemo dicat, de hoc mundo non sum. Quisquis es, o homo, de hoc mundo es: sed venit ad te qui fecit mundum, et liberavit te de hoc mundo. Si delectat te mundus, semper vis esse in mundo [Aug. et Ms., immundus]. Si autem jam non delectat te hic mundus, jam non eris [Ms., jam tu eris] mundus c, et non audies, quod Iudei audiernunt: *Morimini in peccato vestro.* » Et qui plus peccat, plus est [in mundo et plus] immundus; et quanto quis se mundat a peccato, tanto se elevat de mundo non esse. « Merito audiernunt Iudici: *Morimini in peccatis vestris;* quia non habere peccatum nullo modo potuistis, qui cum peccato nati estis; sed tamen, si in me, inquit, credideritis, cum peccato quidem nati estis, sed in peccato vestro morituri non estis. Tota ergo infelicitas ipsa erat, non peccatum habere, sed in peccatis mori. Hoc est quod debet fugere omnis Christianus; propter hoc ad baptismum

immundus; si autem jam non te delectat hic mundus, jam tu es mundus. Verumtamen si per aliquam infirmitatem adhuc te delectat mundus, habitet in te qui mundat, et eris mundus; si autem fueris mundus, non remanabis in mundo, nec audies, etc. »

curritur, propter hoc qui aegritudine vel aliunde periclitatur, sibi desiderat subveniri; propter hoc etiam *sugens* parvulus a matre piis manibus ad Ecclesiam fertur, ne sine baptismo exeat, et in peccato qui natus est, non moriatur [Aug. et Ms., quo natus est, moriatur]. Adjunxit enim dicens: *Si non credideritis quia ego sum, moriemini in peccatis vestris.* Ergo si credideritis quia ego sum, non moriemini in peccatis vestris. *Redditis* est spes desperantibus, excitatio facta est dormientibus; cordibus evigilaverunt, inde plurimi crediderunt, sicut Evangelii ipsius consequentia testatur, ubi ait: *Hac illo loquente, multi crediderunt in eum.* In hoc ergo populo cui Dominus loquebatur, erant qui in peccato suo fuerant morituri; erant etiam qui in ipsum qui loquebatur fuerant credituri, et ab omni peccato liberandi. *Tamen* hoc attende, 548 quod ait Dominus Christus: *Si non credideritis quia ego sum, moriemini in peccato vestro.* Quid est, si non credideritis quia ego sum? Quid? Nihil addidit. Multum est quod commendavit. *Dixit, ego sum,* et non addidit quid, sive Christus, sive Filius Dei, sive ille quem prophetæ prædixerunt, sive Salvator mundi, sive [aliud] aliquid, quod de eo in Scripturis legitur. Multum est, quod ait, ipse [Ms., ipsum]: *Ego sum.* Quia dixerat Deus Moysi: *Ego sum, qui sum* (Exod. iii, 14); et hic modo: *Nisi credideritis quia ego sum,* eodem verbo essentiae sempiternae usus est ad populum Judæorum, quo tunc ad Moysen per angelum in rubro flammæ ignis, quem missurus erat ad liberandum populum suum. Quid est quod hic dixit: *Ego sum, nisi ille ipse qui tunc venit in angelum* [Ms., veni in angelo] *inittere Moysen servum meum ad liberandum populum meum;* ego ipse modo per meipsum veni incarnatus, homo factus liberare homines quos creavi; salvare qui perditи fuerant. Quidquid enim aliquo modo mutari potest, vel in melius vel in deterius, quodammodo moritur eo quod fuit ante, dum incipit aliud esse, vel aliter esse quam fuit. Solus vero Deus semper idem est. Immutabilis [veritas], immutabilis bonitas, immutabilis sempiternitas, immutabilis natura, immutabilis substantia. Et quidquid de eo dici potest, semper idem est quod fuit et quod erit. Prorsus nihil aliud melius videtur intelligi in hoc verbo, quod ait Dominus: *Ego sum, nisi ego sum Deus.* Moriemini in peccato vestro. *Sed illi semper terrena sapientes, et semper secundum carnem audientes et respondentibus, quid ei dixerunt?*

VERS. 25. — *Tu quis es?* Non enim, cum dixisti: *Nisi credideritis, quia ego sum,* addidisti, quis es [Aug., quid essem]. Quis es, ut credamus? Et ille: *Principium.* Ecce quod est, esse. Principium mutari non potest; principium in se manet et innovat omnia; principium est, cui dictum est: *Tu autem idem ipse es, et anni tui non deficient* (Psalm. ci, 28). *Principium*, ait, *quod et loquor vobis.* Principium me eredit, ne moriamini in peccatis vestris. Tanquam

A enim in eo quod dixerunt: *Tu quis es?* nihil aliud dixerunt quam quid te esse credemus? Respondit: *Principium me esse credite, et addidit: quod et loquor vobis.* Id est, quia humili propter vos factus ad ista verba descendit. Nam si principium, sicut est, ita maneret apud Patrem ut non acciperet formam servi, et homo loqueretur hominibus, quomodo ei crederent, cum infirma corda intelligibile verbum sine voce sensibili audire [Al., sine voce, sed sensibili, videre] non possent? Ergo, inquit, credite me esse principium, quia ut credatis non solum sum, sed et loquor vobis.

Vers. 25. — *Verba Domini nostri Jesu Christi quae habuit cum Judæis, ita moderans loquelam suam, ut cœci non viderent et fidèles oculos aperirent [Addit: ista sunt]. Dicebant ergo Judæi: Tu quis es? quia dixerat supra Dominus: Nisi credideritis quia ego sum, moriemini in peccatis vestris.* Ad hæc ergo illi: *Tu quis es?* veluti querentes nosse, in quem deberent credere, ne in suo peccato morerentur. Respondit dicentibus: *Tu quis es?* et ait: *Principium, quod et loquor vobis.* Quare se dicit Dominus Jesus principium? Quia omnia per ipsum facta sunt, sicut Psalmus [Ms., Psalmista] dicit: *Omnia in sapientia fecisti* (Psalm. ciii, 24). Si igitur omnia in sapientia fecit Deus, id est, in Filio suo coeterno sibi et consubstantiali, Filius utique omnium principium est. Nunquid et Pater potest dici principium? Unique recte dicitur [et] Pater principium, et Filius principium; non tamen duo principia. Sicut Pater Deus, et Filius Deus, non tamen duo dii, sed unus Deus dico dūs est; sic Pater principium, et Filius principium, non tamen duo principia, sed unum principium fatendum est. Ergo et Spiritus sanctus principium est, non tamen tria principia, Pater et Filius et Spiritus sanctus, sed unum principium; sicut Pater Deus, Filius Deus, Spiritus sanctus Deus, non tamen tres dii, sed unus Deus. Pater omnipotens Filius omnipotens, Spiritus sanctus omnipotens, non tamen tres omnipotentes, sed unus omnipotens. Id enim quod Pater [ad] se est, Deus est; quod ad Filium est, Pater est; quod Filius ad seipsum, Deus est; quod a Patre est, Filius est. Et Spiritus sanctus quod ad se est, Deus est; quod a Patre et Filio, Spiritus sanctus est: quia Patris et Filii Spiritus est, ex Patre et Filio 549 procedens, unus substantiae, potestatis, majestatis cum Patre et Filio. Audiamus ergo principium, quod loquitur nobis. (Vers. 25) *Multa*, inquit, *habeo de vobis loqui et judicare.* In alio vero loco dixit: *Non judico quemquam, præsentem ejus ostendens adventum, quo venit salvare, non judicare: quia venerat, ut salvaret mundum, non ut judicaret mundum.* *Quod autem nunc dicitur* [Ms., dicit]: *Multa habeo de vobis loqui et judicare, judicium futurum dicit.* Ideo enim asserit, ut veniat judicare vivos et mortuos. Nemo justius judicabit, quam qui injuste judicatus est.

* Ex S. Aug., tract. xxxix, num. 1, 6, 7.

Multa habeo, inquit, loqui et judicare de vobis; sed qui me misit, verax est. Vide, quemadmodum Patri dicit [Ms., dat] gloriam æqualis Filius Patri. » Exemplum enim nobis præbet gloriam dare Deo, gloriam Dei querere, non nostram, quasi diceret: O homo fidelis, si ego Filius Patris æqualis Patri, consubstantialis Patri, coeterus Patri, do gloriam ei a quo sum, quomodo tu superbus es apud eum cuius es servus: *Multa, inquit, habeo de vobis loqui et judicare, sed qui me misit, verax est;* tanquam diceret: Ideo verum dico, quia Filius veracis, veritas sum. Pater verax est, Filius veritas. « Ait enim apertissime ipse Dominus: *Ego sum via, et veritas, et vita.* Ergo si Filius veritas, Pater quid, nisi quod ait veritas: *Qui me misit, verax est?* Filius veritas, Pater ver. x. » Sicut a Patre Filius, ita a veraci veritas. **B** Pater verax est, sed non a veritate; Filius veritas, sed a Patre, quasi [Al., quia] Filius a Patre, non a scipso. Et ideo [ait] allo loco: *A me ipso non veni, id est, a me ipso non sum.* Pater utique verax est, non participando veritati [Ms., veritatem], sed generando veritatem; quia Pater genuit Filium, qui de se ipso ait: *Ego sum via et veritas.* Cum autem dixisset Dominus Jesus, verax est, qui me misit, non intellexerunt illi, quod de Patre eis dicebat, ne cum habuerunt oculos cordis apertos, ut intelligere possent æquitatem veracis et veritatis.

Vers. 28. — *Dicebat Jesus turbis Iudeorum: Cum exaltaveritis Filium hominis, tunc cognoscetis quia ego sum, et a me ipso facio nihil: sed sicut docuit me Pater, haec loquor.* « Qui est hoc? Nihil enim aliud videatur dixisse, nisi eos post passionem suam cognitaros quid esset [Aug., quis esset]. Procul dubio ergo videbat ibi aliquos quos ipse [noverat, quos ipse] cum ceteris sanctis suis ante mundi constitutionem præsciendo elegerat, post passionem suam esse credituros. Ipsi sunt illi quos assidue commendamus et ad imitationem cum magna exhortatione proponimus. Misso desuper Spiritu sancto post Domini passionem et resurrectionem et ascensionem, cum miracula fierent in ejus nomine, quem tanquam mortuum persequentes Iudei contempserunt, compuncti sunt corde (Act. ii, 37); et qui sævientes occiderunt, mutati crediderunt; et quem sanguinem sæviendo sederunt, credendo biberunt (Act. iv, 4); illa tria millia, et illa quinque millia Iudeorum quos ibi videbat, quando dicebat: *Cum exaltaveritis Filium hominis, tunc cognoscetis quia ego sum;* tanquam dicens: Differo cognitionem vestram, ut impleam passionem meam; ordine vestro cognoscetis qui sim. Non quia omnes tunc erant credituri ex his qui audiebant, id est, post Domini passionem: nam paulo ante [Leg., paulo post] dicit: *Hæc eo loquente multi crediderunt in eum;* et nondum exaltatus erat filius hominis. Exaltationem quippe dicit passionis, non glorificationis; crucis, non oculi; nam ibi exaltatus est, quando peperit in

A ligno; sed illa exaltatio, humiliatio fuit. Tunc enim factus est Patri obediens usque ad mortem, mortem autem crucis (Philipp. ii, 8). Propter quod exaltavit illum Deus. » Altera exaltatio fuit, quando elevatus est in crucem; altera dum ascendit in cœlum. Illa humilationis, ista glorificationis. Exaltationem crucis oportebat impleri per eorum manus qui postea fuerant credituri, quibus dicit: *Cum exaltareritis Filium hominis, tunc cognoscetis quia ego sum.* Quare hoc, nisi ut nemo desperaret in quocunque scelere male [sibi] conscientis, quando videbat eis donari homicidium, qui occiderant Christum? » Addidit: *Tunc cognoscetis quia ego sum.* Quid est, *ego sum,* nisi unius substantiae cum Patre? Sicut et ad Moysen superius diximus, dictum esse: *Ego sum, qui sum.* **B** Verbo substantiali utilitur de seipso Dominus, ut intelligatur æternam esse substantiam, et unam 550 esse substantiam Patris et Filii. Tamen ne ipse intelligeretur Pater, continuo adjunxit: *Et a me ipso facio nihil, sed sicut docuit me Pater, haec loquor.* Quod vero ait: *A meipso facio nihil.* Quid est, *A meipso facio nihil?* Id est, a meipso non sum. Quod autem addidit: *Sicut docuit me Pater, haec loquor,* sensus altissimus est. Cor enim mundandum, ut intelligatur quod ait: *Sicut docuit me Pater, sic loquor;* non enim ita intelligendum est, quasi homo Pater homini Filio loqueretur: sed excellentius et sacratius. Aliter vero intelligendum est quod ait evangelista: *In principio erat Verbum; et aliter intelligendum, Verbum caro factum est.* Aliter de divinitate Christi, in qua æqualis est Deo Patri; aliter de humanitate ejus, in qua consimilis est nobis. Cogitandum est non uno modo intelligendum esse, quod ait Dominus: *Ego et Pater unus sumus* (Joan. x, 30), et illud quod dixit: *Pater maior me est* (Joan. xiv, 28). « Ergo incorporaliter cogitetur Pater locutus Filio, quia incorporaliter Pater genuit Filium. Nec cum sic docuit, quasi indictum genuerit: sed hoc est eum docuisse, quod est scientem genuisse; et hoc est, *docuit me Pater,* quod scientem me Pater genuit. Si enim, quod pauci intelligent, simplex est natura veritatis, hoc est Filio esse, quod nostro. Ab illo ergo habet quod noverit, a quo habet ut sit; non ut prius ab illo esset, et ab illo postea nosset: sed quemadmodum illi gignendo dedit ut esset, sic gignendo dedit ut nosset; quia simplicis indicium est naturae veritatis [Al. veritas] est **b**, esse et nosse: non est aliud atque aliud, sed hoc ipsum. » Dixit ergo ista Judeis et addidit: (Vers. 29.) *Et qui me misit, tecum est.* Jam hoc antea dixerat, sed rem magnam assidue commemorat: *Misit me, et tecum est.* Si ergo tecum est, o Domine, non unus ab alio missus est, sed ambo venistis. Et tamen cum ambo simul sint, unus missus est, alter misit: quoniam missio, incarnatio est; ipsa incarnatio Filii tantum est, non et Patris. Misit itaque Pater Filium, sed non recessit a Filio. Ergo, inquit, *qui me misit, non reliquit me solum:* cuius auctoritate tanquam paterna ritas est. » Aug.: Quia simplici, ut dictum est, naturæ veritatis esse et nosse non est aliud, etc.

^a Ex S. Aug., tract. xl, num. 2, 5, 6, 8, 9.

^b Ms.: « Quia simplicis, ut dictum est, naturæ ve-

incarnatus sum, mecum est, non me dereliquit. Quare mo non dereliquit? Non dereliquit me, inquit, solum, quia ego quae placita sunt ei, facio semper. Ipsa est aequalitas semper, non ex quodam initio et deinceps, sed sine initio et sine fine. Dei enim generatio non habet initium temporis, quia per genitum facta sunt tempora. (VERS. 30.) *Hæc illo loquente multi crediderunt in eum.* Multi crediderunt, necdum in omnem terram exivit sonus eorum, necdum omnibus prædicatum est, necdum dictum est: (VERS. 31.) *Ite, docete omnes gentes.* Ergo Dominus ad eos, qui crediderunt in eum, ait Judæos:

CAPUT XXII.

Judæis credentibus ait: Si manseritis in sermone meo, veritas liberabit vos. Quibus respondentibus se esse liberos, dicit: Qui facit peccatum, servus est peccati.

VERS. 31. — « *Si ros manseritis in verbo meo.* Ideo manseritis, quia initiati estis, quia esse ibi coepistis. *Si manseritis,* hoc est, in fide que in vobis esse credentibus coepit, quo pervenietis? Vide quale initium, quo perducitur [Al. perducit]. Amasti fundatum, culmen attende, et ex ista humilitate aliam celsitudinem quære. Fides enim humilitatem habet; cognitio et immortalitas et æternitas non habet humilitatem, sed celsitudinem, et erectionem, nullam defectionem; æternam stabilitatem, nullam ab inimico expugnationem, nullum deficiendi timorem. Magnum est quod incipit a fide, » sed majus quo pervenitur per fidem. Audi igitur quo perveniat, et vide quanta sit fides. (VERS. 32.) *Ergo et ros, ait, si manseritis in verbo meo in quo credidistis, vere discipuli mei eritis;* subjunxit quoque: *et cognoscetis veritatem.* Qui cognoscit veritatem, cognoscit Deum, quia Deus veritas est, dicente ipso Domino: *Ego sum via, et veritas, et vita* (Joan. xiv, 6). Credamus ergo, ut cognoscamus veritatem, quia sine **551** fide ad cognitionem veritatis nullus pervenire poterit. « *Quid cognitum sumus?* Illud quod nec oculus vidit, nec auris audivit, nec in cor hominis ascendit (Isa. lxiv, 4; I Cor. ii, 9). Quid est enim fides, nisi credere quod non vides? Fides ergo est quod non vides credere; veritas, quod credidisti videre. Quid est, quod videre nobis promittitur? Dicit enim Dominus in alio loco quid esset quod visuri erimus: *Qui autem diligit me, diligetur a Patre meo, et ego diligam eum, et manifestabo ei me ipsum* » (Joan. xiv, 21). Hæc est promissio, hæc est merces fidei que per dilectionem operatur. Hæc est satietas quam Psalmista optavit, dicens: *Satiabor, dum manifestabitur gloria tua* (Psalm. xvi, 15). O Domine, fac nos dignem amare te, et non amare seculum, ut valeamus ad illam libertatem pervenire, ad quam per cognitionem veritatis pervenitur; de qua subjunxi, dicens: « *Et veritas liberabit vos.* Quid est, liberabit vos? Liberos faciet. Denique Judei carnales, et secundum carnem judicantes, non bi qui crediderant, sed in illa turba qui erant qui non credebant, injuriam sibi factam putaverunt, quia dixit

A cis: *Veritas liberabit vos: indignati sunt servos se esse significatos.* Et vere servi erant. Et exponit illis quae sit servitus, et quae sit futura libertas quam ipse promittit. » Nihil enim aliud est dicere: *Et veritas liberabit vos,* nisi liberos vos faciet, sicut nihil est salvabit, nisi salvos faciet. Audivimus ergo quid libera veritas dixit: audiamus quid superba falsitas respondeat. Dixerunt ergo Judei: (VERS. 33.) « *Semen Abraham sumus, et nemini servivimus unquam.* Quomodo tu dicas, liberi eritis? Non enim dixerat Dominus, liberi eritis, sed: *Veritas liberabit vos.* In quo tamen verbo, illi nihil aliud intellexerunt, nisi libertatem carnalem, et extulerunt se quod semper essent Abraham, et dixerunt: *Semen Abrahæ sumus, et nemini servivimus unquam, quomodo tu dicas: Liberi eritis?* O vana superbia! o falsa jactantia! quomodo verum dixisti: *Nemini servivimus unquam?* Joseph non est venundatus? Prophete sancti non sunt ducti in captivitatem? Denique nonne ille ipse est populus, qui in Ægypto lateres faciebat, et operibus duris [Aug., regibus duris], non saltem in argento et auro, sed in luto serviebat? Si nemini servivis unquam, o ingratii, quid est quod vobis assidue imputat Deus, quomodo vos de domo servitutis liberavit? An forte patres vestri servierunt, vos autem qui loquimini nulli servivis unquam? Quomodo ergo solvebatis tributum Romanis? Unde et ipsi veritati laqueum quasi captionis proposuisti, ut diceretis: *Licet reddere tributum Cæsari?* ut si dixisset, licet, teneretis eum, quasi malam optasset libertatem C semini Abrahæ [Aug., quasi male optasset libertati seminis Abrahæ]. Si autem diceret, non licet, calumniaremini apud reges terræ, quod prohiberet regibus tributa persolvi. Deinde prolati nummo vici estis, et captioni vestre vos ipsi estis respondere compulsi. Ibi enim vobis est dictum: *Reddite Cæsari quæ Cæsaris sunt, et Deo quæ Dei sunt* (Matth. xxii, 21); cum vos ipsi respondissetis, quod numinus habet imaginem Cæsaris: quia sicut querit Cæsar in numero imaginem suam, sic Deus querit in homine suam. » Nec alienum quid querit Deus ab homine, sed quod condidit in homine. Ideo Deus homo factus est, ut in homine reformaret, quod in homine formavit. Ergo mentientibus et de vana libertate tumentibus, quid respondisset Dominus Judeis, audiamus.

VERS. 34. — *Amen, amen dico vobis, quia omnis qui facit peccatum, servus est peccati.* Quis non sub his verbis contremiscat? Si omnis homo peccator, omnis homo servus peccati. Sed intentius audiamus, qualiter liberemur de hac servitute. Terrorem insutit, medicinam adhibet. Nam ait Dominus: *Amen, amen dico vobis: Quid est, amen, amen, nisi verum, verum dico vobis?* Quod verbum nec Græcus interpres, nec Latinus ausus est in aliam transferre linguam, ut honorem haberet velamento secretu testificatio veritatis in Christo. Veritas dicit: *Verum verum dico vobis, ingeminat, replicat verbum veritatis, ut exci-*

* Ex S. Aug., tract. xi. i, num. 2, 3, 4, 8.

taret dormientes, intus [Ms. et Aug., intentos] faciet audientes, nec contemneretur, qui ait : *Amen, amen dico vobis, quia omnis qui facit peccatum, servus est peccati.* « O mirabilis [Aug., miserabilis] servitus, servire peccato, servire diabolo, qui peccati est auctor ! Plerumque homines cum dominos malos patiuntur, venales se petunt ; non querentes dominum non habere, sed saltē mutare. Servus peccati quid **552** faciat, quem interpellet, apud quem interpellet, apud quem venalem se petat ? » Sæpe homines malos dominos fugiunt ne serviant malis, et non fugiunt peccatum, cuius servus est qui peccator est. Et quanto felicius esset fugere peccatum, et servire homini libera conscientia ? « Deinde servus hominis aliquando sui domini duris imperiis fatigatus, fugiendo requiescit : servus peccati quo fugit ? Secum trahit peccatum quocunque fugerit. Non fugit seipsum mala conscientia, non est quo eat, sequitur se ; imo non recedit a se : peccatum enim quod facit, intus est. Fecit peccatum ut aliquam corporalem caperet voluntatem : voluntas [Ms., voluptatem : voluptas] transiit, peccatum remanet ; præterit quod delectabat, remansit quod pungat. Mala servitus. Aliquando fugiunthomines improbos dominos, volentes carere dominis, qui nolunt carere peccatis. » Quanto felicius si deserat homo peccatum, fugiat ad Christum, Deum liberatorem interpellet ? Liberat ergo ab hac servitute peccati solus Dominus, qui illam non habuit, qui solus sine peccato venit in mundum. Ille solus liberare potest de peccato, qui venit sine peccato, et factus est sacrificium pro peccato. « Cum ergo omnis qui facit peccatum servus sit peccati, quæ sit spes nobis libertatis, audite : (VERS. 35.) *Servus autem, inquit, non manet in domo in æternum.* Ecclesia est domus, servus est peccator. » Non maneat homo in peccato, nec [Al., ne] sit servus peccati, ut possit manere in domo, id est, in Ecclesia. Maneat in corpore capitum sui, ut sit filius, non servus. Longe aliud est peccare, aliud manere in peccato. Qui manet in peccato, servus est peccati ; qui fugit a peccato, servus erit justitiae. « Terruit itaque, et spem dedit : terruit, ne peccatum amaremus ; spem dedit, ne de peccati solutione diffideremus. *Omnis, inquit, qui facit peccatum, servus est peccati. Servus autem non manet in domo in æternum.* Quæ ergo nobis spes est, qui non sumus sine peccato ? Audi spem tuam : *Filius manet in æternum.*

VERS. 36. — *Si ergo filius vos liberaverit, tunc vere liberi eritis.* Hæc spes est nostra, fratres, ut a libero liberemur, et liberando servos nos faciat ; servi enim eramus cupiditatis, liberati essemus servi charitatis. Prima libertas est non permanere in peccato, servire justitiae, dicente Apostolo : *Cum servi essetis peccati, liberi eratis justitiae* (Rom. vi, 20). Nunc autem habetis fructum vestrum in sanctificatione, finem vero vitam æternam. » Perfecta vero libertas est [Deo] Christo servire, illum diligere qui vere nos liberavit, qui verus est *Filius Dei*, et Dominus in forma servi.

A « Non servus, sed in forma servi Dominus. Fuit quippe illa carnis forma servilis, sed quamvis esset similitudo carnis peccati, non erat caro peccati. Libertatem promisit credentibus in se ; Judæi vero tanquam de sua libertate superbientes, designati sunt fieri liberi, cum essent servi peccati. Ideo autem se liberos esse dixerunt, quia semen Abraham erant. Quid ergo eis ad hæc respondit Dominus, audiamus : (VERS. 37.) *Scio, inquit, quia filii Abraham estis, sed queritis me interficere.* Agnosco carnis originem, non cordis fidem. *Filiii Abraham estis, sed secundum carnem.* Ideo queritis me occidere, inquit ; *sermo enim meus non capit in vobis,* id est, non habet locum in vobis. Si sermo meus caperetur a vobis, caperet utique vos. Quid est ergo, non capitur a vobis ? Id est, non capit cor vestrum, quia non recipitur a corde vestro. « Audistis Dominum certe dicentem : *Scio quia filii Abraham estis.* Audite quid postea dicat : *Ego quod vidi apud Patrem meum loquor ; et vos, quod audiatis apud patrem vestrum, faciatis.* Quid autem faciunt ? Quod eis dixit : *Queritis me occidere.* Illoc apud Abraham nunquam viderunt. Dicit : *Quæ vidi apud Patrem meum loquor.* Veritatem vidi, veritatem loquor, quia veritas sum. Si enim Dominus veritatem loquitur, quia ipse est veritas Patris, quam vidit apud Patrem [se vidit, se loquitur, quia ipse est veritas Patris, quam vidit apud Patrem]. Ipse est enim Verbum, quod Verbum erat apud Deum. Isti ergo malum quod faciunt, quod Dominus objurgat et corrigit, ubi viderunt ? Apud Patrem suum. Cum audierimus in consequentibus apertius dictum quis sit eorum pater, tunc intelligemus qualia viderint apud talen patrem : adhuc enim non nominat patrem ipsorum. Paulo superius **553** Abraham commemoravit, sed carnis origine, non vice similitudine : dicturus alterum patrem illorum, qui nec genuit eos, nec creavit, ut homines essent ; sed tamen filii erant ejus, in quantum mali erant, non in quantum homines [erant], in quo imitati, non in quo creati.

VERS. 39. — *Responderunt et dixerunt ei : Pater noster Abraham est.* Quasi : Tu quid dicturus es contra Abraham ? aut si aliquod potes audere, reprehende [Aug., aude reprehendere] Abraham. Non quia Dominus non audebat reprehendere Abraham, sed talis erat Abraham, qui non reprehenderetur a Domino, sed potius laudaretur. Tamen isti videbantur eum provocare ut aliquid male diceret de Abraham, et esset occasio faciendi quod cogitabant. *Pater noster Abraham est.* « Audiamus, quomodo eis respondit Dominus, cum illorum damnatione laudans Abraham. (VERS 40.) *Dicit eis Jesus : Si filii Abraham estis, opera Abraham facite.* Nunc autem queritis me interficere, hominem qui veritatem locutus sum vobis, quam audivi a Deo. *Hoc Abraham non fecit.* Ecce ille laudatus, isti damnati : Abraham non erat homicida. Non dico, inquit, ego Deus sum [Aug., Dominus sum] Abraham : quod si dicarem, vs-

* Ex S. Aug., tract. xlii, num. 1-14.

rum dicerem. Nam dixit de alio loco : *Ante Abraham ego sum*. Tunc eum illi lapidare voluerunt. Non dixit hoc. Interim quod videtis, quod aspicitis, quod me solum putatis, homo sum. Hominem dicentem vobis quod audivit a Deo, quare vultis occidere, nisi quia non estis filii Abrahæ? Et tamen superius ait : *Scio quia filii Abrahæ estis*. Non negavit eorum originem, sed facta condemnat : caro eorum ex illo erat, sed vita non erat. Ergo Christiani facti sunt semen Abrahæ gratia Dei. Non de carne Abrahæ facti illi cohaeredes : Deus illos exhaereditavit, istos adoptavit. Isti sunt de quibus alio loco a Joanne Baptista dictum est : *Potens est Deus de lapidibus istis suscitare filios Abrahæ* (Matth. iii, 9). Illi erunt filii Abrahæ, qui fidem Abrahæ imitantur. Ideo subiunxit Dominus, dicens : *Si filii Abrahæ estis, opera Abrahæ facite*. Factis probate nobilitatem, non verbis. Sed queritis me interficere, hominem qui veritatem locutus sum vobis quam audivi a Deo, hoc Abrahæ non fecit. Vos facitis opera Patris vestri; et adhuc non dicit quis est iste pater eorum. Modo illi quid responderunt? Cœperunt enim utcunque cognoscere, non de carnis generatione Dominum loqui, sed de vitæ institutione : et quia consuetudo Scripturarum est quam legebant, fornicationem spiritualiter appellari, cum diis multis et falsis anima tanquam prostituta subjicitur, ad hoc responderunt : (VERS. 41.) *Dixerunt itaque ei : Nos ex prostitutione non sumus nati, unum Patrem habemus Deum*. Jam viluit Abraham : repulsi sunt enim, quomodo repellit debuerunt [Ms., voluerunt] ore veridico; quia erat talis Abraham, cuius factum non imitabantur, et de illius genere gloriabantur. Et mutaverunt responsionem, credendo [Aug. et Ms., credo] dicentes apud seipso, quotiescumque nominaverimus Abraham, dicturus est nobis : Quare non imitamini eum de cuius genere gloriamini? Nos sanctum, justum, innocentem, tantum virum imitari non possumus : Deum dicamus Patrem nostrum; videamus quid nobis dicturus est. Nunquid si falsitas invenit quod diceret, et veritas non inveniret quod responderet? Audiamus quid dicant, audiamus quid audiant : *Unum, inquit, Patrem habemus Deum*. (VERS. 42.) *Dixit ergo eis Jesus : Si Deus Pater rester esset, diligenteris me utique : Ego enim ex Deo processi et veni*. Neque enim a meipso reni, sed ille me misit, a Deo processi et veni. Christi ergo missio, incarnationis est ejus. Quod vero de Deo processit Verbum, æterna processio est, non habens tempus per quem factum est tempus. Ergo ab illo processit ut Deus, ut æqualis, ut Filius unicus, ut Verbum Patris; venit ad nos, quia Verbum caro factum est, ut habitaret in nobis. Adventus ejus, humanitas ejus; mansio ejus, divinitas ejus.

VERS. 43. — *Quare, inquit, loquelam meam non cognoscitis? Quia non potestis audire sermonem meum. Ido non poterant cognoscere, quia non poterant*

A audire. Sed unde audire non poterant, nisi quia corrigi credendo noblebant? Et hoc unde? *Vos ex patre diabolo estis*. Quandiu patrem commemoratis? Quandiu patrem **554** mutatis, modo Abraham, modo Deum? Audite a Filio Dei, cujus filii estis. *A patre diabolo estis*. Deus itaque creator omnium creaturarum creavit hominem. Quomodo hic dicit: *Vos a patre diabolo estis?* Quidquid a Deo creatum est, bonum est, et omnis homo, quantum creatura Dei est, bonus est: quantum vero se subiectit per liberum arbitrium diabolo, a patre diabolo est. *Bona est enim hominis natura, sed vitia erat per malam voluntatem, et inde a patre erat diabolo*. Quod fecit Deus non potest esse malum, si ipse homo non sit sibi malus. Inde ergo Judæi dicti sunt filii diaboli, non nascendo, sed imitando. Consuetudo vero sanctæ Scripturæ est ex imitatione vel similitudine operum filios saepe nominare, ut Propheta ad Judæos ait: *Pater tuus Amorrhæus et mater tua Cethæa* (Ezech. xvi, 3). Amorrhæi gens erat quædam, unde originem Judæi non ducebant; Cethæi et ipsi gentem suam habebant omnino alieni a genere Judeorū. Sed quia erant impii Amorrhæi et Cethæi; Judæi autem imitati sunt impietas illorum; invenerant sibi [Aug., invenerunt sibi] parentes, non de quibus nascerentur, sed quorum mores sectando pariter damnarentur. Queritis autem fortasse, unde ipse diabolus? Inde utique, unde et cæteri angeli. Cæteri angeli in sua obedientia persistenterunt: ille inobediendo et superbiendo lapsus est angelus, et factus est diabolus. Sed modo audite quid dicit Dominus: *Vos, inquit, a patre diabolo estis, et desideria patris vestri facere vultis. Quæratis me occidere, hominem qui veritatem vobis dico*. Et ille invidit homini, et occidit hominem. Diabolus autem cum invideret homini, serpentem induitus, locutus est mulieri, et de muliere venenavit et virum. Mortui sunt diabolus audiendo, quem non audissent si Deum audire voluissent: positus enim homo inter Deum qui creavit eum, qui [Aug. addit: et eum, qui lapsus est] obtemperare debuit creatori, non deceptor. Ergo ille homicida erat ab initio. Videte genus homicidi fratres. Homicida dicitur diabolus, non gladio armatus, non ferro accinctus. Ad hominem venit, verbum malum seminavit, et occidit. Noli ergo putare te non esse homicidam, quando fratri tuo mala persuades: si fratri tuo mala persuades, occidis. Audi Psalmistam: *Filiī hominum dentes eorum arma et sagittæ, et lingua eorum machæra acuta* (Psal. lvi, 5). Vos ergo desideria patris vestri facere vultis, ideo scèvitis in carnem, quia non potestis in mentem. *Ille homicida erat ab initio*; utique in primo homine. Ex illo, ille homicida, ex quo potuit fieri homicidium [Aug. addit: ex illo potuit fieri homicidium], ex quo factus est homo. Non enim posset occidi homo, nisi prius fieret homo. *Homicida ergo ille ab initio*. Et unde homicida? *Et in veritate non stetit, quia veritas non est in eo*. Non quomodo in Christo, sic est veritas, ut Christus ipse sit veritas. Si ergo iste in veritate

stetisset, in Christo stetisset. Sed in veritate non stetit, quia veritas non est in eo.

VERS. 44. — *Cum loquitur mendacium, ex propriis loquitur, quia mendax est et pater ejus. Quid est hoc? Audistis verba Evangelii, intenti accepistis : ecce repeto, ut agnoscatis quid exigatis. De diabolo Dominus ea dicebat, quae de diabolo dici a Domino meruerunt [Aug., debucrunt]. Ille homicida erat ab initio. Verum est : nam primum hominem occidit ; et in veritate non stetit, quia de veritate lapsus est. **Cum loquitur mendacium, utique ipse diabolus, de proprio loquitur, quia mendax est et pater ejus.** *Diabolus autem a semetipso mendax fuit, et mendacium suum ipse genuit, a nemine audivit prius mendacium. Quomodo Deus Pater genuit Filium veritatem; sic diabolus genuit quasi filium mendacium.**

Mendacium genuit, quia in veritate non stetit. Omnis enim qui in Deo manet, in veritate manet, quia Deus veritas est. Si quis vero a Deo recesserit, mendax erit, dicente Psalmographo : *Omnis homo mendax* (*Psalm. cxv.*). In quantum vero homo a Deo recedit, in tantum mendax erit, dum se a veritate declinaverit, et inde peccator erit : quia omne peccatum non est veritas, sed mendacium, quia recebendo a Deo non habet veritatem. Diabolus vero bonus creatus est, sed per seipsum malus factus est, declinando se a summo bono. Ideo ex propriis locutus est mendacium, quia in seipso invenit unde esset mendax. Homo vero deceptus a diabolo, factus est a diabolo mendax. Ideoque filius diaboli, non natura, sed imitatione. Recedamus ergo a patre **555** mendacii, curramus ad Patrem veritatis. Amplectamur veritatem ut accipiamus veram libertatem. *Judei apud patrem suum viderant quod loquebantur : quid, nisi mendacium? Dominus autem apud patrem suum vidit quod loqueretur : quid, nisi seipsum? quid, nisi verbum Patris aeternum et Patri coeternum?* Ideo subjunxit : (*Vers. 45.*) *Ego veritatem dico vobis, et non creditis mihi.* Nam mendax mendacium loquitur, sed veritas veritatem profert. Diabolus mendax, Christus vero veritas et veritatis assertor : quia ex veritatis ore nihil aliud poterit procedere, nisi veritas. Sequitur ergo :

CAPUT XXIII.

Qui sermonem suum servaverit, eum mortem non evenerit in aeternum dicit. Et inter cetera plurima, ante Abraham se esse affirmans exiit de templo.

VERS. 46. — *Quis ex vobis arguet me de peccato, sicut ego arguo vos, vestrumque patrem de peccato et mendacio? Ecce qualis est mansuetudo Christi. Relaxe pccata venerat, et dicebat : Quis ex vobis arguet me de peccato? Non designatur ex ratione ostendere se peccatorem non esse, qui ex virtute divinitatis poterat peccatores justificare.* Interrogat eos quare veritatem non velint credere dicentem : *Si veritatem locutus sum vobis, quare non creditis mihi, nisi quia filii diaboli estis, et non ve-*

^a Ex S. Greg. hom. 18, num. 1.

^b Ex S. Aug., tract. xi.ii, num. 15, 16.

PATR. C.

A ritatis ; filii diaboli non natura, sed imitatione? Reddeditque [*Al., retulitque*] causam cur veritati non crederent, cum dicit : (*Vers. 47.*) ^c *Ideo vos non auditis, quia ex Deo non estis.* Iterum noli attendere naturam, sed vitium. Sic sunt isti ex Deo, et non sunt ex Deo, natura ex Deo, vitio non ex Deo. Natura vero bona quae ex Deo est, peccavit voluntate, credendo quod diabolus persuasit, et vitiata est : ideo medicum querat, quia sana non est. Agnoscatur natura unde Creator laudetur ; agnoscatur vitium propter quod medicus advocetur. Terribile est quod subdit : ^c *Qui est ex Deo, verba Dei audit : propterea vos non auditis, quia ex Deo non estis.* Si enim ipse verba Dei audit qui ex Deo est, et audire verba ejus non potest quisquis ex illo non est, interroget se unusquisque si verba Dei in aure cordis percipit, et intelligit unde sit. Coelestem patriam desiderare Veritas jubet, carnis desideria conteri, mundi gloria declinare, aliena non rapere, propria largiri. Penset ergo apud se unusquisque vestrum si haec vox Dei in cordis ejus aure convaluit, et quia [jam] ex Deo sit, agnoscit. Dixerunt ergo Iudei : (*Vers. 48.*) *Nonne bene dicimus nos, quia Samaritanus es tu, et democriam habes?* Accepta autem tanta contumelia, quid Dominus respondeat, audiamus : (*Vers. 49.*) *Ego daemonium non habeo, sed honorifico Patrem meum, et vos inhonoratis me.* Quia enim Samaritanus interpretatur custos, et ipse veraciter custos est, de quo Psalmista ait : *Nisi Dominus custoderit civitatem, invanum vigilant, qui custodiunt eam* (*Psalm. cxxvi, 1.*) ^D C Et cui per Isaiam : *Custos quid de nocte? custos quid de nocte* (*Isai. xxi, 11.*)? Respondebere noluit Dominus, Samaritanus non sum ; sed ego daemonium non habeo. Duo quippe ei illata fuerant, unum negavit, et aliud tacendo consensit. Custos namque humani generis venerat ; et si Samaritanum se non esse diceret, esse se custodem negaret. Sed tacuit quod recognovit, et patienter repulit quod dictum fallaciter aulavit, dicens : *Ego daemonium non habeo.* Hic vero in semetipso nobis Dominus patientiae praebuit exemplum ; quia si respondere voluisset Iudeis, vos daemonium habetis, verum utique dixisset : quia nisi impleti daemonio, tam perverse [Greg., tam perversa] de Deo loqui non possent. Sed accepta injuria, etiam quod verum erat dicere Veritas noluit, ne non disisses veritatem, sed provocatus contumeliam reddidisse videretur. Ex qua re, quid vobis innuitur, nisi ut eo tempore, quo a proximis ex falsitate contumelias accipimus, eorum etiam vera mala taceamus, ne ministerium justae correptionis in arma vertamus furoris? Sed quid nobis ad ista faciendum sit, adhuc exemplo nos admonet, cum subjungit : (*Vers. 50.*) *Ego non quero gloriam meam, est qui* **556** *querat et judicet.* Scimus certe quod scriptum est, quia *Pater omne iudicium dedit Filio* (*Ioan. v, 22.*) : et tamen ecce idem Filius injuries accipiens, gloriam suam non querit. Illatas contumelias Patris iudicio

^c Ex S. Greg. loc. cit. mun. 2.

reservat, ut nobis profecto insinuet quantum nos esse patientes debemus, dum adhuc se ulcisci non vult et ipse qui judicat. Cum vero malorum perversitas crescit, non solum frangi predicatione non debet, sed etiam augeri. Quod suo Dominus exemplo nos admonet, qui postquam habere dæmonium dictus est, prædicationis suæ beneficia largius impedit dicens : (VERS. 51.) *Amen, amen dico vobis : si quis sermonem meum servaverit, mortem non videbit in æternum.* Sed sicut bonis necesse est ut meliores etiam per contumelias existant, ita semper reprobri de beneficio pejores sunt. Nam accepta prædicatione, iterum dicunt : (VERS. 52.) *Nunc cognovimus quia dæmonium habes.* Quia enim æternæ morti inhiberant, et eamdem mortem cui inhiberant, non videbant, dum solam mortis carnem [Al., mortem carnis] aspicerent, in veritatis sermone caligabant, dicentes : *Abraham mortuus est, et prophetæ, et tu dicas : Si quis sermonem meum servaverit, mortem non gustabit in æternum.* Unde et ipsi veritati enundam Abraham et prophetas quasi venerantes præferunt. Sed aperta nobis ratio ostenditur, quia qui Deum nesciunt, Dei quoque famulos false venerantur. » *Vos, inquit, dicitis : Dæmonium habes.* Ego vos ad vitam voco : servate sermonem meum, et non moriemini. Illi audiebant, *mortem non videbit in æternum, qui servaverit sermonem meum,* et irascabantur, quia jam mortui erant illa morte quæ vivenda erat. Nam illam mortem vitare non potuerunt, qua mortuus est Abraham, et prophetæ, id est, carnis mortem; nam Abraham spiritu vivebat : et ideo de eo ipsa Veritas ait alio loco : *Non est Deus mortuorum, sed virorum.* ▲ *Quid est quod dicit, mortem non videbit in æternum?* (Matth. xxii.) Id est, mortem damnationis cum diabolo et angelis ejus. Nam ista mors corporis, migratio quædam est sanctis ad meliorem vitam : impiis vero ad poenas perpetuas, quas hic mortis nomine Veritas designare voluit. Sed ista morte, quam Dominus voluit intelligi, nec Abraham mortuus est, nec prophetæ mortui sunt. Illi enim mortui sunt, et vivunt, isti vivebant, et mortui erant.

Vers. 53. — « *Quem te ipsum facis, inquiunt, ut dicas, mortem non videbit in æternum, qui servaverit sermonem meum;* cum scias et Abraham mortuum et prophetas mortuos? Respondit Jesus : (VERS. 54.) *Si ego glorifico me ipsum, gloria mea nihil est. Est Pater meus, qui glorificat me.* Hoc ait propter illud quod dixerunt : *Quem te ipsum facis?* Resert enim gloriam suam ad Patrem, de quo est quod Deus est. Dicit Patrem suum Dominus Jesus Christus, quem illi dicebant Deum suum, et non cognoverunt; si enim ipsum cognovissent, ejus Filium receperissent. (VERS. 55.) *Ego autem, inquit, novi eum.* Secundum carnem judicantibus, potuit et hinc arrogans videri, quia dixit : *Ego novi eum.* Sed vide quid sequitur :

^a Vide S. Aug., tract. xliii, num. 43, 45.
^b S. Greg. loc. cit. num. 3, 4.

A *Si dixero, non nori eum, ero similis robis mendax.* Ergo arrogantia non ita vitatur, ut veritas relinquatur. Sed scio eum, et sermonem ejus servo. Sermonem Patris tanquam Filius loquebatur, et ipse erat Verbum Patris quod hominibus loquebatur.

VERS. 56. — « ^{a b} Et notandum quod vidit eos Dominus aperta sibi impugnatione resistere, et tamen eis se iterata non desinit voce prædicare, dicens : *Abraham pater vester exultavit, ut videret diem meum : et vidit, et gavisus est.* Tunc quippe diem Domini Abraham vidit, cum in figura summae Trinitatis tres angelos hospitio recepit : quibus profecto susceptis, sic tribus quasi uni locutus est, quia etsi in personis numerus Trinitatis est, in natura unitas divinitatis est. Sed carnales mentes audientium oculos a carne non sublevant; in eo solam carnis ætatem [Al., sola carnis ætatem] pensant, dicentes . (VERS. 57.) *Quinquaginta annos nondum habes, et Abraham vidisti?* Quos benigne Redemptor noster a carnis suæ intuitu submovet, et ad divinitatis contemplationem trahit dicens : (VERS. 58.) *Amen, amen dico vobis, antequam Abraham fieret, ego sum.* Ante enim præteriti temporis est, *sunt, presentis.* Et quia præteritum tempus et futurum divinitas non habet, sed semper esse habet, non ait : *Ante Abraham ego fui : sed, ante Abraham ego sum.* Unde ad Moysen 557 dicitur : *Ego sum, qui sum ; et, dices filiis Israel : Qui est, misit me ad vos* (Exod. iii, 14). Ante ergo vel post Abraham habuit, qui et accedere potuit per exhibitionem præsentiae, et recedere per cursum vitæ. **C** Veritas vero semper esse habet, quia ei quidquama nec priore tempore incipitur, nec subsequenti terminatur. Sed sustinere ista æternitatis verba, mentes infidelium non valentes, ad lapides currunt, et quem intelligere non poterant, obruere quærebant. Quid autem contra fuorem lapidantium Dominus fecit, ostenditur cum protinus subinfertur : (VERS. 59.) *Iesus autem abscondit se, et exiit de templo.* Mirum valde est, fratres charissimi, cur persecutores suos Dominus sese abscondendo declinaverit, qui si divinitatis suæ potentiam exercere voluisse, tacito nutu mentis in suis eos ictibus ligaret, aut in pena mortis subitis obrucret. Sed quia pati venerat, exercere judicium solebat. Certe sub ipso passionis tempore, et quantum poterat ostendit, et tamen hoc ad quod venerat, pertulit. Nam cum persecutoribus suis se quærentibus diceret : *Ego sum, sola hac voce eorum superbiam perculit, et omnes in terram stravit* (Joan. xviii, 6). Qui ergo hoc in loco potuit manus lapidantium non se abscondendo evadere, cur abscondit se, nisi quod homo inter homines factus Redemptor noster, alia nobis verbo loquitur, alia exemplo? Quid autem nobis hoc exemplo loquitur, nisi, ut etiam cum resistere possumus, iram superbientium humiliiter declinemus ? »

^a Hucusque S. Gregorius.

LIBER QUINTUS.

CAPUT XXIV.

*Cæco a natiritate illuminato, multaque Pharisæis
anxietate turbatis, mundi lucem se dicit. Postea
cognitus ab illuminato cæco adoratur.*

CAPUT IX. VERS. 1. — Postquam exiisset Dominus de templo Iudeorum, quid fecisset in populo gentium, imo totius humani generis, audiamus. Sequitur enim evangelista, et dicit: *Præteriens vidit hominem cæcum a nativitate.* « Ea quippe que fecit Dominus noster Jesus Christus stupenda atque miranda, et opera et verba sunt: opera, quia facta sunt, verba, quia signa sunt. Si ergo quid significet hoc quod factum est, cogitemus, genus humanum est iste cæcus: hæc enim cæcitas contigit in primo homine per peccatum, de quo omnes originem duximus, non solum mortis, sed etiam iniquitatis. Si enim cæcitas est infidelitas et illuminatio fides; quem fidelem, quando venit, Christus invenit? » Ideo evangelista de Christo dicit: *Et præteriens.* Sic præteriit enim Christus, et non in via peccatorum nostrorum stetit; sicut in quadam parabola ipse Dominus ait: *Venit enim Samaritanus secus viam* (*Luc. x, 33*), qui venit sanare vulneratum semivivum: præteriit cæcum illuminare [*Apud Bedam, præteriens cæcum illuminat*], qui vulneratus in parabola dicitur, hic in re gesta cæcus illuminatur. « *Vidit ergo hominem cæcum, non utcunque cæcum, sed cæcum a nativitate.* » Omnes enim homines præter illum solum qui ex virgine natus est, originali peccato cæci, id est, cum peccato nati sunt, quod ex radice peccatrice primi parentes traxerunt. (*Vers. 2.*) *Interrogaverunt eum discipuli ejus: « Rabbi. Scis [Ms., scitis], quia Iacobus magister est. Magistrum appellabant, quia discere desiderabant. Quæstionem quippe Domino proposuerunt, tanquam magistro:*

Vers. 3. — *Quis peccavit, hic aut parentes ejus, ut cæcus nasceretur? Respondit Jesus: Neque hic peccavit, neque parentes ejus [ut cæcus nasceretur].* Quid est quod dixit? Si nullus homo sine peccato, nunquid parentes hujus cæci sine peccato erant? Nunquid ipse sine peccato originali natus erat, vel vivendo nihil addiderat? Si ergo et parentes ejus habuerunt peccatum, et iste habuit peccatum, quare Dominus dixit, *Neque hic peccavit, neque parentes ejus, nisi ad rem respondit, de qua interrogatus est, cur cæcus nasceretur?* Habant **558** enim peccatum parentes ejus, sed non ipso peccato factum est ut cæcus nasceretur. Si ergo non peccato parentum factum est ut cæcus nasceretur, quare cæcus natus est? Audi magistrum docentem: quærerit credentem, ut faciat intelligentem. Ipse causam dicit quare sit filius cæcus natus: *Neque hic peccavit, inquit, neque parentes ejus, sed ut manifestetur opera Dei in illo.* » Non solum quid in hoc tantummodo cæco acturus sim, sed ut manifestetur quid in cæcitate totius humani

• Ex S. Aug., tract. **XLIV**, num. 1-17.

A generis per me agendum sit. [Deinde securus adjunxit]: *Me oportet operari opera ejus qui misit me, donec dies est.* « Memento quomodo universam gloriam illi dat de quo est; quia ille habet Filium qui de illo sit, ipse non habet de quo sit. » Quæ sunt opera Domini propter quæ venit Filius Dei in mundum, nisi cæcitatem humani generis illuminare, vulnerata quæque sanare, perdita requirere, deformia reformare? Sed quid est quod dixit? (*Vers. 4.*) *Me oportet operari opera ejus qui misit me, donec dies est. Venit enim nox, quando nemo potest operari.* « Constat expressum ac definitum diem commemorasse Dominum in hoc loco se ipsum, id est, lumen mundi. (*Vers. 5.*) *Quandiu, inquit, sum in hoc mundo, lumen sum mundi.* Ergo ipse operatur. Quandiu est autem in hoc mundo? Putamus, fratres, cum fuisse hic tunc, et modo non hic esse? Si hoc putamus, jam ergo post ascensum Domini facta est nox ista metuenda, ubi nemo possit operari. » Si post ascensionem facta est nox ista, quid est, quod ait discipulis suis ascendens in cœlum: *Ecce ego vobiscum sum omnibus diebus usque ad consummationem sæculi* (*Matth. xxviii, 20*)? Qui tunc corporali præsentia fuit in mundo, nunc divina potentia præsens est ubique in mundo. Audivimus diem, audiamus quæ sit nox ista. « Quid igitur? Quid dicemus de nocte ista? Quando erit, quando nemo poterit operari? Nox ista impiorum erit; nox ista eorum erit, quibus in sine dicetur: *Ite in ignem eternum, qui paratus est diabolo et angelis ejus* (*Matth. xxv, 41*). Sed et nox dicta est, non flamma, non ignis. Audi, quia et nox est. De quodam servo dicitur: *Ligate illi manus et pedes, et projicite eum in tenebras exteriores* (*Matth. xxii, 13*). Operetur ergo homo [*Aug. add. dum vivit*], ne illa nocte præveniatur, ubi nemo possit operari. Modo est ut operetur fides per dilectionem; et si modo operamur, hic est dies, hic est Christus. Audi promittentem, et ne arbitriteris absentem: *Ecce ego vobiscum sum omnibus diebus usque ad consummationem sæculi.* Ibi enim erit nox ubi nemo possit operari, sed recipere quod operatus est. Aliud est tempus operationis, aliud receptionis: redet enim unicuique secundum opera sua. » Audiamus sollicita mente Apostolum exhortantem nos operari, dum tempus habemus. Dicit enim: *Dum tempus habemus, operemur bonum ad omnes* (*Galat. vi, 10*). Quid enim Christus dixerit, admonendo bonos, terendo malos, audivimus; sed videamus quid fecerit. (*Vers. 6, 7.*) *Hæc cum dixisset, exspuit in terram, et fecit lutum ex sputo, et linivit lutum super oculos ejus, et dixit ei: « Vade et lava in natatoria Siloe, quod interpretatur missus.* Quid fecit Dominus, perspicuum est. Illuminatio facia est in cæco, sed magnum misterium commendatur in humano genere. « *Exspuit in terram, de saliva lutum fecit, quia Verbum caro*

factum est. Et unxit oculos cæci. Inunctus erat, et nondum videbat. Mittit illum ad piscinam, quæ vocatur Siloe. Pertinuit autem ad evangelistam commendare nobis nomen hujus piscinæ, et ait: *Quod interpretatur missus.* Jam quis est missus, agnoscitis: nisi enim ille fuisset missus, nemo nostrum fuisset ab iniuitate dimissus. Lavit ergo oculos in ea piscina, quæ interpretatur missus, baptizatus est in Christo. Si ergo quando eum in se ipso quodammodo baptizavit, tunc illuminavit, quando inunxit, forfasse catechumenum fecit. Potest quidem aliter atque aliter tanti sacramenti exponi et protractari profunditas; sed hoc sufficiat charitati vestræ. » Ungitur catechumenus, id est, doceatur ut credit in Christum; mittitur ad piscinam baptismi, ut illuminetur, ut lumen verum agnoscat, ut remissionem peccatorum accipiat, ut ex filio iræ efficiatur filius Dei, illuminatusque veniat prædicare Christum.

559 VERS. 8, 9. — *Itaque vicini, et qui videbant eum pr. us, quia mendicus erat, dicebant: Nonne hic es? qui sedebat et mendicabat?* Ati dicebant, quia hic est: *alii autem nequaquam, sed similis est ejus.* « Aperti oculi vultum mutaverant. Ille dicebat, quia ego sum. Vox grata, ne damnaretur ingrata. (VERS. 10, 11.) Dicebant ergo ei: *Quomodo aperti sunt oculi tui?* Respondit: *Ille homo qui dicitur Jesus [Ms., Christus] lutum fecit, et unxit oculos meos, et dixit mihi: Vade ad natatoriam Siloe, et lava.* Et abii, et lavi, et vidi. Ecce annuntiator factus est gratiae; ecce evangelizat, constitetur videns. Cæcus illum confitebatur, et cor impiorum ringebatur [Al., stringebatur; Aug. frangebatur], quia non habebant in corde quod ille jam habebat in facie. (VERS. 12.) Dixerunt ei: *Ubi est ille?* Ait: *Nescio.* In his verbis animus ipsius adhuc inuncto similis erat nondum videnti. Sed pon mus, fratres, tanquam illam unctionem in animo habuerit. Et prædicat, et nescit quem predicit. (VERS. 13, 15.) « Adducunt eum ad Phariseos, qui cæcus fuerat. Erat autem sabbatum, quando lutum fecit Jesus, et aperuit oculos ejus. Iterum ergo interrogabant eum Pharisei, quomodo vidisset? Ille autem dixit: *Lutum posuit super oculos meos, et lavi, et video.* Dicebant ergo ex Pharisæis quidam. Non omnes, sed quidam: *jam enim inungebantur quidam. Quid ergo dicebant, nec videntes nec uneti?* (VERS. 16.) *Non est iste homo a Deo, qui sabbatum non custodit.* Ipse potius custodiebat qui sine peccato erat. Sabbathum enim spiritale hoc est, non habere peccatum. Denique, fratres, hoc admonet Deus quando commendat sabbatum: *Omne opus servile non facietis* (Levit. xxiii, 8). Hæc sunt verba Dei sabbatum commendantis: *Omne opus servile non facietis.* Jam superiores lectiones interrogate, quid [Ms., quod] sit opus servile; et Dominum audite: *Omnis, qui facit peccatum, seruos est peccati* (Joan. viii, 54). Sed isti nec videntes, ut dixi, nec inuncti, sabbatum carnaliter observabant, spiritualiter violabant. Ati dicebant: *Quomodo potest homo peccator hæc signa facere?*

A Ecce sunt inuncti. *Et schisma crux in eis.* Dies ille divisus erat [Aug., divisorat] inter lucem et tenebras.

VERS. 17. — *Dicunt ergo cæco iterum: Tu quid dicas de eo qui aperuit oculos tuos? Quid de illo sentis? Quid existimas? Quid judicas?* Quærebant quemadmodum homini calumniarentur, ut de synagoga pelleretur, sed a Christo inveniretur. Sed ille constanter quod sentiebat, expressit. Ait enim: *Quia propheta est.* Adhuc quidem inunctus in corde, nondum Dei Filium constitutus, nec mentitur tamen. Ipse Dominus de seipso ait: *Non est propheta sine honore, nisi in patria sua* (Matth. xiii, 57).

VERS. 18. — « *Non crediderunt ergo Judæi de illo, quia cæcus fuisset [et vidisset], donec vocarerunt parentes ejus qui viderat.* Id est, qui cæcus erat et viderat. (VERS. 19, 20, 21.) *Et interrogaverunt eos, dicentes: Hic est filius vester, quem vos dicitis quia cæcus natus est?* Quomodo ergo nunc videt? Responderunt eis parentes ejus, et dixerunt: *Scimus quia hic est filius noster, et quia cæcus natus est.* Quomodo autem nunc videat, nescimus. *Et dixerunt:* *Ipsum interrogate: aetatem habet, ipse de se loquatur.* Scimus autem quia filius noster est; sed juste cogemur loqui pro infante, quia ipse pro se loqui non posset; olim loquitur, modo videt; cæcum a nativitate novimus, loquentem olim scimus, videntem modo videntem: ipsum interrogate, ut instruamini. (VERS. 22.) *Hæc dixerunt parentes ejus, quia timebant Judæos.* Jam enim conspiraverant Judæi, ut si quis eum confiteretur Christum, extra synagogam fieret. Jam non erat malum extra synagogam fieri. Illi expellebant, sed Christus excipiebat.

VERS. 23, 24. — *Propterea parentes ejus dixerunt:* quia aetatem habet, ipsum interrogate. Vocaterunt ergo rursum hominem qui fuerat cæcus, et dixerunt ei: *Da gloriam Deo.* « *Quid est, da gloriam Deo?* Nega quod accepisti. Hoc plane non est Deo gloriam dare, sed Deum potius blasphemare. *Da, inquit, gloriam Deo.* Nos scimus quia hic homo peccator est. (VERS. 25, 26.) *Dixit ergo ille:* *Si peccator est, nescio; unum scio, quia cæcus cum essem, modo video.* Dixerunt ergo illi: *Quid fecit, quomodo aperuit tibi oculos?* Et ille jam stomachans adversus duritiam Iudaorum, et ex cæco videns, non ferens cæcos, respondit eis: (VERS. 27) *Dixi vobis jam, et audistis: quid iterum vultis audire? Nunquid et vos vultis discipuli ejus fieri?* Quid est, *Nunquid et vos, nisi quia ego jam sum?* *Nunquid et vos vultis?* Jam video, **560** sed non video vos videre [Aug., sed non invideo]. (VERS. 28.) « *Maledixerunt ei, et dixerunt: Tu discipulus ejus sis.* Tale maledictum super nos et super filios nostros. Maledictum est enim si cor discutias, non si verba perpendas. (VERS. 29.) *Nos autem Moysi discipuli sumus.* Nos scimus quia Moysi locutus est Deus. Utinam sciretis, quia Moysi locutus est Deus; sic sciretis, quia per Moysen prædictus [Aug., prædicatus] est Deus. Habetis enim Deum dicentem: *Si credieritis Moysi, credieritis et mihi;* deinde enim scripsit (Joan. v, 46). Itane sequimini servum,

et dorsum ponitis contra Dominum? Sed nec servum sequimini; nam per illum ad Dominum duceremini.

VERS. 30, 31. — *Respondit ille homo, et dixit ei: In hoc mirabile est, quia vos nescitis unde sit, et aperuit oculos meos. Scimus autem, quia peccatores Deus non exaudit, sed qui [Ms., si quis] Dei cultor est, et voluntatem ejus facit, hunc exaudit Deus.* « Adhuc inunctus loquitur. Nam et peccatores exaudit Deus. Si enim peccatores Deus non exaudiret, frustra ille publicanus oculos in terram dimittens, et pectus suum percussiens diceret: *Domine, propitius esto mihi peccatori* (*Luc. xviii., 13.*) Et ista confessione meruit *justificationem*, quomodo iste cæcus illuminatum. » Sed peccatoribus lavandum est cor penitentiae lacrymis, ut exaudiatur; et fiat [*Ms.*, et fieri] in corde illorum quod factum est in facie cæci hujus; et sentiunt Deum illos exaudire, qui ut peccatores salvaret venit in hunc mundum.

VERS. 32, 33. — *A seculo non est auditum, quia aperuit quis oculos cæci nati. Nisi esset hic a Deo, non poterat facere quidquam.* Libere constanterque confessus est veritatem. Hac enim que facta sunt a Domino, a quo fierent nisi a Deo? Aut quando a discipulis talia fierent, nisi in eis Dominus habitat? (VERS. 34.) « *Responderunt et dixerunt ei: In peccatis natus es totus. Quid est totus?* Cum oculis clausis. Sed qui aperuit oculos, salvat et totum: ipse dabit in corde resurrectionem, qui in facie dedit illuminationem. *In peccatis totus natus es, et tu doces nos? Et ejecerunt eum foras.* Ipsi illum magistrum fecerant, ipsi ut disserent; toties interrogaverunt, et ingratitudinem projectum proponerunt. Sed ut dixi iamdudum, fratres, illi peccatores, Dominus suscepit: magis enim, quia expulsus est, Christianus factus est. » Certe projectus est iste de synagoga. Audivit Jesus, et invenerit eum, et dixit ei: (VERS. 35, 36.) *Tu credis in Filium Dei? Et ille: Quis est, Domine, ut credam in eum?* Videbat, et non videbat, videbat oculis tantum, sed corde adhuc non videbat. Ait illi Dominus: *Et vidi eum, quando illuminatus fuisti, hoc est oculus; Et qui loquitur tecum, ipse est.* « *Dum ergo audivit Jesus, quia ejecerunt eum foras, et cum inventisset eum, dixit ei: Tu credis in Filium Dei?* Modo lavat faciem cordis. Respondit ille, et dixit, quasi adhuc inunctus: *Quis est, Domine, ut credam in eum?* (VERS. 37.) *Et dixit ei Jesus: Et vidi eum, et qui loquitur tecum, ipse est.* Tunc prostratus adoravit eum. Tunc [Al., Nunc] lavit faciem cordis. Denique jam facie lata cordis, et mundata conscientia, agnoscens illum non Filium hominis tantum, quod ante crediderat, sed jam Filium Dei, quem videbat [Aug., Filium Dei, qui carnem suscepit], ait: (VERS. 38.) *Credo, Domine. Sed parum est dicere, credo. Vis videre quallem credat? Procidens adoravit eum.* » Si Dominum Dei Filium non credidisset quem videbat, nullatenus adorasset eum. Incumbit ergo orationibus, peccatores, confitemini peccata vestra, orate ut deleantur, orate ut minuantur,

A orate ut vobis proficiuntibus ipsa deficiant. Tamen nolite desperare, et peccatores orate. Quis enim non peccavit? A sacerdotibus incipe. Sacerdotibus dictum est: *Prius offerte sacrificia pro peccatis restris, et sic pro populo* (*Hebr. vii., 27.*) Sequitur:

VERS. 39. — *In judicium ego in hunc mundum veni, ut qui non vident, videant, et qui vident, cœci fiant.* Quid est, quod dicit, *In judicium ego in hunc mundum veni, dum alio loco dicit: Non enim veni, ut judicem mundum* (*Joan. iii., 17, 18.*) nisi quia aliud est iudicium discretionis, aliud est iudicium damnationis, de quo ipse Dominus ait alibi: *Qui non credit in me, jam judicatus est, id est, damnatus.* Ille enim in hoc loco, sicut in sequentibus verbis patet, iudicium discretionis significat, dum ait: *Ut qui non vident, videant, et qui vident, cœci fiant.* « *Quid est, ut qui non vident, videant?* Qui se non videre constentur, et medicum querunt ut videant. *Et qui vident, cœci fiant.* Quid est, *qui vident, cœci fiant?* Id est, qui se putant videre, et medicum non querunt, sed in sua cœcitate **581** permanent [Aug., permaneant]. Ergo istam discretionem vocavit iudicium; » quia discernit humiles a superbis, credentes a non creditibus, medicum querentes ab eis qui medicum querere contemnunt. O Domine, venisti, ut qui non vident, videant; recte, quia lumen es; recte, quia dies es; recte, quia de tenebris liberas homines. Hoc omnis anima accipiat, hoc omnis anima intelligat, ut non maneat in tenebris; sed illuminetur ab eo, qui illuminat omnem hominem venientem in hunc mundum.

VERS. 40. — *Commoti sunt enim verbis istis quidam ex Pharisæis, et dixerunt ei: Nunquid et nos cœci sumus? Audiant [Ms., audi jam] quid est quod movehat: Et qui vident, cœci fiant.*

VERS. 41. — *Dixit eis Jesus: Si cœci essetis, non haberetis peccatum. Cum sit cœcitas ipsa peccatum. Si cœci essetis, id est, si vos cœcos adverteretis, et ad medicum curreteretis; si ergo ita cœci essetis, non haberetis peccatum. Nunc vero dicitis, quia videmus, vestrum peccatum manet.* Quare? Quia dicendo, *Videamus, medicum non queritis, in cœcitate vestra remanetis.* » Sequitur:

CAPUT XXV.

Qui non intrat per ostium in orile ovium, surem esse, ostiumque se et pastorem ovium, pro quibus se animalia positurum suam, et alias oves adducturum, ut fiat unum ovile et unus pastor, d.cit.

CAPUT X. VERS. 1-6. — *Amen, amen dico vobis, qui non intrat per ostium in ovile ovium, sed ascendit aliunde, ille sur est, et latro; [usque in eum locum]: Hoc proverbium dixit eis Jesus: Illi autem non cognoverunt quid loqueretur eis.* « *Propter Pharisæorum qui se videre jactabant cum cœci erant, venenalem, et superbam, et insanabilem arrogantiæ, Dominus Jesus ista contexuit, quæ in hac parabola leguntur, quam ipse illis non intelligentibus exponere dignatus est; in qua nos salubriter, si advertamus, admonet, non gloriari in sapientia humana, non in morum di-*

* Ex sancto Augustino, tract. xlvi in Joan., mmm. 2, 3, 5, 6, 8, 9, 14, 15.

gnitate, si humilitas fidei catholicæ in Christum de-
sit. « Multi enim sunt pagani, qui secundum quam-
dam vitæ hujus consuetudinem dicuntur boni homi-
nes, innocentes, et quasi observantes ea quæ in lege
præcepta sunt; deserentes honorem parentibus suis,
non mœchantes, non homicidium perpetrantes, non
furtum facientes, non falsum adversus quemquam
testimonium perhibentes; et cætera, quæ in lege man-
data sunt, velut observant [Ms., velut observantes],
et Christiani non sunt; et plerumque se jactant, quo-
modo isti Pharisæi, dicentes : *Nunquid et nos cæci-
sumus?* » Sed hæc omnia ianiter faciunt, quia non
intrant per ostium, sed aliunde, tumido fastu quasi
per se ipsos ascendere querunt. « Quapropter Domi-
nus similiitudinem proposuit de grege suo, et de ostio
quo intratur ad ovile. » Quid enim prodest vana ja-
ctantium de bene vivendo inflatio, dum ad finem per-
petualiter bene vivendo vita eorum non perveniat?
« Ad hoc enim debet unicuique prodesse bene vivere,
ut detur illi semper bene vivere; nam si cui non
datur semper bene vivere, quid prodest ei bene vivere
ad tempus? Igitur nec bene vivere dicendi sunt, qui
finem bene vivendi vel cæcitatem nesciunt, vel infla-
tione contemnunt. Non est autem cuiquam spes vera
et certa semper vivendi, nisi agnoscat vitam quæ est
Christus, et per januam intret in ovile. » Sunt enim
quidam homines qui in suis gloriantur moribus, et
alios post se trahere querunt, non de Christi præ-
ceptis instruentes suos sectatores, sed suis exemplis
vivere eos suadentes, de quibus alio loco ipsa Veritas
ait : *Docentes doctrinas hominum* (Matth. xv, 9), et
mandata Dei contemnentes. « Hi per aliam partem
ascendere querunt, rapere et occidere; non ut pastor,
salvare atque conservare. » De talibus hic dictum
est : *Sed ascendit aliunde, ille sur est, et latro.* Non
solum vero tales inveniuntur doctores inter eos qui
sine nomine Christi sunt, sicut multi philosophorum
qui suam sapientiam buccis crepantibus ventilabant,
et vitam beatam [suis] sectatoribus promiserunt;
verum etiam plurimi **562** qui Christiano nomine
censebantur, et illuminatos a Christo se esse jacta-
bant, fingentes sibi nova quæque nomina de Christo,
et fidei catholicæ contraria, sicut innumerabiles hæ-
retici faciebant, aestimantes se falso nomine per
januam, quæ Christus est, intrare. « Sabellius dicit :
Qui Filius est, ipse est Pater : sed Filius [Aug., si
Filius] non est Pater. Non intrat per ostium, qui
Filius dicit Patrem. Arianus [Ms., Arius] dicit :
Aliud est Pater, aliud Filius. Recte diceret, si diceret
alius, non aliud. Quando enim dicit aliud, ei contra-
dicit a quo audit : *Ego et Pater unum sumus* (Joan. x,
30). Nec ipse ergo intrat per ostium : prædicat enim
Christum qualem sibi pingit [Aug., fingit], non qua-
lem veritas habet [Aug., dicit]. Photinus dicit :
Christus homo tantum est, non Deus. Nec ipse intrat
per ostium, quia Christus et homo et Deus est. »
Hnic enim nova hæresis quæ nostris temporibus orta
est, consentire videtur affirmando et prædicando :
Christus, sicut quilibet sanctus, nuncupativus Deus

A est, et non verus. « Quid est opus multa percurrere?
et multa vana hæresum dinumerare? Illoc tenete; in
ovili Christi Ecclesiam catholicam esse, credite [Aug.,
Hoc tenete, ovile Christi esse catholicam Ecclesiam]. Quicunque vult intrare ad ovile, per ostium intret, id
est, per Christum intret, et Christum verum Deum,
et verum Filium Dei prædicet. Non solum Christum
prædicet, sed Christi gloriam querat, non suam :
nam multi querendo gloriam suam, oves Christi
sparserunt potius quam congregaverunt. Humilis est
enim janua Christus Dominus Deus noster : qui in
trat per hanc januam, oportet humiliet se, ut sano
capite possit intrare. » Hi sunt qui vocem veri pasto-
ris audiunt; hi sunt quos proprias oves nominatum
verus pastor vocat. De his dictum est : *Gaudete et
exsultate, quoniam nomina vestra scripta sunt in caelis*
(Luc. x, 20). Hinc enim eas vocat nominatum. « Et
quis eas alius emitit, nisi qui earam peccata dimisit,
ut eum sequi duris liberatae vinculis possiat? Et quis
eas processit, quo eam sequantur, nisi qui resurgens
a mortuis jam non moritur, et mors illi ultra non
dominabitur (Rom. vi, 9)? » Has vero educit a fide
ad speciem, et ante istas radit, quia prior omnium
ascendit in cœlum : et quæ sunt oves suæ, illum. se-
quuntur, quia sciunt vocem doctrine ejus ; alienos
vero doctores non sequuntur, sed fugiunt ab eis, quia
non noverunt vocem, id est, doctrinam alienorum.
Sed loquente Domino Jesu non intellexerunt qui au-
dierunt. Incrassatum enim habuerunt cor, et graviter
audierunt. « Nominat ostium, nominat ovile, nominat
oves : commendat hæc omnia, sed nondum exponit.
Legamus ergo, quia venturus est ad ea verba, in
quibus nobis aliqua, quæ dixit, dignetor exponere :
ex quorum expositione dabit nobis fortasse [etiam]
illa quæ non exposuit intelligere. Pascit enim mani-
festis, exercet obscuris. » Audiamus exponentem,
qui audivimus proponentem.

VERS. 7. — *Dicit ergo eis iterum Jesus : Amen,*
amen dico vobis, quia ego sum ostium ovium. Ecce
ipsum ostium quod clausum posuerat, aperuit. Ipse
est ostium : agnovimus, intremus, ut nos intrasse gau-
deamus. (VERS. 8.) *Omnès, quotquot venerunt, fures sunt*
et latrones. Quid est hoc, Domine, *Omnès, quotquot*
venerunt? Quid enim, tu non venisti? Sed intellige :
Omnès, quotquot venerunt, dixit [Aug., dixi], utique
præter me. Recolamus ergo. Ante adventum ipsius
venerunt prophete : nunquid fures fuerunt et latro-
nes? Absit. Non præter illum venerunt, sed cum illo
venerunt. Venturus præcones mittebat, sed eorum
corda quos miserat, possidebat. Cum illo ergo vene-
runt, quia cum verbo Dei venerunt. *Ego sum,* inquit,
via, veritas et vita (Joan. xiv, 6). Ipse est veritas ;
cum illo venerunt, quia veraces fuerunt et veritatem
prædicaverunt. Quotquot autem præter illum vene-
runt, fures fuerunt et latrones. » Per se venerunt,
quia per eum missi non fuerunt, dicente Apostolo :
Quomodo prædicabunt, nisi mittantur (Rom. x, 15)?
Et qui [Ms., quia] per se venerunt, et non sunt ab eo
missi, fures sunt et latrones. Nam ante adventum

Christi falsi fuerunt in populo Dei prophete, falsi doctores. Sicut post adventum illius sub nomine Christiano, quamplurimi falsi fuerunt doctores, nec doctores, sed seductores; non prædicatores, sed falsi prædicatores [Ms., sed priedatores], latrocinia exercentes, non sanæ doctrinæ inhærentes. De quibus dictum est: *Fures sunt et latrones*, id est, ad furandum 583 et occidendum venerunt. Sed non audierunt eos illæ quæ veræ sunt oves, non sub pelle ovina lupinum cor abscondentes. Igitur qui ante adventum Christi predicaverunt, eodem spiritu predicaverunt quo apostoli et sancti doctores, qui post adventum Christi veritatis viam mundo ostenderunt. Quotquot autem illo tempore crediderunt vel Abraham, vel Isaac, vel Jacob, vel Moysi, vel aliis patriarchis, aliquis prophetis Christum prænuntiantibus, oves erant, et Christum audierunt: non alienam vocem, sed ipius Christi audierunt. Nam judex clamat in præcone, dum præaco judicem annuntiat venturum. Alii sunt ergo quos non audierunt oves, in quibus non erat vox Christi, errantes, falsa dicentes, inania garrantes, vana fingentes, miseros seducentes, sicut pseudoprophetæ, sicut Scribæ et Pharisæi temporibus ipsius Domini. Hi sunt qui venerunt per se, et non sunt a judice missi. His vero cum doctrinis suis procul expulsis, videamus quo nos pastor bonus vocat. Dicit enim: (VERS. 9.) *Ego sum ostium: per me si quis introierit, salvabitur, et ingredietur, et egredietur, et pascua invenerit.* Et hoc evidenter ostendit non solum pastorem, sed etiam oves intrare per ostium. Sed quid est, *ingredietur et egredietur, et pascua inveniet?* Ingredi quippe in Ecclesiam per ostium Christum, valde bonum est: exire autem de Ecclesia, sicut ait ipse Joannes evangelista in epistola sua: *Ex nobis exierunt, sed non erant ex nobis* (I Joan. ii, 20); non est utique bonum. Talis ergo egressus non posset a bono pastore laudari, ut diceret: *Et ingredietur et egredietur, et pascua inveniet.* Est ergo aliquis non solum ingressus, verum etiam egressus bonus per ostium bonum, quod est Christus. Sed quis est ille laudabilis et beatus egressus? Possum quidem dicere ingredi nos, quando interius aliquid cogitamus: egredi autem, quando exterius aliquid operamur; et quoniam, sicut dicit Apostolus, *per fidem habitat Christus in cordibus nostris* (Ephes. iii, 17), ingredi per Christum, esset secundum ipsam fidem cogitare; egredi autem per Christum, secundum ipsam fidem etiam foris, id est, coram hominibus operari. Unde et in Psalmo dicitur: *Exiit homo ad opus suum* (Psal. ciii, 23). Et ipse Dominus dicit: *Luceant opera vestra coram hominibus* (Math. v, 16). Sed plus me delectat quod ipsa Veritas tanquam pastor bonus, et ideo doctor bonus, quodammodo nos admovuit: secundum quem modum intelligere debeamus, quod ait: *Ingredietur, et egredietur et pascua inveniet.* Tunc [Aug., Cum] secutus adjunxit:

^a Ex S. Aug., tract. xlvi, num. 1, 2, 4.

^b Apud Aug.: Loquens Dominus Jesus ovibus suis, et præsentibus et futuris, quæ tunc aderant; quia

(Vras. 10.) *Far non venit, nisi ut suratur ei macter, et perdat. Ego veni, ut vitam habeam, et abundantius habeam. Videtur enim dixisse, ut vitam habeant ingredientes [In Aug. add.: et abundantius habeant egredientes]: non autem potest quisque per ostium, id est, per Christum egredi ad æternam vitam, quæ erit in specie, nisi per ipsum ostium, hoc est, per eundem Christum, in Ecclesiam ejus, quæ est ovile ejus, intraverit ad vitam temporalem quæ est in fide [Al., in diæm]. Ideo ait: Ego veni, ut vitam habeam, hoc est, fidem quæ per dilectionem operatur (Gal. v, 6), per quam fidem in ovile ingrediuntur, ut vivant, quia justus ex fide vivit (Habac. 1, 4); et abundantius habeant, qui perseverando usque in finem, per illud ostium, id est, per fidem Christi egrediuntur; quoniam veri fidèles moriuntur, et abundantius habebunt vitam, veniendo quo pastor ille præcessit, ubi nuaquam deinde moriantur. Quamvis ergo et hic in ipso ovili non desint pascua [Ms., pascue], quoniam ad utrumque possumus intelligere quod dictum est: *Et pascua* [Ms., pascuam, et ita porro] *inveniet*, id est, et ad ingressum et ad egressum: tamen vere pascua invenient, ubi saturentur qui esuriunt et sitiunt justitiam (Math. v, 6). Qualem [Ms., Talem] pascuam invenit, cui dictum est, *hodie mecum eris in paradiſo* (Luc. xxiii, 43). Sequitur de boni pastoris perfectione sententia Domini, et de mali pastoris fuga quem mercenarium nominat.*

VERS. 11, 12. — *Ego sum pastor bonus*, inquit. *Pastor bonus animam suam ponit pro ovibus suis. Mercenarius autem fugit*, quia mercenarius est, et non pertinet ad eum de ovibus. Loquens Dominus Jesus ovibus suis, et præsentibus et futuris, quæ tunc aderant, qui erant [Ms., aderant] ibi. Jam [in præsentia] oves ejus erant, quæ futuræ erant oves ejus^b. Item: præsentibus et futuris, et illis et nobis, et quotquot 584 etiam post nos fuerint oves ejus, [suas jam] ostendit. Omnes ergo audiunt [Aug., audiunt] vocem pastoris sui dicentis: *Ego sum pastor bonus*. Non aderet, *bonus*, nisi essent pastores mali. Sed pastores mali, ipsi sunt fures et latrones: aut certe, ut multum, mercenarii. Omnes enim hic personas quas possuit, requirere, distinguere et nosse debemus. Aperit enim jam duas res Dominus, quas quodammodo clausas proposuerat. Jam scimus quia ostium ipse est, scimus quia pastor ipse est. Fures et latrones qui sint, priore sententia patefactum est: nunc autem audivimus mercenarium, audivimus et lupum, nominatus est et ostiarus. In bonis ergo ostium est, ostiarus, pastor et oves: in malis, fures et latrones, mercenarius et lupus. Ostium Dominum Christum accipimus, pastorem ipsum; ostiarum quem? Hæc enim duo ipse exposuit; ostiarum nobis querendum reliquit. Et quid ait de ostiario? *Hæc*, inquit, *ostiarus aperit*. Cui aperit? Pastori. Quid aperit pastori? Ostium. Et quis est ipsum ostium? Ipse etiam pastor,

erant, ubi jam oves ejus erant, quæ futuræ erant ejus oves.

Diversa sunt nomina, pastor, [ostium], ovis, unum & aliquid significantia. Nam ipsius Domini verba paulo ante audivimus : *Ego sum ostium*; et hic modo lectum est nobis : *Ego sum pastor*. Qui etiam ab amico sponsi Agnus nominatur, sicut in hoc praesenti Evangelio audivimus : *Ecce Agnus Dei, ecce qui tollit peccata mundi* (*Joan. i. 29*). De quo multo ante Prophetam prædictum : *Tanquam ovis ad occisionem duxit est* (*Isai. lxxii. 7*) : quamvis totum corpus suum, oves illius intelligantur. Potest et ille ostiarius intelligi, quia nemo ingreditur vel egreditur, nisi eo aperiente, qui habet clavem David, qui aperit, et nemo claudit; claudit, et nemo aperit (*Apoc. iii. 7*). Non ergo pigeat nos secundum quamdam similitudinem, ipsum ostiarium accipere, quem et ostium. Quis est ostiarius, nisi qui aperit? Quis aperit, nisi qui se exponit? dicente seipso de seipso : *Ego sum via, et veritas, et vita*. Si forte tibi voluntas est aliam querere personam ostiarii, Spiritus sanctus est, de quo ipse Dominus discipulis suis ait : *Ipse vos docebit omnem veritatem* (*Joan. xvii. 13*). Ostium quid est? Christus. Christus quid est? Veritas. Quis aperit ostium, nisi qui docet omnem veritatem? Dum Dominus houi pastoris opus ostendere voluit, seipsum propositus in exemplo dicens : *Bonus pastor animam suam ponit pro oribus suis*. Fecit quod monuit, ostendit quod iussit : animam suam posuit pro oribus suis. Osteensa est nobis de contemptu mortis via quam sequamur, apposita forma cui imprimamur. Primum nobis est exteriora nostra misericorditer oribus ejus impendere; postremum vero, si necesse sit, etiam mortem nostram pro eisdem oribus ministrare. Qui non dat pro oribus substantiam suam, quando pro eis datus est animam suam? Exposuimus, vel magis, Domino docente, intelleximus, quis sit pastor, quis ostium, quis ostiarius, qui etiam et ovis: nec non qui sint fures et latrones cognovimus. Sed modo de mercenario et lupo consideremus, de quibus ipse Dominus dixit : *Mercenarius autem, et qui non est pastor, cuius non sunt oves propriæ, vides lupum venientem, et dimittit oves, et fugit*. Non pastor, sed mercenarius vocatur, qui non pro amore intimo oves Dominicæ, sed ad temporales mercedes pascit. Mercenarius quippe est qui locum [quidem] pastoris tenet, sed lucra animalium non querit: terrenis commodis inhiat, honore prælationis gaudet, temporalibus lucris pascitur, impensa sibi ab hominibus reverentia letatur. Iste sunt etenim mercedes mercenarii, ut pro eo ipso quod in regiunive laborat, hic quod querit, inveniat, et ab hereditate gregis in posterum alienus existat. Lopus enim super oves venit, cum quilibet injustus et raptor fideles quosque atque humiles opprimit. Sed is qui pastor esse videbatur et non erat, relinquit oves et fugit; quia dum sibi ab eo periculum metuit, resistere ejus injustitiae non presumit. Fugit autem non mutando locum, sed subtrahendo solatium; fugit qui injustitiam vedit et tacuit; fugit qui se sub silentio abscondit. Sed est

* Ex S. Greg. Homil. lib. i, homil. 14, num. 2-5.

alius lupus qui sine cessatione quotidie non corpora, sed mentes dilaniat, malignus videlicet spiritus, qui caulas fidelium insidians circumvit, et mortes animalium querit. De quo lupo mox subditur : *Et lupus rapit, et dispergit oves*. **567** Lupus venit et mercenarius fugit; quia malignus spiritus mentes fidelium in tentatione dilaniat, et is qui locum pastoris tenet, curam sollicitudinis non habet. Animæ pereunt, et ipse de terrenis commodis letatur. Lupus rapit et dispergit oves, cum alium ad luxuriam pertrahit, alium in avaritiam accedit, alium in superbiam erigit, alium per iracundiam dividit, hunc invidia stimulat, illum in fallacia supplantat. Quasi ergo gregem lupus dissipat, cum fidelem populum diabolus per tentationes necat. Sed contra hec mercenarius nullo zelo accenditur, nullo fervore dilectionis excitatur; quia dum sola exteriora commoda requirit, interiora gregis damna negligenter patitur. Unde et mox adjungitur : (*Vers. 13*) *Mercenarius autem fugit, quia mercenarius est, et non pertinet ad eum de oribus*. Sola ergo causa est ut mercenarius fugiat, quia mercenarius est. Ac si aperte diceretur : Stare in periculo oviū non potest, qui in eo quod oribus præest, non oves diligit, sed lucrum terrenum querit. Dum enim honorem amplectitur, dum temporalibus commodis letatur, opponere se contra periculum trepidat, ne hoc quod diligit, amittat. Sed quia Redemptor noster culpas facti pastoris innotuit, iterum formam cui debeamus imprimi, ostendit dicens : (*Vers. 14*) *Ego sum pastor bonus*: atque subjungit : **C** *Et cognosco meas*, hoc est, diligo, et cognoscunt me meæ. Ac si patenter dicat : Diligentes obsequuntur. Unde mox subjunxit : (*Vers. 15*) *Sicut norit me Pater, et ego cognosco Patrem, et animam meam pono pro oribus meis*. Ac si patenter dicat : In hoc constat quia et cognosco Patrem et cognosco a Patre, quia animam meam pono pro oribus meis; id est, ea charitate qua pro oribus morior, quantum Patrem diligam ostendo. Quia vero non solum Iudeam, sed etiam gentilitatem redimere venerat, adjungit : (*Vers. 16*) *Et alias oves habeo, quæ non sunt ex hoc orili, et illas oportet me adducere, et rocem meam audiunt, et fieri unum ovile et unus pastor*. Redemptionem nostram qui ex gentili populo venimus Dominus aspexit, cum se adducere et alias oves dicebat. Hoc quotidie fieri, fratres, aspicitis; hoc reconciliatis gentibus factum hodie videtis. Quasi ex duobus gregibus unum ovile efficit, quia Iudaicum et gentilem populum in sua fide conjugit, Paulo attestante, qui ait : *Ipse est pax nostra, qui fecit utraque unum* (*Ephes. ii. 14*). Dum enim ad æternam vitam ex utraque natione simplices eligit, ad ovile proprium oves deducit. De quibus profecto oribus rursum dixit : *Oves meæ rocam meam audiunt, et ego cognosco eas, et sequuntur me, et ego vitam æternam do eis*; de quibus et paulo superius dicit : *Per me si quis introierit, salvabitur, et ingredietur, et egredietur, et pascua inveniet. Ingredietur quippe ad fidem; egredietur vero à fide ad*

speciem, a credulitate ad contemplationem; pascua autem inveniet in aeterna refectione. Oves ergo ejus pascua invenient, quia quisquis illum corde simplici sequitur, aeternas veritatis pabulo nutritur. Quae autem sunt istarum ovium pascua, nisi aeterna gaudia sempiterne virentis paradisi? Pascua namque electorum sunt, vultus presens Dei, qui dum sine defectu conspicitur, sine fine mens vite cibo satiatur.

*Vers. 17. b — Propterea me diligit Pater, quia ego pono animam meam, et iterum sumo eam. Quid ait: Propterea me Pater diligit? Quia morior, ut resurgam. Cum magno enim pondere dictum est: Ego. Quis ego, inquit, pono animam meam. Ego pono. Quid est: ego pono? Ego, inquit, illam pono. Non glorientur Iudei: scire potuerunt, potestatem habere non posuerunt. Saviant quantum possunt: si ego noluero ponere animam meam, quid sciendo facturi sunt? Una responsive prostrati sunt, quando eis dictum est: Quem queritis (Joan. xviii, 6)? Dixerunt, Jesum; et ait eis: Ego sum: redierunt retro, et ceciderunt. Qui ceciderunt ad unam vocem Christi morituri, quid facient sub voce [Ms., sub vocem] judicatori? Ego, inquit, pono animam meam. Non glorientur Iudei, quasi qui prævaluerint: ipse posuit animam suam. Sicut potestatem habuit ponendi, ita potestatem resumendi. Quod alii ver. is in hoc ipso Evangelio ostendit, dicens: So' vite templo hoc, et in tribus diebus excitabo illud (Joan. ii, 19, 21): quod evangelista 568 secutus exposuit: *Hoc enim dicebat de templo corporis sui. Et adjunxit discipulos suos haec verba rememorasse, cum resurrexisset Christus a mortuis. Hoc suscitabatur, quod moriebatur; nam Verbum mori non potuit, nec anima illa mortua fuit. Caro tantum mortua est, et resurrexit tertia die. Sed querendum est quid sit quod dixit: Ego pono animam meam? Quis posuit? Quem posuit? Quis est qui posuit? Quid est Christus? Verbum et homo. Nec sic homo, ut sola caro: sed quia homo constat ex carne et anima, totus autem homo in Christo. Non enim partem deteriorem suscepisset, et partem meliorem deseruisse: pars quippe hominis melior est anima quam corpus. Quia ergo totus homo in Christo, quid est Christus? Verbum, inquam, et homo. Verbum caro factum est, id est, Deus homo factus est; dicit enim:**

CAPUT XXVI.

Potestatem habere se dicit ponendi ac resumendi animam suam. Facta quoque encænia in Hierosolymis, et inter multa Pharisæis sciscitantibus ait: Ego et Pater unus sumus. Et multi crediderunt in eum.

Vers. 18. — Potestatem habeo ponendi animam meam, et potestatem habeo iterum sumendi eam. Christus autem, et pro nobis posuit, et quando voluit [posuit, et quando voluit] sumpsit animam suam. Ponere ergo animam mori est. Sicut apostolus Petrus Domino dixit: Animam meam propter te

^a Hucusque S. Gregorius.

^b Ex S. Aug., tract. xlviij, num. 7, 9.

A ponam (Joan. xiiii, 37), id est, propter te mori carne. Caro posuit animam suam, et caro iterum assumpsit animam; non tamen potestate sua caro, sed potestate inhabitantis Verbi Dei. Verbum vero Dei nunquam posuit animam ex eo quam sumpsit eam in unitatem personæ sibi, sed a carne anima posita est, et iterum resumpta per potestatem divinitatis. Caro ergo ponit animam suam exspirando. Vide ipsum Dominum in cruce, quid dixit? Sitio (Joan. xix, 28, seq.). Qui aderant, tinixerunt spicigam in acetum, alligaverunt arundini, et apposuerunt ori ejus: quod cum accepisset, ait: Perfectum est. Quid est, Perfectum est? Impleta sunt omnia quæ ante mortem futura [de me] fuerant prophetata. Et quia potestatem habebat quando vellet ponendi animam suam, posteaquam dixit, Perfectum est, ait evangelista: Et inclinato capite tradidit spiritum. Quod ibi dicitur tradidit, et hic dictum est ponit, quia unum est tradere et ponere. Quis tradidit? Quem tradidit? Spiritum tradidit, caro illum tradidit. Quid est, caro illum tradidit? Caro illum emisit, caro illum exspiravit. Ideo enim dicitur exspirare, extra spiritum fieri; quomodo est exsulare, extra solum fieri. Quod hic dicitur: Potestatem habeo ponendi animam meam, ibi dictum est: Inclinato capite tradidit spiritum, quia spiritus anima est. Cum ergo exit anima a carne, et remanet caro sive anima, tunc homo ponere animam dicitur. Quando Christus animam posuit? Quando Verbum voluit. Principatus enim in Verbo erat: ibi potestas erat, quando poneret caro animam, quando sumeret. Sicut enim unus homo anima et corpus, sic unus Christus Verbum et homo. Anima et corpus duæ res sunt, sed unus homo. Verbum et homo duæ res sunt, sed unus Christus. Nemo enim titubet in side, quando audit Dominum dixisse: Potestatem habeo ponendi animam meam. Ponit eam caro, sed ex potestate Verbi; sumit eam caro, sed ex potestate Verbi. Verbum, anima, caro, unus est Christus. Et dum caro occisa fuit, Christus occisus fuit; et dum caro animam resumpsit, Christus animam resumpsit. Quia quidquid ibi factum est in dispensatione humana salutis, totum unus Christus egit, unus Filius Dei proprius et perfectus, unus Deus verus et omnipotens, homo propter Verbum Deus, Deus propter hominem homo, sicut dictum est: Verbum caro factum est. Sed haec omnia unde implerentur, subsequenti verbo ostendit. Hoc, inquit, mandatum accepi a Patre meo. Verbum non verbo accepit mandatum, sed in Verbo unigenito Patris est omne mandatum. Cum autem dicitur Filius 569 a Patre accipere, quod substantialiter habet, quomodo dictum est: Sicut habet Pater vitam in semetipso, sic dedit Filio vitam habere in semetipso (Joan. v, 26), cum Filius ipse sit vita: non potestas minuitur, sed generatio ostenditur. Quoniam Pater non quasi ei Filio, qui imperfectus [al., imperfecto] natus est, aliquis ad-

^c In col. Rhemensi hic incipit cap. 27.

^d S. Aug. loc. cit., num. 11-14.

didit, sed ei quem perfectum genuit, omnia gignendo dedit. Ita dedit illi suam æqualitatem, quem non genuit inæqualem. Sed hæc loquente Domino, quoniam lux lucebat in tenebris, et tenebræ eam non comprehenderunt.

Vers. 19, 20. — *Dissensio iterum facta est inter Iudeos propter sermones hos. Dicebant autem multi ex ipsis : Daemonium habet, insanit : quid eum auditis? Istæ fuerant densissimæ tenebræ. (Vers. 21.) Alii dicebant : Hæc verba non sunt daemonium habentis : nunquid daemonium potest oculos cœcorum aperire? Jam istorum [Ms., justorum] oculi coepérant aperiri; » a et aliquid lucis videre, et veritatis agnoscere. Audivimus patientiam Dei [Ms., Domini], et inter opprobria Iudeorum salutis predicationem, sed illi obdurati, magis eum tentare aggressi sunt, quam verbis illius obedire. (Vers. 22.) Facta sunt, inquit evangelista, encænia in Hierosolymis, et hiems erat, et ambulabat Jesus in templo in portico Salomonis. » b Encænia autem vocabatur solemnitas dedicationis templi, quam populus Dei ex antiqua Patrum traditione per annos singulos celebrare consueverat. Sed notandum est quod hæc encænia, quæ hic leguntur, non ad primam templi dedicationem, sed ad ultimam pertinent; quod ex eo facile colligitur, quia hieme facta referuntur. Prima siquidem ejusdem templi dedicatio a Salomone tempore autumni (II Paral. vii); secunda autem a Zorobabel et Jesu sacerdote tempore veris (II Esdr. vi); tertia a Iuda Machabæo tempore hiemis est facta, quando specialiter constitutum esse legitur, ut eadem dedicatio per omnes annos in memoriam solemnibus renovaret officiis (Mach. iv). Quæ etiam ad tempus usque Dominicæ incarnationis observata fuisse, sicut modo, cum legeretur Evangelium, audivimus. » Quæ etiam dedicatio salubri consuetudine in Ecclesiis Christi servari moderno tempore dignoscitur. Consideraudum est quare evangelista dixerit, hæc encænia hiemis tempore facta esse? Omnino propter duritiam Iudeorum et infidelitatem, quæ frigoris nomine sc̄epe designari legitur.*

Vers. 23. — *Et ambulabat Jesus in templo in portico Salomonis. » Si ergo Dei Filius ambulare voluit in templo, in quo caro et sanguis brutorum animantium offerebatur, multo magis nostram orationis domum, ubi carnis ipsius ac sanguinis sacramenta celebrantur, visitare gaudebit. Si perambulare non despedit porticum, in qua rex quondam mortalis ac terrenus, quamvis potentissimus ac sapientissimus ad orandum stare solebat, quanto magis penetralia cordium nostrorum invisiere atque illustrare desiderat, si tamen ea porticum esse Salomonis, hoc est, si ea timorem suum qui est initium sapientiae habere perspexerit? Neque enim putandum est quia domus solummodo in qua ad orandum vel ad mysteria celebranda convenimus templum sit Domini, et non ipsi qui in nomine Domini convenimus multo amplius*

^a Hucusque ex sancto Augustino.

^b Ex Bedæ homilia in Dedicazione Ecclesie.

A templum ejus appellemus et simus, cum manifeste dicat Apostolus : *Vos estis templum Dei viri, sicut dicit Deus : Inhabitabo in eis, et inter illos ambulabo* (II Cor. vi, 16). Ostendit vero evangelista, cur dixisset : Hiemis tempore. (Vers. 24.) Tunc, inquit, circumdederunt eum Iudei. Circumdederunt itaque eum temptationis gratia, non veritatis agnoscendæ voluntate, et dicebant : *Quousque animam nostram tollis? Si tu es Christus, dic nobis palam.* » c Hæc vero non veritatem fidei inquirendo, sed illi quem interrogabant, insidiando et calumniam instruendo dicebant, ut invenirent quomodo accusarent eum, nolentes eum credere Deum, sed hominem purum tantummodo futurum, et regem cæteris omnibus excelsiorum esse venturum. Qua etiam dementia posteriorum

B [Beda, posteri eorum] usque in præsens, et donec Antichristus pro Christo suscipiant, errare non cessant. Et si se Dominus Jesus Christum esse responderet, cogitabant eum tradere potestati præsidis puniendum, quasi contra Augustum repugnans, illicitum sibi usurpare imperium. Sed ipse nostræ saluti consulens, propter quos hæc scribenda erant, ita responsum temperavit suum, ut et calumniatorum ora concluderet, et quia Christus est [Ms., esset], 570 fidelibus aperta voce panderet. Illi enim de homine Christo quærebant : ipse autem divinitatis suæ, quæ æqualis est Patri, palam mysteria narrat. » Quid ergo Iudei circumdantes Dominum dixerunt videamus. *Quousque, inquit, animam nostram tollis? Si tu es Christus, dic nobis palam.* Non venit

C Christus in se credentibus animam tollere, sed animam vivificare. Sed ipsi sibi Iudei animam per infidelitatem tulerunt, qui tentare Christum, non in Christum credere congregati sunt. (Vers. 25.) Respondit eis Jesus : *Loquor vobis, et non creditis. Proprie ostendit quis esset, dum dixit : Loquor vobis, id est, Verbum Dei coæternum Patri : quia opera quæ facit in nomine Patris testimonium perhibent quod est Filius Dei, qui gloriam suam non quæsivit, sed ejus qui misit illum, quia una est gloria Patris et Filii. Sed hanc fidem corda infidelium accipere nequierunt, de quibus ait : (Vers. 26.) Sed vos non creditis; causamque reddit cur non crederent : Quis non estis ex ovibus meis. » d Oves sunt credendo, oves sunt pastorem sequendo, oves sunt redemptorem non contempnendo; oves sunt per ostium intrando, oves sunt exeundo, et pascua inveniendo. Quomodo ergo istis dixit : *Non estis ex ovibus meis?* Quia videbat eos ad sempiternam futuros perditionem [Aug., ad sempiternum interitum prædestinatos], non ad vitam æternam sui sanguinis pretio comparatos. » (Vers. 27, 28.) *Oves meæ vocem meam audiunt, et ego cognosco eas, et sequuntur me, et ego vitam æternam do eis.* Dicit enim : *Cognosco eas.* Consuetudo sanctæ Scripturæ est dicere Dominum nosse, quidquid elegit, Apostolo dicente : *Norit Dominus, qui sunt ejus* (II Tim. ii, 19); et illud nescire.*

^c Ex Beda, loco citato.

^d Ex S. Aug., tract. xi.viii, num. 4, 6.

quod non approbat dignam vitam aeternam. Unde et ad Iunios dicturus erit : *Non novi vos* (*Math. vii, 23*). Sequitur de ovibus : *Et ego vitam aeternam do eis*. Hec sunt pascua quae superius promisit ovibus suis, ubi nulla herba arescit, totum viret, totum viget, totum integrum permanet; et quidquid semel accipitur, semper habetur. *Et non peribunt in aeternum*. Hic subaudiendum est, quomodo vos peribitis, quia non estis ex ovibus meis. *Et non rapiet eas quisquam de manu mea*, id est, de potestate mea.

Vers. 29. — *Pater meus, quod dedit mihi, maior est omnibus*. Quod dedit Pater Filio maior est omnibus, ut ipse illi esset unigenitus Filius, aequalis, consubstantialis. Quid est quod dedit? Utique lignendo dedit, quia non minorem sibi genuit, non tempore posteriorem, sed coeternum, sine initio temporis semper Deum. **C** Non est dicendum, non erat, antequam natus erat: nunquam enim non natus erat, qui Patri coeternus erat. Qui sapit, capit; qui non capit, credit: nutritur fide, ut possit capere Verbum Dei, quia Verbum Filius. Semper ergo Filius, et semper aequalis. Non enim crescendo, sed nascendo aequalis est, qui semper natus de Patre Filius, de Deo Deus, de aeterno coeternus. Pater autem non de Filio Deus: Filius de Patre Deus. Ideo Pater Filio lignendo dedit ut Deus esset; lignendo dedit ut aequalis esset, hoc est, quod maior est omnibus. **I**deo transcendit iste Joannes omnes altitudines creaturarum, et millia exercitus angelorum, et magna omnia, et pervenit ad illud quod maior est omnibus, et dixit: *In principio erat Verbum, et Verbum erat apud Deum, et Deus erat Verbum* (*Joan. i, 1*). Illoc est, quod maior omnibus est, id est, ut sim Verbum ejus, ut sim unigenitus Filius ejus, ut sim splendor lucis ejus. Ideo nemo rapiet oves de manu mea, et nemo potest rapere de manu Patris mei. **D** Manus Patris et manus Filii, una manus est, id est, una potest: quia una divinitas, una maiestas, una aeternitas, una aequalitas. Quam videbit aequalitatem, ipse Dominus in divinitate habuit, priusquam mundus esset apud Patrem, ipse in humilitate [Ms., humanitate] ex tempore incarnationis accepit.

Et nemo potest rapere de manu Patris mei. **E** Aperte dans intelligi unam atque indissimilem esse manum, hoc est, virtutem suam et Patris; atque ideo Christum se esse credendum, quia non sicut ceteri sancti factus [*Beda, sanctificatus*] per gratiam ex tempore, sed verus semper existenter Filius Dei. Quod etiam sequenti sententia luce clarius aperit, dicens: (*Vers. 30*) *Ego et Pater unus sumus*. Unum, inquit, sumus, una nobis substantia, una est divinitas, una aeternitas, perfecta **571** aequalitas, dissimilitudo nulla. Quibus profecto verbis non presentem solummodo Iudeorum questionem, qua an ipse esset Christus interrogabant, explicavit, sed etiam haereticorum perfidiam quam futuram previdit, quantum sit

A execranda monstravit. **F** Conticescat Sabellius audiens: *Ego et Pater*, qui unam personam Patris et Filii prava doctrina diaserit; nam *ego et Pater*, duas sunt personae. Item erubescat Arius audiens: *Unus sumus*, qui duas naturas in Patre et Filio astruit, dum *unus* unam naturam significat, sicut *sumus*, duas personas. Sequamur apostolicam fidem, quam beatus Petrus princeps apostolorum confessus est: *Tu es Christus Filius Dei viri* (*Math. xvi, 16*). **G** Ju-daei videlicet verba Domini audientes, et hucusque sustinuerunt; dum vero ait: *Ego et Pater unus sumus*, non pertulerunt, sed more suo duri ad lapides cucurrerunt, sicut evangelista dicit: (*Vers. 31*) *Tulerunt lapides, ut lapidarent eum*. Dominus qui [Ms., quia] non patiebatur, quod nolebat pati, et non est passus, nisi quod voluit pati, adhuc eos lapidare cupientes alloquitur. *Sustulerunt Judaei lapides, ut lapidarent illum*.

Vers. 32, 33. — *Respondit eis Jesus: Multa opera bona ostendi vobis ex Patre meo, propter quod eorum opus me lapidatis?* Et illi responderunt: *De bono operare non lapidamus te, sed de blasphemia, quia tu homo cum sis, facis te ipsum Deum*. Ad illud hoc responderunt, quod dixerat: *Ego et Pater unus sumus*. Ecce Iudei intellexerunt quod Ariani non intelligent. Ideo enim irati sunt, quoniam senserunt non posse dici, *Ego et Pater unus sumus*, nisi ubi aequalitas est Patris et Filii. **H** Dominus autem vidi quid responderet pravis. Vidi eos non ferre splendorem veritatis, et eos tentavit in verbis [Aug., et eum temperavit in verbis]. *Nonne scriptum est in lege vestra; id est, vobis data: Quia ego dixi, dili estis?* Deus dicit per Prophetam in psalmo hominibus: *Ego dixi, dili estis* (*Psalm. LXXXI, 6*); et legem appellavit Dominus generaliter omnibus illas Scripturas: quamvis alibi specialiter dicat legem, a prophetis eam distinguens, sicuti est: (*Vers. 34*) *Lex et prophetæ usque ad Joannem* (*Luc. XVI, 16*). *Et in his duabus præceptis tota lex pendet et prophetæ* (*Math. XXII, 40*). Aliquando autem in tria distribuit easdem Scripturas, ubi ait: *Oportebat impleri omnia quæ scripta sunt in lege, et prophetis, et psalmis de me* (*Luc. XXIV, 44*). Nunc vero etiam psalmos legis nomine nuncupavit, ubi scriptum est: *Ego dixi, dili estis*. (*Vers. 35, 36*) *Si illos dixit deos, ad quos sermo Dei factus est, et non potest solvi* Scriptura: quem Pater sanctificavit et misit in mundum, vos dicitis blasphemare, quia dixi, *Filius Dei sum*? Si sermo Dei factus est ad homines, ut dicerentur dili, ipsum Verbum Dei, quod est apud Deum, quomodo non est Deus? Si per sermonem Dei sunt homines dili; si participando sunt dili; unde participant, [quomodo] non est Deus? Si lumina illuminata dili sunt, lumen quod illuminat quomodo non est Deus? Si calefacti quadammodo igne salutari dili efficiuntur, unde calefacti, non est Deus? Accedis ad lumen, illuminaris, et inter filios Dei numeraris; si recedis a lumine, obscuraris, et in tenebris con-

* Ex Beda, homilia citata.

† S. Aug. loc. cit., num. 8-12.

putaris : illud tamen [lumen] nec accedit ad se. Si ergo vos deos facit sermo Dei, quomodo non est Deus Verbum Dei ? Pater ergo sanctificavit Filium suum , et misit in mundum. Forte aliquis dicat : Si Pater cum sanctificavit, aliquando non sanctus ? Sic sanctificavit, quomodo genit : ut enim sanctus esset, gignendo ei dedit, quia sanctum eum genuit. Nam si quod sanctificatur, ante non erat sanctum, quomodo dicimus Deo Patri : Sanctificetur nomen tuum ?

VERS. 37, 38. — *Si non facio opera Patris mei, nolite credere mihi. Si autem facio, et si mihi non rultis credere, operibus credite. Ut agnoscatis et creditatis, quia in me est Pater, et ego in illo.* Quomodo possunt dicere homines. Si enim bene cogitemus, in Deo sumus ; et si bene vivamus, Deus in nobis est : fideles , participantes ejus gratiam, illuminati ab ipso, in illo sumus, et ipse in nobis. Sed non sic unigenitus Filius : ille in Patre, et Pater in illo, tanquam æqualis in eo cui est æqualis. Denique nos aliquando possumus dicere : In Deo sumus, et Deus in nobis ; nunquid possumus dicere : Ego et Deus unus sumus ? In 572 Deo es, quia Deus te continet ; Deus est in te, quia templum Dei factus es. Sed nunquid quia in Deo es et Deus est in te, potes dicere : Qui me videt, Deum videt : quomodo Unigenitus dixit : Qui me videt, videt et Patrem. Ego et Pater unus sumus (Joan. xiv, 9) ? Agnosce proprium Domini, et munus servi. Proprium Domini est æqualitas Patris ; munus servi est participatio Salvatoris. (VERS. 39.) *Quærebant ergo eum apprehendere.* Utinam apprehenderent, sed credendo et intelligendo, non sciendo et occidendo. Quærebant ergo eum apprehendere ; dum eum apprehendere voluerunt, quid eis fecit ? *Exiit de manibus eorum.* Non eum apprehenderunt, quia manus fidei non habuerunt : et quia noluit qui potestatem habuit animam suam ponere, non apprehenderunt eum ; dum autem voluit, apprehensus est ab eis manibus iniquitatis. (VERS. 40, 41.) *Et abiit iterum trans Jordanem ad eum locum ubi erat Joannes baptizans primum ; et mansit ibi, et multi venerunt ad eum, et dicebant : Quia Joannes quidem signum fecit nullum.* Meministis vobis dictum de Joanne, quia lucerna erat (Joan. v, 35), et diei testimonium perhibebat. Quid ergo isti dixerunt apud se ? Nullum, inquiunt, miraculum ostendit Joannes : non daemona fugavit, non expulit febrem, non cæcos illuminavit, non mortuos suscitavit, non tot millia hominum de quinque vel septem panibus satiavit, non super mare ambulavit, non ventis et fluctibus imperavit ; nihil horum fecit Joannes ; et totum quidquid dicebat, huic testimonium perhibebat. Per lucernam veniamus ad diem. Joannes nullum signum fecit. (VERS. 42.) *Omnia enim quæcumque dicit Joannes de hoc, vera erant.* Ecce quid apprehenderunt, non quomodo Judei volebant b apprehen-

a Hic defectum supple ex Aug : « Non sic dicit Filius : In me est Pater, et ego in illo, quomodo possunt, etc. »

A dere discedentem, apprehenderunt isti permanentem. Denique quid sequitur ? Et multi crediderunt ibi eam. »

CAPUT XXVII.

Lazarum amicum suum jam quatriduanum mortuum dormire dicit. Quem magna rote clemando resuscitans, solvi jubet simul et abire, plurimis credentibus ex Judæis.

CAPUT XI, VERS. 1. — *Erat autem quidam languens Lazarus a Bethania de custello Maria et Martha.*

Plurima vero in hoc miraculo resuorūtati Lazarus i manifesta sunt. Expositionem in singulis non queramus, ut liberius necessaria pertractemus. In superiori lectione meministis quod Dominus exiit de manibus eorum qui lapidare eum voluerant, et recessit trans Jordānē ubi Joannes baptizabat. Ibi ergo Domino constituto, infirmabatur in Bethania Lazarus, quod castellum erat proximum Hierosolymis. (VERS. 2, 3.) *Maria autem erat que uerat Dominum unguento, et extorsit pedes ejus capillis suis,* cuius frater Lazarus infirmabatur. Miserunt ergo sorores ejus ad eum dicentes. Jam intelligimus quem miserunt, ubi erat Dominus : quoniam absens erat, trans Jordānē scilicet. Miserunt ad Dominum, nuntiantes quod ægrotaret frater earum, ut si dignatur venire, et eum ab ægritudine liberaret. Ille distulit sanare, ut posset resuscitare. Quid ergo nuntiaverunt sorores ejus ? *Domine, ecce quem amas infirmatur.* Non dixerunt, Veni : amanti enim tantummodo nuntiatum fuit. Non ausse sunt dicere, Veni et sana ; non sunt ausse dicere, ibi jube, et hic sit. Cur enim non et istud [Al., iste ?], si fides illius centarioris inde laudatur ? Ait enim : *Non sum dignus ut intres sub tectum meum, sed tantum dic verbo, et sanabitur puer meus (Matth. VIII, 8).* Nihil horum istæ, sed tantummodo : *Domine, ecce quem amas infirmatur.* Sufficit ut soveris ; non enim amas et deseris. Dicit aliquis : *Quomodo per Lazarum peccator significabatur, et a Domino sic amabatur ?* Audiat eum dicentem : *Non vix vocare justos, sed peccatores (Matth. IX, 13).* Si enim peccatores Dominus non amaret, de celo ad terram non descenderebat [Ms., nequaquam eos vocaret ; al. non eos vocare venisset].

D 573 VERS. 4. — *Audiens autem Jesus dixit illis : Infirmitas hæc non est ad mortem, sed pro gloria Dei, ut glorificetur Filius Dei per eam.* Talis glorificatio ipsius non ipsam auxit, sed nobis profuit. Hoc ergo ait : *Non est ad mortem, quia ipsa mors non est ad mortem, sed potius ad miraculum : quo facto crederent homines in Christum, et vitarent veram mortem.* Sane videte quæmodum tanquam ex oblique Dominus Deum se dixit, propter quedam qui negant. Nam sunt haeretici qui hoc negant quod Filius Dei sit Dominus [Ms., Deus]. Ecce audiant : *Infirmitas ergo hæc, inquit, non est ad mortem, sed pro gloria*

b Apud Aug. : « Ecce qui apprehenderunt, non quomodo Judei. Judei volebant, etc. »

c Ex S. Aug., tract. XLIX, num. 4-25.

Dei. Qua gloria? Cujus Dei? Audi quid sequitur: *A* Ut glorificetur Filius Dei. Infirmitas ergo hæc, inquit, non est ad mortem, sed pro gloria Dei, ut glorificetur Filius Dei per eam. Per quam? Per illam infirmitatem. (VERS. 5.) Diligebat autem Jesus Martham et sororem ejus Mariam, et Lazarum. « Ille languens, ille tristes, omnes dilecti. Sed diligebat eos, et languentium salvator, imo etiam mortuorum succitor, et tristium consolator. (VERS. 6.) Ut ergo audiuit quod infirmabatur, tunc quidem mansit in eodem loco duobus diebus. Nuntiaverunt ergo ille, mansit illic ille. Tandiu tempus duetum est, quo usque quadratum completeretur. Non frustra, nisi quia forte, imo quia certe, et ipse numerus dierum intimat aliquod sacramentum. (VERS. 7.) Deinde post hæc dicit discipulis suis: Eamus in Iudeam iterum ubi pene fuerat lapidatus; qui propterea inde discessisse videbatur, ne lapidaretur. Discessit enim ut homo, sed in redeundo quasi oblitus infirmitatem, ostendit protestatem. Eamus, inquit, in Iudeam. Denique hoc dicto, videte quemadmodum discipuli territi fuerunt. (VERS. 8, 9.) Dicunt ei discipuli: Rabbi, nunc quærebant te lapidare Judæi, et iterum vadis illuc? Respondit Jesus: Nonne duodecim horæ sunt diei? Quid sibi vult ista responsio? Illi dixerunt: Modo te volebant lapidare Judæi, et iterum vadis illuc, ut te lapident? Et Dominus: Nonne duodecim horæ sunt dici?

VERS. 10. — Si quis ambulaverit in die, non offendit, quia lucem hujus mundi videt. Si autem ambulaverit in nocte, offendit, quia lux non est in eo. « De die quidem locutus est, sed ad nostram intelligentiam [Aug., in nostra intelligentia], quasi adhuc rex est. Invocenus diem, ut repellat noctem, et cor lumine illustreret. Quid enim Dominus dicere voluit? Quantum mihi videtur, quantum subjacet [Aug., sublucet] altitudo, profunditasque sententiae, redarguere voluit dubitationem illorum et infidelitatem, voluerunt enim consilium dare Domino ne moreretur, qui venerat mori, ne ipsi morerentur. Sic etiam quodam alio loco Petrus sanctus diligens Dominum, sed adhuc non plene intelligens cur venisset, timuit ne moreretur, et vite displicuit, id est, ipsi Domino (Math. xvi, 22). Cum ergo vellent dare consilium homines Deo, discipuli magistro, servi domino, agroti medico, corripuit eos et ait: Nonne duodecim horæ sunt diei? Si quis ambulaverit in die, non offendit. Me sequimini, si non vultis offendere; nolite mihi consilium dare, quos a me consilium operat accipere. Quo ergo pertinet: Nonne duodecim horæ sunt diei? Quia ut diem se esse ostenderet, duodecim discipulos elegit. Si ergo sum, inquit, dies, et vos horæ, nunquid horæ diei consilium dam? Horæ diem sequuntur, non horas dies. Si ergo

Billi horæ, quid ibi Judas; et ipse interduodecima horas? Si hora erat, lucebat; si lucebat, quomodo diem ad mortem tradebat? Sed Dominus in hoc verbo, non ipsum Judam, sed successorem ipsius prævidebat. Juda enim cadente, successit Matthias, et duodenarius numerus mansit (Act. 1, 26). Non enim frustra duodecim discipulos elegit, nisi quia ipse spiritualis est dies. Sequuntur ergo horæ diem, prædicent horæ diem, horæ illustrantur a die, horæ illuminantur a die, et per horarum prædicationem credat mundus in diem. Illoc ergo ait de compendio: Mē sequimini, si non vultis errare. (VERS. 11.) Et post hoc dicit eis: Lazarus amicus noster dormit, sed rado, ut a somno excitem eum. Verum dixit. Sororibus mortuus erat, Domino dormiebat. Hominibus mortuus erat, qui eum suscitare non poterant: nam Dominus tanta facilitate suscitabat de sepulcro, quanta tu non exicas dormientem de lecto. Ergo secundum potentiam suam dixit dormientem, quia et alii mortui dicti sunt in Scripturis saepe dormientes, sicut Apostolus dicit: De dormientibus autem nolo 574 ros ignorare, fratres, ut non contristemini, sicut et carteri, qui spem non habent (I Thess. iv, 22). Ideo et ipse dormientes appellavit, quia resurrecturos pronuntiavit, [Aug., prænuntiavit]. Et in alio loco: Omnes quidem dormiemus, sed non omnes resurgentemus (I Cor. xv, 51); mortem nostram dormitionis nomine significans. Nam corpus dum deseritur ab anima, dormit in sepulcro, resuscitandum in novissimo die: « Animæ vero, dum deserunt corpora, diversas receptiones habent: gaudium bonæ, malæ tormenta; sed cum facta fuerit resurrectio, et bonorum gaudium amplius erit, et malorum tormenta graviora, quam cum corpore torquebuntur. » Dum Dominus de dormitione amici dixerat discipulis, et responderunt quomodo intellexerunt. (VERS. 12, 13, 14, 15.) Domine, si dormit, salvis erit. Solent enim esse somni ægotantium salutis indicium. Dixerat autem Jesus de morte ejus; illi autem putaverunt quia de dormitione somni diceret. Tunc ergo dixit eis Jesus manifeste. Subobscurè enim dixerat, dormit. Ait ergo manifeste: Lazarus mortuus est, et gaudeo propter vos, ut credatis quia non eram ibi, sed scio quia mortuus est. Æger enim, non mortuus fuerat nuntiatus. Sed quid lateret eum qui creaverat et ad eius manus anima morientis exierat? Hoc est quod ait: Gaudeo propter vos, ut creditis quia non ibi eram: ut jam inciperent admirari, quia Dominus potuit dicere mortuum, [quod] nec viderat, nec audierat. Ubi sane meminisse debemus, quod adhuc etiam ipsorum discipulorum qui in eum jam crediderant, miraculis sedificabatur fides: non ut ea quae non erat, esse inciperet, sed ut ea quæ jam esse cœperat, crescere; quamvis tali verbo usus

capit. 119 ad Minervium et Alexandrum, et Augustinum libr. xx de Civit. Dei, cap. 20. Mendum tamen hic subbat in verbis: Non omnes resurgentemus. Legendum vera: Non omnes immutabimur.

* In Vulgata ita legitur: Omnes quidem resurgentemus, sed non omnes immutabimur. Alcuinus hic secundus fuisse videtur quodam codices Græcos ac Latinos, in quibus etiam loco omnes quidem resurgentemus legitur: Omnes quidem dormiemus. Vid. Hieron.

ait, quasi tuac credere inciperent. Non enim ait : **A**
*Cassio propter vos, ut vestra fides augeatur sive
firmetur; sed ut credatis: quod intelligendum est,
ut amplius robustiusque credatis.*

VERS. 16, 17. — *Sed eamus ad eum. Dixit ergo Thomas, qui dicitur Didymus, ad condiscipulos suos: Eamus et nos, ut [Al., et] moriamur cum eo. Venit itaque Jesus, et invenit eum quatuor dies jam in monumento habentem.* « De quatuor diebus multa quidem dici possunt, sicut se habent obscura Scripturarum, quae pro diversitate intelligentium multos sensus pariunt. « *Dicamus et nos quid nobis videatur significare mortuus quadriduanus. Quomodo enim in illo caeco intelligimus quodammodo humanum genus, sic forte et in isto mortuo multos intellecturi sumus: diversis enim modis una res significari potest. Homo quando nascitur, jam cum morte nascitur, quia de Adam peccatum trahit. Unde dicit Apostolus: Per unum hominem peccatum intravit in mundum, et per peccatum mors: et ita in omnes homines pertransiit, in quo omnes peccaverunt (Rom. v, 12).* Ecce habes unum diem mortis, peccatum, quod homo trahit de mortis propagine. Deinde crescit, incipit accedere ad rationales annos, ut legem sapiat naturalem, quam homines [Ms., omnes] habent in corde fixam: quod tibi fieri nou vis, alii ne feceris. Nunquid hoc de paginis dicitur [Aug., de paginis discitur], et non in natura ipsa quodammodo legitur? Furtum vis pati? utique non vis. Ecce lex in corde tuo: quod non vis pati, facere noli. Et hanc legem transgrediuntur homines: ecce alter dies mortis. Data est etiam lex divinitus per famulum Dei Moysen: dictum est illis [Aug. et Ms., illie]: *Non occides; non mæchaberis; non fulsum testimonium dices; honora patrem et matrem; non concupisces rem proximi tui (Exod. xx, 13, seq.).* Ecce lex scripta est, et ipsa contemnitur: addet [Aug., ecce] tertium diem mortis. Quid restat? Venit ad Evangelium, prædictatur regnum celorum, diffamatur ubique Christus, minatur gehennam, vitam promittit æternam, et ipse contemnitur. Transgrediuntur homines Evangelium: ecce quartus dies mortis. Merito jam putet. Nunquid et talibus neganda est misericordia? Absit. Etiam ad tales Dominus excitandos non designatur accedere. (**VERS. 19, 20.**) *Multi autem ex Judæis venerant ad Martham et Mariam, ut consolarentur 575 eas de fratre suo. Martha ergo, ut cognovit quia Jesus venit, occurrit illi. Maria autem domi sedebat.* (**VERS. 21, 22.**) *Dixit ergo Martha ad Jesum: Domine, si fuisses hic, frater meus non esset mortuus. Sed et nunc scio, quia quæcumque poposceris a Deo, dabit tibi Deus.* « Non dixit: Sed et modo rogo te, ut suscites fratrem meum. Unde enim sciebat si frater ejus resurgeret, quod utile fuerat [Al., ut si ille adasset]. Aug., si fratri ejus resurgere utile fuerit? Hoc tantum dixit: Scio, quia potes; si vis, facis: utrum autem facies [Ms., facias], judicil tui est, non præsumptionis meæ. Sed et nunc scio, quia quæcumque poposceris a Deo dabit tibi Deus.

VERS. 23-25. — *Dicit illi Jesus: Resurget frater tuus. Dicit ei Martha: Scio quia resurget in resurrectione in novissimo die. De illa resurrectione secura sum: de hac incerta sum. Dicit ei Jesus: Ego sum resurrectio et vita. Dicis: Resurget frater meus in novissimo die; verum est: sed per quem tunc resurget, potest et modo resurgere, quia ego sum resurrectio et rita. Ideo resurrectio, quia vita: [quia] qui credit in me, non morietur in æternum. « Quid est hoc? Qui credit in me, etiam si mortuus fuerit, vivet: sicut Lazarus mortuus est, et vivit; quia non est Deus mortuorum, sed vivorum. De olim mortuis patribus, hoc est, de Abraham, de Isaac, de Jacob, tale responsum Judæis dedit. Ego sum Deus Abraham, [et Deus Isaac] et Deus Jacob (Exod. iii, 6). Non est Deus mortuorum, sed vivorum (Matth. xxii, 32): omnes enim illi vivunt. Crede ergo, et si mortuus fueris, vives; si autem non credis, et cum vivis, mortuus es. Unde est ergo mors in anima? Quia non est fides in ea. Unde est mors in corpore? Quia non est ibi anima. Ergo animæ tue vita [Ms., animal] fides est. « Sicut anima corporis vita est corporis, ita fides animæ vita est animæ. « Qui credit in me, inquit, etiam si mortuus fuerit in carne, vivet in anima, donec resurget caro, nunquam postea moritura. Hoc est, qui credit in me, licet moriatur, vivet: et omnis qui vivit in carne, et credit in me, et si morietur ad tempus propter mortem carnis, non morietur in æternum propter vitam spiritus et immortalitatem resurrectionis. Hoc est quod ait:* (**VERS. 26.**) *Et omnis qui vivit et credit in me, non morietur in æternum.*

VERS. 27. — *Credis hoc? Ait illi: Utique, Domine. Ego credidi quia tu es Christus Filius Dei, qui in hunc mundum venisti. Quando hoc credidi [Aug. repetit voc. credidi] quia tu es resurrectio, credidi quia tu es vita, credidi quia qui credit in te, et si moriatur, vivet; et qui vivit et credit [in te], non morietur in æternum. (**VERS. 28.**) *Et cum haec dixisset, abiit et vocavit Mariam sororem suam silentio, dicens: Magister adest, et vocat te. Advertendum est, quemadmodum suppressam vocem silentium nuncupavit. Nam quomodo siluit, quæ dixit: Magister adest, et vocat te? Advertendum est etiam quemadmodum evangelista non dixerit, ubi vel quando vel quomodo Mariam Dominus vocaverit. Ut hoc in verbis Marthæ potius intelligeretur, narrationis veritatem servat [Ms., veritate. Aug., brevitate servata].* (**VERS. 29-31.**) *Illa ut audivit, surgit cito, et venit ad eum. Nondum venerat Jesus in castellum, sed erat adhuc in illo loco, ubi occurrerat ei Martha. Judæi igitur qui erant cum illa in domo, et consolabantur eam, cum vidissent Mariam, quia cito surrexit et exiit, secuti sunt eam, dicentes: Quia vadit ad monumenum, ut plores ibi. Quare hoc pertinuit [ad] evangelistam narrare? [Ut] videamus quæ occasio fecerit ut plures ibi essent, quando Lazarus resuscitatus est. Putantes enim Judæi, propterea illam festinare, ut doloris sui solatum lacrymis quereret, secuti sunt eam, ut tam**

grande miraculum quatriduani mortui resurgentis testes plurius inveniret. (VERS. 32-34.) *Maria ergo cum venisset ubi erat Jesus, videns eum, cecidit ad pedes ejus, et dixit ei : Domine, si hic fuisses, frater natus non esset mortuus. Jesus ergo, ut vidi eum plorantem, et Iudeos qui cum illa erant plorantes, fremuit spiritu, et turbavit semetipsum, et dixit : Ubi posuistis eum ? Aliquid nobis insinuavit fremendo spiritu, et turbando seipsum. Quis enim eum posset nisi ipse [Ms., seipsum] turbare ? Itaque primo hic attende potestatem, et sic inquirite significationem. Turbaris tu nolens, turbatur Christus, quia voluit. Esurivit Jesus, verum est, quia voluit ; dormivit Jesus, verum est, quia voluit ; contristatus est Jesus, verum est, sed quia voluit ; mortuus est Jesus, verum est, sed quia voluit. In illius potestate erat sic vel sic affici [vel non sic affici]. Verbum [Al., Veram] enim 576 animam suscepit, et carnem, totius hominis sibi coaptans in personæ unitate naturam. Nam et animæ apostolorum Pauli et Petri verbo illustratae sunt^a; aliorum apostolorum, sanctorum, prophetarum Verbo illustratae sunt animæ : sed de nulla dictum est : *Verbum caro factum est*; de nullo dictum est : *Ego et Pater unum sumus*. Anima Christi et caro Christi, cum Verbo Dei una persona est, unus Christus est. Ac per hoc ubi summa potestas, ibi secundum voluntatis nutum turbatur insirbitas. Hoc est, *turbavit semetipsum*. Dixi potestatem, attende significationem. Magnus reatus est, quem mortis quatriduanæ illa significat sepultura [Aug., Magnus reus est, quem mortis quatriduum, et illa significat sepultura]. Quid est ergo quod turbat semetipsum Christus, nisi ut significet tibi quomodo turbari tu debeas, cum tanta mole peccati gravaris et premeris ? Attendisti enim te, vidisti te reum ; computasti tibi : Illud feci, et pepercit Deus ; illud commisi, et distulit me ; Evangelium audivi, et contempsi. Dic, dic lacrymando, baptizatus sum, et iterum ad eadem revolutus sum : quid facio ? quo eo ? unde evado ? Quando ista dicis, jam fremit Christus, quia fides fremit. In voce frementis appetit spes resurgentis. Ubi ipsa fides intus, ibi est Christus fremens ; si fides in nobis, Christus in nobis. Quid enim aliud ait Apostolus : *Habitare Christum per fidem in cordibus vestris* (Ephes. iii, 17) ? Ergo si fides tua in Christo [Ms., de Christo], Christus est in corde tuo. Ergo fremat Christus in corde tuo. Flevit ergo Christus amicum mortuum, quem venit resuscitaturus. Quare enim flevit, nisi quia hominem stercor docuit oppressum pondere peccatorum ? Quare fremit et turbavit semetipsum, nisi quia fides hominis sibi merito displicentis fremere admodum debet in accusationem malorum operum, ut violentia pœnitentis [Aug., pœnitendi] cedat consuetudo peccandi ? Et dixit : *Ubi posuistis eum ?* Scis quia mortuus sit, et ubi sepultus ignoras ? Et ista significatio est. Non ausus sum dicere, nescit : quid enim*

A ille nescit ? Sed quasi nescit. Unde hoc probamus ? Dominum audi dicturum in iudicio : *Non novi vos, discedite a me* (Matth. vii, 23). Quid est, *Non vos novi* ? Non vos video in luce mea, non vos video in illa justitia quam novi. Sic et hic tanquam nesciens talem peccatorem, dixit : *Ubi posuistis eum ?* Talis est vox Dei in paradyso, posteaquam peccavit Adam, *Ubi es* (Gen. iii, 9) ?

Dicunt ei : *Domine, veni et vide. Quid est, vide ?* Miserere. Videt enim Dominus, quando miseretur. Unde illi dicitur : *Vide humilitatem meam, et laborem meum, et dimite omnia peccata mea* (Psalm. xxiv, 18). (VERS. 35, 36.) *Lacryma.us est Jesus. Dixerunt ergo Iudei : Ecce quomodo amat eum. Quid est, amabat eum ?* Non veni vocare justos, sed peccatores in B pœnitentiam. (VERS. 37.) *Quidam autem dixerunt ex ipsis : Non poterat hic qui apergit oculos cæci, facere ut hic non moreretur ?* Qui noluit facere ut non moretur, plus est quod facturus est, ut mortuus suscitetur. (VERS. 38.) *Jesus rursus fremens in semetipso, venit ad monumentum. Frenit et in te, si disponis reviviscere. Omni homini dicitur, qui premitur pesina consuetudine : Venit ad monumentum. Erat autem spelunca, et lapis superpositus erat ei. Mortuus sub lapide, reus sub lege. Scitis enim quia lex, quæ data est Iudeis, in lapide scripta est (Exod. xxxi, 18). Omnes autem rei sub lege sunt : bene viventes enim in lege non sunt [Aug., eum lege sunt]. Justo lex posita non est (I Tim. i, 9). Quid est ergo lapidem removere ? Gratiam prædicare. Apostolus enim Panlus ministrum se dicit novi testamenti, non litteræ, sed spiritus. Nam littera, inquit, occidit, spiritus autem vivificat (II Cor. iii, 6). Littera occidens, quasi lapis est premens. (VERS. 39, 40.) *Removete, inquit, lapidem. Removete legis pondus, gratiam prædicare. Dicit ei Martha, soror ejus qui mortuus fuerat : Domine, jam fetet, quatriduanus enim est. Dicit ei Jesus : Nonne dixi tibi, quoniam si credideris, videbis gloriam Dei ?* Quid est, videbis gloriam Dei ? Quia et putentem et quatriduanum suscitat. Omnes enim peccaverunt, et egent gloria Dei (Rom. iii, 23). Et ubi abundavit peccatum, superabundavit gratia (Rom. v, 20).*

(VERS. 41-43). — *Tulerunt ergo lapidem. Jesus autem elevatis sursum oculis, dixit : Pater, gratias ago tibi, quoniam audisti me. Ego autem sciebam, quia semper me audis, sed propter populum qui circumstet, dixi, ut credant quia tu me misisti. Hæc cum dixisset, 577 voce magna clamavit. Fremuit, lacrymavit, voce magna clamavit. Quam difficile surgit, quæna moles male consuetudinis premit. Sed lamen surgit, occulta gratia intus vivificatus : surgit post vocem magnam. Quid est factum ? (VERS. 44.) Voce magna clamavit : Lazare, veni foras. Et statim prodidit qui fuerat mortuus, ligatus pedes et manus inctitis, et facies illius sudario erat ligata. Quomodo processit ligatis pedibus miraris, et non miraris quia resur-*

^a Ms. : « Nam et anima Apostoli verbo illustrata est, anima Pauli et anima Petri verbo illustrata est. »

recte quatriduanus? In utroque potentia Domini erat, non vires mortui. Processit, et adhuc ligatus est: adhuc involutus, tamen foras jam processit. Quid significat? Quando contemnis, mortuus jaces; et si tanta quanta dixi contemnis, sepultus jaces: quando confiteris [surgis], tunc procedis. Quid est enim procedere, nisi ab occultis velut exeundo manifestari? Sed ut confitearis, Deus facit voce magna clamando, id est, magna gratia vocando. Ideo cum processisset mortuus adhuc ligatus, confitens et adhuc reus, ut solverentur peccata ejus, ministris hoc dixit Dominus: *Solvite illum, et sinite abiire.* Quid est, *Solrite, et sinis abiire?* Quae solveritis in terra, erunt soluta et in cœlis. Potuit enim ligamenta solvere, qui mortuum resuscitavit: sed propter unitatem sanctæ Dei Ecclesiæ, et individuam charitatem, dicitur ministra, id est, discipulis Christi: *Solvite eum, quia sine unitate catholicæ fidei et charitatis ecclesiastice sanctitatis, peccata non solvuntur.* (VERS. 45, 46.) *Multi autem ex Iudeis, qui venerant ad Mariam, et viderunt quæ fecit Jesus, crediderunt in eum. Quidam autem ex ipsis abierunt ad Pharisæos, et dixerunt quæ fecit Jesus.* Non omnes ex Iudeis qui convenerant ad Mariam, crediderunt: sed tamen multi. *Quidam vero ex eis, sive ex Iudeis qui convenerant, sive ex eis qui crediderant, abierunt ad Pharisæos, et dixerunt eis quæ fecit Jesus;* sive annuntiando, ut et ipsi crederent; sive potius prodendo, ut sœvirent. Sed quomodolibet, et a quibuslibet, ad Pharisæos ista prolata sunt.

CAPUT XXVIII.

Pontifices adversus eum concilium colligunt, in quo Caiphas, unum debere pro populo mori, ne cuncti perirent, prophetazat. Et ante sex dies Paschæ de unquenti super pedes Domini profusi pretio murmur agitur Iudeæ.

VERS. 47. — *Collegerunt ergo pontifices et Pharisæi concilium, et dicebant: Quid faciemus?* Nec tamen dicebant, credamus. Plus enim perdit homines cogitabant quomodo nocerent ut perderent, quam quomodo sibi consulerent ne perirent: et tamen timebant, et quasi consulebant. (VERS. 48.) *Dicebant enim: Quid faciemus?* Quia hic homo multa signa facit: si dimittimus eum sic, omnes credent in eum, et venient Romani, et tollent nostrum locum et gentem. Temporalia perdere noluerunt [Aug., timuerunt], et vitam æternam non cogitaverunt; ac sic utrumque amiserunt. Nam et Romani post Domini passionem et glorificationem tulerunt eis locum et gentem, et pugnando [Aug., expugnando] et transferendo; et illud eos sequitur quod alibi dictum est: *Fili autem regni hujus ibunt in tenebras exterioreas* (Matth. viii, 12). Hoc autem timuerunt, ne, si omnes in Christum credarent, nemo remaneret qui adversus Romanos civitatem Dei templumque defenderet: quoniam contra ipsum templum et contra suas paternas leges, doctrinam Christi esse sentiebant. (VERS. 49-51.) *Unus autem ex ipsis Caiphas, cum esset pontifex anni illius,*

*dixit eis: Vos nescitis quidquam, nec cogitatis quia expedit robis ut unus homo moriatur pro populo, et non tota gens pereat. Hoc autem a semel ipso non dixit, sed cum esset pontifex anni illius, prophetavit. Ille docuit etiam per homines malos prophetæ spiritum futura prædicere: quod tamen evangelista divino tribuit sacramento, quia pontifex fuit, id est, summus sacerdos. Potest autem movere quomodo dicatur pontifex anni illius, cum Dominus statuerit unum summum sacerdotem, cui mortuo unus succederet? Sed intelligendum per ambitiones et contentiones inter Iudeos postea constitutum, ut plures essent, et per annos singulos vicibus 578 ministrarent. Nam de Zacharia hoc dicitur: *Factum est autem, cum sacerdotio fungeretur in ordine roris suæ ante Deum, secundum constitutionem [AL, consuetudinem] sacerdotii, sorte exiit ut incensum ponere, ingressus in templum Domini (Luc. i, 18).* Hinc apparet plures eos fuisse, et vices suas habuisse: nam incensum non licebat ponere, nisi summo sacerdoti. Et forte etiam unum annum [Ms., uno anno] plures administrabant, quibus alio anno alii su cedebant, et quibus sorte exhibat qui incensum ponere. Quid est ergo quod prophetavit Caiphas? *Quia Jesus moriturus erat pro gente: non tantum pro gente, sed et filios Dei, qui erant dispersi, congregaret in unum.* Hoc evangelista addidit; nam Caiphas de sola Iudeorum gente prophetavit, in qua erant oves, de quibus ait ipse Dominus: *Non sum missus nisi ad oves, quæ perierunt domus Israel* (Matth. xv, 24).*

C Sed noverat evangelista alias oves quæ non erant de hoc ovili, quas oportebat adduci, ut esset [Ms., essent] unum ovile et unus pastor. Hæc autem secundum predestinationem dicta sunt; quia neque oves ejus, nec filii Dei adhuc erant, qui nondum crediderant. (VERS. 53, 54.) *Ab illo ergo die cogitaverunt, ut interficerent eum.* Jesus ergo iam non palam ambulabat apud Iudeos, sed abiit in regionem juxta desertum in civitatem, quæ dicitur Ephrem, et ibi morabatur cum discipulis suis. Non quia potentia ejus defecerat, in qua utique, si vellet, et palam cum Iudeis conversaretur, et nihil ei facerent; sed in hominis infirmitate vivendi exemplum discipulis demonstrabat, in quo apparet et non esse peccatum, si fideles ejus qui sunt membra ejus oculis persequantium sese subtraherent, et furorem sceleratorum latendo potius devitarent.

D Sciebat Jesus tempus appropinquasse passionis suæ et redēptionis nostræ. Appropinquante tempore in quo pati disposuit, appropinquavit ille et loco in quo ejusdem passionis dispensationem perficere voluit. Dicit enim evangelista: (VERS. 55.) « *Proximum autem erat Pascha Iudeorum.* Illum diem festum Iudei cruentum habere Domini sanguine voluerunt. Illo die festo occisus est Agnus, qui nobis eumdem diem festum suo sanguine consecravit. Consilium erat inter Iudeos de occidendo Jesu: ille qui de cœlo venerat [pati], propinquare voluit loco

* Ex S. Aug., tract. I, num. 2.

passionis, quia imminebat hora passionis. *Ascenderunt ergo multi in Hierosolymam de regione ante Pascha, ut sanctificarent seipso*. Hoc faciebant Iudei secundum praeceptum Domini, per sanctum Moysen in lege datum, ut die festo quo Pascha erat, omnes undique convenirent, et illius diei celebratione sanctificarentur. Sed illa celebratio umbra erat futuri. Quid est umbra futuri? Prophetia Christi venturi, prophetia pro nobis illo die passuri: ut transiret umbra, et lux veniret; ut transiret significatio, et veritas teneretur. Habant ergo Iudei Pascha in umbra; nos in luce. Quid enim opus erat ut Dominus eis praeciperet per ipsum diem festum ovem occidere, nisi quia ille erat de quo prophetatum est: *Sicut ovis ad immolandum datus est (Isaiæ LIII, 7)*? Sanguine occisi pecoris Iudeorum postes signati sunt (*Exod. XII, 22*): sanguine Christi frontes nostræ signantur. Et illa signatio, quæ erat significatio, dicta est a domibus signatis exterminatorem prohibere: signum Christi expellit a nobis exterminatorem, si cor nostrum recipiat Salvatorem. (VERS. 56.) Quærebant, inquit evangelista, Jesum, et colloquebantur ad invicem stantes in templo: *Quid putatis, quia non venit ad diem festum?* ^a Quærebant ergo Iudei Jesum, sed male: quærebant enim, ut venientem ad diem festum interficerent. Quæramus autem nos illum stantes in templo Dei, et perseverantes unanimiter in oratione, et colloquamur ad invicem psalmis, hymnis, cantis spiritualibus (*Ephes. V, 19*), in gratia postulantes ipsum, ut veniat ad diem festum nostrum, et sua nos presentia illustrare, sua ipse nobis dona sanctificare dignetur. *Dederunt autem pontifices et Pharisæi mandatum, ut si quis cognoverit ubi sit, indicet, ut apprehendant eum.* Mandatum ergo Iudeorum peccatum est illorum. Quærebant Christum occidere, non in Christo vivere. Quæramus nos in Christo vivere, quem illi quærebant occidere. Illi male quærebant, nos bene quæramus; nam nunc est tempus quærendi Dominum, sicut Propheta ait: *Quærite Dominum, dum inveniri potest (Isaiæ LV, 6)*. Qui misericordem eum invenire voluerit in judicio, quærat eum modo in humilitatis et charitatis officio.

579 CAPUT XII, VERS. 1. — *Ante sex dies Pascha venit Jesus Bethaniam, ubi fuerat Lazarus mortuus quem suscitavit.* ^a Sciens autem Dominus consiprasse de se occidendo Iudeos, non fugit insidiantium manus; sed certus de gloria resurrectionis primo venit Bethaniam, proximam Hierosolymis civitatem, ubi Lazarum suscitat a mortuis; deinde etiam Hierosolymam, ubi ipse patretur et resurget a mortuis: Hierosolymam quidem, ut ipse ibi moretur; Bethaniam vero, ut resuscitatio Lazari cunctorum memoriarum arctius imprimetur, et magis magisque confunderentur, atque inexcusabiles convincerentur impii principes, qui occidere non timebant eum, qui suscitare [Al., suscitar] posset a mortuis; et nec beneficia suscitationis provocati, nec

A divina suscitantis virtute perterriti, animos ab inusta cæde retraherent. ^b Nec transitorie legendum est quare ante sex dies Paschæ venisset Jesus Bethaniam: magna vero dignitas senarii numeri est in sanctis Scripturis, et multa opera Domini nostri in senario numero perfecta esse demonstrantur; quia senarius numerus in seipso per suas proprias partes divisus vel conjunctus, perfectissimus esse constat; habet enim partes tres in seipso denominatas, id est, unum, duo, et tres. Nam sexta ejus pars unum est; tercia vero, duo; dimidia itaque, tres. Unum vero et duo, et tres, sex esse dignoscitur; nec aliud ex his tribus partibus conjunctis confici potest, nisi sex tantum; nec in alias partes senarius numerus dividi potest, nisi in has tres, id est, unum, duo, tres. Nam ipse Dominus creator omnium, hujus mundi creaturas sex diebus perfecisse notissimum est, et sexta die hominem fecisse constat; quem serpentina fraude perditum, ante sex dies Paschæ venit ipse Filius Dei, per quem creatus est, Bethaniam ad liberandum; ut qui sexta die creatus est, sexta feria liberaretur; nam sexta feria Christum esse passum, nemini ignotum esse reor. Igitur et mense sexto annuntiante archangelo virgo sacra inspiratione Spiritus sancti eumdem Redemptorem nostrum concepisse legitur; qui etiam sexta hora, perfecta zetate, super puteum sedens mulieri Samaritanæ divini fontis fluente aperire dignatus est: sexta quoque zetate mundi, ipse creator ad redemptionem mundi juxta fidem sacre historiæ venisse jam legitur. Habent quoque haec tres partes, id est, unum, et duo, et tres, ex quibus, ut diximus, senarius constat, aliquid mysterii in dispensatione salutis humanæ. Primo itaque tempore sub lege naturæ, veluti in quadam unitate sancti Patres Deo serviebant; secundo vero tempore lex addita est ad naturam, ut quod mala consuetudo vitiavit in natura, lex reformaret in littera; et fuerunt duo, natura et lex; tertio itaque tempore venit gratia cœlestis per Jesum Christum; et sunt tria, natura, lex, et gratia. Sicut nec lex naturæ bonum destruit, nec gratia legem solvit, sed adimplevit, naturamque pristinæ reddidit nobilitati: natura tamen et lex sine gratia impleri non potuit, nec sic homini liberum arbitrium datum est, ut legis præcepto [*Ms.* vel legis præceptum], ut gratiae non indigeret, sicut Pelagiana heresis affirmat. ^c Et ne dicarent machinatores calumniarum phantastice suscitatum fuisse Lazarum, facta ibi Domino cena, et ipse unus erat ex discubentibus cum eo: ut dum viventem, loquenter, epulantem, cum suis familiariter conversantem viderent, sive audirent, vel sic suscitantis potentiam agnoscerent, et acciperent gratiam. Mystica autem cena haec Dominica, ubi Martha ministrabat, et Lazarus inter alios discubebat, fides est Ecclesiæ, quæ per dilectionem operatur. In qua

B D ^c Iterum ex Beda, hom. citata.

^a Hucusque ex Aug.

^b Ex Bedæ hom., fer. II post Palmaram.

coena Martha ministrat, cum anima quæque fidelis operam Domino sue devotionis impendit. Lazarus vero natus fit ex discubentibus domum Domino, cum etiam hi qui post [primam] peccatorum mortem resuscitati ad justitiam sunt, una cum eis qui in sua permanere justitia, de præsentia veritatis exsultant; pœnitentes simul cum innocentibus cœlestis gratiae muneribus aluntur. Et bene eadem coena in Bethania celebratur, quæ est civitas in latere montis Oliveti, et interpretatur domus obedientiæ. Dominus namque obedientiæ Ecclesia est, quæ fideliter Domini jussis obtemperat: et ipsa est civitas quæ super montem misericordiæ constituta nunquam potest abscondi, ipsaque [Ms., ipsa quæ] de sui latere constructa Redemptoris, id est 580 aqua ablutionis, et sanguine sanctificationis, quæ de ipsius latere pro se morientis exire [Beda, exierit], imbuta est; ubi etiam altera soror Lazarus Maria in magno indicium dilectionis, sicut sequentia monstrant evangelicæ lectionis, accepit libram unguenti nardi pistici pretiosi, et unxit pedes Jesu, et extersit capillis suis pedes ejus. Quo facto non solum suæ dat indicium devotionis, sed et aliarum fidelium Deo animarum signat pietatis obsequium.

Vers. 3. — *Maria autem accepit libram unguenti nardi pistici pretiosi.* Quid namque per libram unguenti nisi perfectio justitiae exprimitur? Quod unguentum ex nardo pistico dicitur esse confessum: quid enim per unguentum, nisi bonus odor opinionis insinuatur? Et hoc unguentum ex nardo pistico [Al., pistica] conficitur, id est, nardo fideli. Nam *pistis* Græce, *fides* Latine dicitur; siue fide enim Deo placere impossibile est, nec bona fama sine fide catholica fieri poterit. « O homo, unge pedes Jesu bene vivendo, Dominica sectare vestigia, et capillis exterge, ac si habeas superflua, pauperibus eroga. Hoc est capillis pedes Jesu tergere. Quæ tibi superflua sunt, podibus Domini necessaria sunt, » id est, minimis quibusque in Ecclesia; de quibus in fine dicturus erit Dominus: *Quandiu fecisti uni ex minimis his, mihi fecisti* (Matth. xix, 40). *Domus autem repleta est odore* id est, Ecclesia vite religiosa fama [bona]. Nam odor bonus est vita bona. Audi Apostolum: *Christi bonus odor sumus*, inquit, in omni loco (II Cor. ii, 15); et in Cantico cantorum: *Unguentum effusum nomen tuum* (Cant. i, 2). Item: *Dum esset rex in accubitu suo, nardus mea dedit odorem suum.* Ubi aperte quid Maria semel fecerat [Ms., fecerit], typice autem quid omnis Ecclesia; quid anima quæque perfecta semper faciat, ostenditur.

Vers. 4, 5. — *Dicit ergo unus ex discipulis ejus Judas Iscariotes, qui erat eum traditus: Quare hoc unguentum non venit trecentis denariis, et datum est egenis?* ^a Vx impio traditori! Vx complicibus ejus nequitiae, etiam nunc membra Christi persequentiibus, qui famam virtutis, quam ipsi habere non

A merentur, proximis qui habent, invidere non cessant! Et quidem putare possemus, Judam eum pauperum hæc suis locutum, sed prodit mentem illius testis verax, qui ait: (Vers. 6) *Dixit autem hoc, non quia de egenis pertinebat ad eum, sed quia fur erat, et loculos habens, ea quæ mittebantur, portabat.* Non ergo tunc Judas periit, quando pecunia corruptus Dominum perdidit [Al., prodidit]; sed jam perditus Dominum sequebatur, qui loculos habens dominicos, ea quæ mittebantur, portabat in ministerium pauperum, quæ etiam insidieli mente furari solebat. Videns ergo Dominus cor illius cupiditatis jam sorde pollutum, prævidens pejori prodictionis sorde polluendum, commisit ejus fidei, quidquid habebant [Beda, habebat] in sacculis, eumque de his quæ vellet facere permisit, ut vel collati honoris, vel habite memoria pecunia, mentem ab ipsius venditione revocaret. Verum quia semper avarus eget, neque unquam beneficiorum perfidus meminit, impius a furto pecunia quam portabat, pervenit ad traditionem Domini, qui pecuniam sibi servandam commendabat.

Vers. 7. — *Dixit ergo Jesus: Sine illam ut in diem sepulturæ meæ servet illud.* Quasi innocenter interroganti Judæ, Dominus simpliciter et mansuele, quo ministerium Mariæ pertineret, exposuit: quia ipse videlicet moriturus, et ad sepeliendum aromatibus esset ungendus. Ideoque Mariæ, cui ad uocacionem mortui corporis ejus quamvis multum desideranti pervenire non liceret, donatum est ut viventi adhuc impenderet obsequium, quod post mortem, celeri resurrectione præventa, requireret [Ms., et Beda, nequiret]. Unde bene Marcus Dominum de illa dixisse testatur: *Quod habuit, hæc fecit, prævenit ungere corpus meum in sepulturam* (Marc. xiv, 8). Quod est aperte dicere: quia corpus meum iam defuncti tangere non poterit, solum quod potuit fecit. Prævenit vivum adhuc, funerandi officio donare. (Vers. 8.) *Pauperes enim semper habebitis vobiscum, me autem non semper habebitis.* Et hic magnæ moderamine patientia Dominus non Judam arguit avaritiae, et non pauperum gratia de pecunia loqui, sed ex ratione demonstrat non esse culpados eos qui ei inter homines coaversanti de facultatibus suis ministrarent, cum tam parvo tempore ipse apud Ecclesiam corporaliter 581 mansarus; pauperes autem, quibus eleemosyna fieri posset, in ea semper essent habendi. (Vers. 9.) *Cognovit ergo turba multa ex Judeis, quia illic est, et venerant non propter Jesum tantum, sed ut Lazarum viderent, quem suscitavit a mortuis.* Curiositas hos, non charitas adduxit ad Jesum: sed nos versa vice, fratres charrissimi, si cognoscimus ubi Jesus est, ubi mansionem facit, ubi Bethaniam, id est, domum animæ obedientis, in qua habitat, inveniunt; veniamus illic contemplatione, non propter hominem tantum, quem a morte anime suscitatum spiritualiter vivere de-

^a Ex S. Aug., tract. L, num. 6.

^b Ex Ven. Bede hom. seria II post Palmarum.

vit, sed ut bonam hominis vitam imitando, per hoc ad visionem Jesu pertingere mereamur: quia pro certo cognovimus ubi Jesus est; resurrexit enim post mortem, et ascendit in coelum, ubi habet mansionem perpetuam: ipsa est vera Bethania, civitas scilicet caelestis, quam nullus valet nisi obediens intrare. (Vers. 10, 11.) *Cogitaverunt autem principes sacerdotum, ut et Lazarum interficerent, quia multi propter illum abibant ex Iudeis, et credebant in Iesum.* O cæca exororum versutia, occidere velle suscitatum! quasi non posset suscitat occisum, qui poterat defunctum. Et quidem se utrumque posse docuit, qui et Lazarum defunctum, et seipsum suscitavit occisum. » *

Postquam Dominus quatriduanum mortuum suscitavit, stupentibus Iudeis, et aliis eorum videndo credentibus, aliis invidendo perentibus, discubuit in domo Jesus recumbente quoque Lazaro, qui fuerat a morte suscitatus: post unguentum diffusum super pedes ejus, unde dominus odore completa est, de quibus in superioribus, quantum potius, tractavimus; nunc videndum est, quid ante Domini passionem gestum est. Dicit enim Evangelista:

CAPUT XXIX.

Turba cum ramis palmarum occursens, clamat, Osanna. Ipse vero super pullum sedet, Pharisæis dicensibus: Totus mundus post eum abit.

Vers. 12, 13. — *In crastinum autem turba multa, que convenerat ad diem festum, cum audissent, quia venit Jesus Hierosolymam, acceperunt ramos palmarum, et processerunt obviam ei, et clamabant: Osanna, benedictus qui venit in nomine Domini rex Israel.* » Rami palmarum laudes sunt, significantes victoriæ, qua erat Dominus mortem moriendo super-raturus, et trophæo crucis diabolus mortis principem [Ms., de diabolo... principe] triumphaturus. » *Osanna, benedictus qui venit in nomine Domini.* Notandum sane quod *Osanna* verbum Hebraicum, compositum est ex duobus, corrupto et integro. *Salva* namque sive *salvifica* apud eos dicitur [Osi. At vero *anna*] interjectio est deprecantis, quomodo apud Latinos interjectio est dolentis, *hen!* et interjectio admirantis, *papa!* Denique in Psalmo, ubi LXX interpres transtulerunt, *o Domine, salvum me fac,* in Hebreo scriptum est, *Anna, Adonai, Osanna* [Ms., *Osianna*], quod interpres noster Hieronymus diligenter elucidans transtulit: *Obsecro, Domine, salva, obsecro.* Idem namque significat, *o Domine,* per interjectionem obsecrantis, quod, *obsecro, Domine,* per ipsum verbum obsecrationis. *Osanna* itaque, *salva, obsecro,* significat, consumpta littera i vocali, quæ verbum prius terminat, cum perfecte dicitur *osi*, per virtutem litteræ vocalis Aleph, a qua verbum sequens incipit *anna*, quod metrici in versibus scandendis synalepham vocant: quamvis [illi] scriptam litteram scandentes transiliant. In hoc autem verbo *Osanna*, iota littera, nec satis [Ms., sol-

A] tim] scribatur, sed sensu loquentium salvo funditus intermittatur.

Benedictus qui venit in nomine Domini rex Israel.

» Sic accipiendum est ut in nomine Domini in nomine Del Patris intelligatur, quamvis possit intelligi etiam in nomine suo, quia et ipso est Dominus. Unde alibi scriptum est: *Pavit Dominus a Domino* (Gen. xix, 24). Verba ejus melius nostrum dirigunt intellectum, qui ait: *Ego veni in nomine Patris mei, et non suscepistis me. Alius veniet in nomine suo, hunc suscipietis* (Joan. v, 43). Humilitatis enim magister est Christus, qui *humiliavit semetipsum factus obediens usque ad mortem, mortem autem crucis* (Philip. ii, 8). Non itaque 582 amittit divinitatem, quando nos docet humilitatem. In illa Patri est aequalis, B] in hac nobis similis; per quod Patri est aequalis, nos ut essemos, creavit; per quod nobis est similia, ne periremus, redemit. Has ei laudes turba dicebat: *Osanna, benedictus qui venit in nomine Domini rex Israel.* Quam vocem mentis invidentia principes Judeorum perpeti non poterant [Aug., quam crucem mentis invidentia principum Judeorum perpeti poterat], quando regem suam Christum tanta multitudo clamabat. Sed quid fuit Domino regem esse Israel? Quid magnum fuit regi saeculorum, regem fieri hominum? Non enim rex Israel Christus ad exigendum tributum; vel ferro exercitum armandum hostesque debellandos: sed rex Israel, quod mentem regat, quod in æternum consulat, quod in regnum celorum credentes, sperantes, amantesque perducat. Dei ergo Filius aequalis Patri, Verbum per quod facta sunt omnia, quod rex esse voluit Israel, dignatio est, non promotio; miserationis indicum est, non potestatis augmentum; qui enim appellatus est rex Judeorum, in celis est Dominus angelorum. (Vers. 14.) *Et invenit Jesus asellum, et sedet super eum.* Hic breviter dictum est; nam quemadmodum sit factum, apud alios evangelistas plenissime legitur. Adhibetur autem huic facto propheticum testimonium, ut appareret quod maligni principes Judeorum cum non intelligebant, in quo impiebantur quæ legebant: *Invenit ergo Jesus asellum, et sedet super eum.*

Vers. 15. — *Sicut scriptum est: Noli timere, filia Sion, ecce rex tuus venit sedens super pullum asinæ*

D] (Zach. ix, 9). Hæc filia Sion, cui divinitas ista dicuntur, in illis erat oibus quæ vecem pastoris audiebant; in illa erat multitudo quæ Dominum venientem tanta devotione laudabat, tanto agmine deducebat. Ei dictum est: *Noli timere;* illum agnosc, qui ecce [Ms., qui a te] laudatur; et noli trepidare cum patitur, quia ille sanguis fundetur per quem tuum delictum deleatur et vita redimatur [Aug., redatur]. Sed pullum asinæ, in quo nemo sederat (hoc enim apud alios evangelistas invenitur) intelligimus populum gentium, qui legem Domini non acceperat; asinam vero (quia utrumque jumentum Domino ad-

* Hucusque ex Bede homilia citata.

† Ex S. Aug., tract. li, num. 2-13.

ductum est), plebem ejus, quæ veniebat ex populo Israel, non indomita tamen, sed quæ præsepe Domini agnoscit. (VERS. 16.) *Hæc non cognoverunt discipuli ejus primum, sed quando glorificatus est Jesus.* Id est, quando virtutem suæ resurrectionis ostendit. Tunc recordati sunt, quia hæc erant scripta de eo. Recolentes quippe secundum Scripturam, quæ ante passionem vel in Domini passione completa sunt, ibi et hoc invenerunt, ut secundum eloquia prophetarum in pullo asinie sederet.

VERS. 17-19. — *Testimonium ergo perhibebat turba quæ erat cum eo, quando Lazarum vocavit de monumento, et suscitatavit eum a mortuis. Propterea et ob viam venit ei turba, qui audierunt, eum fecisse hoc signum. Pharisæi ergo dixerunt ad semetipos: Videatis, quia nihil proficimus, ecce mundus totus post eum abiit.* Turba turbavit turbam. Quid autem invides, cœca turba, quia post eum vadit mundus, per quem factus est mundus?

CAPUT XXX.

Nuntiatus gentibus eum videre volentibus, horam suæ clarificationis esse dicit, et granum frumenti mortuum mulum fructum pronuntiat allaturum. Ministrantem quoque sibi honorificandum promittit.

VERS. 20-22. — Erant autem gentiles quidam ex his qui ascenderant ut adorarent in die festo. Hi ergo accesserunt ad Philippum, qui erant a Bethsaida Galilæo, et rogabant eum dicentes: Domine, volumus Jesum videre. Venit autem Philippus, et dicit Andräæ. Andreas rursus et Philippus dixerunt Jesu. Videamus quid Dominus ad ista responderit. Ecce voluerunt eum Judæi occidere, gentiles videre: sed etiam illi ex Judæis erant, qui clamabant: Benedictus qui venit in nomine Domini rex Israel. Ecce illi ex circumcisione, illi ex preputio, velut parietes de diverso venientes, et in unam fidem Christi pacis osculo concurrentes. Audiamus ergo vocem lapidis angularis. (VERS. 23.) Jesus autem, inquit, respondit eis dicens: Venit **583** hora, ut clarificetur Filius hominis. Hic quisquam forsitan putat ideo se dixisse glorificatum, quia gentiles eum volebant videre. Non ita est: sed videbat ipos [Ms., ipse] gentiles post passionem et resurrectionem suam in omnibus gentibus credituros; quia, sicut dicit Apostolus: Cœcitas ex parte Israel facta est, donec plenitudo gentium intraret (Rom. xi, 25). Ex occasione igitur istorum gentilium qui eum videre cupiebant, annuntiat futuram plenitudinem gentium, et promittit jam jamque adeasse horam glorificationis suæ, qua facta in cœlis, gentes fuerant credituræ. Unde prædictum est: *Exaltare super cœlos Deus, et super omnem terram gloriam tuam* (Psalm. cxvii, 7). Hæc est gentium plenitudo, de qua dicit Apostolus: Cœcitas ex parte Israel facta est, donec plenitudo gentium intraret. Sed altitudinem glorificationis oportuit ut præcederet humilitas passionis. Ideo secutus adjunxit: (VERS. 24, 25) Amen, amen dico vobis, nisi granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert. Se autem di-

A cebat ipsum esse granum mortificandum et multiplicandum: mortificandum infidelitate Judæorum, multiplicandum sive omnium populorum. Jam vero exhortans ad passionis suæ seclanda vestigia, Qui amat, inquit, animam suam, perdet eam. Quod duobus modis intelligi potest: Qui amat, perdet, id est, si amas, perdes [Ms. et Aug., perde]: si cupis vitam tenere in Christo, noli timere mori pro Christo. Item alio modo: Qui amat animam suam, perdet eam. Noli amare in hac vita, ne perdas in æterna vita. Hoc autem quod posterius dixi, magis habero videtur evangelicus sensus; sequitur enim: Et qui odit animam suam in hoc mundo, in vitam æternam custodit eam. Ergo quod supra dictum est: Qui amat, subintelligitur, in hoc mundo; ipse itaque [Aug., utique] perdet: Qui autem odit, utique in hoc mundo, in vitam æternam ipse custodit eam. Magna et mira sententia, quemadmodum sit hominis in animam suam amor ut pereat, odium ne pereat! Si male amaveris, tunc odisti: si bene oderis, tunc amasti. Felices qui oderunt custodiendo, ne perdant amando. » Hic animæ nomine vita præsens designatur; vel etiam hujus vite delectatio, quæ perdenda est ut feliciter invenias voluntatem tuam in regno Dei, quam fortiter vicisti in hoc sæculo. Nam sancti martyres odio habuerunt hanc præsentem vitam pro Christi nomine, dum magis voluerunt hanc præsentem vitam perdere, quam Christum negare, impletantes quod sequitor:

VERS. 26. — Si quis mihi ministrat, me sequatur. « Quid est, me sequatur, nisi me imitetur? Christus enim pro nobis passus est, ait Apostolus Petrus, relinquens nobis exemplum, ut sequamur vestigia ejus (I Petr. ii, 21). Ecce quod dictum est: Si quis mihi ministrat, me sequatur. Quo fructu, qua mercede, quo præmio? Et ubi sum, inquit, ego, illic et minister meus erit. » Merces est amoris, et operis pretium, quo ministratur Christo, esse cum illo cui ministrat. « Ubi enim bene erit sine illo? Aut quomodo [Aug., aut quando] [male] esse poterit cum illo? Audi evidenter: Et si quis mihi ministraverit, honorificabit eum Pater meus. Quo honore, nisi ut sit cum Filio ejus? Quod enim superioris ait: Ubi ego sum, illic et minister meus erit: hoc intelligitur expusuisse, cum dicit: Honorificabit eum Pater meus. Nam quem majorem honorem accipere poterit adoptatus, quam ut sit ubi est unicus; non aequalis factus divinitati, sed consociatus [Ms., consocius] æternitati? Quid sit autem ministrare Christo, cui operi merces tanta promittitur, considerandum est: Si quis mihi ministrat, me sequatur, hoc intelligi voluit, ac si diceret: Si quis me non sequitur, non mihi ministrat. Ministrant ergo Jesu Christo qui non sua querunt, sed quæ Jesu Christi (Philip. ii, 21). Hoc enim est, me sequatur, vias ambulet meas, non suas: sicut alii scriptum est: Qui se dicit in Christo manere, debet, sicut ille ambulauit, et ipse ambulare (I Joan. ii, 6). Etiam si porrigit eam panem, de misericordia facere debet, non de jactantia; non aliud ibi queret quam opus bonum, ne sciendo

*sinistra quid faciat dextera (Matth. vi, 3), id est, ut alienetur intentio cupiditatis ab opere charitatis. Illi dicitur : *Cum uni ex minimis meis fecisti, mihi fecisti* (Matth. xxv, 40). Nec ea tantum quæ ad misericordiam pertinent corporalem, sed omnia opera propter Christum faciens, (tunc erunt bona, quoniam finis legis Christus ad justitiam omni credenti [Rom. x, 4]) **384** credens [Aug. om., credens] minister est Christi usque ad illud opus magnæ charitatis, quod est animam suam pro fratribus ponere ; hoc est enim, et pro Christo ponere : quia et hoc propter sua membra dicturus est : *Cum pro istis fecistis, pro me fecistis. De tali quippe opere etiam se ministrum facere, et appellare dignatus est, ubi ait : Sicut Filius hominis non venit ministrari, sed ministrare, et animam suam ponere pro multis* (Matth. xx, 28). Hinc ergo est unusquisque minister Christi, unde est et minister Christus. Sic ministrantem Christo honorificat Pater ejus, honore illu magno, ut sit cum Filio ejus, nec unquam deficiat fides ejus [Aug., felicitas ejus]. » Communiter vero de omnibus ait : *Si quis mihi ministrat ; omnis enim quicunque bene agit, Christo ministrat.* « Unde unusquisque pro modulo suo ministret Christo, bene vivendo, eleemosynas faciendo, nomen doctrinamque ejus, quibus potuerit prædicando. » Qui vero bene viventes exhortatur ut permaneant in bene vivendo, ministrat Christo ; qui vero humiliter admonentii se obedit, ministrat Christo ; et qui fideliter in hoc sæculo ministrat Christo, feliciter in futuro sæculo regnabit cum Christo.*

Cum Dominus Jesus prædixisset in grano frumenti [Ms., sinapis] passionem suam, et suos hortaretur inimicis ut sequerentur eum, ad nostram rursum infirmitatem suum temperavit affectum, et ait :

CAPUT XXXI.

Animam suam turbatam esse dicenti, et clarificari se a Patre poscenti vox de celo ait : Et clarificavi, et iterum clarificabo. Post hæc multa prosequitur, inter quæ se non ad judicandum, sed ad salvandum mundum venisse testatur.

Vers. 27. — *Nunc anima mea turbata est.* Unde turbata est, Domine Jesu, anima tua ? Nunquid non ideo animam accepisti, et hominem perfectum, ut patereris in eo ? Video te, Domine, nostram infirmitatem in te transferre et in te causam suspicere nostram. Ideo turbatus es, quia voluisti ; sicut natus fuisti, quia voluisti. Nam paulo ante de te dictum est, ubi Lazarum suscisti : *Turbavit semetipsum.* Nam his verbis ab infirmitate nostra rapuit nos ad infirmitatem suam. Vox est enim fortitudinis Domini, ubi ait : *Venit hora, ut clarificetur Filius hominis :* vox est enim infirmitatis nostræ, dum ait : *Nunc anima mea turbata est.* « O Domine mediator, Deus supra nos, homo propter nos, agnosco misericordiam tuam. Nam quod tu tantus, tuæ charitatis voluntate turbaris, multos in corpore tuo, qui suæ

A infirmitatis necessitate turbantur, ne desperando percant, consolaris. Audi ergo, o miles Christi, quid deinde subjungat, cum dixisset : *Nunc anima mea turbata est. Et quid dicam, inquit ? Pater salvifica me ex hac hora. Sed propterea reni in horam hanc : Pater, clarifica tuum nomen.* Docuit te quid cogites, docuit quid dicas, quem invoces, in quo speres, cuius voluntatem certam atque divinam tuæ voluntati humanae, instruæque proponas [Aug., præponas]. Non ideo tibi videatur ex alto desicere, quia te vult ab imo prospicere [Aug., proficere] ? Nam et tentari dignatus est a diabolo, a quo utique, si nollet, non tentaretur : et ea respondit diabolo, quæ tu in temptationibus debebas respondere. Et ille quidem tentatus est, sed non periclitatus : ut doceret te in temptatione periclitantem, tentatori respondentem, et post temptationem non ire [Ms. et Aug., respondere et post tentatorem non ire], sed a periculo temptationis exire. Sicut autem hic dixit : *Nunc anima mea turbata est, ita etiam ibi dicit : Tristis est anima mea usque ad mortem.* Et : *Pater, si fieri potest, transeat a me calix iste.* Hominis suscepit infirmitatem, ut doceat sic contristatum et conturbatum, quod sequitur dicere. Verumtamen, non quod ego volo, sed quod tu vis, Pater (Matth. xxvi, 38, 39). Sic enim homo ab humanis in divina dirigatur, cum voluntati humanæ voluntas divina præponitur. Quid est autem, *clarifica tuum nomen*, nisi in sua passione et resurrectione ? Quid est ergo aliud, nisi ut Pater clarificet Filium, qui clarificat nomen suum, etiam in similibus

B **385** passionibus servorum suorum ? (Vers. 28.) *Venit ergo vox de celo dicens : Et clarificavi, et iterum clarificabo. Et clarificavi, antequam facerem mundum ; et iterum clarificabo, surgentem a mortuis et ascendentem in cœlum.* Et aliter intelligi potest : *Et clarificavi, eum de virgine natus est, cum de cœlo indice stella a magis adoratus est, cum a sanctis sancto Spiritu plenis agnitus est, cum descendente Spiritu in specie columbae declaratus, cum voce de cœlo sonante monstratus, cum in monte transfiguratus, cum miracula multa fecit, cum multos sanavit atque mundavit, cum de paucissimis paribus tantam multitudinem pavit, cum ventis et fluentibus imperavit, cum mortuos suscitavit. Et iterum clarificabo, cum resurget a mortuis, cum mors ei ultra non dominabitur, cum exaltabitur super cœlos Deus, et super omnem terram gloria ejus.* (Vers. 29, 30.) *Turba ergo quæ stabat et audiebat, dicebat tonitruum esse factum : alii dicebant, angelus ei locutus est. Respondit Jesus et dixit : Non propter me vox hæc venit, sed propter vos.* Hic ostendit illa vox non sibi indicatum quod jam sciebat, sed eis quibus indicari oportebat. Sicut autem illa vox non propter eura, sed propter illos a divinitate facta est : sic anima ejus non propter cum, sed propter alios voluntate turbata est. »

D Vers. 31. — *Nunc judicium est mundi.* Non enim

* Ex S. Aug., tract. LII, num. 2-11.

de futuro judicio hoc dictum esse putemus quod in fine mundi futurum est, ubi boni et mali separabuntur aeterna divisione, sed de judicio quod quotidie in sancta Dei Ecclesia solet esse. ¶ Possidebat ergo diabolus genus humanum, et reos suppliciorum tenebat chirographo peccatorum; dominabatur in cordibus infidelium, ad creaturam colendam deserto creatore, deceptos captivosque trahebat: per Christi autem fidem quae morte ejus et resurrectione firmata est, per ejus sanguinem qui in remissionem fusus est peccatorum, millia credentium a dominatu diaconi liberantur, Christi corpori copulantur, et sub tanto capite uno ejus spiritu debilia [Aug., fidelia] membra vegetantur. Hoc vocabat judicium, hanc discretionem, hanc a suis redemptis diaboli expulsione. Denique attende, quid dicat, quasi quereremus quid esset quod ait: *Nunc judicium est mundi, secessus exposuit*, ait enim: *Nunc princeps hujus mundi ejicietur foras*. Audivimus quale dixerit esse judicium. Non ergo illud quod in fine venturum est, ubi vivi et mortui judicandi sunt, aliis ad sinistram, aliis ad dexteram separatis: sed judicium quo princeps hujus mundi ejicietur foras. Quomodo ergo intus erat? Quo eum dixit ejiciendum foras? *Nunc*, inquit, *princeps hujus mundi ejicietur foras*; hoc intelligendum est quod nunc fit, non quod tantum [Aug., tanto] post futurum est in novissimo die. Prævidebat [Aug., prædicebat] ergo Dominus quod sciebat, post passionem et glorificationem suam per universum mundum multos populos credituros, in quorum cordibus diabolus intus erat; cui quando ex fide renuntiant, ejicietur foras. Sed dicit aliquis: Nunquid de cordibus patriarcharum et prophetarum, veterumque justorum non est ejectus [foras]? Ejectus est plane. Quomodo ergo dictum est, *Nunc ejicietur foras*? Quomodo putamus, nisi quia tunc quod in hominibus paucissimis factum est, nunc in multis magnisque populis jani futurum esse praedictum est? Sicut illud quod dictum est: *Spiritus autem nondum erat datus, quia Jesus nondum erat glorificatus* (Joan. vii, 39), potest similem habere questionem et similem solutionem. Non enim sine Spiritu sancto futura prænuntiaverunt prophetæ: aut non etiam Dominum infantem in Spiritu sancto Simeon senex et Anna vidua cognoverunt; et Zacharias et Elisabeth, qui de illo nondum nato, sed jam concepto tanta per Spiritum sanctum prædixerunt. Sed Spiritus nondum erat datus, id est, illa abundantia gratiae spiritalis, qua congregati linguis omnium loquerentur, ac si in linguis omnium gentium futura prænuntiaretur Ecclesia, qua gratia spiritali populi congregarentur, qua longe lateque peccata dimitterentur, et millia millium Deo reconciliarentur. Quid ergo, ait quispiam, quia diabolus de credentium cordibus ejicitur foras, jam fidelium neminem tentat? Imo vero tentare non cessat. Sed aliud est intrinsecus regnare, aliud est forinsecus oppugnare; aliud est vulnerare, aliud occidere. Sed si vulnerat, adest qui sanat. Quia sicut 586 pugnantibus dictum

A est. *Haec scribo vobis, ut non peccatis*; ita qui vulnerantur, quod sequitur, audiunt: *Et si peccaveritis, advocatum habemus apud Patrem Iesum Christum justum, ipse est propitiatio peccatorum nostrorum* (I Joan. ii, 1). Quid enim oramus, cum dicimus: *Dimille nobis debita nostra* (Matth. vi, 12), nisi ut vulnera nostra sanentur? Et quid aliud petimus, cum dicimus: *Et ne nos inferas in temptationem*, nisi ut ille qui insidiatur, vel certat extrinsecus, nulla irrumpat ex parte, nulla nos fraude decipiat, nullis nos subvertat machinis? Quando non tenet locum cordis, ubi fides habitat, ejectus est foras. Sed, *Nisi Dominus custodierit civitatem, in vanum vigilat, qui custodit eam* (Psal. cxxvi, 1). Nolite ergo de vobis ipsis presumere, si non vultis foras ejectum diabolum intro iterum revocare. Absit autem ut diabolum mundi principem ita dictum existimemus, ut eam celo et terre dominari posse credamus. Sed mundus appellatur in malis hominibus, qui toto terrarum orbe diffusi sunt: sicut appellatur domus in his a quibus habitatur, secundum quod dicimus: *Bona domus est, vel mala domus est; non quando reprehendimus, sive laudamus sedislicium parietum atque tectorum; sed quando mores vel honorum hominum vel malorum. Sic ergo dictum est, princeps hujus mundi*, id est, princeps malorum hominum [Aug., malorum omnium], qui habitant in mundo. Appellatur etiam mundus in bonis, qui similiter toto terrarum orbe diffusi sunt: inde dicit Apostolus: *Deva erat in Christo, mundum reconcilians sibi* (II Cor. v, 19). Hi sunt ex quorum cordibus princeps mundi ejicitur foras. Cum ergo dixisset: *Nunc princeps hujus mundi ejicietur foras*:

Vers. 32. — *Et ego, inquit, si exaltatus fuero a terra, omnia traham post me. Quæ omnia, nisi ex quibus ille ejicitur foras?* Non autem dixit omnes, sed omnia; non enim omnium est fides (II Thess. iii, 2). Non itaque hoc ad universitatem hominum retulit, sed ad creaturem integratam, id est, spiritum et animam et corpus; et illud quod [Aug., quo] intelligimus, et illud quod [Aug., quo] videmus, et illud quod [Aug., quo] visibles et contractabiles sumus. Qui enim dixit: *Capillus capitis vestri non peribit* (Luc. xxi, 18), omnia trahit post se. Aut si omnia ipsi homines intelligendi sunt, omnia prædestinata ad salutem possumus dicere: ex quibus omnibus, ait, nihil esse peritum, cum supra de suis oīibus loqueretur (Joan. i, 28). Aut certe omnia hominum genera, sive in linguis omnibus, sive in etatibus omnibus, sive in gradibus honorum omnium, sive in diversitatibus ingeniorum omnibus, sive in artium licitarum et utilium professionibus omnibus, et quidquid aliud dici potest, secundum innumerabiles differentias quibus inter se, præter sola peccata, homines distant, ab excelsissimis usque ad humiliissimos, a rege usque ad mendicum: *Omnia, inquit, traham post me, ut sit caput corum, et illa membra ejus. Sed si exaltatus, inquit, fuero a terra, hoc est, cum exaltatus fuero: non enim dubitat futurum esse quod venit implore.*

Hoc refertur ad illud, quo superius ait: *Si autem mortuum fuerit granum, multum fructum afferit (Joan. xii, 24).* Nam exaltationem suam quid aliud dixit, quam in cruce passionem? Quod et ipse evangelista non tacuit; subjunxit enim, et ait: (VERS. 33, 34.) *Hoc autem dicebat, significans qua morte esset moriturus. Respondit ei turba: Nos audivimus ex lege, quia Christus manet in aeternum, et quomodo tu dicas: Oportet exaltari Filium hominis? Quis est iste Filius hominis?* Memoriter temuerunt quod Dominus diebat assidue Filium hominis se esse. Nam hoc loeo non ait: si exaltatus fuerit a terra Filius hominis: sed sicut superius dixerat, quando nuntiati sunt gentiles illi, qui eum videre cupiebant: *Venit hora, ut glorificetur Filius hominis.* Hoc itaque isti animo retinentes, et quod nunc ait: *Cum exaltatus fuero a terra, mortem crucis intelligentes, quiescerunt ab illo, et dixerunt: Nos audivimus ex lege, quia Christus manet in aeternum: ei quomodo tu dicas: Oportet exaltari Filius hominis?* Si enim Christus est, inquit, manet in aeternum: si manet in aeternum, quomodo exaltabitur a terra? Id est, quomodo crucis passione morietur? Hoc enim eum dixisse intelligebant, quod facere cogitabant. Non ergo eis verborum istorum obscuritatem aperuit infusa sapientia, sed stimulata conscientia. (VERS. 35.) *Dixit ergo eis Jesus: Adhuc modicum lunum in vobis est.* Hinc est, quod intelligitis [Ms., intelligetis], quod Christus manet in aeternum. *Ergo ambulate, dum lucem habetis, ut non vos tenebre comprehendant.* Ambulate, accedite, totum 587 intelligite, et mortuorum Christum et victurum in aeternum; et sanguinem fusurum quo redimat, et ascensurum in sublimia quo perducat. Tenebra autem vos comprehendent, si eo modo credideritis Christi aeternitatem, ut negetis in eo mortis humilitatem. *Et qui ambulat in tenebris, nescit quo vadat.* Sic potest offendere in lapidem offensionis, et petram scandali, quod fuit Dominus cæcis Iudeis (I Petr. ii, 8); sicut credentibus lapis quem reprobaverunt edificantes, factus est in caput anguli (Psal. cxvi, 22). Hinc indignati sunt credere in Christum, quia eorum impietas contempsit mortuum, risit occisum: et ipsa erat mors grani multiplicandi, et exaltatio trahentis post se omnia.

VERS. 36. — *Dum lucem habetis, credite in lucem, ut filii lucis sitis.* Cum aliquid veri auditum habetis, credite in veritatem, ut renascamini in veritate. *Hæc locutus est Jesus, et abscondit se ab eis.* Non ab eis qui credere et diligere ceperant; non ab eis qui cum ramis palmarum et laudibus obviam venerant; sed ab eis qui videbant et invidebant, quia nec videbant, sed in lapidem illum cæciti [Aug., cæcitate] offendebant. Cum autem se abscondisset Jesus ab eis qui illum occidere cupiebant, (quod sœpe propter oblationem commonendi estis), nostra infirmitati consuuit, non sue potestati derogavit. □

^a Ex S. Aug., tract. LIII, num. 2-13.

^b Apud Augustinum hæc verba ita interpunguntur:

A. Prænuntiata Dominus Christus passione sua in exaltatione crucis (quod Iudei intelligentes, questionem proposuerunt quomodo diceret se esse mortuorum, cum ex lege audierint, quod Christus manet in aeternum), deinde intulit evangelista, et ait: (VERS. 37, 38) *Cum autem tanta signa fecisset coram eis, non credebant in eum.* Ut sermo Isaiae prophetæ impleretur, quem dixit: *Domine, quis credit auditui nostro? Et brachium Domini cui revelatum est (Isai. LIII, 1)?* *Quis, pro raritate posuit, quia quod sancti prophetae a Deo audierunt et populo prædicaverunt, paucissimi crediderunt.* In eo quod ait, *Brachium Domini cui revelatum est?* ^c ubi satis ostendit brachium Domini, ipsum Dei Filium nuncupatum; non quod Deus Pater figura determinetur carnis humanae, B eique Filius tanquam membrum corporis hæreat, sed quia omnia per ipsum facta sunt, ideo brachium Domini dictus est. Sicut enim tuum brachium per quod operaris, sic Dei brachium dictum est ejus Verbum, quia per Verbum operatus est Deus mundum. Cur enim homo brachium, ut aliquid operetur, extendit, nisi quia non continuo fit quod dixerit? Si autem tanta potestate prævaleret, ut sine ullo corporis motu sui quod diceret, fieret, brachium ejus esset verbum ejus. Sed Dominus Jesus Dei Patris unigenitus Filius, sicut non est paterni corporis membrum, ita non est cogitabile, vel sonabile ac transitorium verbum: quia cum omnia per ipsum facta sunt, Deus erat Verbum [Aug., Dei Verbum erat]. C Quem evangelista Verbum nominavit esse apud Deum, hunc propheta brachium Domini nominavit. Dum brachium Domini audiamus, Dei virtutem, et Dei sapientiam. Christum agnoscamus, per quem facta sunt omnia. *Omnia enim in sapientia facta sunt (Psal. ciii, 24),* dicit Psalmista. ^d Non est enim ipse qui Pater, sed unum sunt ipse et Pater, et aequalis Patri, ubique totus. Hic quæstio difficultis oritur: quid fecissent Iudei mali; vel quæ culpa illorum esset, ut non crederent, si necesse erat ut sermo Isaiae prophetæ impleretur, quem dixit: *Domine quis credit auditui nostro, et brachium Domini cui revelatum est?* Cui quæstioni respondemus, Dominum præscium futurorum per prophetam prædictissime infidelitatem Iudeorum: prædictisse tamen, non fecisse. Non enim propter ea quæcumque Deus ad peccandum cogit, quia futura hominum peccata jam novit. Ipsorum enim præscivit peccata, non sua; non cujusquam alterius, sed ipsum. Quapropter si ea, quæ ille præscivit, ipsorum non sunt, ipsorum non vera præscivit. Sed quia illius præscientia falli non potest, sine dubio non alius, sed ipsi peccant, quos Deus peccatores [Aug., peccatores] esse præscivit. Fecerunt ergo peccatum Iudei, quod eos facere non compulit, cui peccatum non placet: sed facturos esse prædictit, quem nihil latet. Sed ea quæ sequuntur Evangelii verba plus urgent, et profundiorem quæstionem faciunt. Dicitur enim 588 hic, quasi causa sit Deus ^e Quapropter si ea, quæ ille præscivit ipsum, non sunt ipsum, non vere ille præscivit. □

incredibilitatis illorum, qui illorum oculos excæcavit et cor induravit. Hoc omnino de Deo dicitur, non de diabolo. Sed causa querenda est cur propheta dixisset hoc Deum fecisse : quam eo donante quantum poterimus, exponemus. Non poterant credere, quia hoc propheta prædictit : [hoc autem propheta prædixit], quia Deus hoc futurum esse præscivit. Quare autem non poterant, si a me queratur, cito respondeo : Quia noblebant : malam quippe eorum voluntatem prævidit Deus, et per prophetam prænuntiavit ille, cui abscondi futura non possunt : et hanc execrationem vel indurationem malam eorum meruisse voluntatem [Ms., mala.... voluntate]. Sic enim execrat, sic obdurat Deus, deserendo et non adjuvando, quod oceulo nobis judicio facit, sed nunquam injusto. Cum ergo Apostolus hanc ipsam difficillimam quæstionem tractaret, ait : *Nunquid iniquitas est apud Deum (Rom. ix, 14)?* Absit. Si ergo absit ut sit iniquitas apud Deum, sive quando adjuvat, misericorditer facit; sive quando non adjuvat, juste facit; quia omnia non temeritate, sed justo iudicio facit. Porro si iudicia sanctorum justa sunt, quanto magis sanctificantis et justificantis Dei? Justa ergo sunt, sed occulta. Ideo cum quæstiones hujusmodi in medium venerint, quare alius sic, et alius sic judicetur; quare ille Deus deserente execetur, ille Deo aljuvante illuminetur : non nobis iudicium de iudicio tanti iudicis usurpemus, sed contremiscentes exclamemus cum Apostolo : *O altitudo divitiarum sapientie et scientie Dei! Quam inscrutabilia sunt iudicia ejus, et investigabiles viae ipsius (Rom. xi, 33)!* De talibus vero quæstionibus vel iudicis Dei, admonentem audiamus Scripturam atque dicentem : *Altiora te ne quæsieris, et fortiora te ne perscrutatus fueris (Eccl. iii, 22).* Perveniamus ergo in viam fidei, hanc perseverantissime teneamus : ipsa perducit ad cubiculum regis, in quo sunt omnes thesauri sapientiae absconditi. Non enim Dominus ipse Jesus Christus suis illis magnis et præcipue electis discipulis invidebat, quando dicebat : *Multa habeo vobis dicere, sed non potestis illa portare modo (Joan. xvi, 12).* Ambulandum est, proficendum est, crescendum est, ut sint corda nostra capacia earum rerum, quas capere modo non possumus. Quod si nos ultimus dies proficientes invenerit, ibi discessimus, quod hic non potuimus. Non itaque mirum est quia non poterant credere, quorum voluntas sic superba erat, ut ignorantes Dei justitiam, et suam volentes constitueret [Ms., vellent statuere], sicut de illis dicit Apostolus, justitiae Dei non essent subjecti (Rom. x, 3). Quia enim non ex fide, sed tanquam ex operibus tumuerunt : ipso suo tumore cœcati, offendunt in lapidem offensionis. Sic autem dictum est, non poterant credere, ubi intelligendum est, quod noblebant : quemadmodum dictum est de Domino Deo : *Si non creamus, ille fidelis permanet, negare seipsum non potest (II Tim. ii, 13).* Sicut laus est voluntatis divinae [quod illos salvos fieri voluit], ita quod illi

A non poterant credere, culpa est voluntatis humanae. Hoc de Judæis qui excœcati et indurati sunt, Deus præscivit, atque in ejus spiritu propheta prædictit. Quod vero addidit : *Et convertantur, et sanem eos, utrum subaudiendum sit [Aug. add., non], id est, non convertantur, connexa desuper sententia, ubi dictum est, Ut non videant oculis, et intelligent corde : quia et hic utique dictum est, ut non intelligent; et ipsa enim conversio de illius gratia est, cui dicitur : Deus virtutum converte nos (Psal. lxxix, 4).* An forte et hoc de supernæ medicinæ misericordia factum intelligendum est, quoniam perversæ et superbe voluntatis erant, et justitiam suam constituere volebant, ob hoc [Ms., ad hoc] desererentur, ut cœcarentur; ad hoc cœcarentur, ut offenderent in lapidem offensionis, et implerentur facies eorum ignomina : ita humiliati quererent nomen Domini, et non suam justitiam qua inflatur superbus : sed justitiam Dei qua justificatur impius? Hoc enim multis eorum profecit in bonum, qui de suo scelere compuncti, in Christum postea crediderunt, pro quibus et ipse oraverat, dicens : *Pater, ignosce illis, quia nesciunt quid faciunt (Luc. xxiii, 34).* Sequitur :

VERS. 42, 43. — *Verumtamen et ex principibus multi crediderunt in eum, sed propter Pharisæos non confitebantur, ut de synagoga non ejicerentur : dilexerunt enim gloriam hominum magis, quam gloriam Dei.* ¶ *Videte quemadmodum notaverit evangelista et improbaverit [quosdam] quos tamen in eum dixit credidisse : qui in hoc 589 ingressu fidei si proficerent, amorem quoque humanae gloriae proficiendo superarent, quem superaverat Apostolus dicens : Mihi autem absit gloriari nisi in cruce Domini nostri Iesu Christi, per quem mihi mundus crucifixus est, et ego mundo (Galat. vi, 14).* Ad hoc enim et ipse Dominus crucem suam, ubi eum dementia superba impietatis irrisit, in eorum qui in illum crederent, frontibus fixit, ubi est quodammodo sedes verecundie, ut de nomine ejus fides non erubescat, et magis Dei gloriam, quam hominum diligent. ¶

D ¶ *Loquente Domino Iesu Christo apud Judeos, et tanta miraculorum signa faciente, quidam crediderunt, predestinati in vitam æternam, quos etiam vocavit oves suas; quidam vero non crediderant, nec poterant credere, eo quod occulto nec tamen iustitio Dei fuerant excœcati; alii vero palam credentes, et cum rati palmarum occurrentes; alii vero occulte credentes, sed propter Pharisæos non conscientes, quos evangelista notavit, cum dixit : Dilexerunt gloriam hominum magis quam gloriam Dei. Gloria Dei est publice confiteri Christum, sicut martyres sancti fecerunt, de quibus alio in loco ipse Dominus ait : Qui me confessus fuerit coram hominibus, confitebor et ego eum coram Patre meo (Matth. x, 32).* Qui constetur Christum in confessione laudis, confitebitur, id est laudabitur a Christo coram Deo Patre. His ita se habentibus, et sua jam propinquante passione.

^a Ex S. Augustino, tract. LIV, num. 4-8.

VERS. 44, 45. — *Jesus clamavit et dixit : Qui credit in me, non credit in me, sed in eum qui misit me; et qui videt me, videt eum qui me misit.* « Jam dixerat quodam loco : *Mea doctrina non est mea, sed ejus qui me misit* (Joan. vii, 16). Ubi intelleximus eum doctrinam suam dixisse Verbum Patris, quod est ipse; et hoc significasse dicendo : *Doctrina mea non est mea, sed ejus qui me misit*, quod a seipso ipse non esset, sed haberet a quo esset. Deus enim de Deo, Filius Patris : Pater autem non Deus de Deo, sed Deus Pater Filii. Nunc autem, quod ait : *Qui credit in me, non credit in me, sed in eum qui misit me*, quomodo intellecturi sumus, nisi quia homo apparebat hominibus, cum lateret Deus? Et ne putarent hoc eum esse tantummodo quod videbant, talem ac tantum se volens credi, qualis et quantus est Pater, qui *credit in me*, inquit, *non credit in me*, id est quod videt, *sed in eum qui misit me*, id est in Patrem. Sed qui credit in Patrem, necesse est ut eum creditat Filium habere; » et dum eum Patrem credit æternum, creditat et Filium habere coæternum sibi, et consubstantialem sibi. Propterea dixit : *Qui credit in me, non credit in me*: nolens ut totum quod de Christo creditur secundum hominem crederetur. Ille bene credit in me qui secundum id quod videt me non tantum credit in me; sed secundum id quod videt me æqualem esse Patri; « ac ne putaretur sic voluisse intelligi Patrem, tanquam patrem multorum filiorum per gratiam regeneratorum, non unici Verbi æqualis sibi, continuo subjecit : *Ei qui videt me, videt eum qui misit me.* » Usque adeo enim nihil distat inter eum et me, ut qui me videt, videat eum qui misit me. Hæc visio, intellectualis, non carnalis debet intelligi, quæ modo in laude est sanctorum, post resurrectionis ultimæ diem in specie [Ms., in re] æternæ beatitudinis erit, de qua alibi ait : *Beati mundo corde, quoniam ipsi Deum videbunt* (Matth. v, 8). Attendamus cætera.

VERS. 46. — *Ego lux in mundum veni, ut omnis qui credit in me, in tenebris non maneat.* Dixit quodam loco discipulis suis : *Vos estis lumen mundi : non potest abscondi civitas super montem constituta.* Neque accidunt lucernam et ponunt eam sub modio, sed super candelabrum ut luceat omnibus qui in domo sunt. Sic luceat lumen vestrum coram hominibus, ut videant opera vestra bona, et glorificant Patrem vestrum qui in cœlis est (Matth. v, 14). Non tamen dixit : *Vos lux venistis in mundum, ut omnis qui credit in vos, in tenebris non maneat.* Nusquam hoc legi posse confirmo. Lumina ergo sunt omnes sancti : sed credendo illuminantur ab eo, a quo si quis recesserit, tenebrabitur. Lumen autem illud quod illuminat, a se recedere non potest, quia incommutabile omnino est. Cum autem dicit : *Omnis qui credit in me, in tenebris non manet*, satis manifestat omnes se in tenebris invenisse : sed ne in eis tenebris remaneant in quibus inventi sunt, debent **590** credere in lucem

^a Aug. : « Ut eum necesse esset ex tempore habere, quod antea non habebat. Ita enim a Patre, quod

A quæ venit in hunc mundum, quia per illum factus est mundus.

VERS. 47. — *Et si quis audierit, inquit, verba mea, et non custodierit ea, ego non judico eum.* « Audie, quomodo dicit Filius, ego non judico eum; cum dicat alio loco : *Pater non judicat quemquam, sed omne judicium dedit Filio* (Joan. v, 22), nisi quia intelligendum est, quod sequitur : *Non enim veni, inquit, ut judicem mundum, sed ut salvificem mundum?* Nunc ergo tempus est misericordiae, postea erit judicii. Quia misericordiam, inquit, et judicium cantabo tibi, Domine (Psal. c, 4). Sed de ipso etiam futuro novissimoque judicio vide te quid dicat : (VERS. 48) *Qui spernit me et non accipit verba mea, habet qui judicet eum.* Sermo quem locutus sum, ille judicabit eum in novissimo die. Non ait : Qui spernit me et non accipit verba mea, ego eum non judico in novissimo die. » Venit enim Filius Dei ad salvandum, non ad iudicandum. Ideo dixit, non judico eum, id est modo, in presenti, sed judico eum in novissimo die. « Cum enim dixisset : Qui spernit me et non accipit verba mea, habet qui judicet eum; exspectantibus autem quisnam ille esset, secutus adjunxit : Sermo quem locutus sum, ille judicabit eum in novissimo die, satis manifestavit seipsum judicaturum in novissimo die. Seipsum quippe locutus est, seipsum annuntiavit, seipsum januam posuit, qua ipse ad oves pastor intraret. Aliter itaque judicabuntur qui non audierunt, et aliter qui audierunt et contempserunt. Qui enim sine lege peccaverunt, ait Apostolus, sine lege peribunt; et qui in lege peccaverunt, per legem judicabuntur (Rom. ii, 12). (VERS. 49.) *Quia ego, inquit, ex me non sum locutus.* Ideo se dicit non locutum ex seipso, quia non est ex seipso. » Jam hoc sæpe diximus quod Filius a se non est, sed a Patre; ideo adjunxit : *Sed qui misit me Pater, ipse mihi mandatum dedit quid dicam et quid loquar.* Non enim locorum spatio, non syllabarum expressione, non vocali sono Pater Filio loquitur, ut Filius mandatum Patris audiat : sicut filius hominis ab homine audire solet, quid Pater mandet illi. « Sed unicus Filius est Verbum Patris et sapientia Patris : in illo sunt omnia mandata Patris. Neque enim mandatum Patris aliquando Filius nescivit, ut eum necesse esset ex tempore D habere quod accepit, ut nascendo aciperet, dederitque illi Pater gignendo ^a, quod non haberet : sed eum genuit vitam habentem. Sicut superius ait : *Sicut Pater habet vitam, sic dedit et Filio vitam habere in semetipso*, id est genuit Filium, vitam habentem in semetipso : sic dicit hic, *sicut mandatum dedit mihi Pater.* Et quia æterna ipsa nativitas, nunquam non fuit Filius, qui est vita : et sicut est vita æterna, sic est qui natus est, vita æterna. Ita et mandatum, non quod Filius non habeat, Pater dedit; sed sicut dixi, in sapientia Patris, quod est Verbum Patris, omnia mandata sunt Patris. Sequitur enim :

habet accepit, ut nascendo aciperit, dederitque illi gignendo. »

VERS. 50. — *Et scio, quia mandatum ejus rita æterna est.* Si ergo vita æterna est ipse Filius, et vita æterna est mandatum Patris, quid aliud dictum est quam ego sum mandatum Patris? Proinde et id quod adjungit et dicit: *Quæ ego loquor, sicut dixit mihi Pater, sic loquor:* non accipiamus, dixit mihi, quasi per verba [Ms., quasi verbo. Aug., quasi Pater verba] locutus sit unico verbo, aut egebat Dei verbis Dei verbum. Dixit ergo Pater Filio, sicut dedit vitam Filio: non quod nesciebat, vel non habebat, sed quod ipse Filius erat. Quid est autem: *Sicut dixit mihi, sic loquor, nisi verbum loquor?* Ita ille dixit ut verax, ita iste loquitur ut veritas. Verax autem genuit veritatem. Quid ergo jam diceret veritati? Non enim imperfecta erat veritas, cui verum aliquid adderetur. Dixit ergo veritati, quia genuit veritatem. Porro ipsa veritas sic loquitur, ut ei dictum est: sed intelligentibus, quos docet ut nacta [Aug. et al., nata] est. Ut autem crederent homines, quod intelligere nondum

A valerent, ex ore carnis verba sonuerunt et abierunt transvolantibus sonis; strepuerunt [Aug., transvolantes soni strepuerunt] peractis morulis temporum suorum: sed res ipsæ, quarum signa sunt soni, tractæ quodammodo in eorum memoriam qui audierunt, etiam ad nos per litteras, quæ visibilia signa sunt, pervenerunt. **591** Non sic loquitur veritas: intelligentibus mentibus intus loquitur, sine sono instruit, intelligibili voce perfundit. Qui ergo potest in ea videre nativitatis ejus æternitatem, ipse illam sic audit loquentem, sicut ei dixit Pater, quod loqueretur. Excitavit nos ad magna desiderium interioris dulcedinis suæ: sed crescendo capiamus, arambulando crescamus, proficiendo ambulemus, ut pervenire possimus, per seipsum ad seipsum, seipso docente nos et promittente nobis: *Ego sum via, et veritas, et vita.* Via querentibus, veritas invenientibus, vita permanentibus.

LIBER SEXTUS.

Charissimæ in Christo sorori Gislæ [Al., Gislæ], et filie Deo votæ Columbæ, humilis levita Alcuinus salutem *.

Ad solarium sanctitatis vestræ hunc libellum dixi, comatico sermone dictatum, ut eum habeatis his diebus, ad exercendam in eo vestram sanctam devotionem: quia optimum est in tali studio hos sanctissimos peragere dies, et maxime in beati Joannis evangelistæ Evangelio, in quo sunt altiora mysteria Divinitatis; illius quoque Evangelii sanctissima verba Domini nostri Jesu Christi, quæ locutus est ea nocte qua tradi voluit pro mundi salute. Totius forsitan Evangelii expositionem direxi [dixi-ssem] vobis, si me non occupasset domini regis præceptum in emendatione Veteris Novique Testamenti. Tamen, Deo auxiliante, et vita comite, cœptum opus secundum opportunitatem temporis explevero, vestroque nomini consummatum dedicavero. Nunc vero in præsenti deprecor ut nostri nominis habeatis memoriam in sanctisacris [Forte, sacrosanctis] orationibus vestris; et hoc tempus sanctissimum in servitio sanctitatis, et religione castissima vita, et in lectionis studio prospere peragatis, quatenus ad sanctum Pascha pervenientes, condignis laudibus resurrectionem Domini nostri celebrare valeatis. Opto vos semper valere, et in omni pietatis exercitio florere, charissimæ dominæ.

CAPUT XXXII.

Surgens a cœna lavit pedes discipulorum, exemplum se dedisse dicens, ut ipsi conservis faciant, quod omnium Dominum fecisse probantur.

CAPUT XIII, VERS. 1. — *Ante diem autem festum*

* De hac epistola et de tempore quo scripta est, recole que diximus in monito his commentariis præ-

Paschæ, sciens Jesus, quia venit hora ejus, ut transeat ex hoc mundo ad Patrem. **c** Pascha, fratres, non sicut quidam existimant Græcum nomen est, sed Hebræum. Pascha transitus dicitur in saa lingua, propterea quia tunc primum Pascha celebravit populus Dei, quando ex Ægypto fugientes Rubrum mare transierunt (Exod. xiv, 29). Quæ figura in Christo secundum veritatem impleta est, dum per passionem crucis transiret ex hoc mundo ad Patrem. Ita nobis transeundum est ab hoc mundo ad Patrem, a temporalibus ad æterna, ab iniuitate ad justitiam, a deceptore diabolo ad salvatorem Christum. *Cum dilexisset suos qui erant in mundo, usque in finem dilexit eos.* **c** Utique ut et ipsi de hoc mundo, ubi erant, ad suum caput, quod hinc transiisset, **592** ejus dilectione transirent: *In finem, id est in æternum, dilexit eos.* **c** Vel in finem, in Christum, quia finis legis Christus est. (Vers. 2.) *Et cœna jam facta.* Non ita debemus intelligere cœnam factam, velati jam consumptam [Aug., consummatam] atque transactam: adhuc enim cœnabatur, cum Dominus surrexit et pedes lavit discipulis suis. Nam postea recubuit, et buccellam suo traditori dedit. Cœna ergo facta, dictum est [Ms., cœna ergo dicta est], jam parata, **c** convivantibus discipulis cum magistro. *Cum diabolus jam misisset in cor ut traderet eum Judas Simon Scarioth.* **c** Si quæris quid missum sit in cor Judæ? Hoc utique, ut traderet eum. Missio ista spiritalis suggestio est: non in aures corporalibus sonis, sed in cor consentientis iniqua; sicut enim bonas cogitationes benignus Spiritus immittit, sic etiam malas cogitationes malignus spiritus suggerit. **c** Sed in-

missio. Hanc non habet cod. ms. S. Emmeramæ.

b Ex S. Aug., tract. LV, num. 4-7.

terest, quibusnam carum mens humana consentiat, A *et* divino auxilio vel deserta per meritum, vel adjuta per gratiam. » Sine sile proditor iste venit ad convivium, non credens Deum esse, quem tradere cogitabat. « Videbatur et tolerabatur : in eo quem falli putabat, fallebatur ; » cuius malitia bonitas Dei utebatur ad salutem aliorum.

VERS. 3. — « *Sciens quia omnia dedit ei Pater in manus.* Ergo et ipsum traditorem. Nam si cum in manibus non haberet, non utique illo uteretur ut vellet. Sciebat enim Dominus quid facheret pro atnicis, qui patienter utebatur inimicis. *Sciens etiam quia a Deo exiit, et ad Deum vadit :* nec Deum, cum inde exiret ; nec nos deserens, cum rediret. (VERS. 4.) *Surgit a cena, et ponit vestimenta sua.* Locuturus evangelista de tanta Domini humilitate, prius ejus celsitudinem voluit commendare. Ad hoc pertinet quod ait : *Sciens quia omnia dedit ei Pater in manus.* Cum ergo ei omnia dedisset Pater in manus, non Dei Domini, sed hominis servi implevit officium. Tanta est quippe humanæ humilitatis utilitas, ut eam suo commendaret exemplo etiam divina similitas. » *Surgit a cena, descendit de coelestibus ; possuit vestimenta sua,* id est semetipsum exinanivit. (VERS. 5.) *Cum acceperisset linteum, præcinctus se, formam servi induens.* Mitti aquam in pellum, id est, studi sanguinem suum in terram, ut mundaret in se creditum vestigia, quæ terrenis peccatis sordida fuerant ; et extergeret linteo quo erat præcinctus, id est corporis sui linteo quo erat præcinctus, purgaret : quia tota illa ejus passio, nostra est purgatio. Dum formam servi accepit, non quod habebat dimisit, sed quod non habebat assumpsit.

VERS. 6. — *Venit ergo ad Simonem Petrum.* « Non ita intelligendum est, quasi aliorum pedibus lavatis, venisset ad primum apostolorum, sed quia inde primum copit. » Ideo expavescit Petrus, ut Dei Filius pedes ei lavaret, Dominus servo, Deus homini. « Quando ergo pedes discipulorum lavare coepit, venit ad eum a quo coepit, id est ad Petrum : et tunc Petrus, quod etiam quilibet eorum expavisset, expavit atque ait : *Domine, tu mihi lavas pedes ?* Tu Deus, ego homo ; tu Dominus, ego servus ; tu Redemptor, ego peccator. (VERS. 7.) *Quod ego facio, tu nescis modo : scies autem postea.* Hujus facti mysterium neendum intelligis, sed postea intellecturus eris, quia si te non lavero, non habebis partem mecum. (VERS. 8.) *Dixit autem Petrus : Non larabis mihi pedes in aeternum.* *Aeternum*, pro nunquam posuit : sed territus responsive Domini subjunxit : (VERS. 9) *Domine non tantum pedes, sed et caput, et manus.* « Quando quidem sic minaris, lavanda tibi mea membra, non solum ima non subtraho, verum etiam prima substerro. Non [Ms., Ne] mihi neges capiendam tecum partem, nullam tibi nego abludam mel corporis partem. Respondit Jesus : (VERS. 10) *Qui lotus est, non habet opus nisi pedes larare, sed est mundus to-*

tus. Quomodo utrumque et mundus totus, tamen et pedes ei lavandi sunt, » nisi quia mundus totus est in lavacro sancti baptismatis, iterum pulvere terrenæ habitationis sordidatur? Unde et necesse habet iterum lavari per gratiam [lavacri] divinæ pietatis, licet prius eadem gratia esset totus mundatus, apostolo Joanne attestante : *Si dixerimus quia peccatum non habemus, nos ipsos decipimus, et veritas in nobis non est* (I Joan. 1, 8). « Quotidie igitur pedes lavat nobis, qui interpellat pro nobis : et quotidie nos opus habere, ut pedes lavemus, in ipsa oratione Dominica consitemur, cum dicimus : *Dimitte nobis debita nostra, sicut et nos dimittimus 593 debitoribus nostris* (Matth. vi, 12). » *Et vos mundi estis, sed non omnes.* Quod evangelista sequentibus verbis exposuit. Ideo transeamus ad extera.

VERS. 12. — *Posquam ergo lari pedes eorum,* id est, impleta redemptionis nostræ purgatione per sanguinis sui effusionem, *accipit vestimenta sua,* tertio die de sepulcro resurgens, et eodem corpore quo moriebatur in cruce, immortalis factus est et vestitus. *Et cum recubuisse iterum, ascendit in celum, in dextera Dei sedens, et in maiestate paternæ divinitatis recumbens, unde iterum venturus est, judicare vivos et mortuos.* Sequitur enim : *Dixit eis : Scitis quid fecerim vobis?* Hoc enim ait quod ante præmisserat [Ms., promiserat], dum Petro apostolo respondit : *Quod ego facio, nescis modo, scies autem postea.* Nunc est illud post, quod ante promisit.

VERS. 13. — *Vos vocatis me Domine et magister, et bene dicitis.* Utique, quia verum dicitis, sum et enim. Non arrogantiæ typo, sed veritatis obsequio dixit, ego sum : (VERS. 14) *Si ergo ego lari vestros pedes, Dominus et magister, et vos debetis alter alterius lavare pedes.* Si ego Deus et Dominus dimisi vobis peccata vestra, quanto magis et vos debetis alter alterius peccata dimittere ? « Et hoc est quod Apostolus ait : *Donantes vobis metipsis, si quis adversus aliquem habet culpam* (Coloss. iii, 13), sicut et Dominus donavit nobis, ita et nos [Aug., donavit vobis, ita et vos]. Invicem itaque nobis delicta donemus, et pro nostris delictis invicem oremus ; atque ita quodammodo invicem pedes nostros lavamus [Ms. et Aug., lavemus]. » Liceat et hoc corporaliter charitatis officio, et humilitatis exemplo aliquibus utiliter facere placeat, tamen spiritualiter in corde omnibus agendum est, ut debita nostra in invicem dimittamus nobis, sicut a Deo nostro nobis debita dimitti deprecamur. Sequitur enim :

CAPUT XXXIII.

Non esse servum majorem domino dicens, post testimoniis Scripturaræ a Juda se tradendum intinxeris panis porrectione significat ; et discipulos multipli-citer exhortatur.

VERS. 16, 17. — *Amen, amen dico vobis : Non est servus major domino suo, neque apostolus major eo qui misit illum.* Si haec scitis, beati eritis si fraceritis

^a Ex S. Aug., tract. lvi, num. 1-4.

^b Ex S. Aug., tract. lviii, num. 5.

ea. et a Hoc ideo dixit, quia laverat pe'es discipulo-
rum, magister humilitatis et ver' o et exemplo : » ut
verbo et exemplo eos instrueret in charitatis officio.
(VERS. 18.) *Non de vobis omnibus dico, id est, non*
vos omnes beatos dico. Ego scio quos elegerim, ad
hanc beatitudinem, ut meorum sint sequaces præce-
pitorum. Sed ut impleatur Scriptura : Qui manducat
panem necum, levabit contra me calcaneum suum. Id
est, calcabit me [Aug., concubabit me]. Manducat
panem, non ad salutem sibi, sed ad pœnam : quia
manducavit, ut lateret proditor, non ut proficeret
amator. Quid est quod alio loco dicit : Nonne ego
vos duodecim elegi, et unus ex vobis diabolus est (Joan.
vi. 71) ? et hic dicit : Ego scio quos elegerim ? Electus
est ille Judas, non ad beatitudinem, sed ad profligati-
onis perfidiam ob salutem mundi, non suam, quia di-
cetuni est de eo : Melius esset homini illi, si non suis-
set natus (Matth. xxvi, 24). Isti vero de quibus modo
dicitur [Ms., dixit] : Ego scio quos elegerim, ad beatu-
tidinem æternæ gloriæ electi sunt. (VERS. 19.)
« Amodo, inquit, dico vobis priusquam fiat, ut creda-
tis, cum factum fuerit, quia ego sum. Id est, [ego]
sum, de quo illa Scriptura præcessit, ubi dictum est :
Qui manducat mecum panem, levabit super me calca-
*neum (Psal. xl, 10). » (VERS. 20.) *Qui accipit, si*
quem misero, me accipit : qui autem me accipit, acci-
pit eum, qui me misit. Cum hæc dicebat, non uni-
tatem naturæ divisit, sed mittentis auctoritatem os-
tendit. Sic utique [Aug., sic itaque] unusquisque eum
qui est missus, accipiat, ut in illo eum qui misit, at-
tendat : si ergo attendas Christum in Petro, invenies
discipuli præceptorum. Si autem attendas Patrem in
Filio, invenies Unigeniti Genitorem : ac sic in eo qui
missus est sine ullo accipis errore mittentem. »
(VERS. 21.) *Cum hæc dixisset Jesus, turbatus est spi-*
ritu, et protestatus est, et dixit : Amen, amen dico
vobis, quia unus ex vobis tradet me. » b Turbavit eum
imminens passio et periculum proximum, et traditoris
impendens manus, cuius fuerat præcognitus animus. »
594 *Turbatus est itaque spiritu, tanto scelere tra-*
ditoris. Turbata est in eo nostra infirmitas, non sua
potestas. Sicut pro nobis passus est, ita pro nobis
turbatus est. Qui ergo potestate mortuus est, [pote-
state turbatus est] ne nostra perturbatio in despera-
tionem cadat : sed [in] miserationem proximorum,
vel in [veram] pœnitentiam peccatorum nostrorum
vertatur ; quia illius perturbatio nostra est consola-
tio. Amen, amen dico vobis, quia unus ex vobis hodie
tradet ma c *Unus numero, non merito; specie, non*
virtute; commissione corporali, non vinculo spiri-
tali; carnis adjunctione, non cordis socius unitate.
Quid est ex vobis, nisi, ex vobis exiturus est, qui
tradet me ? (VERS. 22.) Aspiciebant ergo discipuli ad
invicem, hæsitanter de quo diceret. Sic quippe in eis
erat erga magistrum suum pia charitas, ut tamen
eos humana alterutrum de altero simularet [Ms. et
*Ang., alterum de altero stimularet] infirmitas. Nota**

^a Ex S. Aug., tract. lxx, num. 1-3.^b Ex eo'm, tract. ix, num. 1.

A suit unicuique sua conscientia, sed alterius incognita.

VERS. 25. — *Erat autem recumbens unus ex disci-*
pulis ejus in sinu Jesu, quem diligebat Jesus. Quod
dixerat, in sinu, paulo post dicit, super pectus Jesu.
Ipse est Joannes, cuius est hoc Evangelium, sicut
postea manifestatur. Erat enim hæc eorum consue-
tudo, qui sacras nobis litteras ministrarunt, ut quando
ab aliquo eorum divina narrabatur historia, cum ad
seipsum veniret, tanquam de alio loqueretur ; et sic
se insereret ordinationi [Aug., ordini] narrationis
suæ, tanquam rerum gestarum scriptor, non tanquam
sui ipsius prædictor. Hoc fecit et beatus Moyses ;
ita de se ipso tanquam de alio cuncta narravit [Add.
ex Aug., et ait : dixit Dominus ad Moysen] (Exod.
*vi, 1). » *Diligebat, non præ omnibus unum, sed fa-*
miliarius in omnibus unum. Quiddam in eo dilexit,
quod in aliis non dilexit, id est, ut per pacem trans-
iret [ex hac vita, non per passionem finiret] hanc vi-
tam. In sinu Jesu, id est, in secreto, de quo illud
mirabile et omnibus sæculis inauditum eructavit sa-
cramentum : In principio erat Verbum, et Verbum
*erat apud Deum, et Deus erat Verbum.**

VERS. 24. — « Innuuit autem huic Simon Petrus, et

dicit ei. Innuendo dicit, non loquendo ; significando, non sonando. Quid dicit innuendo ? Quod sequitur : *Quis est, de quo dicit ? Hæc verba Petrus innuuit : non*
sono vocis, sed motu corporis dixit. (VERS. 25.) Ita-
que cum recubuisse illæ supra pectus Jesu. Hic est
utique pectoris sinus, sapientiae secretum. Dicit ei :
Domine, quis est [qui tradet te] ? (VERS. 26.) Respon-
dit ei Jesus : Ille est, cui intinctum panem porrexero.
Et cum intinxisset panem, dedit Iudeæ Simoni Scari-
othis. Post panem, tunc introivit in illum Satanæ.
Expressus est traditor, nudatae sunt latebrae tene-
brarum : bonum est quod accepit, sed malo suo ac-
cepit, quia male bonum malus accepit. » d Hinc enim
docetur quam diligenter nobis cavendum sit, sic male
accipere bonum. Multum quippe interest, non quid
accipiat, sed quis accipiat : nec quale sit quod datur,
sed qualis sit ipse cui datur. Intravit ergo post hunc
panem Satanæ in Domini traditorem, ut sibi jam
*traditum plenius possideret, in quem prius intrave-
rat, ut deciperet. » Auxit enim peccatum traditionis*
presumptio sacramenti, cum hominis ingratu intrasse
panis in ventrem, hostis in mentem : fortassis
per panis intinctionem, illius significans fictionem,
qui fletus ad cenam venit amicus, et falsus ad ma-
gistrum [vadit] discipulus.

« *Quod facis, fac citius. Non præcepit facinus, sed*
prædixit Iudeæ malum, nobis bonum. Quid enim Iudeæ
pejus, et quid nobis melius, quam traditus Christus
ab illo ? Citius : hoc [verbum hoc] est plus parati ad
passionem, quam irati ad vindictam. Non enim tam
ad perniciem persidi seviendo dixit, quam ad salu-
tem fidelium festinando, quod facis, fac citius : non
quia in tua potestate est, quem tradas, sed quia hoc
vult qui onus potest. (VERS. 28, 29.) Hoc autem

^c Ex S. Augustino, tract. lxv, num. 2-6.^d Ex eodem, tract. lxii, num. 1, 2, 4, 5.

nemo scivi discubebitum, ad quid dixerit ei. Quidam enim putabant quia loculos habebat Judas, quia dixisset ei Jesus : Eme ea quae opus sunt nobis ad diem festum, aut ut egenis aliquid daret. Habebat ergo et Dominus loculos, et a fidelibus oblata conservans, et suorum necessitatibus et aliis indigentibus tribuebat. Tunc primum ecclesiastice pecuniae forma est instituta, ubi intelligeremus, quod praecipit non cogitandum esse de crastino (Matth. vi, 34), non ad hoc fuisse praecipitum, ut nihil pecuniae servaretur a sanctis; sed ne Deo pro ista serviatur, et propter inopie timorem justitia deseratur. »

595 VERS. 30. — *Cum autem accepisset ille buccellam, exiit continuo, erat autem nox. Erat autem ipse nox, qui exiit, et filius tenebrarum, et opera faciens tenebrarum. Exiit ergo ad suæ perditionis ministerium, et ad nostræ salutis [dispensationem; non nostræ salutis] consideratione, sed suæ negotiis [Ms., negotiationis] intentione. Hinc impletur quod Psalmista ait : Dies diei eructat verbum, id est, Christus discipulis promehat verbum salutis : Et nox nocti indicat scientiam (Psal. xviii, 3), id est, Judas Iudeis proditoris [Ms., proditionis] malitiam ostendit. Nunc maiore intentione verba Domini consideranda sunt, quæ ipsa nocte ante traditionem coram [Ms., ante traditionis horam] discipulis singulariter loquebatur. Profundissima sunt in mysteriis; ideo ubi multum laboratus est disputator, non remissus esse debet auditor. Altius consideranda sunt Altissimi dicta, qui occultat ut quæramus, et manifestat ut inveniamus. Ipse est qui claudit, et aperit : claudit ut quæramus : aperit ut inveniamus, ut inquisitor fructum accipiat sudoris sui; et largitor laudem et gratias bonitatis suæ habeat.*

VERS. 31. — *Dixit Jesus : Nunc clarificatus est Filius hominis, et Deus clarificatus est in eo. Hic aliquid magnum significat in hac clarificatione. Exiit itaque immundo omnes mundi remanserunt, et cum suo mundatore manserunt. Tale aliquid erit, cum virtus a Christo transiet [Aug., transierit] hic mundus, et nemo in populo Christi remanebit immundus : cum, zizaniis a tritico separatis, justi fulgebunt sicut sol in regno Patris sui (Matth. xiii, 43). De hac clarificatione futura sanctorum locuturus, verbo præteriti temporis est usus; quia quod futurum in sanctis est, hoc in predestinatione Dei factum esse dicitur. Nunc clarificatus est Filius hominis; tanquam dicere: Ecce in illa mea clarificatione quid erit, ubi malorum nullus erit. Hic autem [Aug., Sic autem] non est dictum: Nunc significata est clarificatio filii hominis; sed dictum est, Nunc clarificatus est Filius hominis: quemadmodum non est dictum: Petra significabat Christum, sed, *Petra erat Christus*. Cum*

A autem dixisset, *Nunc clarificatus est Filius hominis, a junxit: Et Deus clarificatus est in eo. Ipsa enim est clarificatio Filii hominis, ut Deus clarificetur in eo. Non enim ipse in seipso [Aug., si enim non ipse in seipso], sed Deus in illo clarificatur, tunc illum Deus in se clarificat. Denique tanquam ista expomens, adjungit et dicit: Si Deus clarificatus est in eo, ei Deus clarificabit eum in semetipso. Hoc est, si Deus clarificatus est in eo, qui non venit facere voluntatem suam, sed voluntatem ejus qui misit eum: (VERS. 32) Et Deus clarificabit eum in semetipso, ut natura humana, in qua est Filius hominis, quæ a Verbo æternō suscepta est, etiam immortali æternitate donetur. Et continuo, inquit, clarificabit eum: resurrectionem scilicet suam, non sicut nostram in fine sæculi, sed B continuo futuram, bac attestatione prædicens. (VERS. 33.) Filioli, adhuc modicum robiscum sum. Cum autem prædictum de clarificatione futuri regni sui, et de clarificatione resurrectionis suæ, quæ mox futura erat; b ne putarent ergo quod sic eum clarificatur esset Deus, ut non eis conjungeretur ultiorius ea conversatione, qua in terra erat cum eis; adhuc, inquit, modicum robiscum sum; tanquam dicere: Continuo quidem resurrectione clarificabor, non tamen continuo ascensurus in cœlum, sed adhuc modicum robiscum sum: significans quadraginta dies, quibus erat cum discipulis, temporibus opportunitis apparenſ illis. Potest tamen intelligi, quod parvum tempus illius tantummodo noctis, usque ad passionis horam cum discipulis se esse. Est et alia C divina presenta, sensibus ignota mortalibus, de qua item dicit: Ecce ego vobiscum sum, usque ad consummationem sæculi (Matth. xxviii, 20). Hoc certe non est, adhuc modicum robiscum sum; sed est modicum robiscum, vel ante passionis horam, vel post resurrectionem usque ad ascensionis gloriam. Quid est quod post resurrectionem alio loco dixit discipulis suis: Hæc sunt verba quæ locutus sum vobis, cum adhuc essem 596 vobiscum (Luc. xxiv, 44), nisi cum adhuc essem in carne mortali, in qua estis et vos? Tunc enim, cum hæc dicere, in eadem carne suscitata [Aug., resuscitatus] erat, sed cum illis in eadem mortalitate jam non erat.*

D *Quæritis me, et sicut dixi Iudeis, quo ego rado, vos non potestis renire: et dico vobis modo. Hoc est, modo non potestis. Iudeis autem cum hac dicere, non addidit, modo. Isti itaque non poterant venire tunc, quo ille ibat, sed poterant poste. Ideoque docens eos, quomodo idonei esse possent pergere, quo ille antecedebat: (VERS. 34) Mandatum, inquit, novum do vobis, ut diligatis invicem. Hi sunt gressus quibus sequendus est Christus; hoc mandatum charitatis. Innovat quippe audientem, vel potius obedientem, non omnino, sed ista dilectio, quam Dominus, ut a carnali dilectione distingueret, addidit:*

vum tempus illius tantummodo noctis, usque ad horam passionis, quo cum discipulis esset. Ex S. Aug., tract. Lxv, num. 1, 2.

^a Ex eodem, tract. Lxiii, num. 2, 3.

^b Ex eodem, tract. Lxvi, num. 1-4.

^c Locus mutitus tam in Edit. quam MSS., qui ita fortassis restitui possit: Ex S. Aug., tract. Lxv, num. 1, 2.

Sicut dilexi vos. Dilectio ista nos innovat, ut simus **A** homines novi, sed heredes Testamenti Novi. Haec dilectio populum novum colligit Christo. » Haec et antiquos Patres innovabat, ut essent in Christum credentes, qui venturus erat redimere eos. « Audiant enim atque custodiant: *Mandatum novum do vobis, ut vos invicem diligatis* » omnes qui volunt fratres esse unici Filii Dei, qui seipsum in hac dilectione tradidit pro nobis. Nam et in hoc mandato illud mandatum est, quod prius ponitur: *Diliges Dominum Deum tuum ex toto corde tuo, [et ex tota anima] et tota mente tua* (*Matth. xxii, 39, seq.*): « si et bene intelligentibus utrumque invenitur in singulis. Nam et qui diligit Deum, non eum potest cohibere praeipientem, ut non diligit proximum [*Aug.*, contemnere praeipientem, ut diligit proximum]; et qui sancte atque spiritualiter diligit proximum, quid in eo diligit, nisi Dominum [*Aug.*, Deum]? Ipsa est dilectio, ab omni mundana dilectione discreta, quam distinguendo addidit Dominus: *Sicut dilexi vos.* »

« Cum Dominus Jesus sanctam dilectionem, quae se invicem diligenter, discipulis commendaret, dicit ei *Simon Petrus*: *Domine, quo radis?* Sic utique hoc dixit magistro discipulus, et Domino servus, tanquam sequi paratus. Propterea quippe Dominus, qui ejus animum vidit, quare hoc interrogaverit, sic ei respondit: (*Vers. 36*) *Quo ego vado, non potes me modo sequi*; tanquam diceret: Propter quod interrogas, non potes modo. Non ait, non potes; sed *non potes modo*; dilationem intulit, non spem tulit, et eamdem spem, quam non tulit, sed potius dedit, sequenti voce firmavit, addendo atque dicendo: *Sequaris autem postea.* (*Vers. 37*) *Respondit Petrus*: *Quare te non possum sequi modo? animam meam pro te ponam.* Quid in animo ejus esset cupiditatis, videbat; quid vero [virium] non videbat. Voluntatem suam jactabat infirmus, sed intendebat [*Ms.*, impendebat; *Aug.*, inspiciebat] valetudinem medicus; iste promittebat, ille praeoscebat; qui nesciebat, audebat; et qui praeoscebat, docebat. » (*Vers. 38.*) *Respondit Jesus*: *Animam tuam pro me pones?* Quod promittis, modo non potes. Prius est anima pro te ponenda, ut possis postea animam tuam pro me ponere. « Quid tantum presumis? Quid de te sentis? Quid esse te credis? Audi quid sis: *Amen, amen dico tibi: Non cantabit gallus, donec me ter neges.* Ecce quomodo [*tibi*] cito apparebis, qui magna loqueris, et te pavulum nescis. Qui mibi promittis mortem tuam, ter negabis vitam tuam. Nam timendo mortem carnis tue, mortem dabitis animae tue. Quanta enim est vita confiteri Christum, tanta mors est negare Christum. » Hinc admonere oportet, ne quis de suis viribus confidat, dum ad unius ancille vocem tanta titubat columna; nec de suis desperare peccatis. Nam Petrus mortuus est negando, revixit plorando; mortuus, quia superbe ipse presumpsit, revixit autem humiliiter plorando, quia benigne respexit eum pietas Salvatoris. Sequitur enim:

^a Ex *S. Aug.*, tract. *lxvi*, num. 4.

597 CAPUT XXXIV.
Non turbetur cor vestrum, ait discipulis. Ego sum via, veritas, et vita. Qui videt me, videt et Patrem. Ego in Patre, et Pater in me. Quodcumque petieritis in nomine meo, hoc faciam.

CAPUT XIV, VERS. 1. — *Non turbetur cor vestrum. Creditis in Deum, et in me credite.* « Ne mortem tanquam homines timerent [*Beda*, ne mortem sibi tanquam homini timerent], et ideo turbarentur, consolatur eos, etiam Deum se esse contestans. Consequens est enim, ut si in Deum creditis, et in me credere debeatis: quod non esset consequens, si Christus non esset Deus. »

VERS. 2. — *In domo Patris mei mansiones multæ sunt.* Quia merita eorum [*Ms.*, sanctorum] diversa sunt, ideo in domo Patris mansiones multæ sunt. « Nullus eorum alienabitur ab illa domo, ubi mansionem pro suo quisque accepturus est merito. » Ideo non turbetur cor vestrum. Nam unus denarius omnibus in vinea laborantibus datur, id est, omnibus in Ecclesia per fidem laborantibus vita datur æterna. « Sed multæ mansiones, diversas meritorum in una vita æterna significant dignitates, eritque [Deus] omnia in omnibus, quia Deus caritas est. Sic enim quisque etiam ipse habet, cum amat in altero quod ipse non habet, quia regnat in omnibus unitas charitatis. » Sequitur: *Si quo minus dixisset vobis, quia vado parare vobis locum.* Si alii cubi, [nisi] in domo Patris mansiones multæ essent, dixisset utique vobis. *Sed modo vado parare robis locum.* [Quonodo ad illas mansiones membra pervenissent, si caput non præcessisset? Paravit nobis locum], dum pro nobis mortuus est et resurrexit, imo et ascendit in cœlos: hæc omnia pro nobis fecit, ut nobis pararet locum in regno Patris sui. (*Vers. 3.*) *Et si abiero, et præparavero robis locum, iterum veniam ad vos.* Si abiero per carnis absentiam, veniam per divinitatis præsentiam, in qua vobiscum ero usque in finem [*Ms.*, in consummationem sæculi]. Vel etiam: Si abiero ascendendo ad cœlos, veniam iterum judicare vivos et mortuos, quod angeli attestati sunt dicentes: *Hic Jesus qui assumptus est a robis, sic veniet, quemadmodum vidistis eum euntem in cœlum* (*Act. 1, 11*). Sequitur: *Et accipiam vos ad me ipsum: ut, ubi sum ego, et vos sitis.* Hoc est, quod in sequentibus dixit: *Volo Pater, ut, ubi ego sum, et isti sint mecum.* (*Vers. 4.*) *Et quo ego vado, scitis, et viam scitis.* Quo vado, id est, ad Patrem, scitis; et viam, qua venitur ad Patrem, scitis. (*Vers. 5.*) *Dicit et Thomas: Domine, nescimus quo vadis, et quomodo possumus viam scire?* Videbatur ei nescire, quod Christus convicuit eum scire, dum ait:

VERS. 6. — *Ego sum via, et veritas, et vita.* Quasi dixisset: Si me scitis, et viam scitis; et ego sum, ad quem itur, id est, veritas; et ego sum vita, in qua statis [*Al.*, statur]. Si me scitis et viam scitis, et quo ibo scitis, et ubi mansuri [*Al.*, manseritis]

^b Ex codem, tract. *lxvii*, num. 1, 2.

critis, scitis. Qui ad Patrem vadunt, per me vadunt; et qui ad Patrem veniunt, ad me veniunt, quia ego et Pater unum sumus; et in me manent, quia *hic est vita eterna, ut cognoscant te solum verum Deum, et quem misisti Iesum Christum (Joan. xvii, 3)*. Unde secutus est dicens: *Nemo venit ad Patrem nisi per me*. Exponens quid sit, quod ait: *Ego sum via, statim subjungens: (VERS. 7) Si cognovissetis me, utique et Patrem meum cognovissetis*: quia ego sum veritas, in vero Patre. *Et amodo cognoscetis eum, et vidistis eum*. Si me spiritualiter cognoscitis, et vidistis, [illum cognoscitis et videtis] quia ego et Pater unum sumus, unum natura, non unum persona. (VERS. 8.) *Dicit ei Philippus*, hoc non intelligens: *Domine, ostende nobis Patrem, et sufficit nobis*. Quasi aliquid melius esset Pater quam Filius, in cuius est visione sufficiens beatitudo. Quam vocem discipuli redarguit magister dicens:

VERS. 9. — *Tanto tempore vobiscum sum, et non cognovistis me. [Non cognovistis me] esse in Patre, et Patrem in me. Philippe, qui videt me, videt et Patrem*. Qui me intelligit, utique et Patrem meum intelligit. • Sed ideo magister discipulum arguebat, quoniam cor postulantis videbat. Tanquam enim melior Pater esset quam Filius, ita Philippus Patrem nosse cupiebat: et ideo nec Filium **598** sciebat, quo melius aliquid esse credebat. Ad hunc sensum corrigendum dictum est: *Qui videt me, videt et Patrem. Quomodo tu dicis, ostende nobis Patrem? Videlio quomodo a te dictum: non alterum queris videre similem, sed illum putas esse meliorem*.

VERS. 10. — *Non credis, quia ego in Patre, et Pater in me est?* Cur inseparabiles separati desideras nosse? Deinde non ad solum Philippum, sed ad eos pluraliter loquitur: *Verba, quae ego loquor vobis, a meipso non loquor. Pater autem in me manens ipse facit opera*. • Quid est, a meipso non loquor, nisi a meipso non sum, qui loquor? Ei quippe tribuit quod facit, de quo est ipse qui facit. Pater enim Deus non est de aliquo: Filius autem Deus est quidem Patri aequalis, sed de Patre Deo; ideo ille Deus, sed non de Deo, et lumen, sed non de lumine: iste vero Deus de Deo, lumen de lumine. Denique adjungit, et ait: (VERS. 11, 12.) *Non creditis quia ego in Patre et Pater in me est? Alioquin propter opera ipsa credite.* Antea solum Philippum arguebat, nunc autem non ibi eum solum fuisse qui esset arguendus, ostenditur. *Propter opera ipsa, inquit, credite, quia ego in Patre et Pater in me est.* Neque enim si separati essemus, inseparabiliter operari ulla ratione possemus. • Sed quid est, quod sequitur?

Amen, amen dico vobis: qui credit in me, opera quae ego facio et ipse faciet, et majora horum faciet, quia ego ad Patrem vado. • Non se extollat servus super Dominum, nec discipulus super magistrum:

• Ex S. Aug., tract. LXX, num. 5.

• Ex eodem, tract. LXXI, num. 1-3.

• Ex eodem, tract. LXXXII, num. 1, 2.

A *majora quam ipse facit, dixit eos esse facturos; sed sine illo, ut in sequenti us dixit, quid potuerunt facere?* • *Sed quae sunt tandem ista majora?* An forte quod *ægros ipsis transeuntibus, etiam eorum umbra sanabat?* Majus est enim ut sanet umbra, quam fimbria: illud per se, hoc per ipsos, sed utrumque ipse. • *Vel majora sunt apostolorum opera in omnium gentium salute, quam Christi tantummodo in salute Judæorum, et hoc in paucissimis?* Tamen utrumque et ille fecit, et salutem aliquorum in Judæa [per se]; et salutem gentium per apostolos, sed et [per] alios quoque prædicatores. Unde subjunxit, et ait: *Qui credit in me, opera quae ego facio et ipse faciet, [et majora horum faciet]*. • Non quo major sit magistro discipulus, vel Domino servus, vel B adoptatus unigenito, vel homo Deo: sed quod per illos [ipse] dignaretur eadem majora facere.

Unde majora facere potuissent, mox ostendit; dicens: *Qui credit in me, opera, quae ego facio, et ipse faciet, et majora horum faciet*, continuo secutus adjunxit: *Quia ego ad Patrem vado. (VERS. 13.) Et quodcumque petieritis in nomine meo, hoc faciam.* Qui dixit faciet, post ait faciam, tanquam diceret: Non vobis hoc impossibile videatur, non enim poterit esse major me, qui credit in me. Ideo majora non per se faciet, sed per me, quia in me credit: nec est defectio potestatis, sed miseratio pietatis. Dives ergo, qui ab eo recessit tristis non recipiens verba salutis. • Apostolis igitur prædicantibus, multi divites pauperiem voluntate [Ms., voluntariam] C secuti sunt. • Ita quod ab illo audiens unus non fecit, fecerunt multi, cum loqueretur per discipulos magister bonus. Ecce majora fecit prædicatus a credentibus, quam locutus audientibus: • sed hoc per prædicatores. Nunquid omnes, qui credunt in eum, prædicatores sunt? Tamen dicit, qui credunt in eum, opera facere majora. • In hoc opere fidei facimus opera Christi, quia et ipsum credere in Christum opus est Christi; Christus hoc operatur in nobis, non utique sine nobis. Prius ego facio præveniens gratiam [Ms., melius, gratia]; deinde et ipse faciet [Ms., faciat] subsequens gratiam, quia ego facio, ut fiat [Ms., faciat]. Quae opera, nisi ut ex impio justus fiat? • Fortassis majus est opera salutis nostræ nos per ipsum facere, quam verba salutis prædicare, quod ipse fecit sine nobis. Dum haec dixit, sequitur: *Quia ego ad Patrem vado, et quodcumque petieritis in nomine meo, hoc faciam.* In his verbis magnam spem promisit orantibus. • Sic ergo perrexit ad Patrem, ut non relinqueret indigentes, sed exaudiens petentes: • tamen non omnia petentes, sed quae ad salutem pertinent petentium: ideo dixit: (VERS. 14) *Si quid petieritis Patrem in nomine meo, hoc faciam.* Quid est, in nomine meo, nisi in nomine Salvatoris? Si petieritis quae ad

• Locus corruptus. Leg. S. Aug., loco citato.

• Ex eodem, tract. LXXXIII, num. 1-4.

599 salutem pertinent vobis, in nomine meo pertinetis [Ms., petitis]. « Quando enim nos delectant mala, et non delectant bona, rogare potius debemus Deum, ut nos delectent bona, quam ut concedant mala, ut delectent mala. Qui ergo credit in eum, quodcumque petierit in nomine [ejus], quod prodest illis qui credunt in eum, hoc facit: quoniam hoc sicut Salvator facit. Si autem, qui in eum credit, aliquid per ignorantiam contra salutem suam petit, non in nomine Salvatoris petit: quia Salvator ei non erit, si quod ejus salutem impedit fecerit. Novit enim Salvator melius quid nobis prodest quam nosmetipsi. Ideo petendum est ut fiat voluntas ejus in nobis. » Continuo subjicit:

Ut glorificetur Pater in Filio. « Nullo modo igitur sine Patre Filius facit, nec Filius sine Patre. Facit ergo Pater in Filio, ut Filius glorificetur in Patre: et facit Filius in Patre, ut Pater glorificetur in Filio, quoniā in unum sunt Pater et Filius. » Sequitur:

CAPUT XXXV.

Diligentibus se discipulis, mandataque servantibus, Paraclitum a Patre mittendum promittit, mansuetumque cum eis in aeternum; seque pacem dare eis, pacemque relinquere pollicetur.

VERS. 15, 16. — *Si diligitis me, mandata mea servate, et ego rogaro Patrem, et alium Paraclitum dabit vobis.* Quid est quod dicit, quod diligentibus Deum et servantibus mandata ejus Spiritus paraclitus datur, dum Deus diligi et mandata ejus servari non possunt, nisi per Spiritum sanctum? Quid est aliud, nisi ut qui per Spiritum sanctum diligit Deum, mereatur diligendo ut plus habeat, et plus habendo plus diligit? « Paraclitus quippe consolator interpretatur, et Spiritus sanctus recte Paraclitus vocatur, quia corda fidelium, ne inter hujus saeculi adversa deficiant, celestis vitae desideriis sublevat ac resilit. » Habant itaque discipuli Spiritum sanctum, sed occulta quadam inspiratione, per quem Dominum diligebant, sed nondum habebant, sicut Dominus promittebat. Habant siquidem occulte, quem postea quadam manifestatione habituri erant: id est, dum in igne linguis venit, et sed sit super eos, et linguis loquebantur magnificantes Deum. *Rogabo Patrem meum, et alium Paraclitum dabit vobis,* ostendens seipsum esse Paraclitum, « Habant autem et prius Paraclitum, ipsum videlicet Dominum secum in carne commorantem, cum [Beda, cuius] et miraculorum dulcedine et ope prædicationis, ne propter infidelium persecutionem scandalizari possent, erigi et confortari solebant. » *Rogabo,* dixit, propter humanitatem, qui dat cum Patre per divinitatem. *Ut maneat vobiscum in aeternum.* « In aeternum namque manet cum sanctis, quos et in hac vita semper invisibiliter intus illustrabat, et in futuro ad contemplandam perpetuo speciem suæ majestatis introducit.

VERS. 17. — *Spiritum veritatis, quem mundus*

^a Ex Bedæ homilia in die Pentecostes.

^b Ex S. Aug., tract. LXXV, num. 5.

A non potest accipere, quia non videt eum, nec scit eum. Mundum autem appellat homines, mundi bujus amori deditos. « Mundus ergo eum accipere non potest, id est, mundiales homines, quia non habent invisibilis charitatis oculos, quibus solummodo Spiritus sanctus videri potest et sciri, et sciendo intelligi. *Vos autem cognoscetis eum, quia apud vos manebit, et in vobis erit.* Erit, ut maneat in aeternum. « Dominum namque Salvatorem et infideles ante passionem in carne viderunt; sed quia Filius Dei esset, quia Paraclitus a Deo missus in mundum, non nisi fideles scire potuerunt: Spiritum autem sanctum neque oculis videre infideles, neque animo valebant cognoscere, quia non induitus humanitate discipulis apparuit, sed ita ad eos venire, ita apud eos maluit manere, ut in ipsis eorum cordibus gratissimam sibi sedem consecraret; hoc est enim, quod ait: *Vos autem cognoscetis eum, quia apud vos manebit, et in vobis erit.* Qui autem invisibiliter in hac vita manet cum electis, visibiliter utique [Beda, invisibiliter utique] eis gratiam suæ cognitionis exhibet. **600** (Vers. 18.) *Non relinquam vos orphanos, veniam ad vos.* Videbatur infidelibus quia moriens in cruce Dominus, discipulos relinqueret orphanos; sed non reliquit eos orphanos, quibus et præbuit seipsum vivum post passionem suam in multis argumentis, per dies quadraginta; et post dies decem assumptionis suæ Spiritus sancti illis de cœlo charismata donavit; ubi ipsum Christum ad eos venisse nullus fidelium ambigit, qui inseparabilem sanctæ Trinitatis naturam virtute et operatione [Beda, virtutem et operationem] esse cognovit.

VERS. 19. — *Adhuc modicum, et me jam mundus non videt, vos autem videtis me.* Modicum erat usque ad tempus explendæ [Beda et Ms., expletæ] passio nis, ex quo illum reprobi videre non valebant. Soli etenim justi, qui morte illius erant contristati, gaudium resurrectionis ejus videre meruerunt. « *Quia ego vivo, et vos vivetis.* » Quid est, *quia ego vivo, et vos vivetis?* Cur de præsenti se dixit vivere, illos autem de futuro esse victuros, nisi quia vitam etiam carnis, utique resurgentis, qualis in ipso præcedebat, et illis est pollicitus secuturam? Et quia ipsius mox futura fuerat resurreccio, præsentis posuit temporis verbum, propter significandam celeritatem: illorum autem quoniam in saeculi differtur finem, non ait, *vivitis, sed vivetis.* Duas ergo resurrectiones, suam scilicet mox futuram, et nostram in saeculi fine secuturam, duobus verbis, præsentis temporis et futuri, eleganter breviterque promisit. » (Vers. 20.) *In illo die, inquit, vos cognoscetis, quia ego sum in Patre meo, et vos in me, et ego in vobis.* In quo die, nisi de quo ait: *Et vos vivetis?* « Noverant tunc apostoli esse Christum in Patre per unitatem individuæ divinitatis; noverant se esse in Christo, per susceptionem fidei et sacramentorum ejus; noverant veraciter vere tunc esse Christum in Pa-

^c Ex Bedæ hom. citata.

tre, et in se esse Christum per dilectionem et observantiam mandatorum ejus; novit et hoc sancta Dei Ecclesia, sed longe melius et plenius in illa die de qua dixit: *Et vos vivetis*: in qua veraciter vivere incipiunt, hoc est, in die resurrectionis, quando eo perfectius cuncta quae scienda sunt, sciunt, quo ipsum scientiae fontem vicinius sine fine conspicunt. » Ut autem omnibus hujus promissionem beatitudinis promitteret, non solummodo apostolis, mox subiunxit: (VERS. 21.) *Qui habet mandata mea, et servat ea, ille est qui me diligit. Qui autem diligit me, diligetur a Patre meo, et ego diligam eum, et manifestabo ei meipsum.* « Ubi omni intentione considerandum est, quia Christum vere diligere est ejus mandata servare: non ipsam dilectionem [solum] labiis profiteri, sed mandata Christi, quae discedunt habemus, operando servare: » *Qui habet, inquit, mandata mea, et servat ea, ille est qui me diligit,* « *qui habet in memoria, et servat in vita; qui habet in sermonibus, et servat in moribus; qui habet audiendo, et servat faciendo; aut qui habet faciendo, et servat perseverando, ipse est, inquit, qui diligit me.* » « *Nostandum quia cum praesentis temporis verbo diceret: Qui autem diligit me, adjecit de futuro: Diligetur a Patre meo, et ego diligam eum, et manifestabo ei meipsum.* Diligit namque etiam nunc dilectores suos cum Patre Filius, sed nunc diligit ad hoc, ut recte vivant ex fide, quae per dilectionem operatur: tunc ad hoc diligit, ut perveniant ad visionem veritatis, quam per fidem gustaverant. Non autem frustra addidit: *Et manifestabo ei meipsum.* » Se vero secundum humanitatem crucis in iudicio manifestabit: solis vero justis et sanctis divinitatis gloriam, in qua aequalis est Patri et Spiritui sancto, ad beatitudinem aeternam percipiendam manifestaturus erit.

VERS. 22. — *Dicit ei Judas, non ille Scariothis: Domine, quid factum est; quia nobis manifestatus es teipsum; et non huic mundo? Interrogavit dicens causam veritatis. Iste est Judas cuius Epistola legitur in ecclesiis Christi, non ille traditor. Ideo aliter interrogavit iste, aliter illo proditor, dum ait: Numquid ego sum? Ille simulacrum accessit ad mensam magistri, iste veritatis inquisitor interrogavit Dominum. Cui respondit Jesus: (VERS. 23.) Si quis diligit me, sermones meos servabit. » Probatio ergo dilectionis, exhibitio est operis. Hinc in Epistola sua idem Joannes dicit: *Qui dicit quia diligo Deum, et mandata ejus non custodit, mendax est* (I Joan. iv, 20). Vere enim diligimus Deum, si mandata ejus observamus, et a nostris **601** nos ad mandata illius voluntatibus [Ms., voluntatibus] coarctamus. » *Et Pater meus diligit eum.* Quia opera quae Pater facit, haec et similiter Filius facit; et qui diligit Filium, diligit et Patrem; et qui diligitur a Filio, diligitur a Patre. *Et ad eum veniemus, et mansionem apud eum**

A *faciemus.* Qui enim vere diligit Deum, nec tentationis tempore recedit ab amore Dei, ad hunc veniunt Pater et Filius spirituali accessione, et mansionem apud cum habent. Ille enim vere amat, cuius videlicet mentem delectatio prava ex consensu suo non superat. Nam tanto quisque a superno amore dis jungitur, quanto inferius delectatur. « *Dilectio sanctorum discernit a mundo, quae facit unanimis habitare in domo.* In qua domo facit Pater et Filius mansionem: qui donant et ipsam dilectionem, quibus donent in fine etiam suam manifestationem. » De qua manifestatione discipulus interrogavit, et audiuit ad hanc manifestationem per dilectionem venientem esse. (VERS. 24.) *Qui non diligit me, sermones meos non servat.* « *Hui sunt qui Patrem et Spiritum sanctum nunquam vident: Filium autem, non ut beatificantur, sed ut judicentur, ad modicum vident: nec ipsum in forma Dei, ubi est cum Patre et Spiritu sancto pariter invisibilis: sed in forma hominis, ubi [Ms., in qua] esse mundo voluit patiendo contemptibilis, judicando terribilis.* » *Et sermo quem audistis, non est meus; sed ejus qui misit me, Patris.* Quid est quod prius plurali numero sermones dixit, nunc autem singulari sermonem? Fortassis ut praedicationis [Ms., praedicationes] ibi sermones monstraret; hic vero seipsum, qui est Verbum Patris. Et ideo dixit non suum, quia a seipso non est, sed a Patre: sicut nec sua est imago, sed Patris; nec unus Filius, sed Patris. « *Recte igitur auctori tribuit quicquid facit aequalis, a quo habet hoc ipsum quod illi est indifferenter aequalis.*

VERS. 25. — *Hac locutus sum vobis apud vos manens.* Illa mansio, de qua superiorius dixit, spiritualis est, quae solis sanctis datur: haec vero de qua nunc dicit, corporalis est. De sua praesentia corporali tantummodo dixit, quam utrique, et justi et impii vide potuerunt. » « *Illa in aeternum beatificat liberatos, haec in tempore visitat liberandos.* Haec, inquit, *locutus sum vobis, apud vos manens.* Utique praesentia corporali, qua cum illis visibiliter loquebatur. » (VERS. 26.) *Paracitus autem Spiritus sanctus, quem mittet Pater in homine meo, ille vos docebit omnia, et suggesteret vobis omnia, quicunque dixerit vobis.* Multa dixit audientibus infidelibus, quae in eorum cordibus locuni non invenerunt, quia Spiritus sanctus intus eos non decebat. Multa dicit quotidie per sanctos praedicatorum; quae audientes interius non recipiunt, quia Spiritus sanctus non suggesterit eis interius, quae audierunt exterius. De quo recte promittitur: *Ipse vos docebit omnia,* « *quia nisi idem Spiritus cordi adsit audientis, otiosus est sermo doctoris.* Nemo enim docenti homini tribuat quod ex ore docentis intelligit, quia nisi intus sit qui doceat, doctoris lingua exterius in vacuum laborat. » Aliter itaque praedicantem Christum audierunt Iudei, aliter apostoli. Illi ad iudicium, isti ad salutem:

^a Ex S. Aug., loc. cit., num. 5.

^b Ex Beda, loco citato.

^c Ex S. Greg., hom. 30, num. 1.

^d Ex S. Aug., tract. lxxvi num. 2, 4, 5.

^e Ex codem, tract. lxxvii, num. 4.

^f Ex S. Greg.; homilia citata, num. 3.

quia hos spiritus in animo docuit, quod foris audiunt in aure.

VERS. 27. — *Pacem relinquimus, pacem meam do vobis.* In pace relinquimus vos, in pace veniam ad vos. Hic relinquimus, illic do. Sequentibus relinquimus, pervenientibus do. « *Pacem relinquimus nobis in hoc saeculo, pacem suam dabit nobis in futuro saeculo.* Pacem relinquimus nobis, ut nos invicem diligamus: pacem suam dabit nobis, ubi nunquam invicem dissentire possimus. » Quid est quod dicit: *Pacem meam do vobis*, et non dixit: *Pacem meam relinquimus vobis?* Fortassis quia aliter nunc, aliter tunc pax erit; hic vero bella cum vitiis habemus, ideo non addidit *meam*: illic vero in æterna pace, æterna erit tranquillitas et concordia, et talis pax, qualis ille habuit cum seipso qui nullum habuit in seipso peccatum. *Non quomodo mundus dat, ego do vobis.* Id est, non quomodo in mundo [Ms., immundi] homines sœpe sibi in sua malitia concordant, sed quomodo qui sibi in sanctitate concordant, et in Christi se charitate conjugant.

602 VERS. 28. — *Non turbetur cor vestrum neque formidet. Audistis, quia dixi vobis: Vado et venio ad vos.* « *Hinc turbari et formidare poterat cor illorum, quod ibat ab eis, quamvis venturus esset ad eos: ne forsitan gregem lupus hoc intervallo invaderet, pastore absente.* Sed a quibus homo abscedebat, Deus non relinquiebat: et idem ipse Christus, et homo et Deus. Ergo ibat per id quod homo erat, et manebat per id quod Deus erat; ibat per id quod in uno loco erat, et manebat per id quod ubique Deus erat. Igitur Deus, qui nullo continetur loco, discedit ab eorum cordibus qui cum relinquunt moribus, non pedibus: et veniet ad illos qui convertuntur ad eum non facie, sed fide, et accedunt ad eum non carne, sed charitate. » *Si diligenteris me, gauderetis utique, quia ego ad Patrem vado, quia Pater maior me est.* Tanquam si diceret: Gaudere debetis, quia porto tecum consecrandam fragilitatem vestram. « *Per quod igitur Filius non est aequalis Patri, per hoc erat iturus ad Patrem, a quo venturus est vivos iudicaturum et mortuos: per illud vero quod est aequalis Patri, nunquam recessit a Patre, sed cum illo est, ubique totus, pari divinitate, quam nullus continent locus.* » *Agnoscamus geminam substantiam Christi, divinam scilicet, qua aequalis est Patri; humanam qua major est Pater: utrumque autem simul, non duo, sed unus Christus, ne sit quaternitas, sed Trinitas Deus.* Sicut enim unus est homo, anima rationalis et caro, sic unus est Christus Deus et homo: ac per hoc Christus est Deus, anima rationalis et caro: Christum in his omnibus, Christum in singulis constemur. Quis est ergo per quem factus est mundus? Christus Jesus, sed in forma Dei. Quis est sub Pontio Pilato crucifixus? Christus Jesus, sed in forma servi. Item de singulis quibus homo constat. Quis non est derelictus in

^a Ex S. Aug., loc. cit., num. 3.

^b Ex S. Aug., tract. LXXVII, num. 1-5.

A inferno? Christus Jesus, sed in anima sola. Quis resurrecturus triduo jacuit in sepulcro? Christus Jesus, sed in carne sola. Dicitur ergo et in his singulis Christus; verum haec omnia non duo, vel tres, sed unus est Christus. Ideo ergo dixit: *Si diligenteris me, gauderetis utique, quia vado ad Patrem:* quoniam naturæ humanæ gratulanduni est, eo quod sic assumpta est a Verbo unigenito, ut immortalis constitueretur in cœlo, atque ita fieret terra sublimis, ut incorruptibilis pulvis sederet in dextera Patris. Hoc enim modo se iturum dixit ad Patrem: non profecto [Aug., nam profecto] ad illum ibat qui cum illo erat; sed hoc erat ire ad eum, recedere a nobis; mutare atque immortale facere quod mortale suscepit ex nobis, et ad dexteram constituere Patris, et levare in cœlum, per quod fuit in terra pro nobis. » Deinde ipse Dominus Jesus subjunxit:

VERS. 29. — *Et nunc dixi vobis, priusquam fiat, ut cum factum fuerit, credatis.* « *Illud utique dicit, cum factum fuerit, quod eum post mortem visuri erant viventem, et ad Patrem ascendentem: quo viso, illud fuerant credituri quod ipse esset Christus Filius Dei, qui potuit hoc facere cum prædictisset, et prædicaret [Aug., et prædicere], antequam faeret.* » Poterant enim dubitare si Filius Dei esset, cum eum viderunt moriturum: sed cum viderunt eum surrexisse, credebant in quo ante dubitabant, et confirmata est fides in cordibus eorum quam illis prædicterat, qui et ore promisit quod facturus erat, et opere complevit quod ante prædictit. Deinde quid dicit: (VERS. 30) *Jam non multa loquar vobiscum, venit enim princeps mundi hujus: « Quis, nisi diabolus? Et in me non habet quidquam; nullum scilicet omnino peccatum.* Hic enim [Aug., Sic enim] ostendit, diabolum principem esse peccatorum hominum, non creaturarum Dei. Et quotiescumque mundi figura in mala [Aug., in malo] significatione ponitur, non ostendit nisi mundi istius amatores, et non Dei. Absit enim ut credamus principem esse cœli et terræ, et creaturarum omnium quæ generaliter mundi [Suppl., mundi nomine] appellantur. Totus itaque mundus servit suo creatori, non deceptor; redemptori, non interemptori: et regitur dispensatione divina, non inimici versutia subvertitur, præter homines partis illius qui propria voluntate, non necessitate aliqua se subjiciunt diabolo. Unde et Apostolus ait: *Non est nobis collectatio adversus carnem et sanguinem, id est, adversus homines, sed adversus potestates, et rectores tenebrarum harum (Ephes. vi, 12), id est, peccatorum, qui in tenebris manent iniquitatis.* Quos rectores, angelos **603** esse desertores designat. Sed sunt qui per gratiam Dei non propriis meritis inde eruuntur, de quibus ait Apostolus: *Fuistis aliquando tenebre, nunc autem lux in Domino, ut filii lucis ambulate (Ephes. v, 8).* Sed gratias Deo qui eruit nos, sicut idem dicit Apostolus, de potestate tenebrarum, et transstulit in regnum clarita-

^c Ex eodem, tract. LXXXIX, num. 1, 2.

tis Filii sui [Ms., Filii claritatis sua] (Coloss. i, 13). A
 « In quo princeps hujus mundi, hoc est, tenebrarum harum, non habebat quidquam: quia neque cum peccato Deus venerat, nec ejus carnei de peccati propagine virgo pepererat. Et tanquam ei diceretur: Cur ergo morieris, si non habes peccatum, cui debebatur mortis supplicium? continuo subjicit: (VERS. 31) *Sed ut cognoscat mundus, quia diligo Patrem, et sicut mandatum dedit mihi Pater, sic facio. Surgite, eamus hinc. Discumbens enim discubentibus loquebatur. Eamus autem dixit; quo? nisi ad illum locum, unde fuerat tradendus. Est igitur morti traditus, qui nullum habebat meritum mortis: [sed] habebat ut moreretur, mandatum Patris. » Sequitur enim:*

CAPUT XXXVI.

Se ipsum vitem, Patrem vero agricolam dicens, discipulosque palmites, ac sine se nihil eos facere posse testatur. Et multis locutionum modis alteram eis dilectionem inculcat, cuius merito possent, quodcumque petterint, impetrare.

CAPUT XV. VERS. 4. — *Ego sum vitis vera, et vos palmites.* Hanc similitudinem dicit per hoc, quod est caput Ecclesiæ, nosque membra ejus. Cum esset in forma Dei aequalis Patri, factus est in forma servi mediator Dei et hominum homo Christus Jesus (I Tim. ii, 5). « Unius quippe naturæ sunt vitis et palmites propter quod cum esset Deus, cuius naturæ non sumus, factus est homo ut in illo esset vitis humana natura, unde nos homines palmites illius esse possemus. » Sicut enim ovis, agnus, leo, petra, lapis angularis per similitudinem dicitur Christus, ita et vitis per similitudinem dictus est. Sed quid est hoc, quod dixit, vera, nisi quia est et vitis falsa, de qua in Propheta legitur: *Quomodo conversa es in amaritudinem vitis alienæ* (Jer. ii, 21; Isa. v, 4)? quæ dum facere uvas exspectata est, fecit labruscas. [Vel ita: *Ego sum vitis vera, id est sapientia; innocentia, justitia vera*] ». *Ego sum vitis vera; Pater meus agricola est.* « Secundum hoc ergo vitis Christus, secundum quod ait, *Pater major me est: secundum id vero, quod ait, ego et Pater unus sumus, et ipse agricola est; nec talis quales sunt qui extrinsecus operando exhibent ministerium; sed talis ut det etiam intrinsecus incrementum.* Nam neque qui plantat, est aliquid, neque qui rigat; sed qui incrementum dat Deus (I Cor. iii, 7). Et utique Deus est Christus; quia Deus erat Verbum, et Verbum caro factum est. Factum est quod non erat, mancū quod erat. (VERS. 2.) *Omnem palmitem in me non ferentem fructum, tollet eum Pater.* Hoc est quod alio loco ait: *Jam securis ad radicem arborum posita est, omnis enim arbor non ferens fructum, excidetur et in ignem mittetur. Eum vero palmitem qui fert fructum, purgabit eum, ut fructum plus afferat* (Math. iii, 10). Fert fructum, quia mundatus est;

* Ms.: « Factus est in forma servitutis, unde nos palmites illius esse possimus. Sicut enim ovis; etc. » Intermedia fbi omissa sunt.

A et ut plus ferat, purgabitur: et hoc non a se, sed a Deo, qui mundat corda nostra ut fructum ferre possint, et purgat spiritu charitatis ut plus fructificare valeant.

VERS. 5. — *Jam vos mundi estis; propter verbum, quod locutus sum vobis.* Illic se ostendit agricolam esse, dum dixit, mundi estis propter sermonem, quem locutus sum vobis. « Quare non ait, Mundi esis propter baptismum quo abluti estis; sed ait: *Propter verbum, quod locutus sum vobis;* nisi quia et aquam verbum mundat? Detrahe verbum, et quid est aqua, nisi aqua? Accedit verbum ad elementum, et fit sacramentum. Unde ista tanta virtus aquæ, ut corpus tingat [Aug., tangat] et cor abluat, nisi faciente verbo, non quia solum dicitur, sed quia crebitur? » 604 Nam tria in baptismo visibilia sunt, id est, corpus, aqua et sacerdos: tria invisibilia, anima, fides et Spiritus Dei [Ms., Spiritus Sanctus], qui haec omnia operatur; ut fiat spiritualiter Filius Dei renatus ex aqua et Spiritu, qui fuit carnaliter filius peccati natus ex traduce primorum parentum carne. *Ego sum vitis vera, et vos palmites.*

VERS. 4. — *Munete in me, et ego in vobis.* Non eo modo illis in ipso manendum est, sicut ipse in illis. « Utrumque enim prodest non ipsi, sed illis. Ita sunt quippe in vite palmites, ut viti non conferant, sed inde accipiunt unde vivant et fructificare possint: ita vero vitis est in palmitibus, ut vitale alimentum subministret eis, non sumat ab eis. Ac per hoc utrumque prodest credentibus in Christum; manere in Christo, et Christum in illis. Unde secutus est, et ait: *Sicut palmites non potest ferre fructum a semelipso, nisi manserit in vite, sic nec vos, nisi in me manseritis.* Qui enim a semelipso se fructum existimat ferre, in vite non est; qui in vite non est, in Christo non est; qui in Christo non est, Christianus non est. » Omnis enim fructus boni operis ab illa radice procedit; qui nos sua gratia liberavit, et suo auxilio provehit, ut fructum plus afferre valeamus. (VERS. 5.) *Ego sum vitis vera, et vos palmites.* Qui manserit in me, et ego in eo, hic fert fructum multum, quia sine me nihil potestis facere. « Non dixit: Parvum aliiquid boni potestis sine me facere, sed omnino nihil. Sive enim parvum bonum, sive multum, sine illo fieri non potest [sine quo nihil boni fieri potest]. Quamvis enim Christus vitis non esset, nisi homo esset, tamen istam gratiam palmitibus non praebaret, nisi etiam Deus esset. »

VERS. 6. — *Si quis in me, inquit, non manserit, mittetur foras sicut palmites, et arescet et colligent eum, et in ignem mittent, et ardent.* « Ligna itaque vitiis tantò sunt contemptibiliora si in vite non manserint, quanto gloriiosiora si manserint. Unum e duobus palmiti congruit, aut vitiis, aut ignis: si in vite non est, in igne erit: ut ergo in igne non sit, maneat in vite. (VERS. 7.) *Si manseritis in me, inquit,*

» Ex S. Aug., tract. LXXX, num. 1, 2, 3.

† Ansulis inclusa desunt in ms.

‡ Ex S. Aug. Tract. LXXXI, num. 1-4.

et verba mea in vobis manerint, quocunque volueritis, petetis, et fieri vobis. Manendo quippe in Christo, quid velle possunt nisi quod convenit Christo? Quid velle possunt manendo in Salvatore, nisi quod alienum non est a salute? » Nec enim petere volunt, nisi quod expedit ad salutem. « Manentes autem in eo, cum verba ejus in nobis manent, quocunque voluerimus, petamus, et fieri nobis. Quia si petimus, et non fit, non hoc petimus quod habet mansio in eo, nec quod habent [Ms., non hoc petimus, quod ad illud pertinet, ut maneamus in eo; nec quod suadent verba] verba ejus quae manent in nobis: sed quod habet cupiditas et infirmitas carnis, quae non est in eo, et in qua non manent verba ejus. Tunc enim dicenda sunt verba ejus in nobis manere quando facimus quae præcepit, et diligimus quae promisit.

• Magis magisque Salvator gratiam qua salvamur, discipulis loquendo commendans, (VERS. 8) *In hoc, inquit, clarificatus est Pater meus, ut fructum plurimum afferatis, et efficiamini mei discipuli. Si enim haec gloria est Patris, ut fructum pluriimum afferamus, et simus discipuli Christi, non hoc nostræ gloriarum tribuamus, tanquam hoc ex nobis ipsis habemus. Ejus est enim haec gratia, et ideo [in] hoc non nostra, sed ejus est gloria. A quo efficiimur ut simus discipuli Christi, nisi ab illo cuius misericordia prævenit nos, » ut velle subsequatur et posse, quae ad illud pertinent, ut perpetualiter maneamus in vite?*

VERS. 9. — *Sicut dilexit me Pater, et ego dilexi vos, manete in dilectione mea. » Ecce unde sunt nobis opera bona. Nam unde [nobis] essent, nisi quia fides per dilectionem operatur? Unde autem diligimus, nisi prius diligemur? » Et unde illa dilectio Dei in nobis esset, nisi prius nos sua præveniret gratia in qua nos dilexit, cum essemus in peccatis, et conviviscavimus nos Christo? » Quid autem ait: *Sicut dilexit me Pater, et ego dilexi vos, non aequalitatem naturae s'endit nostræ et sue, sicut est Patris et ipsius; sed gratiam, qua est mediator Dei et hominum, homo Christus Jesus (I Tim. ii, 5). Mediatorem se ostendit, cum dixit: Me Pater diligit, et ego vos. Nam Pater utique diligit et nos, sed in ipso: quia in hoc clarificatur Pater, ut fructum afferamus in vite, hoc est, in Filio, et efficiamur ejus discipuli. Manete, inquit, in dilectione mea. Quomodo 605 manebimus? audi, quid sequatur. (VERS. 10.) Si præcepta mea, inquit, servaveritis, manebitis in dilectione mea. In hoc enim apparebit, quod in dilectione mea manebitis, si præcepta [mea] servabitis. Nemo se fallat dicendo quod eum diligit, si ejus præcepta non servat. Nam in tantum eum diligimus, in quantum ejus præcepta servamus: in quantum autem minus servamus, tantum minus diligimus. Quid est quod dixit: Manete in dilectione mea, nisi manete in gratia mea? Et quid est: Si præcepta mea servabitis, manebitis in dilectione mea, nisi ex**

A hoc scietis quod in dilectione mea qua vos diligo manebitis, si mea præcepta servabitis? Sed quid est illud quod adjungit: » Sicut et ego præcepta Patris mei servavi, et maneo in ejus dilectione. Quæ sunt præcepta Patris, nisi quæ ante dixit: *Et sicut mandatum dedit mihi Pater, sic facio? Quod Apostolus exponens ait: Christus factus est obediens Patri usque ad mortem, mortem autem crucis. Propter quod et Deus exaltavit illum, et dedit illi nomen, quod est super omne nomen (Philip. ii, 8).* Sequitur: *Et maneo in ejus dilectione. » De hac dilectione dixit, qua diligit eum Pater. Sed nunquid et hic gratia intelligenda est qua Pater diligit Filium, sicut gratia est qua nos diligit Filius, cum simus filii gratia, non natura [Ms., gratiae non naturæ]: unigenitus autem natura, non gratia? » Manet ergo Filius in dilectione qua eum dilexit Pater, et ideo servavit præcepta ejus. » Nam dicendo, sicut dilexit me Pater, et ego dilexi vos, gratiam mediatoris ostendit. Mediator autem Dei et hominum, non in quantum Pater est, sed in quantum homo est Christus Jesus. Deus enim erat Verbum, unigenitus dignitati coæternus b: scilicet mediator daretur nobis, per ineffabilem gratiam Verbum caro factum est, et habitavit in nobis. »*

VERS. 11. — *Hæc locutus sum vobis, ut gaudium meum in vobis sit, et gaudium vestrum impleatur. [In vobis sit verbum meum, impleatur gaudium vestrum]. Quid est, gaudium meum in vobis sit, nisi verbum meum in vobis impleatur? Quid est gaudium Christi in nobis, nisi salus nostra, propter quam factus est homo? » Et quid est gaudium nostrum, quod dicit impletum, nisi ejus habere consortium, » sicut in consequentibus dicit: Volo Pater, ut ubi ego sum, et isti sint mecum? » Gaudium igitur ejus de salute nostra, quod in illo semper fuit, cum præscivit et prædestinavit nos, coepit esse in nobis, quando vocavit nos: et hoc gaudium, merito nostrum dicimus, quo et nos beati futuri sumus. » Illius vero gaudium semper perfectum est, nec minor potest, nec habet quo crescat. » Hoc vero gaudium nostrum inchoatur in fide renascentium, impletetur in præmio resurgentium. » (VERS. 12.) *Hoc est præceptum meum, ut diligatis inricem, sicut dilexi vos. » Nam in superioribus dixit, dum de dilectione præcepit: *Mandatum novum do vobis, modo dixit: Præceptum meum. Novum dixit, ne in vetustate nostra perseveremus: hic dictum est, meum, ne contempnendum putemus. » Repetitio vero hujus mandati [commendatio] est, quia sine charitate nullum præceptum Deo est acceptabile, de qua et Apostolus ait: Plenitudo legis est charitas (Rom. xiii, 10). Ubi ergo charitas est, quid est quod possit deesse? Ubi autem non est, quid est quod possit prodessere (I Cor. xiii, 13)? Nemo diligit qui non credit, nemo desperat qui diligit. » Et haec tria sunt, spes, fides et charitas, in quibus Christiana religio con-***

^a Ex eodem, tract. LXXXII, num. 1-4.

^b Al., « Quid est ergo ille homo ex virgine natus, nisi quod Deus susceptor est ejus? Deus enim erat

unigenitus Dei Patris Filius. Sed ut, etc. » Vid. Aug.

i. cit. n. 4 in fine.

^c Ex S. Aug., tract. LXXXIII, num. 1-3.

sist : sed majus his charitas , quia non præterit, sed permanet. Hic incipit, sed illuc persicetur , ubi permanet. « Hoc ergo præceptum Domini teneamus, ut nos invicem diligamus, et sic quidquid aliud præcepit, faciemus ; quoniam quidquid est aliud, habemus. » Hujus dilectionis in seipso exemplum ostendit, et ideo subjunxit : *Ut diligatis invicem, sicut ego dilexi vos.* Ut quid enim nos dilexit Christus , nisi ut possimus regnare cum Christo ? Ad hoc nos diligere debemus, ut habeamus Deum, et mancamus in Deo ; et sic, qui se diligunt, Deum diligunt. Et hæc est dilectio, qua sit Deus omnia in omnibus. Sequitur :

606 VERS. 13. — *Majorem hac dilectionem nemo habet, quam ut animam suam ponat quis pro amicis suis.* Quid est quod Dominus noster Jesus Christus toties charitatis præcepta iteravit, nisi quia omne præceptum et omne opus bonum in sola charitate solidatur? « Præcepta ergo Dominica , et multa sunt et unum : multa sunt per diversitatem operis, unum in radice dilectionis. Hanc itaque charitatem veraciter habet, qui et amicum diligit in Deo, et inimicum diligit propter Deum. Ideo subjunxit : *Sicut ego dilexi vos, id est, ad hoc amate, ad quod amavi vos.* » Unde et in cruce positus oravit pro inimicis suis dicens : *Pater, ignosce illis* (*Luc. xxiii, 34*). *Majorem hac dilectionem nemo habet, quam ut animam suam ponat quis pro amicis suis.* In hoc Christi dilectio supereminet in nos, quia venit ut animam suam poneret pro inimicis suis ; ad hoc tamen ut ex inimicis ficeret amicos. Sed non omnium est martyrium, tamen omnium beneficium est in fratres. Qui vero substantiam suam fratri in necessitate posito non tribuit, quomodo animam suam in persecutione daturus est pro fratre suo? Virtus vero hujus charitatis est, in pace sua distribuere pro Christi amore, ut possit in perturbatione seipsum tradere pro nomine ejus. (VERS. 14.) *Vos amici mei estis, si feceritis ea quæ ego præcipio vobis.* Magna est dignitas amicum esse Dei. Sed videndum est quibus gradibus ad hanc celsitudinem perveniat. Subjungit : *Si feceritis ea quæ ego præcipio vobis.* Ac si aperte dicat : Gaudetis de culmine, pensate quibus laboribus venitur ad culmen. Magna est misericordia largitoris nostri : servi non sumus digni, et amici vocamur. Ideo [AL., Unde] subjungit : (VERS. 15) *Jam non dico vos servos, quia servus nescit quid faciat dominus ejus.* Aliud est servitium timoris, aliud amoris; quæ [duo] genera ipsa Veritas in hoc eodem Evangelio exprimit, dicens : *Servus non manet in domo in æternum, filius autem manet* (*Joan. viii, 35*). Filius vero servit patri propter amorem, servus autem propter timorem. De quo servitio modo Dominus dixit : *Jam non dico vos servos, sed amicos, quia filii, non servi, ideo et amici.* Quia servus nescit quid faciat dominus [ejus] : Nescit enim voluntatem domini sui, qui per timoriam aritudinem servit domino suo, et non per chari-

tatis dulcedinem, quasi patri serviat. *Vos autem dixi amicos, quia omnia quæcumque audiri a Patre meo, nota feci vobis.* Quæ sunt omnia quæ audivit a Patre suo, quæ nota fieri voluit servis suis, ut eos persiceret amicos suos, nisi gaudia internæ charitatis, nisi illa festa supernæ patræ, quæ nostris quotidie mentibus per aspirationem sui amoris imprimit? Sed hæc cognitio, quæ nunc ex parte proficit, in illa plenitudine scientiae persicetur, de qua Apostolus ait : *Cum autem venerit quod perfectum est, evanescabitur quod ex parte est* (*I Cor. xiii, 40*). Ille enī Dominus discipulis se fecisse dixit, quod cum facturum esse sciebat.

VERS. 16. — *Non vos me elegistis, sed ego elegi vos.* Hæc est ineffabilis [AL., affabilis] gratia quæ prævenit nos, ut simus amici ex servis. Ideoque nobis non subrepat superbia, quasi pro nostris meritis aliquid acceperimus, dum filii iræ fuimus. Nunc autem Filii Dei per gratiam effecti sumus, sine qua nihil possumus facere, ut paulo ante ipsa Veritas ait : *Sine me nihil potestis facere. Et posui vos, ut eatis, et fructum afferatis.* « Posui ad gratiam, plantavi ut eatis volendo, fructus afferatis operando. Eatis enim volendo dixi, quia velle aliquid facere, jam mente ire est. Qualem vero fructum afferre debeant, subdendo manifestat : *Et fructus vester maneat, ut quæcumque petieritis Patrem in nomine meo, det vobis.* » Non enim filii, Jesus est ; Jesus autem Salvator vel etiam salutaris dicitur. Ille ergo in nomine Salvatoris petit, qui illud petit quod ad veram salutem pertinet; nam si id quod non expedit petimus, non in nomine Jesu petimus.

607 CAPUT XXXVII.

Eamdem dilectionem instantius commendans, contemnendum dicit odium mundi. Prædicens quoque qualia pro ejus nomine sint passuri, et arguendum mundum a Paraclito de peccato, et de justitia, et de iudicio manifestat.

VERS. 17. — *Hæc mando vobis, ut diligatis invicem.* « Merito itaque magister bonus dilectionem discipulis sic scopè commendat, tanquam sola præcipienda sit, sine qua non possunt prodesse cætera bona, et quæ non potest haberi sine cæteris bonis quibus homo efficitur bonus. In [AL., Pro] hac autem dilectione , patienter debemus pro Domino mundi odia sustinere. Necesse est enim ut nos oderit, quos certavit nolle amare quod diligit. Sed non parum nos de seipso Dominus consolatur, qui cum dixisset : (VERS. 18) *Hæc mando vobis ut diligatis invicem,* adjecit atque ait : *Si mundus vos odit, scitote quia me priorem vobis odio habuit.* » Non est discipulus super magistrum, adhærent capiti membra ; ut quod caput patiebatur prius, membra pati non recusent. (VERS. 19.) *Si de mundo essetis, mundus quod suum erat diligenter.* Aliter enim mundus intelligitur in sanctis, aliter in peccatoribus ; aliter qui diligunt Deum, atque aliter qui diligunt hoc seculum. « Nam mundi hujus

^a Ex Greg., hom. 27, num. 1, 2.

^b Ex eodem, loc. cit., num. 5.

^c Ex S. Aug., tract. lxxxvii, num. 3.

nomine, saepe Ecclesia designatur, sicuti est illud : *Deus erat in Christo, mundum reconcilians sibi* (*II Cor. v, 19*). Itemque illud : *Non enim venit Filius hominis ut judicet mundum, sed ut salveatur mundus per ipsum* (*Joan. iii, 17*). Totus mundus Ecclesia est, et totus mundus odit Ecclesiam. Mundus igitur o'it mundum, inimicus reconciliatum, damnatus salvatum, inquinatus mundatum. Sed iste mundus quem Deus in Christo reconciliat sibi, et qui per Christum salvatur, et cui per Christum peccatum omne per corpus [Aug., peccatum omne donatur] donatur, de mundo electus est. Denique cum dixisset, *Si de mundo essetis, mundus quod suum erat, diligenter, continuo subjecit : Quia vero de mundo non esatis, sed ego elegi vos de mundo, propterea odit vos mundus.*

B Erant itaque de mundo, sed per gratiam electi sunt de mundo, ut non essent in mundo, in quo nati sunt de peccati radice : sed in quo renati sunt per gratiam, ut non essent in mundo, sed electi de mundo. *Elegi vos de mundo*, dixit, ne quis in suis glorietur meritis ; sed qui gloriatur, in Domino glorietur (*II Cor. x, 17*).

VERS. 20. — *Memento sermonis mei quem ego dixi vobis : Non est servus major Domino suo : si me persecuti sunt, et vos persequentur; si sermonem meum servaverunt, et vos rum servabunt.* Perfectus magister revocat discipulos ad exemplum quod in se ostendebat, ut in prioribus legimus. Nunc autem exhortatur eos quatenus habeant in memoria sermonem magistri : *Non est servus major Domino suo.* Illic servum significat, qui sanctum habet timorem, et permanet in seculo seculi, et in quo est initium sapientiae, et intellectus bonus omnibus facientibus eum (*Psal. cx, 10*) : ibi in superioribus illum demonstrat servum, de quo et iudicium ait : *Servus non manet in domo in aeternum.* Ille est servus qui pertinet ad timorem, quem foras misit charitas, et non permanet in domo in aeternum. (**VERS. 21.**) *Sed haec omnia facient vobis propter nomen meum, quia ne- sciunt eum, qui misit me.* ^a Quae omnia facient, nisi quae predixit, odio habebunt vos scilicet, et per sequentur, sermonemque contemnent vestrum? Adjunxit, *propter nomen meum.* Quid est aliud dicere quam me in vobis odio habebunt, me in vobis per sequentur, et sermonem vestrum, quia meus est, ideo non servabunt? *Sed hoc omnia facient propter nomen meum, non vestrum, sed meum.* Tanto igitur miseriores sunt qui propter hoc nomen ista faciunt, quanto beatores qui propter hoc nomen ista patiuntur : sicut ipse alio loco dicit : *Beati, qui persecutio nem patiuntur propter justitiam* (*Matth. v, 10*), hoc est, propter nomen meum. **Sequitur :** (**VERS. 22**) *Si non renissem, et locutus fuisse eis, peccatum non haberent : nunc autem excusationem non habent de peccato suo.* Judeos ostendit expressius [quibus missus est], et quibus promissus est antea per prophetas. ^b Judei ergo persecuti sunt Christum, quod **608** evidentis-

^a Ex S. Aug., tract. lxxxviii, num. 2.

^b Ex eodem, tract. lxxxiv, num. 1.

A sime indicat Evangelium; *Judeis [ergo] locutus est* [Christus], non aliis gentibus : in eis ergo voluit intelligi mundum, qui odit Christum et discipulos ejus. Quid est ergo, *Si non venissem, peccatum non haberent?* Nunquid sine peccato erant Iudei, antequam Christus ad eos in carne venisset? Quis hoc vel stultissimus dixerit? Sed magnum quoddam peccatum, non omne peccatum, quasi sub generali nomine vult intelligi. Hoc est enim peccatum, quo tenentur cuncta peccata, quod unusquisque si non habeat, dimittuntur ei cuncta peccata : hoc est autem quia non crediderunt in Christum, qui propterea venit ut credatur in eum. Illoc peccatum, si non venisset, non utique haberent. Adventus quippe ejus quantum creditibus salutaris, tantum non creditibus exitiabilis factus est. *Nunc autem excusationem non habent de peccato suo.* **D** De quo peccato, nisi quod non crediderunt in Christum Filium Dei, qui eis ante promissus est, et multis in lege figuracionibus demonstratus; et quasi haec omnia inania essent, ita contempserunt, et non crediderunt in Christum, quia venit in plenitudine temporis factus sub lege, ut eos qui sub lege erant redimeret (*Galat. iv, 4, 5*). (**VERS. 23.**) *Qui me odit, et Patrem meum odit.* Sicut qui diligit Filium, diligit et Patrem, quia una dilectio est Patris et Filii, sicut una natura; ita et qui Filium odit, odit et Patrem.

VERS. 24. — *Si opera non fecissem in eis quae nemo alius fecit, peccatum non haberent.* ^c Supra dixerat : *Qui me odit, et Patrem meum odit.* Utique enim, qui odit veritatem, necesse est oderit a quo et veritas nata est. Nunc dicit : *Si opera non fecissem in eis quae nemo alius fecit, peccatum non haberent;* peccatum illud scilicet magnum, de quo et superius ait : *Si non venissem, et locutus fuisse eis, peccatum non haberent,* hoc est, peccatum, quod in eum loquenter et operantem non crediderunt. **Quod dixit :** *Nemo alius fecit in eis, tanquam si aliqui miraculo sanctorum non fecissent ante in populo Dei :* aut sic ut Elias vel Eliseus mortuos non suscitatarent. *Nemo tamen tanta fecit miracula, vel tanta salutis insignia humanae fecit,* sicut Christus fecit in conspectu illorum : quae cuncta facile intelligit qui Evangelium legit. Ideo opus non est illa enumerare, quae Evangelium narrat, et totus mundus clamat : *Nimirum illa sunt opera, quae in eorum valetudine tanta salutis auctor ostendit, quanta illis antea nemo donavit.* Haec enim illi viderunt, et hoc eis exprobrans adiungit, et dixit : *Nunc autem et viderunt, et oderunt et me, et Patrem meum.* **C** Quo sensu hoc intelligendum sit, paulo ante exposuimus. (**VERS. 25.**) *Sed ut impleatur sermo, qui in lege eorum scriptus est :* *Quia odio habuerunt me gratis* (*Psal. xxxiv, 19*). *Eorum legem dicit non ab ipsis inventam, sed ipsis datum.* Gratis videlicet odit, qui nullum ex odio concussum querit, vel ad commodum tendit [Aug., qui nullum ex odio commodum querit, vel incommodum

^c Ex S. Aug., tract. xci, num. 1, 4.

fugit]. » Hi vero de quibus hoc dixit, pro beneficiis reddiderunt mala; et propter nimiam cordis malitiam oderunt diligenter eos, et benefacientem illis. (VERS. 26.) Cum autem venerit *Paracitus*, quem ego mittam vobis a Patre, Spiritum veritatis qui a Patre procedit. « Ex multis sancti Evangelii locis invenimus, quia discipuli ante adventum sancti Spiritus minus capaces erant ad indulgendum [Ms., intelligendum] arcana divinæ sublimitatis, minus fortes ad toleranda adversa humanae pravitatis; sed eis adveniente Spiritu, cum augmentatione divinæ agnitionis, data est etiam constantia vincendi humanæ persecutionis tentamenta. » Unde eos Spiritus sancti adventu promisit roborandos esse, vel ad fiduciam prædicationis, vel ad constantiam passionis: sicut in ipso principe apostolorum factum esse cognovimus, qui prius ad unius ancillæ vocem Christum timuit confiteri, quem postea palam et in omnibus cæteris constantius, sancto Spiritu roboratus, multis Iudeorum millibus prædicavit; ita ut ad ejus prædicationem tria millia virorum legamus credidisse et baptizatos esse; et non post multum temporis etiam quinque millia credidisse (Act. 11 et 14). Unde et ipse Christus, ut audivimus, promisit eis, dicens: *Cum autem venerit Spiritus Paracitus, quem ego mittam vobis a Patre Spiritum veritatis. Utrumque dixit, et Spiritum Paracitum, hoc est spiritum consolationis, et Spiritum veritatis, ut et fiduciam habuissent prædicationis in Spiritu veritatis, et consolationem gratiæ in eodem Spiritu.* Quod vero ait: *Qui a Patre procedit, statim subjunxit, quem ego mittam.* Significat enim quod æqualiter idem Spiritus sanctus a Patre et Filio procedit, et æqualiter a Patre et Filio mittitur; sed propter distinctionem personarum, hic dicitur a Patre procedere, et a Filio mitti; et in eadem distinctione personarum unam esse operationem ac voluntatem suam cum Patris voluntate denuat. Venit etiam et sua sponte, quia coequalis est Patri et Filio, ut cognoscatur unam esse voluntatem atque operationem sanctæ Trinitatis.

VERS. 27. — *Ille*, inquit, *testimonium perhibebit de me, et vos testimonium perhibebitis.* « ^b Quia quæ Spiritu intus docente percepérunt, hæc abjecto timore pristino, foris loquendo et aliis ministrando protulerunt. Ipse namque Spiritus corda eorum et ad scientiam veritatis illustravit, et ad docendâ quæ noscent, culmine veritatis erexit. » *Cum autem venerit Paracitus, ille testimonium perhibebit de me.* « Tanquam diceret: odio me habuerunt et occidérunt videntes; sed tale de me Paracitus testimonium perhibebit, ut eos faciat in me credere non videntes. Et vos, inquit, *testimonium perhibebitis, quia ab initio mecum estis.* perhibebit Spiritus sanctus, perhibebitis et vos, *quia ab initio mecum estis.* Potestis prædicare, quod nostis: quod ut modo non facitis, illius [Ms., quod amodo non facitis, quia illius] Spiritus plenitudo nondum adest vobis. »

^a Ex hom. Ven. Bedæ Dom. Exaudi.

^b Ex Beda, ibidem.

CAPUT XVI, VERS. 1, 2. — *Hæc locutus sum vobis, ut non scandalizemini. Absque synagogis facient vos.* « Coravit namque pius magister, futura discipulis prævororum bella prædicare, quo minus eos venientia possint turbare. Solent enim levius ferri adversa, quæ presciuntur, quam quæ subito ex insperato superveniunt, sicut in seculari litteratura legitur, sepe repentina casus perturbationis fortissimos quoque in bello milites fatigare. Sed venit hora, ut omnis, qui interficit vos, arbitretur obsequium se præstare Deo. « Arbitrabantur autem obsequium se Deo præstare Iudei in eo quod ministros Novi Testamenti odiis insequebantur et morte. Sed sicut illis testimonium perhibet Apostolus: *Æmulationem Dei habent; sed non secundum scientiam* (Rom. x, 2). Arbitrantur ergo legis æmulatione [Ms., æmulatorum] obsequium se præstare Deo, dum præconibus gratiæ neces inferunt; sed frustra legem quæ per famulatum data est defendunt, qui gratiam quam ipse Filius offert accipere renunt; incassum se Deo Patri placere aestimant, qui Dei Filium contemnere, imo etiam persequi ac blasphemare laborant. » Duo dixit illis esse ventura a Iudeis, id est, ut extra synagogam eos facerent, et ut eos interficerent. Quæ etiam ad cumulum damnationis illius populi pertinebant, et ad salutem gentium profutura fuissent, sicut Paulus in Actibus apostolorum illis Iudeis dixit: *Quia indignos vos verbo Dei fecistis, ecce couerterimus ad gentes: Sic enim præcepit nobis Dominus: Ecce dedi te in lucem gentium, ut sis salus mea usque ad extremum terræ* (Actor. xiii, 46). Sequitur: (VERS. 3.) *Et hæc facient, quia non noverunt Patrem neque me.* « ^c Quia enim Filius in Patre est et Pater est in Filio, et qui videt Filium videt et Patrem: patet profectio quia quicunque Filii credulitatem obstinata mente rejiciunt, nec Patrem nosse probantur. » (VERS. 4.) *Sed hæc locutus sum vobis, ut cum venerit hora eorum, reminiscamini quia ego dixi vobis.* Magna consolatio est discipulorum, reminisci ante prædicta esse a magistro quæ passuri essent, et eundem se scire habere adjutorem et remuneratorem, pro cuius nomine talia passuros se esse predictum est illis.

VERS. 5. — *Hæc ab initio vobis non dixi, quia robiscum eram.* Quæ sunt quæ ab initio illis non dixit? D Etiam de Spiritu sancto, quem missurus erat illis a Patre, et de consolatione et confortatione [Ms., confirmatione] ejusdem Spiritus, quo consolandi et roborandi fuissent, ut omnia mundi adversa vel Iudeorum scandala et persecutions, libero animo formidare non debuissent. *Hæc ab initio non dixi, quia robiscum eram, quia mea præsentia consolabatur vos;* et nunc vadens ad Patrem, necessarium habetis Spiritum sanctum, qui vos consoletur et confirmet in omni tribulatione et passione, quam passuri eritis. Et [Al., Ad] nunc vado ad eum qui me misit, et nemo, inquit, ex vobis interrogat me, quo vadis?

^c Ex S. Aug., tract. xcii, num. 1, 2.

^d Ex Beda, loc. cit.

¶ Significat sic se iturum ad cum qui misit illum, ut nullus interrogaret quod palam fieri visu corporis cernerent: nam superius interrogaverant eum quo **610** esset iturus, dum ad passionem properavit; et respondite eo se iturum quo ipsi tunc venire non poterant. Nunc vero ita se promisit iturum, ut nullus, quo *wadis*, interroget; nubes enim suscepit eum quando ascendit ab eis; et euntem in cœlum non verbis quæsierunt, sed oculis viderunt [Aug., deduxerunt]. (VERS. 6.) *Sed quia hæc locutus sum vobis, inquit, tristitia implerit cor vestrum.* Videbat utique quid illa sua verba in eorum cordibus agerent; spiritalem quippe quondam habentes interius consolationem, quam per Spiritum sanctum suorant habituri, id quod exterius in Christo videbant, amittere metuebant. » (VERS. 7.) *Sed ego veritatem dico vobis, expedit vobis ut ego radam.* ¶ **b** Expedit ut fornia servi vestris subtrahatur aspectibus, quatenus amor divinitatis aptius vestris insigatur mentibus. Expedit ut notam vobis formam cœlo inferam, quatenus per hoc majore desiderio illuc suspiretis. *Si autem non abierto, Paracitus non veniet ad vos: si autem abierto, mittam eum ad vos.* Non quia nou poterat ipse in terra positus dare Spiritum discipulis, hæc loquitur; cum aperte legatur, quia post resurrectionem apparens eis, insosflavit et dixit eis: *Accipite Spiritum sanctum* (Joan. xx, 22): sed quia ipso in terra posito, et corporaliter conversante cum eis, non valebant ad illum erigere mentem, ad sibi munera gratiae cœlestis. Ascendente autem illo ad cœlos, et illi pariter omne desiderium suum illo transferebant. Ideo capaces Spiritus sancti iam facti erant, non ultra de morte ejus contrastati, sed de promissionis ejus [Ms., Spiritus sanctus] munere [egant] letati. Patet autem, nec laboriosa expositione indiget, cur cumdem Spiritum Paraclitum, id est, consolatorem cognominaverit; quia nimis corda discipulorum, quæ recossus ipsius mœsta reddidisset, hujus consolaretur et recrearet adventus. » Non quod antea Spiritus sanctus non esset in cordibus discipulorum, vel etiam in antiquorum sanctorum, sed manifesta plenitudine ante sic non fuit datus, quomodo post ascensionem die decima in centum viginti nomina transmissus legitur. Sed in nullo opere cuiuslibet personæ, Patris, vel Filii, vel sancti Spiritus totius sanctæ Trinitatis operatio desuit; sed oportebat ita insinuari Trinitatem, ut, quamvis nulla esset diversitas substantiæ, singillatim tamen commendaretur distinctio personarum.

VERS. 8. — *Cum autem venerit ille, arguet mundum.* Quid est, quod dixit, *cum venerit ille, arguet mundum?* ¶ **c** Nunquidnam Christus, dum esset in mundo, non arguit mundum de his omnibus quæ sequuntur? Sed Christus solam Judæorum gentem arguit; Spiritus vero sanctus, in discipulis ejus toto orbe diffusus, non unam gentem intelligitur arguisse,

¶ Ex S. Aug., tract. xciv, num. 5.

¶ Ex Bede hom. Dojn. Cantata.

¶ Ex S. Aug., tract. xcv, num. 1.

A sej mundum. In quo arguit? In eo quia per Spiritum sanctum charitas diffusa est in cordibus eorum (Rom. v, 5), quæ foras mittit timorem, ut non metuerent mundum, id est, amatores mundi arguere. *De peccato, et de justitia, et de judicio.* Quam sententiam ipse Christus exposuit dicens: (VERS. 9.) *De peccato quidem, quia non credunt in me.* ¶ **d** Peccatum incredulitatis quasi speciale posuit, quia sicut quædes origo virtutum, ita solidamentum est vitiorum in incredulitate persistere, Domino terribiliter attente, qui ait: *Qui autem non credit, jam judicatus est* (Joan. iii, 18), quia non credit in nomine unigeniti Filii Dei: » *Judicatus dixit, id est, damnatus.* (VERS. 10.) *De justitia vero, quia ad Patrem vado, et jam non videbitis me.* ¶ *Justitia discipulorum Christi erat* [Beda, Christi confessio erat], quod Dominum quem verum hominem cernebant, verum quoque Dei Filium esse crediderunt; et quem sibi corporaliter ablatum noverant, certo semper amore colebant. Justitia ceterorum fidelium, id est, eorum qui Dominum in carne non viderunt, hæc est: quod eum, quem corporali intuitu nunquam viderunt, Deum et hominem verum corde credunt ac diligunt. De qua profecto justitia fidei arguuntur infideles, cur ipsi videlicet, cum similiter verbum viæ audirent, noluerunt ei credere ad justitiam. Neque enim nequitia malorum ex sua solum pravitate [Beda, tortuadine], verum etiam ex comparatione rectorum, quam sit damnanda, denuntiat. Arguit ergo mundum, id est, infideles, Spiritus sanctus de peccato, quia non crediderunt in Christum; arguit de justitia credentium, quia exemplum eorum sequi noluerunt, qui hunc ad Patrem ascendisse, neque ultra corporaliter in terris conversaturum esse, sciebant; **611** nec tamen ab ejus dilectione poterant illa ratione separari; hoc est enim quod ait: *Quia ad Patrem vado, et jam non videbitis me.* Non videbitis me, postquam ascendero, qualem nunc videre soletis, carne mortali et comprehensibili [Beda, corruptibili] circumdatum: sed in maiestate ad judicium venientem, et peracto iudicio, in majore gloria cum sanctis apparenterem. Sequitur: (VERS. 11.) *De iudicio autem, quia princeps hujus mundi judicatus est.* Principem mundi diabolum dicit, quia primatum in cordibus infidelium tenuit, quos hic mundi nomine voluit intelligi; qui ordine perverso, mundum potius quam mundi creatorem diligunt; qui judicatus est a Domino, qui ait: *Videbam Satanam sicut fulgur cadentem de cœlo* (Luc. x, 18). Judicatus est ab eo, cum et ipse diæmonia ejiceret, et discipulis daret potestatem calcandi supra omnem virtutem inimici. Arguit itaque mundus de iudicio, quo diabolus est judicatus, quando homines, ne Dei voluntati resistere presumant, exemplo damnati propter superbiam terrentur archangeli. » ¶ **e** Credant itaque homines in Christum, ne arguantur de peccato infidelitatis

¶ Ex Bede hom. citata.

¶ Ex S. Aug., tract. xcv, num. 4.

sue, quo peccata omnia tenentur [Ms., quo peccato A omnia detinentur] ; transcant in numerum fidelium, ne arguantur de justitia eorum, quos iustificatos non imitantur ; caveant futurum judicium, ne cum mundi principe judicentur, quem iudicatum imitantur ; et enim ne si existimet parci superbia dura mortaliū, de superborum supplicio terrena est angelorum. Sequitur :

VERS. 12, 13. — *Aduic multa habeo vobis dicere, sed non potestis partare modo. Cum autem venerit Spiritus veritatis, docebit vos omnem veritatem.* Certum est autem quod veniente desuper Spiritu, apostoli majorem multo scientiam veritatis quam carnales eatenus potuero, conseouit supt, magiore desiderio certandi pro veritate succensi supt. Non tamen putandum est in hac vita quempiam omnem veritatem posse comprehendere. Unde et ipse beatus Paulus apostolus, qui ad tertium coelum rapitus est, et ibi audivit arcana veritatis, que non licet homini loqui (II Cor. xii, 4), ait : *Ex parte, inquit, cognoscimus, et ex parte prophetamus; cum autem venerit, quod perfectum est, evanescatur, quod ex parte est* (I Cor. xiii, 9). Intelligentum est ergo, quod ait de Spiritu, *docebit vos omnem veritatem*, quasi diceret : Diffundet in vestris cordibus charitatem, que vos omnem veritatem faciet amare : cuius magisterio intus edocti, proficiatis de virtute in virtutem, dignique efficiamini pervenire ad vitam, in qua vobis eterna claritas summæ veritatis et veræ sublimitatis, id est, contemplatio vestri conditoris apparet. Sequitur : *Non enim loquetur a semetipso, sed quæcunque audiet, loquetur.* Non enim loquitur Spiritus a semetipso, fortassis quia non est a semetipso, sed a Patre. Nam Filius natus est a Patre, et Spiritus sanctus procedit a Patre : non enim loquitur a semetipso, id est, sine Patris et Filii communione [Al., commotione]. Non enim divisus est Spiritus sanctus a Patre et Filio, sed unum opus est Patris et Filii et Spiritus sancti. Sed quæcunque audiet, loquetur : audierit videlicet per unitatem substantiarum et proprietatem scientiæ. Non loquitur a semetipso, quia non est a semetipso. Pater quippe solus de alio non est, Filius a Patre genitus, et Spiritus sanctus a Patre procedit. Ab ipso enim audiet Spiritus sanctus a quo procedit, quia non est a seipso, sed ab illo a quo procedit. [A quo est illi intelligentia (Beda, essentia), ab illo utique et scientia]. Ab illo igitur audientia, quod nihil est aliud quam scientia. Quod vero ad junxit : *Et quæ ventura sunt, annuntiabit vobis.* Constat enim nonnullos sanctorum in Spiritu sancto futura praedixisse ; sed tamen altius sunt haec verba Domini consideranda, que omnibus sanctis communia esse possunt. Igitur Spiritus adveniens, quæ ventura sunt annuntiat, cum gaudia nobis patriæ cœlestis ad memoriam reuelat, cum festa illa supernæ civitatis per donum nobis sue aspirationis innovit. Ventura nobis annuntiat, cum nos a dile-

• Ex Bedæ hom. citata.

► Descent, qui ex Beda supplantur

ctione [Ms. et Beda, delectatione] præsentium abstracthens promissum in cœlis regnum nostris cordibus desideriis [Beda, promissi in cœlis regni desideriis] inflamat.

VERS. 14. — *Ille me clarificabit, quia de meo accipiet, et annuntiabit vobis.* Spiritus clarificavit Christum, quia per eum tanta charitas in cordibus discipulorum accensa est, ut abjecto timore carnali effectum resurrectionis ejus constanter prædicarent, **612** qui paulo ante tempore passionis pavidi fugerant. Unde scriptum est : *Et replete sunt omnes spiritu sancto, et loquebantur verbum Dei cum fiducia* (Actor. iv, 31). Spiritus clarificavit Christum, cum impleti gratia spiritali doctores sancti, tot et tanta miracula in nomine Christi fecerunt, quibus orbem totum ad fidem Christi converterent, tot ac tanta pro Christi nomine passionum certamina pertulerunt. Clarificat, dum charitatem in cordibus nostris diffundit, et æternæ patriæ amorem inspirat. *Quia de meo accipiet, et annuntiabit vobis*, id est, de meo Patre. De Patre accepit Spiritus sanctus, quia de Patre procedit, de quo et Filius natus est : qui vero de nullo natus sit, de nullo procedit, Pater est solus. (VERS. 15.) *Omnia quæcunque habet Pater, mea sunt, propterea dixi quia de meo accipiet, et annuntiabit vobis.* De his dixit quæ ad ipsam Patris divinitatem pertinent, in quibus ille est æqualis Patri ; in quibus est et Spiritus sanctus æqualis Patri et Filio, quia una substantia, una natura, una majestas, una gloria, una æternitas [est] Patris, et Filii, et Spiritus sancti, et est unus Deus omnipotens, invisibilis, incomprehensibilis omni creaturæ, Pater et Filius est Spiritus sanctus. Sequitur :

CAPUT XXXVIII.

Modicum se ab eis videndum dicit : et iterum modicum, et non videndum. De quo querentibus discipulis, similitudinem mulieris post partum præ gaudio tristitiae non reminiscit inducit. Et quos a Patre amari significat, corroborat relicturus dicens : In mundo pressuram habebitis, sed confidite, ego vici mundum.

VERS. 16-19. — *Modicum, et non videbitis me, iterum modicum, et videbitis me, quia vado ad Patrem.* Notandum autem, quia tota lectionis hujus evangelicæ series illis conuenit, qui eam præsentes audierunt a Domino : prius autem illis [Ms. et Beda, Pars autem illius] etiam et nobis, qui post passionem et resurrectionem Dominicam ad fidem venimus, aptissime congruit. Quod autem ait : *Modicum, et non videbitis me, iterum modicum, et videbitis me, quia vado ad Patrem*, ad illos specialiter pertinet, qui ejus discipulatu prædicantis in carne adhærere, et post tristitiam passionis visa resurrectione et ascensione ejus lætificari meruerunt. Modicum etiam fuit ab illa hora illius noctis qua traditus est, in horam passionis sue, quod eum discipuli carnaliter videbant ; et iterum modicum fuit quod clausus

• Ex Bedæ hom. Dom. Jubilate.

in sepulcro, tertia die resurrecturus jacuit, et illorum aspectibus videri non potuit. Hoc est quod ait : *Modicum, et non videbitis me*; quod vero ait : *Iterum modicum, et videbitis me*, significat tempus post resurrectionem, quo cum discipulis conversatus est, et illis multimoda ostensione apparuit, usque dum ascendit in corlum illis videntibus, ut in Evangelio Luce et Actibus apostolorum legitur : et hoc est quod ait, *quia vado ad Patrem*. « Ac si patenter dicat : Quia post modicum a vestris aspectibus in monumenti claustra absconder, et iterum post modicum destructo mortis imperio vobis intuendus apparebo. Quia tempus est, ut expleta dispensatione assumptae mortalitatis, cum resurrectionis triumpho jam revertar ad Patrem. » Hæc vero verba Domini, ut dixi, illis speciationis qui ejus resurrectionem videre potuerunt, convenient; quæ apostoli tunc temporis non potuerunt intelligere. Et hanc illorum ignorantiam plus magister intelligens, subsequenter secundum animi illorum dubitationem respondit, quasi expositures, quid esset, quod dixit : *Modicum, et non videbitis me, et iterum modicum, et videbitis me*.

Vers. 20. — *Amen, amen dico vobis, quia plorabitis et flebitis vos, mundus autem gaudebit, vos autem contristabimini; sed tristitia vostra vertatur in gaudium.* « Et ipsorum, et totius Ecclesie statui congruit. Plorabant quippe et flabant amatores Christi, cum illum comprehendi, ab hostibus ligari, ad concilium duci, **613** damnari, crucifigi, mori et sepeliri viderent. Gaudebant multi [Ms. et Beda mundi] amatores, quos propter infimas cogitationes mundum vocat Dominus, cum morte turpissima condemnarent illum, qui gravis erat eis etiam ad videndum. Contristabantur discipuli posito in morte Domino; sed agnita ejus resurrectione, tristitia illorum versa [est] in gaudium; visa ascensionis potentia, jam majore gaudio sublevati, laudabant et benedicebant Dominum, ut Lucas evangelista testatur (*Act. 11*). Sed et cunctis fidelibus hic Domini sermo convenit, qui per lacrymas pressurasque præsentes, ad gaudia æterna pervenire contendunt : *Qui seminant in lacrymis, in gaudio metent; euntes ibant et flabant* (*Psalm. cxxv, 5, 6*), quoniam in æterna beatitudine laboris sui mercédem recipiant. Mundus autem, id est, mundi amatores gaudebant, qui ad æterna gaudia se preparare per lacrymas et afflictiones despicunt: vos autem contristabimini per labores et pressuras; sed tristitia vestra verteatur in æterna beatitudinis latitudinem. Sequitur :

Vers. 21. — *Mulier cum parit, tristitiam habet, quia venit hora ejus.* « Mulierem dicit sanctam Ecclesiam, propter fecunditatem bonorum operum; et quia spiritales Deo filios gignere nunquam desinit. Hæc mulier, cum parit, tristitiam habet, quia venit hora ejus. Cum autem pepererit puerum, jam non meminit pressuras propter gaudium, quia natus est homo in mundum. Quia ministrum sancta Ecclesia quandiu in

^a Hucusque ex homilia Beate citata.
^b Ex S. Aug., tract. ci, num. 4.

A mundo spiritualium virtutum profectibus insistit, numquam mundi tentationibus exerceri desistit: at cum devicto laborum certamine ad palmam perseverit, jam non meminit pressuras precedentis, propriæ gaudium perceptæ retributionis. Non sunt enim condigne passiones hujus temporis ad superuenturam gloriæ, quæ revelabitur in nobis (*Rom. viii, 18*). Non meminit, inquit, pressuras propter gaudium, quia natus est homo in mundum. Sicut enim mulier, nata in huic mundum homine, lætatur, ita Ecclesia nata in vitam futuram fidelium populo, digna exultatione repletur; pro qua ejus nativitate multum laborans et gemens in præsenti, quasi parturiens dolet. Nec novum debet cuiquam videri, si natus dicitur qui ex hac vita migraverit: quomodo enim consuete nasci dicitur,

B cum quis de utero matris procedens hanc in lucem ingreditur; ita etiam rectissime potest natus appellari, qui solitus a viaculis carnis ad lucem sublimatur æternam. Unde mos obtinuit ecclesiasticus, ut dies beatorum martyrum sive confessorum Christi, quibus de sæculo transierunt, natales vocitemus, eorumque solemnia non funebria, sed natalia [*Beda, natalitia*] dicantur. Sequitur Dominus exponens ipse paradigmata, quod de muliere proposuit : (Vers. 22) *Et vos igitur nunc quidem tristitiam habetis; iterum autem videbo vos, et gaudebit cor vestrum, et gaudium vestrum nemo tollet a vobis.* Quod de ipsis quidem discipulis facile intelligitur, quia tristitiam habuerunt passo ac sepulcro Domino; sed peracta resurrectionis gloria, gavisi sunt viso Domino, et gaudium eorum nemo tollit ab eis. » Licet pressuras ac persecutiones passi essent in hoc mundo, semper in spe gaudebant futurae retributionis, pro eo quod digni essent præ nomine Jesu contumelias pati (*Act. v, 4f*). *Iterum autem videbo vos, et gaudebit cor vestrum; et gaudium vestrum nemo tollit a vobis.* « Videt itaque electos post tristitiam Dominus, cum eorum patientiam damnato impugnatore remunerat. » *Videbo vos*, id est, cum assumpero vos ad meipsum, ut ubi ego sum, et vos sitis, et in illa visione perpetuae gloriæ gaudebit cor vestrum, et gaudium vestrum nemo tollit a vobis: quia ibi nullus adversarius, nullus persecutor, nemo qui tristitiam ingerat animis vestris, dum videtur [Ms. videbitur] Deus deorum in Sion (*Psalm. lxxxiii, 8*); et cum apparuerit Christus, tunc et vos apparebitis, ut Apostolus ait, cum illo in gloria (*Coloss. iii, 4*). Sequitur : (Vers. 23) *Et illa die me non rogabitis quidquam.* « Hoe enim verbum, quod est rogare, non solum petere, sed etiam interrogare significat, sicut et in Graeco habet, unde hoc Evangelium translatum est. » Significat vero, quod ait Dominus, illud tempus quo gaudium nostrum nemo tollit a nobis; ubi jam nihil rogemus, nihil interrogemus: quia nihil desiderandum remanet, nihil querendum latebit.

Vers. 24. — *Usque modo non petistis quidquam in nomine meo.* « Duobus modis intelligi potest; vel quia

^c Ex codem, tract. ci, num. 2, 4.

qui in nomine meo petistis, quod nomen non, sicut cognoscendum **614** est, cognovistis: vel non petistis quidquam, quoniam in comparatione rei quam petere debetis, pro nibilo habendum est quod petitis, » quia qui petit, quod ad sempiternam [Ms., supernam] salutem et gaudium aeternum non pertinet, tu hil petere videtur ad comparationem illius petitiosus, quam petere delectum. Usque modo non petistis quidquam in nomine meo. Vel ita intelligendum est: Non petierunt eatus in nomine Salvatoris, quia dum ipsius Salvatoris visibilem praesentiam contemplarentur, minus ad invisibilia salutis dona mentis intuitum erexerant. Qui vero contra rationem salutis sue petit, non petit in nomine Jesu. Hinc et Dominus sequenter ait: *Petite et accipietis, ut gaudium vestrum sit plenum, significans, quid sit nobis petendum, id est, ut plenaria sit gaudium nostrum: unde ait, et accipietis.* Si illa petimus quae ad plenitudinem laborum pertineant et gaudiorum, accipiemus. Plenum ergo gaudium, beatitudinem perpetuae pacis appellat. Ait itaque: *Petite et accipietis, ut gaudium vestrum sit plenum; ac si patenter dicat: Non fluxa saeculi gaudia, quae et mœror semper mixta et dolore finienda sunt; sed illud singulare gaudium a Patre petite, cuius plenitudo nullo [unquam] cuiuslibet inquietudinis attacitu minuatur, aeternitas nullo unquam termino dissolvatur.* Si ergo talia petendo persistenteris, talia petendo procul dubio quae petitis accipietis, si mores menti concordant petentis; parum enim utilitatis affert bene orando superna querere, qui non desistit perverse vivendo insimilis implicari. (Vers. 25.) *Hæc in proverbiis locutus sum vobis. Venit hora, cum jam non in proverbiis loquar vobis, sed palam de Patre annuntiabo vobis.* Nam adhuc parvuli fuerant, ne cum intelligere potuerant, quomodo Pater esset in Filio, et Filius in Patre; et cætera quae ad profunda mysteriorum divinitatis pertinebant, ne cum scire potuerunt. Ideo in proverbiis, quasi in ægnitate, loqui illis videbatur Dominus; sed promittit ille horam, in qua palam illis de Patre loqueretur. Illam nimurum horam significabat, qua eis, peracta sua passione ac resurrectione, Spiritus sancti erat gratiam datus. Tunc etenim spiritualiter intus instructi, spirituali delegatione succensi, quo perfectius omnia quæ de agnitione divinitatis mortalibus erant capienda, ceperunt; eo ardentius sola que ad ejus visionem promerendam juxerant, appetere ac desiderare curaverunt.

Vers. 26. — *Illa die in nomine meo pete:is, id est, quæ ad salutem tantummodo animarum vestrarum, et quæ ad gaudia aeterna pertinere videantur, petere incipietis.* Et maxime ut intelligatis, quid sit quod dixi: *Ego et Pater unus sumus, vel quomodo Pater sit in me, et ego in Patre.* Tunc in ejus nomine petunt, qui petunt, quia in solo ejus nomine [Aug., in sono ejus nominis] non aliud quam res ipsa est, quæ hoc nomine vocatur, intelligent. Ili possunt utecumque cogitare Dominum nostrum Jesum Christum, in quantum homo est, pro nobis interpellare Patrem; in quantum Deus est, nos exaudire cum Patre, » quod

A cum significasse arbitror, ubi ait: *Et non dico vobis, quia ego rogabo Patrem de vobis.* Potest enim non inconvenienter accipi quod ait: *Et non dico vobis, quia ego rogabo Patrem de vobis:* quia non de praesenti, rego; sed de futuro [tempore] posuit rogabo, quod sanctis ad internam pacem [Ms., in interna pace] receptis, non opus sit jam aliquid rogare [de] illis, quia nimis rara tanta beatitudine donandi sint, quæ amplior esse non possit. (VERS. 27.) *Ipse enim Pater amat vos, quia vos me amatis, et credidistis, quia a Deo exihi.* Non ita intelligendum est, quod dixit: *Quia vos me amatis, quasi priores illi amarent Christum:* sed ita potius quia Pater illos gratuito amore prævenerit, atque ad amandum credendumque Filium, a mundo sustulerit; et quia ipsi agnitos Filii dilectionem ac fidem pio et sollicito corde servaverint, majoribus eos donis paternæ dilectionis esse remuneratos, una cum Filio et Spiritu sancto amare, quos amore dignos judicat. Quod vero adjunxit, quia vos me amatis, eadem ratione sentiendum est. Quapropter quicunque Filium recte amat [Ms., recte habet], hunc cum Patre et Spiritu sancto amet [Ms., amat]: quia quorum inseparabilis est natura divinitatis, horum una eademque sunt dona virtutis: hoc est, quod amatis et creditis [Al., credidistis] quia a Deo exihi.

615 Vers. 28. — *Exihi a Patre, et veni in mundum, iterum relinquo mundum, et rado ad Patrem. Exihi a Patre, et venit in mundum, quia visibilis mundo apparuit in humanitate, qui erat invisibilis apud Patrem in divinitate; exihi a Patre, quia non in ea forma quæ æqualis est Patri, sed in assumpta creatura minor apparuit. Et venit in mundum, quia in ea forma servi quam accepit, etiam mundi bujus amatoribus servendum prebuit. Iterum reliquit mundum, et rediit ad Patrem, quia ab aspectu amatorum mundi, quod viderant, abstulit, et se amatoribus suis æqualem Patri esse credendum docuit. Reliquit mundum, et rediit ad Patrem, quia humanitatem quam induit, per ascensionem ad invisibilia paternæ majestatis adduxit. Hæc quidem verba Domini mystica, et sicut ipse testatur, in proverbiis sunt dicta. Sed discipuli quibus dicebantur adeo carnales adhuc erant, ut eorum profunditatem minime caperent; et non solum arcana dictorum, sed nec ipsam ignorantiam suam intelligerent, putantes simpliciter et dilucide prolatæ, quæ non intelligentibus proverbia erant: et continua responderunt: (VERS. 29) *Ecce nunc palam loqueris, et proverbiū nullum dicis.* Palam igitur eum loqui estimabant, cujus mysteria dictorum ne cum comprehendere valebant. Quod autem adjungunt: (VERS. 30) *Nunc sciens, quia scis omnia, et non opus est tibi ut quis te interroget.* In hoc credimus, quia a Deo exihi: aperte ostendunt quia loquens ad eos Dominus, de his maxime disputabat, quæ illos delectabat audire et quæ illi interrogare solebant. Hæc ipse preveniens eos, ultro proserebat, unde merito illum scire omnia quasi Deum, et quasi Dei Filium a Deo venisse credunt et constentur. Apertum namque di-*

vinitialis indicium est cogitationum nosse secreta. **VERS. 32.** — *Ecce venit hora, et jam venit, ut dispergantini unusquisque in propria. Venit itaque hora passionis meæ, qua solus torcular calcare habeo, et nemo [nec] saltem ex vobis tecum remanebit, sed dispergemi in propria, id est, vestre infidelitatis timore. Quasi diceret : Ita perturbabimini, ut etiam quomodo vos modo credere putatis, omnino relinquatis. Venerunt enim ad tantam desperationem et suæ fidei oblivionem, ut nec quid ante crederent recordati sint. Ecce quomodo eum reliquerant, deserendo etiam ipsam fidem quia in eum crediderant. In ea vero pressura quam post ejus glorificationem accepto Spiritu sancto pertulerunt, non eum reliquerunt : et quamvis fugerent de civitate in civitatem, ad ipsum refugeretur [Ms., ab ipso non refugerunt]. Dato quippe illis Spiritu sancto, factum est in eis quod nunc dictum est eis : *Confidite, ego vici mundum.**

¶ Considerunt et vicerunt. In quo, nisi in illo ? Non enim vicisset [ille] mundum, si membra ejus vinceret mundus. Unde ait Apostolus : *Gratias Deo, qui dat nobis victoriam ; continuoque subjicit : Per Dominum nostrum Iesum Christum (I Cor. xv, 57), qui dixerat suis : Confidite, quia ego vici mundum.* Sermonem ita concludit : (VERS. 33) *Hæc locutus sum vobis, ut in*

• Ex S. Aug., tract. cii, num. 3.

me pacem habeatis. Non tantum ad hæc verba respicite quæ hic in sancto convivio locutus est eis, sed ad omnia quæ ab initio discipulatus eorum vel loquebatur, vel in presentia illorum agebat : hæc omnia ad hoc pertinent, ut pacem habeamus in illo, licet pressuras et persecutiones patiamur in mundo. [Et] in magna spe consolationis concludit hæc verba : Sed confidite, ego vici mundum. Non enim caput in se solummodo, sed etiam in membris suis vicit mundum. Ideo non timendæ sunt persecutions hujus mundi. Et hæc omnia sunt agenda, ut pacem habeamus in illo. ¶ Hanc enim causam commendavit sermonis sui, ut in illo pacem haberent, propter quam Christiani sumus. Hæc enim pax finem temporis non habebit ; et omnis pia nostra intentionis actionisque finis, ipsa erit. Propter hanc sacramentis ejus imbuimur, propter hanc mirabilibus ejus operibus et sermonibus erudimur, propter hanc Spiritum ejus pignus accepimus, propter hanc in eum credimus et speramus, ut ejus amore, quantum ipse donat, efficiamur digni ; per hanc pacem in pressuris omnibus consolamur ; per hanc et a pressuris omnibus liberamur ; propter hanc omnem tribulationem fortiter sustinemus, ut in hac sine ulla tribulatione regnopus. Sequitur,

• Ex eodem, tract. civ, num. 1.

616 LIBER SEPTIMUS.

CAPUT XXXIX.

Ad Patrem de clarificatione sua loquens, discipulos prolixa et multimoda prosecutione commendat, passione protinus imminentem.

CAPUT XVII, VERS. 1. — Subleratis Jesus oculis in cælum dixit : *Pater, venit hora, clarifica Filium tuum.* Potuit silenter hæc eadem verba orationis Patri Filius dicere; sed oratio Filii doctrina est discipulorum, nec non et eorum qui illorum exempla sequi voluerint [Ms., voluerint], vel eorum scripta legere. Dixit : *Venit hora.* Hora itaque passionis appropinquat. *Clarifica Filium tuum,* id est, resurrectionis gloria in præcedat humilitas passionis, et subsequatur cito resurrectionis clarificatio. Sequitur : *Ut Filius tuus clarificet te.* Clarificatio Patris æterna est, quæ nec augeri nec minui potest. Sed hæc clarificatio ad notitiam Dei Patris pertinet, ut resurrectionis gloria in Filio peracta, innotesceret Deus Pater in toto orbe, qui ante in Iudeis tantummodo notus erat. ¶ *Clarifica Filium tuum, ut Filius tuus clarificet te,* quasi dixisset : Resuscita me, ut innotescas in toto orbe per me. Sequitur : (VERS. 2.) *Sicut dedisti ei potestatem omnis carnis.* Id est, omnis hominis, a parte totum, caro pro homine. Hæc aut ut ostenderet magis ac magis quomodo clarificaturus esset Patrem. ¶ *Sicut ergo de disti ei potestatem, inquit, omnis carnis, ita te clarificet Filius;* id est, notum te faciat omni carni,

quæ dediti ei. Sic enim dediti. (VERS. 3.) *Ut omne quod dediti ei, det eis vitam æternam.* Hæc est vita æterna, ut cognoscant te solum verum Deum, et quem misisti Iesum Christum. Ordo verborum est, ut te et quem misisti Christum Jesum cognoscant solum Deum verum. ¶ Plena cognitione Dei Patris et Filii et Spiritus sancti plena est et perfecta vita æterna ; perfecta vita æterna, summa beatitudo est ; summa beatitudo non est, nisi in vita æterna. Ideo dixit : *Hæc est vita æterna, ut cognoscant te, et quem misisti Iesum Christum solum et verum Deum.*

VERS. 4. — *Ego te clarificavi super terram, opus consummari quod dediti mihi ut faciam.* Quid est quod præterito tempore posuit, clarificavi et consummari, et statim subjunxit futuri temporis verbum faciam, nisi quod omnia Deo sunt præsentia, et in divina prædestinatione futura quasi transacta esse credenda sunt ? Quod enim futurum fuit ut fieret, hoc quasi transactum fuit. *Ego te clarificavi,* quasi dixisset : Ego te clarificabo prædicationis gloria, quam in discipulis suis toto mundo efficit ; dum opus consummabo passionis meæ et resurrectionis, quod dediti mihi ut faciam. (VERS. 5) *Sed nunc vero clarifica me, tu Pater.* ¶ Dicendo enim, *te clarificari super terram,* sciamen a Patre apud eundem Patrem postulat clarificandum, modum profecto utriusque clarificationis ostendit. Ipsi quippe Patrem clarificavit super terram, eum

• Ex S. Aug., tract. cv, num. 1 - 8.

gentibus prædicando. Pater vero ipsum apud semet ipsum, ad suam dexteram collocando. Subjunxit: *Claritate quam habui priusquam mundus fieret apud te.* Ordo verborum est, *quam habui apud te priusquam mundus esset.* In hoc valet quod ait: *Et nunc clarifica me, hoc est, sicut tunc, ita et nunc; sicut tunc prædestinatione, ita et nunc perfectione; fac [Ms., statue] in mundo quod apud te fuerat ante mundum; fac [Ms., statue] in suo tempore quod ante omnia tempora statuisti.* Convenit nos intelligere in hoc loco prædestinationem claritatis humanæ que in illo est naturæ, ex mortali immortalis apud Patrem futuræ; et hoc jam prædestinando factum suisse, antequam mundus esset, quod in mundo etiam suo tempore fieret. Si enim de nobis dixit hic videns prædestinationem Filii Apostolus: *Sicut elegit nos in ipso ante mundi constitutionem (Ephes. 1, 4)* ^{a.} Nec formidare debemus prædestinatum dicere Filium Dei secundum humanitatem, qui in tempore suo venit **617** in mundum, ante tamen omnia tempora prædestinatum esse [Ms., prædestinatus est]. Illud autem prædestinatum fuit, quod nondum erat, ut fieret, quod Deus voluit ut esset. De qua prædestinatione ait Apostolus in principio Epistole ad Romanos: *Qui factus est ei ex semine David secundum carnem, qui prædestinatus est Filius Dei in virtute (Rom. 1, 2).* Secundum hanc prædestinationem etiam clarificatus est antequam mundus esset, ut et claritas ejus esset ex resurrectione mortuorum apud Patrem ad cuius dexteram sedet. ^b

VERS. 6. — *Manifestari nomen tuum hominibus, quos dedisti mihi de mundo.* Quod ergo facturus erat per doctores sanctos in toto orbe post gloriam resurrectionis et ascensionis ^{c.}, et post Spiritus sancti dona, quæ in discipulos delata sunt, hoc quasi factum esse dixit. ^{d.} Tale est hoc, quale et illud quod Paulo ante dixit: *Ego te clarificari super terram: pro tempore futuro et illic et hic præteritum ponens tempus, sicut qui sciret prædestinatum esse ut id fieret, et ideo fecisse se dicens quod erat sine ulla dubitatione facturus.* Sequitur:

VERS. 7, 8. — *Tui erant, et mihi eos dedisti, et sermonem tuum servaverunt.* Nunc cognoverunt quia omnia quæ dedisti mihi, abs te sunt, quia verba quæ dedisti mihi, dcdi eis, et ipsi acceperunt et cognoverunt vere quia a te exiri, et crediderunt quia tu me misisti. Quanquam et haec omnia de omnibus futuris fidelibus dici potuerint re imperfecta [Ms. spe perfecta; Aug., spe jam perfecta], cum adhuc essent futura, tamen et haec specialiter de discipulis dici possunt ad quos tunc præsentialiter loquebatur, quia illud quod sequitur: *Cum essem cum eis, ego servabam eos in nomine tuo; quos dedisti mihi, custodiri, et nemo ex his periit, nisi filius perditionis (Judam significans, qui tradidit eum, qui unus fuit de duodecim) magis huic sensui convenit, ut apostolis specialiter haec loqueretur.* Deinde subjungit: *Nunc*

^a Supple ex Aug. loc., cit.: *Cur abhorreputatur a vero, si tunc Pater caput nostrum glorificavit,*

A *autem ad te renio, cum [Aug., unde] manifestum est eum de corporali sua dixisse presentia: Cum essem cum eis, ego servabam eos; veluti jam cum eis ea præsentia non esset.* Eo modo enim significare voluit ascensionem mox futuram, de qua dicit: *Nunc autem ad te renio: iturus utique ad dexteram Patris; unde venturus est ad vivos et mortuos iudicandos, præsentia itidem corporali secundum fideli regulam samque doctrinam.* Nam præsentia spirituali cum eis erat semper, et cum tota Ecclesia sua in hoc mundo usque in consummationem seculi. ^b Quod vero ait, ut ad superiora redemans, *Manifestari nomen tuum hominibus, quos dedisti mihi,* non illud nomen quod Deus es, sed illud nomen quod Pater meus es: quod nomen manifestari

B non potest sine illius Filii manifestatione. Nam vero illud nomen quod Deus est, nulli nature rationabili incognitum omnimodis esse putavit. Haec est enim vera vis divinitatis, ut creature rationali non omnino incognitus possit abscondi, exceptis paucis in quibus natura rationalis nimium depravata est. Propemodum omnes gentes Deum esse faciunt, licet diversis erroribus verum Deum agnoscere impediantur. Quod vero in Psalmis legitur: *Notus in Iudea tantum Deus (Psal. LXXV, 2),* quia legitimè cultu tantummodo Deum verum cognoverunt et coluerunt: in hoc vero quod Pater est Christi per quem tollit peccata, ignotum fuit antequam venisset Christus in mundum; nisi tantum quibus Deus per spiritum prophetie revelavit hoc mysterium magnum et absconditum, quod post a adventum ejus in mundum, predicatum est gentibus, creditum est in hoc mundo; assumptum est in gloria. Quod vero addidit: *Quos dedisti mihi, hoc est, quod paulo ante dixit: Nemo potest venire ad me, nisi Pater, qui misit me, attraxerit eum.* Quos dedisti mihi de mundo, hoc est, quibus per regenerationem hec præstitit, non quibus natura per nativitatem contulit. Quid est quod sequitur: *Tui erant, et mihi eos dedisti?* In humanitate hanc potestatem se accepisse a Patre dicit, ut eos haberet quos Pater elegit et prædestinavit ante constitutionem mundi; non solum Pater, sed et Filius et Spiritus sanctus, ut sit unum opus sanctæ Trinitatis inseparabilis et omnimodo æqualis. Pereat hic carinalis cogitatio. De mundo sibi a Patre dicit Filius datos esse homines, quibus alio loco dicit: *Ego vos de mundo elegi (Joan. xv, 19).* Quos de mundo Dei Filius elegit cum Patre, idem ipse homo Filius de mundo eos accepit a Patre. ^c Sequitur: *Et sermonem tuum servaverunt: nunc cognoverunt,* **618** *quia omnia quæ dedisti mihi, abs te sunt.* Id est, cognoverunt, quæ abs te sunt [Aug., cognoverunt, quia abs te sunt]. Similiter enim Pater dedit omnia, cum genuit [eum] qui haberet omnia; ^d sicut in prioribus hujus Evangelii ipse Dominus dicit: *Sicut enim Pater habet vitam in semetipso, sic dedit et Filio vitam habere in semetipso, id est, genuit Filium vitam habentem in quando nos in ipso, ut membra ejus essemus, elegit.* ^e

D ^b Ex S. Aug., tract. cvi, num. 1, 2, 4, 5, 6.

semetipso. *Quia verba quæ dedisti mihi, dedi eis, et ipsi acceperunt;* id est, intellexerunt atque tenuerunt. Tunc enim verbum accipitur, quando mente percipitur et tenetur, ne oblivione pereat. *Et cognoverunt,* inquit; *vere quia a te exivi, et crediderunt quia tu me misisti.* Et hic subaudiendum est, *vere.* Quod enim dixit, *cognoverunt vere,* expovere voluit adjungendo; *et crediderunt.* Hoc itaque crediderunt vere, quod cognoverunt vere: id enim est, *a te exivi*, quod est, *tu me misisti.* Sed tamen adhuc non erant discipuli tales, quales eos dicit futuros esse, verbis præteriti temporis usus: quasi jam essent, pronuntians quales futuri essent, accepto scilicet Spiritu sancto, qui eos, sicut promissum est, doceret omnia et induceret eos in omnem veritatem. Dedit eis verba, sicut dixit, quæ dedit ei Pater: sed quando illa non foris in auribus, sed intus in cordibus spiritualiter acceperunt, tunc vere acceperunt; quia tunc vere cognoverunt; vere autem cognoverunt, quia vere credierunt. Sed hæc verba, quæ dicit Filius sibi dedit, si ad divinitatis unitatem intelligitur pertinere, eo modo dedit verba Pater Filio, quo genuit Verbum coeternum sibi. Si vero ad humilitatem respicit, quis intelligit quomodo dedit, vel quomodo accepisset Deus homo factus ex virgine, quando etiam ipsam, quæ de virgine facta est, generationem quis enarrabit? Sequitur:

VERS. 9. — *Ego pro eis rogo, non pro mundo rogo, sed pro his, quos dedisti mihi.* Hæc enim dixit inter alia, dum oraret pro eis, quos dedit ei Pater. *Mundum vult modo intelligi, qui vivunt secundum concupiscentiam mundi, et non sunt in ea sorte gratiæ ut ab illo eligantur ex mundo.* Non itaque pro mundo, sed pro eis quos Pater dedit, rogare se dicit: per hoc enim quod eos illi Pater iam dedit, factum est ut non pertineant ad eum mundum, pro quo non rogat. Deinde subjungit: *Quia tui sunt.* Neque enim quia Pater eos Filio dedit, amisit ipse quos dedit, cum adhuc Filius sequatur ac dicat: (VERS. 10) *Et mea omnia tua sunt, et tua mea.* Ubi satis appareat quomodo unigeniti Filii sint omnia quæ sunt Patris; per hoc utique quod etiam ipse Deus est, et de Patre Patri natus æqualis [Aug., est natus æqualis]. Hoc enim dictum est de sancta et rationabili creatura, quam elegit Deus, et quæ subdita est Patri et Filio, et æqualiter est Patris et Filii. Hæc ergo cum sit Dei Patris, non simul esset et Filii, nisi Patri Filius esset æqualis. Nec fas est ut sancti, de quibus hæc locutus est, cujusquam sint, nisi ejus a quo creati et sanctificati sunt. Ergo cum et Patris et Filii sunt, æquales esse demonstrant, quorum æqualiter sunt. *Et clarificatus sum, inquit, in eis.* Nunc tuam clarificationem tanquam facta sit dicit; cum adhuc esset futura. *Clarificatus sum in eis,* id est, per eorum prædicationem clarificatus sum in toto mundo. Et quia prædestinatum est ut fieret, certum voluit esse quod futurum erat. Ideo præteriti temporis verbo usus est.

* Ex S. Aug., tract. cvii, num. 1 - 3.

VERS. 11. — *Et jam, inquit, non sum in mundo, et hi in mundo sunt.* Significat horam in qua transiurus erat ex hoc mundo, et verbo præsentis temporis usus est pro futuro, quia cito erat futurum, quasi factum esset dixit. Quod autem ait: *Et hi sunt in mundo,* significat enim eos ad quos loquebatur, tardius transire ex hoc mundo, dum illo abeunte ex hoc mundo necesse esset, ut illi remanerent, per quos prædicaretur nomen ejus sanctum in mundo. Prævidensque quid eos movere posset, qui audirent hæc quæ legerent, adjecit: *Nunc autem ad te venio.* Ascensionis gloriam designat, per quam elevatus est homo super altitudinem cœlorum, et omnium angelicarum potestatum dignitates, ita ut in dextera Del Patris collocaretur: commendatque eos Patri, quos corporali absentia relicturus est dicens: *Pater sancte, serua eos in nomine tuo, quos dedisti mihi.* Nempe sicut homo Deum rogat pro discipulis suis quos accepit a Deo. Attende quid sequitur: *Ut sint, inquit, unum, sicut et nos.* Non ait; **619** ut nobiscum sint unum; aut ut simus unum ipsi et nos, sicut unus sumus nos; sed ait, *ut sint unum sicut et nos;* ipsi utique in natura sua sint unum, sicut et nos in nostra unus sumus. Quod prœcul dubio non diceret, nisi secundum hoc diceret, quod Filius æqualis est Patri, sicut in alio loco dicit: *Ego et Pater unus sumus (Joan. x, 30);* non secundum id quod homo est: nam secundum hoc dixit: *Pater maior me est (Joan. xiv, 28);* sed quoniam una eademque persona est Deus et homo, intelligimus hominem in cō quod rogat: intelligimus autem Deum in eo quod unum sunt, et ipse et ille quem rogat. Sequitur: (VERS. 12) *Cum essem cum eis, ego servabam eos in nomine tuo.* Me, inquit, veniente ad te serva eos in nomine tuo; in quo eos, quando cum eis eram, et ipse servabam. In nomine Patri servabat discipulos suos Filius hominis in humana præsentia constitutus: sed etiam Pater in nomine Filii servabat; quos in nomine Filii petentes exaudiebat. His quippe idem Filius dixerat: *Amen, amen dico vobis, si quid petieritis Patrem in nomine meo, dabit vobis (Joan. xvi, 23).* Simil enim nos custodiunt Pater, et Filius, et Spiritus sanctus, qui est unus, verus, beatus Deus. Intelligamus [Al., quem unum verum, beatum Deum intelligamus] cum ita loquitur, sicut hic locutus est, personas cum distingue, non separare naturam [Aug., naturas]; licet ablata ab eis corporali præsentia Filii. Sed nunquam spiritualis custodia deerat, de qua dicit: *Ecce ego vobiscum sum omnibus diebus, usque ad consummationem æculi (Math. xxviii, 20).* *Quos dedisti mihi, custodiv;* et nemo ex his periit, nisi filius perditionis, ut Scriptura impleatur. *Filius perditionis dictus traditor Christi,* de quo in psalmo centesimo octavo maxime prophetatur. (VERS. 13.) *Nunc autem ad te venio, et hæc loquor in mundo, ut habeam gaudium meum impletum in semetipsis.* Ecce in mundo loqui se dicit, qui paulo ante dixerat: *Jam non sum in mundo.*

Ergo et quia non natura ibat [Aug., quia nondum abierat], hic adhuc erat; et quia fuerat abiit, hic quodammodo jam non erat. Quid sit autem hoc gaudium, de quo ait: *Ut habeant gaudium meum impletum in semetipsis, jam superius expressum est, [ubi sit] ut sine unum sicut et nos.* Hoc gaudium suum, id est a se in eos collatum, in eis dicit impletum, propter quod loculum se dixit in mundo. Haec est pax illa et beatitudo in futuro seculo, propter quam consequendam temperanter, et juste, et pie vivendum est in hoc seculo. ▶

VERS. 14. — Loquens adhuc Dominus ad Patrem, et orans pro discipulis suis: *Ego dedi eis sermonem tuum*; in prioribus expositum est. *Et mundus eos odio habuit.* Significat passiones quas in mundo habituri erant a persecutoribus, quos hic mundi nomine demonstrat. Deinde causam subjiciens, cur eos oderit mundus, quia non sunt, inquit, *de mundo, sicut et ego non sum de mundo.* Sed aliter illi, aliter ego. Illi regeneratione, ego generatione. Illi eguerunt secunda nativitate, quia in peccatis nati sunt: ego quia sine peccato natus sum, non egui regeneratione. Donatum est ergo eis ut de mundo non essent; ego vero nunquam fui de mundo, quia nunquam in peccato. ▶ *Ipse autem de mundo nunquam fuit, quia etiam secundum formam servi, de Spiritu sancto natus est,* de quo illi renati. Si ergo illi ideo non de mundo, quia renati sunt de Spiritu sancto, propterea ille nunquam de mundo, qui natus est de Spiritu sancto. (Vers. 15, 16.) *Non rogo, inquit, ut tollas eos de mundo, sed ut serues eos ex malo* [Ms. a malo]. Adhuc enim necessarium fuit, quamvis jam non essent de mundo, esse tamen in mundo; ut impleretur, quod dictum est: *In omnem terram exiit sonus eorum, et in fines orbis terrae verba eorum* (Psal. xviii, 5).

VERS. 17. — *Sanctifica eos in veritate.* Sic enim servantur ex malo, quod superius oravit ut fieret de malo perfidiae in quo cecidit Judas proditor. ▶ *Sanctificantur itaque in veritate haeredes testamenti novi, cuius veritatis umbrae fuerunt sanctificationes Veteris Testamenti;* et cum sanctificantur in veritate, utique sanctificantur in Christo, qui veraciter dixit: *Ego sum via, et veritas, et vita* (Joan. xvi, 6). *Veritas liberabit vos.* Paulo ante exponens Jesus quid dixerit, *Si vos Filius, inquit, liberabit* [Al., liberabit], *vere liberi eritis* (Joan. viii, 32, 36): ut ostenderet hoc se prius dixisse veritatem, quod postmodum Filium. Quid ergo aliud et hoc [loco] dixit: *Sanctifica eos in veritate, nisi sanctifica eos in me?* Denique sequitur, et hoc apertius insinuare non desinit, *Sermo etiam tuus, inquit, veritas est.* Quid aliud **820** dixit, quam ego veritas sum? Sanctificat itaque Pater in veritate, id est, in Verbo suo, in unigenito suo, suos haeredes, ejusque coheredes. Sed nunc adhuc de apostolis loquitur, nam secutus adjungit: (Vers. 18) *Sicut me misisti in*

mundum, et ego misi eos in mundum. Quos misit, nisi apostolos suos? Nam et ipsum nomen apostolorum, quod Graecum est, nihil nisi missos significat in Latino. Misit ergo Dominus [Al., Deus] Filium suum absque peccato conceptum et natum; misit ergo Filius discipulos suos quos ipse sanctificavit, vel per baptismi sacramentum; vel per sanguinis sui redemtionem, ut praedicarent mundo sanctificationem et ablutionem remissionemque peccatorum suorum. Unde et su' jecit: (Vers. 19) *Et pro eis ego sanctifico me ipsum.* Id est, in eo quia non veni facere voluntatem meam, sed voluntatem ejus, qui misit me Patris. Sanctificatio fidelium est obedientia Filii, qui obediens Patri usque ad mortem, mortem autem crucis: *propter quod et Deus exaltavit illum* (Phil. ii, 8, 9). Quod vero ait: *Ut sint et ipsi sanctificati in veritate.* Hoc est, in me' pso; sicut et ego sanctificatus sum in Verbo Dei. *Ut et ipsi sint in veritate,* quae est Verbum Dei, *sanctificati.* Nam suscepitio humanitatis sanctificata est in unitate personae Verbi Dei; et quia ille caput est omnium sanctorum, et illi membra, et membra quoque per capitum sanctificationem sint sancta in ea veritate, qua caput est sanctificatum: ideo et in sequentibus non pro his tantum se rogare dixit qui tunc corporali presentia cum eo erant, sed etiam pro omnibus fidelibus qui per eorum verbum crediti erant per eos. Igitur si hiecit, et ait:

VERS. 20. — *Non pro his rogo tantum.* ▶ **b** Id est, pro discipulis, qui cum illo tunc erant. *Sed et pro eis qui crediti sunt per verbum eorum in me.* Ubi omnes nos intelligi voluit, non solum eos qui tunc erant in carne, sed etiam qui futuri erant. Quotquot enim postea crediderunt in eum, per verbum apostolorum sine dubio crediderunt, et donec veniat, crediti sunt: ipsis enim dixerat: *Et vos testimoniun perhibetis, quia ab initio tecum estis, et per vos Evangelium ministratum est* (Joan. xv, 27), et antequam scriberetur; et utique quisquis in Christum credit, per Evangelium credit [Aug., Evangelio credit]. Non itaque [Ms., utique] hi tantum intelligendi sunt quos ait in se credituros per verbum eorum; [qui ipsos cum in carne viverent apostolos audierunt, sed et post obitum eorum] et nos longe post nati; per verbum eorum credidimus in Christum: quoniam ipsi qui cum ipso tunc fuerunt, quod ab illo acceperunt ceteris praedicaverunt. ▶ Itaque per verbum eorum factum est ut etiam nos crederemus, imo et omnes usque in finem mundi, ubiqueque Ecclesia Christi erit, per verba apostolicæ prædicationis crediti erunt. Sequitur: (Vers. 21) *Ut omnes unum sint.* Unum in charitate, unum in fide, unum in pace; quia in unum regnum futuri sunt. Liceret in eo regno mansiones diversæ sint, propter merita sanctorum diversa: tamen quicunque in eo regno erit, beatus erit, et sufficiet sibi quod habuerit, et in eo gaudet quod possidet. *Sicut*

^a Ex S. Aug., tract. cviii, num. 1-4.

^b Ex S. Aug., tract. cix, num. 1.

et tu Pater in me, et ego in te. Hoc est, quod paulo A 25.) *Pater justus mundus te non cognorit.* Quia justus ante dixit: *Ego in Patre, et Pater in me.* Nam totus Pater in Filio est, et totus Filius in Patre: et qui Filiū habet, habet et Patrem; et qui Patrem habet, habet et Filium. Unde subjectit: *Ut et ipsi in nobis unum sint.* Id est, una charitate nos diligent, et una fide nos credant, et in una spe in nobis confidant; ut sit unitas corporis in capite, et sit unus Deus omnia in omnibus. Qui enim orat pro nobis, mortuus est pro nobis, et vivit pro nobis, ut nos vivamus in illo [Ms., cum illo]. Potest et ita intelligi, ut in nobis unum sint, id est, in charitate unum sint nobis templum. Unde dicitur: *Quia factus est in pace locus ejus, et habitatio ejus in Sion* (Psal. lxxv, 3), quæ nos sumus. *Et mundus credit, quia tu me misisti.* Duobus modis, ut diximus, mundus intelligitur: aliter in peccatoribus, aliter in sanctis. Illic nominat mundum, eos qui credituri erant, vel qui tunc credebant Christum Filium Dei esse, ad salutem humani generis missum esse a Patre in mundum.

VERS. 22. — *Sed et ego claritatem quam dedisti mihi, dedi eis.* Quæ est ista clarificatio, nisi illa de qua paulo ante dixit, *clarificavi nomen tuum?* Ista clarificatio, cognitio est nominis omnipotentis Patris in Filio. Hanc claritatem dedit Filius **621** fidibus suis, id est, hanc prædicationem, ut prædicarent eum Patri esse æqualem in divinitate, et Patre esse minorem in forma servi, in qua factus est Filius hominis, ut nos essemus Filii Dei: in qua nativitate unum debemus esse, de qua ei subdidit: *Ut sint unum, sicut et nos unum sumus.* Illi in sua natura unum in charitate; nos in nostra unum sumus in unitate substantiæ et gloriæ. (VERS. 23.) *Ego in eis, et tu in me.* Ego in eis, sicut caput in membris; et tu in me, sicut Pater in Filio. *Ut sint consummati in unum.* Id est, perfecti, quod perficiet qui nos voluit unum esse in se et per se. *Ut cognoscat mundus quia tu me misisti, et dilexisti eos sicut et me dilexisti.* Dilexisti eos, ut essent quod non erant; dilexisti me, ut essem quod semper sui; dilexisti me sicut unicum; illos itaque sicut adoptivos. Dilexisti eos, ut per me in te essent; dilexisti me, ut per te in te essem. Sequitur: (VERS. 24) *Pater, quos dedisti mihi, volo ut ubi sum ego, et illi sint mecum.* • Nunc per fidem, tunc ergo fieri per speciem. Cum Christus apparuerit vita nostra, tunc et nos cum illo apparebimus in gloria (Coloss. iii, 4). • Tunc apparebimus quod tunc erimus; quia tunc apparebit, antequam essemus, quod tunc erimus^b.

Ut rideant claritatem meam, quam dedisti mihi. Fortassis ergo de illa claritate dicit, in qua sedet ad dexteram Dei Patris. Continuo subjungit: *Quia dilexisti me ante constitutionem mundi.* • In illo enim dilexit et nos ante constitutionem mundi, et tunc prædestinavit quod in fine facturus est mundi. (VERS.

^a Ex S. Aug., tract. cxii, num. 4-6.

^b Aug., loc. cit.: • Tunc apparebimus quod tunc erimus: quia tunc apparebit, non inaniter nos id

es, ideo te non cognovit. Mundus vero, qui damnandus est per justitiam, te non cognovit; ille vero, qui salvandus erat per misericordiam, te cognovit: mundus vero, quem per Christum reconciliavit sibi, non merito, sed gratia cognovit. Quid est enim *eum cognoscere*, nisi vita æterna? quam mundo damnato utique non dedit, reconciliatio dedit; et ut cognosceret, non ei merito, sed gratia subvenisti. Denique sequitur: *Ego autem te cognovi.* Ipse filius gratiae est Deus natura; homo autem de Spiritu sancto et virgine, ineffabili gratia, in unitatem personæ Filii Dei assumptus est. Per illum cognoverunt hi; et omnes per eos credituri. *Quia tu me misisti.* • *Quia tu me misisti, ideo cognoverunt: igitur per gratiam cognoverunt.* (VERS. 26.) *Et notum feci eis, inquit, nomen tuum, et notum faciam.* • Notum feci per fidem, notum faciam per speciem. Notum feci in [hoc] seculo peregrinantibus, notum faciam in cœlo regnabitibus. *Ut dilectio, qua dilexisti me, in ipsis sit, et ego in ipsis.* Quomodo autem dilectio, qua dilexit Pater Filium, est et in nobis, nisi quia membra ejus sumus, et in illo diligimur, cum ille diligatur totus, id est, caput et corpus? Ideo subjunxit: *Et ego in ipsis, tanquam diceret, quoniam ego sum et in ipsis.*

C Terminato magno prolixoque sermone, quem post coronam Dominus de fundendo pro nobis sanguine proximus passioni ad discipulos habuit, qui cum illo tunc erant, adjuncta oratione, quam direxit ad Patrem pro suis; deinceps ejus passionem Joannes evangelista sic orsus est:

CAPUT XL

Traditionis ac passionis ejus per ordinem gesta narrantur.

D CAPUT XVIII, VERS. 4. — *Hac cum dixisset Jesus, egressus est cum discipulis suis trans torrentem Cedron [Cedron]: Genitivus pluralis in Græco, quod potest Latine Cedrorum dici.* Tunc appropinquavit tempus, de quo in Psalmo legitur: *De torrente in via bibit.* In via hujus vite de torrente passionis bibit: propterea exaltavit caput (Psal. cix, 7): quod Apostolus ita exposuit: *Christus obediens Patri usque ad mortem, mortem autem crucis.* Propter quod et Deus exaltavit illum (Philip. ii, 8, 9). Ubi erat hortus, in quem introivit ipse et discipuli ejus. Bene in horto misericordie nostræ comprehensus est, ut nos in hortum beatitudinis suæ induceret. Igitur in horto deliciarum, id est, in **622** paradiso, primus [Pater] humani generis peccavit, et inde ejectus est in hanc vallem lacrymarum. Ideo Christus secundus Adam se in horto comprehendendi voluit; ut peccatum, quod in horto paradisi (nam paradiſus hortus deliciarum interpretatur) primus homo commisit, deleretur. (VERS. 2.) *Sciebat autem et Judas, qui tradebat eum, locum, quia frequenter Jesus convenerat illuc cum discipulis.* • Hoc

credidisse ac sperasse, antequam essemus, •

^c Ex S. Aug., tract. cxii, num. 4-6.

quod narrat, ingressum Dominum cum discipulis suis in hortum, non continuo factum est, cum ejus illa finita esset oratio, de cuius verbis ait : *Hoc cum dixisset Jesus*; sed alia quedam sunt interposita, quae ab isto pretermissa, apud alios evangelistas leguntur : sicut apud hunc inveniuntur multa, quae illi similiter in sua narratione tacuerunt. Ad hoc vero valet, quod dictum est : *Hoc cum dixisset Jesus*, ut non eum ante opinemur venire in hortum, quam illa verba finiret, et illam orationem, quae leguntur in prioribus post coenam sanctam eum dixisse, vel orasse. *Sciebat autem*, inquit, *et Judas*, qui tradebat eum, locum. Ordo verborum est : sciebat locum, qui tradebat eum. *Quia frequenter*, inquit, *Jesus conve*nierat illuc cum discipulis suis. Ibi ergo lupus, ovina pelle contectus, inter oves alto Patris familias consilio toleratus, didicit ubi ad tempus exiguum dispergeret gregem, insidiis appetendo pastorem.

VERS. 3. — *Judas ergo*, inquit, *cum accepisset cohortem, et a principibus et Pharisæis ministros, rexit illuc cum laternis et facibus et armis*. Cohors non Judæorum, sed militum fuit. A præside itaque intelligatur accepta, tanquam ad tenendum reum, servato ordine legitimæ potestatis, ut nullus tenentibus auderet obsistere. Ideo tanta manus inimicorum congregata est, ut nullus apprehendens vel contradicere, vel defendere Jesum auderet. Ita quippe ejus abscondebatur potestas, [et] obtemperabat infirmitas, ut haec inimicis necessaria viderentur adversus eum, in quem non valuerint, nisi quia [Ms., nihil valuisset nisi quod] ipse voluisse : bene utens bonus malis, et faciens bona de malis. Jesus autem, sicut evangelista secutus adjungit : (VERS. 4) *Sciens omnia, que ventura erant super eum*. Sciebat et voluit ut comprehenderetur ; quia ad hoc venit in mundum, ut hoc fieret quod voluit, et tunc impleretur quando voluit. *Processit et dixit eis*, quem queritis? Processit, paratus ad passionem, et interrogans quem quererent; non quasi ignarus eorum voluntatis, sed ut sciens ipsum esse quem quererent. (VERS. 5.) Responderunt : *Iesum Nazarenum*. Jesus Nazarenus dicebatur, quia in Nazareth nutritus est, ut impleretur prophetia : *Quoniam Nazareus vocabitur*. Dicit eis : *Ego sum*. Non abscondit se, sed ostendit ; quia qui voluntate sua venit in mundum, voluntate sua posuit animam suam pro mundo. (VERS. 6.) Stabat autem et *Judas*, qui tradebat eum, cum ipsis. Ut ergo dixit eis : *Ego sum, abierunt retrorsum*, et ceciderunt in terram. Ubi nunc militum cohors, et ministri principum ac Pharisæorum? Ubi terror et munimen armorum? Nempe una vox dicentis : *Ego sum*, tantam turbam odiis ferocem, armisque terribilem, sine ullo telo percussit, reputit, stravit. Deus enim latebat in carne, et sempiternus dies ita membris occultabatur humanis, ut laternis et facibus quereretur occidens a tenebris.

^a Ms.: « Quare, qui venerunt ad comprehendendum, non tenuerunt, a quo audierunt : *Ego sum?* »

PATROL. C.

A *Ego sum*, dicit, et impios dejecit. Quid judicaturus faciet, qui judicandus hoc fecit? Quid regnaturus poterit, qui moriturus hoc potuit? Et nunc ubique per Evangelium, *Ego sum*, dicit Christus : et a Judæis exspectatur Antichristus, ut retro redeant, et in terram cadant. Quare qui venerunt ad comprehendendum, non tenuerunt quem, si noluisset ille qui ait *Ego sum*, non tenerent^a. Illi quærebant eum apprehendere [et occidere], ille quærebat eos [redimere] et vivificare, propter quod venit ad nos. Ostendit quærentibus potestatem, quia habuit in potestate animam suam ponere, quam posuit hora passionis ; ostendit quod [Ms., ut] nostræ redemptiois impleretur mysterium. (VERS. 7.) Iterum ergo eos interrogavit : *Quem queritis?* Si queritis, quare non B apprehenditis, nisi quia in vestra non est potestate apprehendere [Ms., apprehendendi hora], sed in ejus qui venit ut apprehendatur.

C 623 VERS. 8, 9. — *Illi autem dixerunt : Iesum Nazarenum. Respondit Jesus : Dixi vobis, quia ego sum. Si ergo me queritis, sinite hos abire. Ut adimpleretur sermo, quem dixit : Quia quos dedisti mihi, non perdidisti ex eis quemquam.* « Si me queritis, inquit, sinite hos abire. Inimicos videt [Ms., jubet], et hoc faciunt quod jubet : sinunt hos abire quos non vult perire. Nunquid autem non erant postea mortui? Cur ergo, si tunc morerentur, perderet eos, nisi quia nondum in eum sic credebant, quomodo credunt quicunque non pereunt? (VERS. 10.) Simon ergo Petrus habens gladium eduxit eum, et percussit principis servum [Sic et in ms.; Al., servum principis sacerdotum] et abscedit ejus auriculam dexteram. Erat autem nomen servo *Malchus*. Solus hic evangelista etiam nomen servi hujus expressit : sicut Lucas solitus, quod ejus auriculam Dominus tetigerit et sanaverit eum. Malchus autem interpretatur regnaturus. Quid ergo auris pro Domino amputata, et a Domino sanata significat, nisi auditum amputata vetustate renovatum, ut sit in novitate spiritus, et non in vetustate litteræ? Quod cui præstatum fuerit a Christo, quis dubitet regnaturum esse cum Christo? » Servus dictus est propter servitutem legalem, sanus [Ms., sanatus] autem dicitur propter evangelicam libertatem. « Factum tamen Petri Dominus improbavit, et progredi ultra prohibuit dicens : (VERS. 11) *Mitte gladium in vaginam. Calicem quem dedit mihi Pater, non bibam illum?* » Non bibam illum, interrogative vel increpativa legendum est, quasi dixisset : Non bibam illum calicem quem Pater mihi dedit bibere? Quare resistere vis voluntati omnipotentis Patris, imo et salutis tuæ calici? In suo quippe facto ille discipulus magistrum defendere voluit, nescius adhuc dispensationem paternæ voluntatis [Ms., pietatis], quid ex hoc fieri venturum voluisse. Quod autem a Patre sibi dicit datum calicem passionis, profecto illud est quod ait Apostolus : *Si Deus pro nobis, quis contra nos? qui Filio proprio non pepercit, sed pro Quia ante non potuerunt, quam voluisse illi, qui ait : Ego sum.* »

nobis omnibus tradidit eum (Rom. viii, 31, 32). Verum auctor calicis hujus est, etiam ipse qui bibit. Unde idem Apostolus item dicit: Christus dilexit nos, et tradidit semetipsum pro nobis, oblationem et hostiam Deo in odore suavitatis. (Ephes. v, 2) (VERS. 12.) Cohors ergo, et tribunus, et ministri Iudeorum comprehenderunt Jesum, et ligaverunt eum. Comprehenderunt, ad quem non accesserunt [quoniam dies ille, illi vero tenebræ permanserunt]; nec audierunt: Accedite ad eum, et illuminamini (Psal. xxxiii, 6). Nunc autem quando eum illo modo comprehendenterunt, tunc ab eo longius recesserunt: et ligaverunt eum, a quo solvi potius velle debuerunt. »

« Posteaquam persecutores tradente Iuda comprehensum Dominum ligaverunt, qui nos dilexit, et tradidit semetipsum pro nobis omnibus, et cui Pater non pepercit, sed pro nobis omnibus tradidit eum (Rom. viii, 32), (VERS. 13) Adduxerunt eum ad Annam primum. Nec enim Joannes istam tacet causam, quare hoc ita factum sit [Ms., quare hoc fecissent], dicens: Erat enim, inquit, sacer Caiphæ, qui erat pontifex anni illius. »

VERS. 14. — *Erat autem Caiphas, qui consilium dedit Iudeis, quia expedit unum hominem mori pro populo. Ductus est ad Annam primum, et postea ad Caipham, ut cognatio sanguinis et sceleris eos ficeret consortes. Moyses Deo jubente præceperat ut pontifices patribus succederent, ut generationis in sacerdotibus series conservaretur. Refert Josephus istum Caipham unius tantum anni ab Herode pretio redemisse sacerdotium. Non ergo mirum, si iniquus pontifex inique judicaverit. Sæpe qui per avaritiam ad sacerdotium accedit, per injustitiam versatur in eo, et sceleratum initium funesto sine consunxitur.*

VERS. 15. — *Sequebatur autem, inquit, Jesum Simon Petrus et alius discipulus. Quisnam sit iste discipulus, non temere affirmandum est, quia taceatur. Solet autem se idem Joannes ita significare, et addere: quem diligebat Jesus. Fortassis ergo et hic ipse est, qui juxta crucem Jesu stabat, cui ille matris commendavit custodiæ. Dicit et Matthæus de Petro: Petrus sequebatur eum a longe (Matth. xxvii, 58). A longe sequebatur [Dominum], qui erat eum negaturus, ut videret finem, vel amore magistri, vel humana curiositate scire cupiens, quid pontifex judicaret [de Jesu, utrum eum neci addiceret], an flagellum cæsum dimitteret. (VERS. 16.) Discipulus autem ille, inquit, erat notus pontifici, et introiit cum Jesu in atrium pontificis. Petrus autem stabat ad ostium foris. Foris autem stabat, quia negaturus erat Dominum: nec erat in Christo, qui Christum confiteri non 624 fuit ausus. (VERS. 17.) Exiit ergo discipulus alius, qui erat notus pontifici, et dixit ostiaria, et introduxit Petrum. Dixit ergo Petro ancilla ostiaria: Nunquid et tu ex discipulis es hominis istius? Dicit ille: Non sum. Hic agnoscitur quia verum sit quod ipsa Veritas paulo ante dixit: Quia sine me nihil potestis facere. » Ecce columna fir-*

A missima ad unius auræ impulsu tota contremuit. Ubi est illa promittentis audacia, et de se plurimum præsumentis? Ubi sunt verba illa, quando ait: Quare non possum sequi te modo? Animam meam pro te ponam (Joan. xiii, 37); hoc non est sequi magistrum, sed se negare discipulum esse. Sicne pro Domino anima ponitur, ut hoc ne fiat, vox ancillæ formideatur? » Sane in hoc [loco] considerandum est, quam periculosum sit Christiano se Christianum esse negare. Non enim Petrus in hoc loco dixit se Christum negare, sed discipulum Christi: tamen ipse Christus ante prædixit: Ter me negaturus es. Qui enim discipulum se Christi negavit esse Christianum [sc] negavit: similiter qui se Christianum negat esse propter aliquem timorem, etiam Christum negat. **B** (VERS. 18.) Stabant autem servi et ministri ad prunas, quia frigus erat, et calefaciebant se. Frigus erat infidelitatis in cordibus illorum, in tantum etiam ut ille princeps apostolorum in eo frigore torpesceret, quia needum calore sancti Spiritus inflammatus fuit: in quo non solum ipse iterum post acceptum sancti Spiritus donum non timuit Christum coram imperatore et populo Romano confiteri; sed etiam pueri imberbes et pueræ, sancti Spiritus calore inflammatæ, Christum publice usque ad mortem confitebantur, et pro eo mori non metuebant, quem claviger cœli confiteri ad unius ancillæ vocem formidavit.

C **VERS. 19.** — *Pontifex autem interrogavit Jesum de discipulis ejus, et de doctrina ejus. Non cognoscendæ veritatis amore interrogavit, sed ut causam inventaret qua etiam eum accusare potuisset, et tradere Romano præsidi ad damnandum. (VERS. 20.) Respondit Jesus: Ego palam locutus sum mundo: ego semper docui in synagoga et in templo, quo omnes Iudei conueniunt, et in occulto locutus sum nihil. Quid est quod palam se dicit loqui, et in occulto nihil loqui, dum in alio loco apostolis dicit, dum per parabolæ turbis loquitur: Vobis datum est nosse mysterium regni Dei, ceteris autem in parabolis? Intelligendum est ita eum dixisse, palam locutus sum mundo, ac si dixisset: Multi me loquentem audierunt. Ipsum autem palam, quodammodo erat palam, quodammodo autem non erat palam. Palam quippe erat, quia multi eum audiebant: et rursus non erat palam, quia non intelligebant. Et quod seorsum discipulis loquebatur, non in occulto utique loquebatur. Quis namque in occulto loquitur, qui coram tot h[ab]minibus loquitur, cum scriptum sit: In ore duorum vel trium testium stabit omne Verbum (Deut. xix, 15): præsertim si [sic] hoc loquitur paucis, quod per eos vellet innotescere ei multis? Ergo et hoc ipsum, quod ab eo dici videbatur occulte, quomodo [Ang., quo Jammodo] non dicebatur in occulto? Quia non ita dicebatur, ut ab eis quibus dictum fuerat taceretur, sed ita potius, ut usquequaque prædicaretur. » (VERS. 21.) Quid me interrogas? Interroga eos qui audierunt quid locutus sum ipsis: ecce hi sciunt quæ dixi*

• Ex S. Aug., tract. cxiii, num. 4-6.

*Ergo. Quasi dixisset : Quid me interrogas, a quo veritatem audire non desideras, sed quem damnare cupis? Interroga magis eos de quorum dictis non habes invidiam. Ita temperavit Dominus responsionem suam, ut nec veritatem taceret, nec se defendere videretur. (VERS. 22.) Huc autem cum dixisset, unus assistens ministrorum dedit alapam Iesu dicens : Sic respondes pontifici? Hic impletur, quod prophetatum est de eo : Dedi maxillam meam percutientibus. Percessit eum quasi reum responsionis, sed ille injuste percussus, mansuete respondit : (VERS. 23) Si male locutus sum, testimonium perhibe de malo. Omnis itaque qui contra veritatem loquitur, male loquitur : si autem veritatem non dixi, da testimonium contra me, in quo mendacium dixisse; si autem bene, id est, vere, quid me cedis? Quid ista responsione verius, mansuetius, justius? Si cogitemus quis acceperit alapam, norne vellemus eum qui percussit, aut coelesti igne consumi, aut terra dehincente sorberi, aut correptum dæmonio voluntari? Quid enim horum per potentiam jubere non potuisse, per quem factus est mundus, nisi patientiam nos docere maluisset, a quo vincitur mundus [Aug., qua vincitur mundus]? Forte aliquis **625** hic dicit, quare alteram maxillam percutienti non daret secundum preceptum suum (Matth. v, 39)? Non solum itaque alteram dedit maxillam percutienti, sed etiam totum corpus suum ad crucifigendum tradidit, et magis vult præcepta sua Dominus in cordis tranquillitate servare, quam in corporis ostentatione demonstrare.*

VERS. 24. — *Et misit eum Annas ligatum ad Caipham pontificem.* Hi duo Annas et Caiphas principes fuerunt sacerdotum, et per vices annuas sacerdotium ministrabant; et erat tunc annus Caiphæ, cum passus est Christus. Et credendum est secundum voluntatem Caiphæ factum esse ut prius duceretur ad Annam, ut minoris culpe videretur, si alterius quoque consacerdotis sui damnaretur sententia. Sed cum dixisset evangelista quod eum ligatum misit Annas ad Caipham, reversus est ad locum narrationis, ubi reliquerat Petrum, ut explicaret, quod in domo Annæ de trina ejus negatione contigerat. (Vers. 25.) *Erat autem, inquit, Simon Petrus stans et calefaciens se.* Hoc recapitulat quod ante etiam dixerat. Deinde quæ secuta sunt, jungit : *Dixerunt ergo ei : Nunquid et tu ex discipulis ejus es? Negavit ille et dixit : Non sum.* Jam semel negaverat ad ancillæ vocem : ecce iterum eodem timore perterritus negavit. Deinde, ut tertia quoque negatio perficeretur, et Verbum Domini prædicentis impleretur, (VERS. 26, 27.) *Dicit unus ex servis pontificis, cognatus ejus, cuius abscedit Petrus auriculam : Nonne ego te vidi in horto cum illo?* Iterum sicut antea negavit Petrus, et statim gallus cantavit. Ecce medici est completa predictio, regroti convicta præsumptio. Non enim factum est, quod iste dixerat : *Animam meam pro te ponam (Joan.*

* Ex S. Augustino, tract. cxiv, num. 1-5.

^b Ms.: « Habitaculo videlicet alieno se violari su-

A **xiii**, 58), sed factum est, quod ille prædixerat : *Ter me negabis.* » Sed hæc trina negatio timoris, trina confessione amoris diluitur. Necdum fuit amor in eo, qui foras mitteret timorem : sed adhuc timor servilis valuit in corde ejus, sed necdum respexit eum qui hæc prædictit ei. Sed et hoc magna Dei dispensatione gestum esse credere debemus, quatenus ille, cui oves suas ad Patrem rediens Christus commendaturus erat, per suam disceret fragilitatem aliis misereri, et fratrum culpas ignorare, dum suum recordaretur peccatum, et aliorum compati posset Tragilitati, qui sui casus ignarus non esset. Peracta itaque trina hac negatione Petri, reversus est evangelista ad ordinem narrationis suæ, ubi eam reliquerat.

VERS. 28. — *Adducunt ergo, inquit, JESUM AD CAIPHAM IN PRÆTORIUM.* « Ad Caipham quippe ab Anna collega et socero ejus dixerat missum. Sed si ad Caipham, cur in prætorium? Quod nihil aliud vult intelligi, quam ubi præses Pilatus habitabat : aut damnationis causa Christi Caiphas perrexit in prætorium ad Pilatum : aut Pilatus in domo Caiphæ prætorium habebat, et tanta fuit amplitudo, ut utrosque capere potuisse, et seorsum habitantem Dominum suum, seorsum judicem ferret. Ecce quanta est sollicitudo sacerdotum in malum [Ms., in malo]! « Tota nocte vigilarunt, ut homicidium facerent. *Erat autem mane, et ipsi, id est, qui ducebant JESUM, non introierunt in prætorium.* Hoc est in eam partem domus quam Pilatus tenebat, si ipsa erat domus Caiphæ. Cur autem non introierunt in prætorium? Exponens causam, ut non contaminarentur, inquit, sed manducarent Pascha. Dies enim agi cœperant azymorum : quibus diebus contaminatio illis erat in alienum habitaculum intrare. O impia et stulta cœcitas! ut habitaculo videlicet contaminarentur alieno, et non contaminarentur proprio scelere b. Alienigenæ judicis domo contaminari timebant, et fratri innocentis sanguine non timebant? » Sciendum est quid sit inter Pascha et dies azymorum. Pascha dicebatur proprie dies illa qua agnus ad vesperam quarta decima luna occidebatur; septem vero dies sequentes, dies azymorum dicebantur. Dies azymorum fuerunt, in quibus nihil fermentati in domibus illorum debuit inveniri; sed tamen dies Paschalis invenitur inter dies azymorum nominari, ut in alio Evangelio legitur : *Prima autem die azymorum accesserunt ad JESUM DISCIPULI dicentes : Ubi vis, paremus tibi Pascha manducare (Matth. xxvi, 17)?*

626 **VERS. 29, 30.** — *Exivit ergo Pilatus ad eos foras, et dixit : Quam accusationem assertis adversus hominem hunc? Et responderunt, et dixerunt ei : Si non esset hic malefactor, non tibi tradidissemus eum.* Hunc enim habebant morem Iudei, ut quem morte dignum dijudicarent, vinclum eum præsidi traderent. « Interrogentur atque respondeant ab immundis spiritibus liberati, languidi sanati, leprosi mundati, surdi audientes, muti loquentes, cœci videntes, mortaverunt, et non proprio scelere inquinari se videbant. »

tui resurgentes, utrum sit malefactor Jesus. Sed ista dicebant, de quibus per Prophetam ipse prædicterat : *Retribuebat mihi mala pro bonis* (*Psalm. xxxiv, 12*). (VERS. 31.) *Dixit ergo ei Pilatus : Accipite eum ros, et secundum legem vestram judicatis eum.* Justior fuit illis iudex gentilis, quasi diceret : Legem habetis, et secundum legem vestram judicate eum : vos melius nostis quid de talibus vestra lex judicet; secundum quod justum sciatis, judicate. *Dixerunt ergo ei Iudei : Nobis non licet interficere quemquam.* « Quid est quod loquitur insana crudelitas? An non intersiebant, quem interficiendum offerebant? » An non forte intersiebant, dum clamabant : *Crucifige, crucifige?* Quid est quod dixerunt, *Nobis non licet interficere quemquam*, dum lex mandat homicidas, adulteros, et talium reos scelerum occidere vel lapidare? nisi forte hoc ideo dixissent, propter sanctitatem diei festi [et venerationem], ut non liceret eis secundum legem in die festo occidere hominem, ob cuius diei festi venerationem, etiam prætorium judicis intrare noluerunt. Quomodo, o Iudei, o falsi Israëlite, non occidistis eum, quem apprehendistis, quem duxistis, quem præsidi tradidistis, quem crucisigni poposcistis? « Audite, quod contra vos etiam Prophetæ clamat : *Fili hominum, dentes eorum arma et sagittæ, et lingua eorum machæra acuta* (*Psalm. lvi, 5*). Ecce quibus armis, quibus sagittis, qua machæra justum interfecistis. Deinde sequitur : (VERS. 32) *Hoc autem dixerunt, ut sermo Jesu impleretur, quem dixit, significans qua esset morte moriturus.* « Itaque intelligendum est Dominum hic significare non mortem crucis, sed illam mortem qua Iudei eum gentibus tradebant ad occidendum, hoc est, Romanis; nam Pilatus Römanus civis fuit, licet genere Pontius, eumque in Iudeam Romani præsidem miserant. Ut ergo iste sermo Jesu impleretur, id est, ut eum sibi traditum Gentes interficerent, quod Jesus futurum esse prædicterat, hoc impletum est, dum Iudei eum Gentibus tradiderunt occidendum; minore tamen scelere, quam Iudei, qui se isto modo ab ejus interfectione velut alienos facere voluerunt, non ut eorum innocentia, sed ut dementia monstraretur. »

VERS. 33. — *Introivit iterum in prætorium Pilatus, et vocavit Jesum, et dixit ei : Tu es rex Iudeorum?* In his verbis ostendit Pilatus hoc Iudeos objisse ei criminis, ut diceret se regem esse Iudeorum. (VERS. 34.) Respondit Jesus : *A temetipso hoc dicas, an alii tibi dixerunt de me?* « Sciebat utique Dominus, et quod ipse interrogabat, et quod ille responsurus fuit [Ms. addit : et quid illi Pilatus responsurus erat. Sed hoc redundat] : et tamen dici voluit, non propter se qui omnia sciebat, sed propter nos, ut scriberetur quod nos scire voluit. Respondit Pilatus : *Nunquid ego Iudeus sum?* Gens tua et pontifices tradiderunt te mihi. Quid fecisti? Absoluta a se suspicionem qua posset putari a semetipso dixisse quod Jesum regem dixerat esse Iudeorum; id se a Iudeis accepisse demonstrans. Dicendo :

^a Ex S. Aug., tract. cxv, num. 4, 4, 5.

A (VERS. 35) *Quid fecisti?* satis ostendit illud ei pro crimen objectum, tanquam diceret : Si regem te agas, quid fecisti ut tradereris mihi? Quasi mirum non esset, si puniendus judici tradiceretur, quid se diceret regem esse : si autem hoc non diceret, querendum ab illo esset quid aliud forte fecisset, unde tradi judici dignus esset.

VERS. 36. — Respondit Jesus : *Regnum meum non est de hoc mundo.* Si ex hoc mundo esset regnum meum, ministri mei utique decertarent, ut non traderer Iudeis. Nunc autem meum regnum non est hinc. Hoc est quod bonus magister scire nos voluit; sed prius nobis demonstranda fuerat vana hominum de regno ejus opinio, sive Gentium, sive Iudeorum, a quibus id Pilatus audierat : quasi propterea fuisse a morte plectendus, quod illicitum affectaverit regnum; vel quoniam solent regnaturis invidere regnantes. Poterat autem Dominus, quod ait : *Regnum meum non est de mundo hoc*, ad primam interrogacionem præsidis respondere, ubi dixit : *Tu es rex Iudeorum?* Sed eum vicissim interrogat, utrum hoc **627** a semetipso diceret, an audisset ab aliis; illo respondente, ostendere voluit, hoc sibi apud illum fuisse a Iudeis velut crimen objectum : patescens nobis cogitationes hominum quas ipse noverat quoniam vanæ sunt. « Quod vero ait : *Regnum meum non est de mundo*, id est, in hoc mundo. Audite omnes reges terræ; non venit Christus regnum tollere, sed dare; non minuere, sed augere; regem se non contradixit, sed carnaliter in hoc mundo se regnare non dixit. Quod est ejus regnum, nisi credentes in eum, quos tradet regnum Deo Patri in fine seculi (*1 Cor. xv, 24*), id est, adducet ad Deum Patrem, ut sine fine regnent cum illo? Sed ut hoc probaret, ut regnum ejus de hoc mundo non esset, adjecit : *Si de hoc mundo esset regnum meum, ministri mei decertarent ut non traderer Iudeis.* Non ait : Nunc autem regnum meum non est *hic*, sed non est *hinc*; hic est enim regnum ejus, usque in finem seculi, sed in sanctis suis, de quibus dixit in alio Evangelio : *Regnum Dei intra vos est* (*Luc. xvii, 21*). Nam regnum ejus sancta Ecclesia est. Unde et ad Mariam virginem angelus ait : *Et regnabit in domo Jacob in æternum, et regni ejus non erit finis* (*Luc. 1, 32, 33*), spiritale regnum quo in sanctis regnat demonstrare volens, non carnale quod sape impii habent in hoc mundo. De regno quippe suo dicit paulo ante : *De mundo non estis, sed ego vos de mundo elegi.*

VERS. 37. — *Dixit ei itaque Pilatus : Ergo rex es tu?* Respondit Jesus : *Tu dicas, quia rex sum ego.* Non quia se regem timuit confiteri, sed, tu dicas, ait. Sic respondit, ut verum diceret, et sermo ejus calumniz non pateret. Dictum est, tu dicas, carnalis carnaliter dicas. Deinde subjungit : *Ego in hoc natus sum, et ad hoc veni in mundum, ut testimonium perhibeam veritati.* « Non est producenda hujus pronominis syllaba, quod ait : *In hoc natus sum*, tanquam dixerit [in hac re natus sum; sed corripienda, tanquam di-

xerit] in hanc rem natus sum, vel ad hoc natus sum, sicut ait : *Ad hoc veni in mundum*. In Graeco namque Evangelio nihil est bujus locutionis ambiguum. Unde manifestum est eum temporalem nativitatem suam hic commemorasse, qua incarnatus venit in mundum : non illam sine initio, qua Deus erat, per quem Pater condidit mundum. In hoc ergo se dixit natum, id est, propter hoc natum, et ad hoc venisse in mundum, utique nascendo de virgine, ut testimonium perhibeat veritati. Sed quia non omnium est fides, adjunxit atque ait : *Omnis qui est ex veritate, audit vocem meam*. Audit utique interioribus auribus, id est, obaudit meae voci; quod tantumdem valeret quasi diceret, Credit mibi. Cum itaque Christus testimonium perhibet veritati, profecto testimonium perhibet sibi : ejus quippe vox est, *Ego sum veritas* (Joan. xiv, 6). Hic commendat gratiam, per quam vocati sumus. Ait itaque : *Omnis qui est ex veritate, audit vocem meam* (Joan. viii, 48) : non ideo est ex veritate, quia ejus audit vocem, sed ideo audit, quia ex veritate est, [id est] quia hoc illi donum ex veritate collatum est; quod quid est aliud, quam donante Christo credere [in Christum]?

VERS. 38. — *Dicit ei Pilatus : Quid es veritas?* Nec exspectavit audire, » quid responderet ei Jesus, quia forte dignus non fuit audire. (VERS. 39.) *Sed cum hoc dixisset, iterum exiit ad Iudeos, et dixit eis : Nullam invenio in eo causam. Est autem consuetudo vobis ut unum dimittam vobis in Pascha; rultis ergo dimittam vobis regem Iudeorum?* Credo, cum dixisset Pilatus, *quid est veritas*, in mentem illi venisse continuo consuetudinem Iudeorum, qua solebat eis dimitti unus in Pascha : et ideo non exspectavit, ut responderet ei Jesus quid esset veritas, ne mora fieret, cum recoluisset morem quo possit eis per Pascha dimitti. » Hæc vero consuetudo dimittendi, fortassis propter Pascha apud Iudeos remansit, ob memoriam liberationis illorum ex Ægypto, qua in Pascha liberati sunt a servitute. Sed hoc audientes : (VERS. 40.) *Clamaverunt rursum omnes dicentes : Non hunc, sed Barrabam. Erat autem Barrabas latro. Barrabas iste filius magistri eorum interpretatur, id est, diaboli, qui magister fuit vel huic latroni in scelere suo, vel Iudeis in impietate perfidiae suæ.* « Non reprehendimus, o Iudei, quod per Pascha liberatis nocentem, sed quod occiditis innocentem : quod tamen nisi fieret, verum Pascha non fieret. Sed umbra veritatis a Iudeis **628** errantibus tenebatur, ut mirabilis dispensatione divinae sapientiae, per homines fallaces, ejusdem umbrae veritas impleretur, quia ut verum Pascha fieret, Christus velut ovis immolabatur. »

CAPUT XIX. VERS. 1. — *Tunc apprehendit Pilatus Jesum, et flagellarit.* « Hoc Pilatus non ob aliud fecisse credendum est, nisi ut ejus injuriis Iudei satiati, sufficiere sibi existimarent, et usque ad ejus morteni sævire desisterent. Ad hoc pertinet, quod

A idem præses cohortem suam permisit facere quæ sequuntur: (VERS. 2, 3.) *Et milites plectentes coronam de spinis, imposuerunt capiti ejus, et teste purpureo circumdederunt eum, et reniebant ad eum et dicebant : Ave, rex Iudeorum; et dabant ei palmas* [Ms. alapæ]. Sic implebantur, quæ de se prædicterat Christus; sic martyres informabantur ad omnia, quæ persecutoribus libuisset facere, perforanda; sic paulisper occultata tremenda potentia, commendabatur prius imitanda patientia; sic regnum, quod de hoc mundo non erat, superbum mundum non atrocitate pugnandi, sed patiendi humilitate vincebat; sed [Aug., sic] illud granum multiplicandum seminabatur horribili contumelia, ut mirabili pullularet in gloria

VERS. 4, 5. — [Exit iterum Pilatus foras et dicit eis : *Ecce adduco eum foras, ut cognoscatis quia in eo nullam causam invenio.*] *Exit ergo Jesus foras portans spineam coronam, et purpureum vestimentum, et dicit eis : Ecce homo.* Hinc appareat non ignorante Pilato hæc a militibus facta, sive jussiter ea, sive permiserit; illa scilicet causa quam supra diximus, ut hæc ejus ludibria inimici libertissime viderent, et ulterius sanguinem non sitirent. Egreditur ad eos Jesus portans spineam coronam et purpureum vestimentum, non clarus imperio, sed plenus opprobrio; et dicitur eis : *Ecce homo. Si regi invidetis, jam parcite, quia dejectum videtis : flagellatus est, spinis coronatus est, ludibriosa veste amictus est, amaris convitio illusus est, alapis cæsus est : servet ignorinia, frigescat invidia.* Sed non frigescit, inardebit potius, et increscit. (VERS. 6, 7.) *Cum enim videbant eum pontifices et ministri, clamabant dicentes : Crucifige, crucifige.* Dicit eis Pilatus : *Accipite eum vos, et crucifigite; ego enim non invenio in eo causam.* Responderunt ei Iudei : *Nos legem habemus, et secundum legem debet mori, quia Filium Dei se fecit.* Ecce altera major invidia. Parva quippe illa videbatur, velut affectatio illico ausu regiae potestatis; et tamen neutrum sibi Jesus mendaciter usurpavit; sed utrumque verum est, et unigenitus est Dei Filius, et rex ab eo [Ms., a Deo] constitutus super Sion montem sanctum ejus : et utrumque nunc demonstraret, nisi quanto erat potentior, tanto maleret esse patientior.

D VERS. 8. — *Cum ergo audisset Pilatus hoc verbum, magis timuit : et ingressus prætorium iterum, dicit ad Jesum : Unde es tu? Jesus autem responsum non dedit ei.* Hoc silentium Domini nostri Jesu Christi non semel factum, collatis omnium evangelistarum narrationibus reperitur, et apud principes sacerdotum, et apud Herodem b. Tamen propter illa, quibus noluit respondere, ad hoc data est de agno similitudo, ut sno silentio non reus, sed innocens habetur. (VERS. 11.) *Respondit Jesus : Non haberes adversum me potestatem ullam, nisi tibi esset datum despicer. Propterea, qui tradidit me tibi, majus peccatum habet.* « Ecce respondit, et tamen non ubique respon-

a Ex S. Aug., tract. cxvi, num. 1-9.

b Defectum supple ex sancto Augustino loc. cit.

dit^a; non sicut reus sive dolosus, sed sicut agnus, hoc est, sicut simplex atque innocens, non aperuit os suum. Proinde ubi non respondebat, sicut ovis silebat; ubi respondebat, sicut pastor docebat. Discaimus ergo quod dixit, quod et per Apostolum docuit, quia non est potestas nisi a Deo (*Rom. xiii, 1*): et quia plus peccat qui potestati innocentem occidendum livore tradit, quam potestas ipsa, si eum cum timore alterius majoris potestatis occidit. Talem quippe Deus Pilato dederat potestatem, ut esset etiam sub Cæsar's potestate. Quapropter, non haberes, inquit, adversum me potestatem ullam, id est, quantulamcunque habes, nisi hoc ipsum, quidquid est, tibi esset datum desuper. Sed quoniam scio quantum sit, (non enim tantum est, ut tibi omni modo liberum sit), propterea qui tradidit me tibi, magus peccatum habet. Ille quippe me tuæ potestati tradidit invidendo, tu vero eamdem potestatem in me exercitus es metuendo. Nec timendo quislem præsertum **629** innocentem, homo hominem debet occidere: sed tamen id zelando facere, multo magis malum est quam timendo. Et ideo non ait verax magister: Qui me tibi tradidit, ipse habet peccatum; tanquam ille non haberet: sed ait, *magus habet peccatum*, ut etiam se habere intelligeret. Neque enim propterea illud nullum est, quia hoc m'ius est.

Vers. 12. — *Exinde quærebat Pilatus dimittere eum.* Quid est hoc quod dictum est, *exinde*, quasi antea non quærebat? Lege superiora, et invenies jam dudum eam querere dimittere Jesum. *Exinde* itaque intelligendum est, propter hoc, id est, ex hac causa, ne haberet peccatum occidendo innocentem sibi traditum, quamvis minus peccans quam Judæi qui illum ei tradiderant occidendum. *Exinde* ergo, id est, ideo, ne hoc peccatum facheret [Ms., fieret], non nunc primo, sed ab initio quærebat eum dimittere. *Judæi autem clamabant, dicentes*: *Si hunc dimisisti, non es amicus Cæsaris: omnis enim, qui se regem facit, contradicit Cæsari.* Majorem timorem se ingerere putaverunt Pilato, terrendo de Cæsare, ut occideret Christum, quam superius, ubi dixerant: *Nos legem habemus, et secundum legem debet mori, quia Filium Dei se fecit.* Eorum quippe legem ille non timuit ut occideret, sed magis Filium Dei timuit ne occideret. Nunc vero non sic potuit contempnere Cæsarem, auctorem potestatis suæ, quemadmodum legem gentis alienæ. (**Vers. 13, 14.**) *Adhuc Pilatus, cum audisset hos sermones, adduxit foras Jesum, et sedit pro tribunali in loco, qui dicitur luthostros, Hebraice autem gabatha* [Ms., Golgotha]. *Erat autem parascere Pascha hora quasi sexta.* Qua hora sit Dominus crucifixus, propter evangelistæ alterius testimonium, [qui dixit]: *Erat autem hora tertia, et crucifixerunt eum;* quoniam magna disceptatio solet oboriri, cum ad ipsum locum, ubi crucifixus narratur, ventum fuerit, ut potuerimus, si Dominus voluerit, dissenseremus. Cum ergo pro tribu-

^a Aug.: « Ecce respondit, et tamen ubique non respondit, non sicut reus, etc. »

A nali sedisset Pilatus, dicit *Judas*: *Ecce rex rester.* (**Vers. 15.**) *Illi autem clamabant: Tolle, tolle, crucifige eum.* Dicit eis Pilatus: *Regem vestrum crucifigam?* Adhuc terrorem quem de Cæsare ingesserat superare conatur, de ignominia eorum volens eos frangere descendit: *Regem vestrum crucifigam?* Quos de ignominia Christi mitigare non potuit: sed timore mox vincitur.

Vers. 16. — *Responderunt autem pontifices: Non habemus regem nisi Cæsarem.* Tunc ergo tradidit eis illum, ut crucifigeretur. Apertissime quippe contra Cæsarem venire videbatur, si regem se non habere nisi Cæsarem profisentibus, alium regem vellet intelligere [Aug., ingerere], dimittendo impunitum, quem propter hos ausus ei tradiderant occidendum. *Tradidit ergo illum eis, ut crucifigeretur.* Sed nunquid aliud et ante cupiebat, cum dicebat: *Accipite eum vos, et crucifigite;* vel etiam superius: *Accipite eum vos, et secundum legem restraint judecate eum?* Cur autem illi tantopere noluerunt, dicentes: *Nobis non licet interficere quemquam, et omni modo instantes, ut non ab eis, sed a preside occideretur,* et ideo eum occidendum accipere recusantes, si nunc eum accipiunt occidendum? Aut si hoc non sit, cur dictum est: *Tunc ergo tradidit eis illum, ut crucifigeretur?* An aliiquid interest? Plane interest, non est enim dictum: *Tunc ergo tradidit eis illum, ut crucifigerent eum;* sed *ut crucifigeretur*, id est, ut iudicio et potestate præsidis crucifigeretur. Sed ideo illis traditum dixit Evangelista, ut eos crimine implicatos, a quo alieni esse conabantur, ostenderet: non enim Pilatus hqc faceret, nisi ut id quod eos cupere cernebat, impleret. Quod ergo sequitur: *Suscepérunt autem Jesum, et eduxerunt, potest ad milites jam referri apparitores præsidis.* Nam postea evidenter dicitur: *Milites ergo cum crucifixissent eum:* quamvis evangelista, etiamsi totum Judæis tribuit, merito facit; ipsis enim suscepérunt quod avidissime flagitaverunt, et ipsis fecerunt quidquid ut fieret extorserunt. »

Vers. 17. — ^b *Judicante atque damnante Pilato pro tribunali Dominum Jesum Christum, hora quasi sexta suscepérunt eum et eduxerunt. Et bajulans sibi crucem, exivit in eum, qui dicitur Calvaria locum, Hebraice Golgotha, ubi eum crucifixerunt.* Quid est ergo, quod Marcus evangelista ait, *Erat autem hora tertia, et crucifixerunt eum* (*Marc. xv, 25*), nisi quia hora tertia crucifixus est Dominus linguis Judeorum, hora sexta manibus militum? Ut intelligamus horam quintam jam fuisse transactam, **630** et aliiquid de sexta coepit, quando sedit pro tribunali Pilatus; que dicta est a Joanne hora quasi sexta; et cum duceretur ut in ligno cum duabus latronibus consigeretur, et juxta crucem ejus gererentur, quæ gesta narrantur, hora sexta integra completeretur: ex qua hora usque ad nonam sole obscurato tenebras factas, trium evangelistarum, Matthæi, Marci et Lucæ contestatur auctoritas. Sed quoniam Judæi

^b Ex S. Aug., tract. cxvii, num. 1-5.

sacique interfacti Christi a se in Romanos, id est, Pilatum et ejus milites transferre conati sunt, propterea Marcus subpressa ea hora, qua Christus a maliis crucifixus est, quæ agi sexta jam cœperat, tertiam postea horam recordatus expressit, qua hora intelliguntur apud Pilatum clamare potuisse, *Crucifige, crucifige*: ut non illi tantum reperiantur crucifixisse Jesum, id est, milites qui eum ligno sexta hora suspenderunt, verum etiam Judæi, qui, ut crucifigeretur, hora tertia clamaverunt. *Bajulans ergo sibi crucem, exiit in eum qui dicitur Calvariae locum, Hebraice autem Golgotha, ubi eum crucifixerunt.* Et cum eo duos hinc et hinc, medium autem Jesum. Iste duo latrones erant, sicut aliorum evangelistarum narrationes didicimus, cum quibus crucifixus est Christus; et inter quos fixus est Christus, de quo præmissa dixerat prophetia: *Et inter iniquos deputatus est (Isa. liii, 12).*

Vers. 19, 20. — *Scriptit autem et titulum Pilatus, et posuit super crucem. Erat autem scriptum: Jesus Nazarenus rex Judæorum. Hunc ergo titulum multi legerunt Judæorum, quia prope civitatem erat locus, ubi erat crucifixus Jesus. Et erat scriptum Hebraice, Graece, et Latine.* Hæc quippe tres linguae ibi praeteritis eminebant: Hebraæ, propter Judæos in lege gloriantes; Graeca, propter gentium sapientes; Latina, propter Romanos, multis ac pene omnibus iam tunc gentibus imperantes. (VERS. 21, 22.) *Dicebant ergo Pilato pontifices Judæorum: Noli scribere, rex Judæorum; sed quia dixit ipse: Rex sum Judæorum.* Respondit Pilatus: *Quod scripsi, scripsi. O ineffabilem vim divinæ operationis, etiam in cordibus ignorantium!* Nonne occulta vox quedam Pilato intusa quodam, si dici potest, clamore silentio [Aug., clamoso silentio] personabat, quod tanto ante in Psalmorum litteris prophetatum est, *Ne corrumpas tituli inscriptionem (Tit. Psal. lvi).* Numquid enim propterea non erit verum, quia [Ms., quod] Jesus ait: *Rex sum Judæorum?* Si corrumpi non potest quod Pilatus scripsit, corrumpi potest quod Veritas dixit? Sed Judæorum tantum rex est Christus, an et gentium? imo et gentium. Cum enim dixisset in Prophetia: *Ego autem constitutus sum rex ab eo super Sion montem sanctum ejus, prædicans præceptum Domini (Psal. ii, 6)*: ne propter Sion montem, solum Judæis eum regem [quisquam] diceret constitutum, continuo subjicit: *Dominus dixit ad me: Filius meus es tu, ego hodie genui te: postula a me, et dabo tibi gentes, et caetera.* Cur ergo magnum volumen intelligi in hoc titulo sacramentum, in quo scriptum erat, *rex Judæorum*, si rex est Christus et Gentium? Quia scilicet pleasper factus est particeps pinguedinis olivæ [Aug., oleæ], non olea particeps facta amaritudinis oleastri? Nam in eo quod de Christo veraciter scriptus est titulus, *rex Judæorum*, qui sunt intelligendi Judæi, gisj semen Abrahæ, filii re-promissionis, qui sunt etiam filii Dei? Quoniam non

A qui filii carnis, ait Apostolus, *hi filii Dei: sed qui filii promissionis, deputantur in semine (Rom. ix, 7, 8).* Et gentes erant, quibus dicebat: *Si autem vos Christi, ergo Abraham semen estis, secundum promissionem heredes (Galat. iii, 29).* Rex ergo Judæorum Christus, sed Judæorum circumcisio cordis; spiritu, non littera: quorum laus non ex hominibus, sed ex Deo est; pertinentium ad Jerusalem liberam matrem nostram (Gal. iv, 26), æternam in cœlis, Sarum spirituali, ancillam et filios ejus de domo libertatis ejicientem. Ideo enim Pilatus quod scripsit, scripsit, quia Dominus Jesus, quod dixit, dixit.

Vers. 23. — *Milites ergo, cum crucifixissent eum, acceperunt vestimenta ejus, et fecerunt quatuor partes, unicuique militi partem, et tunicam.* ¶ Unde B apparet quatuor fuisse milites, qui in eo crucifigendo præsidi paruerunt. Manifeste quippe ait: *Milites ergo cum crucifixissent eum, acceperunt vestimenta ejus, et fecerunt quatuor partes, unicuique militi partem, et tunicam;* subaudiendum est, acceperunt: ut iste sit sensus: acceperunt vestimenta ejus, et fecerunt quatuor partes, unicuique militi partem; acceperunt et tunicam. Et sic locutus est ut de cæteris **631** vestimentis nullam sortem missam esse videamus: sed de tunica quam simul cum cæteris acceperunt, sed non simul [Ms., similiter] diviserunt. De hac enim sequitur expomens: *Erat autem tunica inconsutilis, desuper contexta per totum.* Cur autem de illa sortem miserint narrans: (VERS. 24) *Dixerunt ergo ad invicem, inquit, Non scindamus eam, sed sortiamur de illa, cujus sit.* Apparet itaque in aliis vestibus æquales eos habuisse partes, ut sortiri necesse non fuerit: in illa vero una non eos habere potuisse singulas partes. ¶ Quærat forte aliquis quid significet in tot partes vestimentorum facta divisio, et de tunica illa sortitio? Quadripartita vestis Domini nostri Jesu Christi quadripartitam ejus figuravit Ecclesiæ, toto scilicet qui quatuor partibus constat terrarum orbis diffusam, et omnibus eisdem partibus æquabiliter, id est, concorditer distributam. Propter quod alibi dicitur, missurum se Angelos suos, ut colligant electos suos a quatuor ventis (Marc. xiii, 27): quod quid est, nisi a quatuor partibus mundi, oriente, occidente, aquilone, et meridie? Tunica vero illa sortita omnium partium significat unitatem, quæ charitatis vinculo continetur. De charitate autem locuturus Apostolus: *Supereminente rem, inquit, viam vobis demonstro (1 Cor. xii, 31).* Et alio loco ait: *Cognoscere etiam supereminente scientie charitatem Christi (Ephes. iii, 19).* Itemque alibi: *Super omnia autem haec charitatem, quæ est vinculum perfectionis (Coloss. iii, 14).* Si ergo charitas et supereminente habet viam, et supereminet scientię, et super omnia præcepta est, merito vestis, qua significatur, desuper contexta prohibetur. Inconsutilis autem, ne aliquando dissuatur; et ad unum pervenit, quia in unum omnes colligit; sicut in apostolis

* Ex S. Aug., tract. cxviii, num. 2.

cum esset etiam ipse numerus duodenarius, id est, A quadripartitus in ternos, et omnes essent interrogati, solus Petrus respondit : *Tu es Christus Filius Dei vivi*, et ei dicitur : *Tibi dabo claves regni caelorum* (*Matth. xvi, 16, 19*); tanquam ligandi et solvendi solus acciperet (*Ms.*, acceperit) potestatem : cum et illud unus pro omnibus dixerit, et hoc cum omnibus tanquam personam gerens ipsius unitatis acceperit; ideo unus pro omnibus, quia unitas est in omnibus. Unde et hic cum dixisset, *desper* contexta, addidit, *per totum*. Quod si referamus ad id quod significat, nemo est ejus expers, qui pertinere inveniat ad totum : a quo toto, sicut Graeca indicat lingua, Catholica vocatur Ecclesia. In sorte autem quid, nisi Dei gratia commendata est? Sic quippe in uno ad omnes pervenit, cum sors omnibus placuit, quia et Dei gratia in unitate ad omnes pervenit; et cum sors militetur, non personæ cujusque vel meritis, sed occulto Dei iudicio ceditur. Nec ideo ista non aliquid boni significasse quis dixerit, quia per malos facta sunt; non scilicet per eos qui Christum secuti, sed qui sunt persecuti. Quid enim de ipsa cruce dicturi sumus, quæ certe similiter ab inimicis atque impensis Christo facta et impacta est? Et tamen ea significari recte intelligitur, quod ait Apostolus : *Quæ est latitudo, et longitudine, et altitudo, et profundum* (*Ephes. iii, 18*). Lata est quippe in transverso ligno, quo extenduntur pendentis manus, et significat opera bona in latitudine charitatis; longa est a transverso ligno usque ad terram, ubi dorsum et pedes figurantur, et significat perseverantiam in longitudine temporis, usque ad finem; alta est in cacumine, quod a transverso ligno sursum rursus extenditur [*Aug.* quo transversum lignum sursum versus excedit], et significat supernum finem quo cuncta opera referuntur, quoniam cuncta quæ latitudine ac longitudine bene ac perseveranter sunt, propter altitudinem divinorum facienda sunt præmiorum; profunda est in ea parte, qua in terra figuratur : ibi quippe occulta est, nec videri potest, sed cuncta ejus apparentia et eminentia inde consurgunt; sicut bona nostra de profunditate gratiae Dei, quæ comprehendi ac dijudicari non potest, universa procedunt. Sed et si crux Christi hoc solum significet, quod ait Apostolus : *Qui autem sunt Iesu Christi, carnem suam crucifixerunt cum passionibus et concupiscentiis* (*Gal. v, 24*), quam magnum bonum est? Nec tamen hoc facit, nisi concupiscentia adversus carnem spiritus bonus, cum illam crucem Christi fecerit inimicus, id est, spiritus malus. Postremo quid est quod omnes neverunt signum crucis Christi [*Aug.*, signum Christi], nisi crux Christi? Quod signum, nisi adhibetur sive frontibus credentium, sive ipsi aquæ ex qua regenerantur, sive oleo quo charismate [*Al.*, crismate] **632** unguntur, sive sacrificio quo alun-

A tar, nihil eorem rite perficitur. Quomodo ergo per id quod mali faciunt, nihil boni significatur, quando per crucem Christi quam fecerunt mali, in celebratione sacramentorum ejus bonum nobis omne signatur? »

« Crucifixo Domino, postquam divisio vestimentorum ejus etiam missa sorte completa est, quæ deinde narret Joannes evangelista, videamus. (VERS. 25-27) *Et milites quidem hæc fecerunt. Stabant autem juxta crucem Jesu mater ejus, et soror matris ejus Maria Cleopha et Maria Magdalene. Cum vidisset ergo Jesus matrem et discipulum stantem, quem diligebat, dicit matri sua : Mulier, ecce filius tuus. Deinde dicit discipulo : Ecce mater tua. Et ex illa hora accepit eam discipulus in B sua. Hæc nimur est illa hora, de qua Jesus aquam conversurus in vinum dixerat matri : Quid mihi et tibi est mulier? Nondum venit hora mea (Joan. ii, 4).* Hanc itaque horam prædixerat, quæ tunc nondum venerat, in qua deberet agnoscere a matre moriturus, de qua fuerat mortaliter natus. Tunc ergo divina facturus, non divinitatis, sed infirmitatis matrem, velut incognitam resellebat [*Aug.*, repellebat] : nunc autem humana jam patiens, ex qua fuerat factus homo, affectu commendabat humano. Tunc enim qui Mariam creaverat, innotescerat virtute; nunc vero quem Maria pepererat, pendebat in cruce. « Mortalis igitur insinuatur locutus [*Ms.* et *Aug.*, Moralis insinuatur locus]. Facit quod faciendum admonet, et exemplo suo suos instruxit præceptor bonus, ut a filiis piis impendatur cura parentibus : tanquam lignum illud ubi erant fixa membra morientis, etiam cathedra fuerit magistri docentis ^b. Ex illa hora accepit eam discipulus in sua, de semetipso dicens. Sic quippe commemorare se solet, quod eum diligebat Jesus : qui utique omnes, sed ipsum præ ceteris et familiarius diligebat, ita ut in convivio super pectus suum discubere ficeret : credo, ut istius Evangelii, quod per eum fuerat prædictator, divinam excellentiam hoc modo altius commendaret.

VERS. 28-30. — Postea sciens Jesus quæ omnia consummata sunt, ut consummaretur Scriptura, dicit : *Sitio. Vas ergo positum erat aceto plenum. Illi autem spongiam plenam aceto hyssopo circumponentes obtulerunt ori ejus. Cum ergo accepisset Jesus acetum, dixit : Consummatum est. Et inclinato capite tradidit spiritum.* Quis potest quæ facit ita disponere, quomodo dispositus homo iste qui passus est [*Aug.*, quæ passus est]? Sed homo mediator Dei et hominum; homo, de quo prædictum legitur, et homo est, et quis agnoscit eum? Quoniam omnes per quos haec fiebant, videbant hominem, sed non cognoscebant Deum ^c. Homo namque apparebat, qui Dens latebat, patiebatur haec omnia qui apparebat, et idem ipse disponebat haec omnia qui latebat. Videl ergo quoniam consummata sunt omnia quæ oportebat ut

Et ex illa hora, etc.

^c Aug. : « Quoniam homines, per quos haec fiebant, non agnoscabant hominem Deum. »

^a Ex S. Aug., tract. cxix, num. 4-6.

^b Supple ex Aug. loc. cit. : « Nam cur hoc fecerit, quod sequitur indicat; ait enim Evangelista :

fierent, antequam acciperet acetum et traderet spiritum, atque ut hoc etiam consummaretur, quod ait Scriptura: *Et in siti mea potaverunt me aceto* (Psal. LXVIII, 22). Sitio, inquit; tanquam diceret: hoc minus fecistis, date quod estis. Iudei quippe ipsi erant acetum, degenerantes a vino patriarcharum et prophetarum; et tanquam de pleno vase, de iniustitate mundi hujus impleti, cor habentes velut spongiam cavernosis quodammodo atque tortuosis latibus fraudulentum. Hyssopum autem cui circumposuerunt spongiam aceto plenam, quoniam herba humiliis est et pectus purgat, ipsius Christi humilitatem congruerent accipimus: quam circumdederunt, et se circumvenisse putaverunt. Unde illud in Psalmo: *Asperges me hyssopo, et mundabor* (Psal. L, 9). Christi namque humilitate mundamus: quia nisi humiliasset semetipsum, factus obediens Patri usque ad mortem crucis, utique sanguis ejus in peccatorum remissionem, hoc est, in nostram mundationem non fuisset effusus. Nec moveat quomodo spongiam orecjis potuerint admovere, qui in cruce fuerat exaltatus a terra. Sicut enim apud alios evangelistas legitur, quod hic pretermisit, in arundine est factum, **633** ut spongia talis potus ad crucis sublimia levaretur. Per arundinem vero Scriptura significabatur, quae implebatur hoc facto. Sicut enim lingua dicitur vel Graeca, vel Latina, vel alia quælibet sonum significans qui lingua promitur, sic arundo dici potest littera, quæ arundine scribitur; sed significantius sonos [Aug., sonos significantes] vocis humanæ usitatissime dicimus linguam: Scripturam vero arundinem dici quo minus est usitatum, eo magis est mystice figuratum. Cum ergo accepisset Jesus acetum, dixit: *Consummatum est*. Quid nisi quod propheta tanto ante [Al., paulo ante] tempore prædixerat? Deinde quia nihil remanserat, quod antequam moreretur fieri adhuc oportebat, tanquam ille qui potestatem habebat ponendi animam suam et iterum sumendi eam, peractis omnibus quæ ut peragerentur exspectabat, inclinato capite tradidit spiritum. Quis ita dormit quando voluerit, sicut Jesus mortuus est quando voluit? Quis ita vestem deponit quando voluerit, sicut se carne exuit quando voluit? Quis ita cum voluerit abit, quomodo cum voluit oblitus? Quanta speranda vel timenda potestas est judicantis, si apparuit tanta mortalitas?

^c Posteaquam Dominus Jesus, peractis omnibus quæ ante suam mortem peragi oportere præsciebat, quando voluit tradidit spiritum, quæ deinde secuta sunt evangelista narrante videamus. (VERS. 31.) *Iudei ergo, inquit, quoniam parascere erat, ut non remanerent in cruce corpora sabbato* (erat enim magnus dies iudei sabbati), *rogaverunt Pilatum ut frangerentur eorum crura, et tollerentur. Non crura tollerentur, sed hi quibus ideo frangebantur ut morentur, et auferrentur ex ligno: ne pendentes in*

A crucibus, magnum diem festum sui diurni crucifixus horrore sedarent.

VERS. 32-34. — *Venerunt ergo milites, et primi quidem fregerunt crura, et alterius qui crucifixus erat cum eo. Ad Jesum autem cum renissent, ut viderent eum jam mortuum, non fregerunt ejus crura. Sed unus militum lancea latus ejus aperuit, et continuo exivit sanguis et aqua. Eleganti vigilantique verbo evangelista usus est, ut non diceret: Latus ejus percussit, aut vulneravit, aut quid aliud; sed aperuit: ut illic quodammodo vite ostium pandereretur, unde sacramenta Ecclesiae manaverunt, sine quibus ad vitam quæ vera vita est, non intratur. Ille sanguis in remissionem fusus est peccatorum; aqua illa salutare temperavit poculum: hæc et lavacrum præstat et potum. Hoc prænuntiabat quo d. Noe in latere arcæ ostium facere jussus est, qua intrarent animalia quæ non erant diluvio peritura, quibus præfigurabatur Ecclesia (Gen. vi, 16). Propter hoc prima mulier facta est de viri latere dormientis, et appellata est vita materque vivorum (Gen. II, 22, seq.). Magnum quippe significavit bonum, ante magnum prævaricationis malum, in habitu jacentis ac dormientis. Et hic secundus Adam inclinato capite in cruce dormivit, ut inde formaretur ei conjux quæ de latere dormientis effluxit. O mors, unde mortui reviviscunt!* (VERS. 36, 37.) *Facta enim sunt hæc, inquit, ut Scriptura impleretur: Os non comminuetis ex eo. Et iterum alia Scriptura dicit: Videbunt, in quem transfixerunt. Duo testimonia de Scripturis reddidit singulis rebus, quas factas narravit. Nam quia dixerat: *Ad Jesum autem cum renissent, non fregerunt ejus crura*, ad hoc pertinet testimonium: *Os non comminuetis ex eo*: quod præceptum est eis qui celebrare Pascha jussi sunt ovis immolatione in veteri lege, quæ Dominicæ passionis umbra præcesserat. Unde *Pascha nostrum immolatus est Christus* (I Cor. v, 7): de qua [Aug., de quo] et Isaia propheta prædixerat: *Sicut ovis ad immolandum duxerat* (Isai. LIII, 7). Item [quia] subjunxit dicens: *Sed unus militum lancea latus ejus aperuit*, ad hoc pertinet alterum testimonium: *Videbunt, in quem compunxerunt*: ubi promissus est Christus in ea qua crucifixus est carne venturus.*

VERS. 38, 39. — *Post hæc autem rogavit Pilatum Joseph ab Arimathia, eo quod esset discipulus Jesu, occultus autem propter metum Iudaeorum, ut tolleret corpus Jesu: et permisit Pilatus. Venit ergo et tulit corpus Jesu: Venit autem et Nicodemus, qui venerat ad Jesum nocte primum, ferens mixturam myrræ et aloës, quasi libras centum. Non ita distinguendum est, ut dicamus, primum ferens mixturam myrræ; sed hoc, quod dictum est primum, ad superiorem sensum pertinet, venerat enim Nicodemus ad Jesum nocte primum: quod idem Joannes narravit in prioribus Evangelii sui **634** partibus (Joan. III, 2). Hic ergo intelligendum est, ad Jesum non tunc solum, sed*

^a Ex S. Aug., tract. cxx, num. 1-7.

tunc primum venisse Nicodemum; ventitasse [Ms., A] venit] autem postea, ut fieret audiendo discipulus: quod modo certe in revelatione corporis beatissimi Stephani sere omnibus gentibus declaratur. (VERS. 41) *Eras autem in loco ubi crucifixus est, hortus, et in horto monumentum norum, in quo nondum quisquam positus fuerat.* Sicut in Mariae virginis utero nemo ante illum, nemo post illum conceptus est, ita in hoc monumento nemo ante illum, nemo post illum sepultus est. (VERS. 42) *Ibi ergo propter paraccevem Iudeorum, quia juxta erat monumentum, posuerunt Iesum.* Acceleratam vult intelligi sepulturam, ne advesperasceret: quando jam propter paraccevem, quam coenam puram Ju-kei Latine, usitatus preparationem apud nos vocant, sacre tale aliud non licet.

CAPUT XLJ.

Resurrectionis similiter manifestatio declaratur, qua Maria Magdalene Petro et Joanni nuntiat sublatum corpus de monumento. Quibus occurrentibus ac reversis, ipsa post angelicam visionem visum a se Dominum cestimans hortulanum, proprio mox ab eo revocatur ex nomine. Quem cognitum jubetur pretinus discipulis nuntiare.

CAPUT XX, VERS. 1. — *Una autem sabbati, Maria Magdalene venit mane, cum adhuc tenebrae essent, ad monumentum; et vidit lapidem sublatum a monumento.* « *Una sabbati, quam juni diem Dominicam propter Domini resurrectionem mos Christianus appellat: quem Matthaeus solus in evangelistis primam sabbati nominavit.* » (VERS. 2.) *Cucurrit ergo, et venit ad Simonem Petrum, et ad alium discipulum quem canabat Jesus, e: dicit e:s : Tulerunt Dominum de monumento, et nescio ubi posuerunt eum.* Amore nimio turbata, cum quem quæsivit non inventat, cucurrit discipulis nuntiare, ut aut secum quærent, aut secum dolerent ablatum Dominum: quem Dominum nominare non metuit, dum corpus illius tantummodo quæreret in sepulcro. (VERS. 3, 4.) *Exiit ergo Petrus et ille alias discipulus, et venerunt ad monumentum. Currebant autem duo simul, et ille alias discipulus praecucurrit citius Petro, et venit prior ad monumentum.* « *Advertenda hic et commandanda est recapitulatio, quomodo redditum est ad id quod fuerat prætermissum: et tanquam, si hoc [Aug., et tamen quasi hoc] sequeretur, adjunctum est. Cum enim iam dixisset: Venerunt ad monumentum, regressus est ut narraret quomodo venerunt, atque ait: Currebant autem duo simul, etc.* Ubi ostendit, quod præcurrrens ad monumentum prior vencit ille alias discipulus, quem seipsum significat; sed tanquam de alio more sanctæ Scripturæ cuncta narrat. »

VERS. 5.—*Et cum se inclinasset, inquit, vidit posita linteamina, non tamen introiit.* « *b Quod vero Maria Magdalene venit ad monumentum, cum adhuc tenebrae essent, juxta historiam notatur hora; juxta intellectum vero mysticum, requirentis signatur intelligentia. Maria enim auctorem omnium quem carne viderat mor-*

« *Hucusque ex S. Augustino.*

*tum quæretat in monumento; et quia nunc [Al., hunc] minime iavenit, suratam credit. Adhuc ergo erant tenebrae, cum venit ad monumentum. Cucurrit citius, discipulis nuntiavit: sed illi præ cæteris cucurruerunt, qui præ cæteris amaverunt, vide-licet Petrus et Joannes. Currebant autem duo simul, sed Joannes praecucurrit citius Petro, et venit prior ad monumentum, et [Greg., sed] ingredi non præsumpsit, venit vero posterior [Petrus], et intravit. » *Iste vero cursus duorum discipulorum magnum habet mysterium. Quid enim per Joannem, qui prior venit ad monumentum, et non intravit, nisi Synagoga significatur? Quid per Petrum, nisi Ecclesia ex gentibus congregata demonstratur, quæ posterius vocata, et prior intravit? Cucurruerunt enim pariter Gentilites et Synagoga per hujus seculi successiones, sed non pari intelligentia veniebant.* 635*

« *Venit Synagoga prior ad monumentum, sed minime intravit: quia legis quidem mandata percepit, prophetias de incarnatione ac passione Dominica audivit, sed credere in mortuum noluit. Vidi enim Joannes posita linteamina, non tamen introiit, quia videlicet Synagoga et Scripturae sacrae sacramenta cognovit, et tamen ad filium passionis Dominicam credendo intrare distulit; quem diu longe latèque prophetavit, præsentem vidit et renuit; hominem esse despexit, Deum carnem mortalem factum credere noluit. Quid ergo est, nisi quia et cilius cucurrit, et tamen ante monumentum vacua stetit?* (VERS. 6.) *Venit autem Simon Petrus subsequens eum, et intravit in monumentum. Quia secuta posterior Ecclesia Gentium, mediatorum Dei et hominum, hominum Christum Jesum, et cognovit carnem mortuum, et viventem credit Deum.* (VERS. 7.) *Vidit linteamina posita, et sudarium quod fuerat super caput ejus, non cum linteaminibus positum, sed separatum involutum in uno (Al., in unum locum) loco. Quid est quod sudarium capitum Domini cum linteaminibus non inventatur in monumento, nisi quia attestante Paulo: *Cepas Christi Deus est (I Cor. xi, 3).* et divinitatis incomprehensibilia sacramenta ab imprimitatis nostræ cognitione disjuncta sunt, ejusque potentia creaturæ transcendit naturam? Et potandum quod non solum separatum, sed etiam involutum inveniri dicitur [Greg. addit: in unum locum].*

*D Linteum quippe quod involvitur, ejus nec initium, nec finis aspicitur. Recte ergo sudarium capitum involutum inventum est, quia colossudo divinitatis nec coepit esse, nec desipit. Bene autem additur, in uno loco, quia in scissura mentium Deus non est. Deus quippe in unitate est, et illi ejus habere gratiam merentur, qui se ab invicem per sectarum scandala non dividunt. » *Potest quippe [Ms., quoque] per sudarium passio Christi Domini nostri designari, cuius passionis sacramenta insidelibus sunt involuta: « quia quem videbant carnem mortalem, Deum esse immortalem non creabant. Sudarium ergo quod super caput ejus fuerat seorsum inveni-**

« *b Ex S. Greg., hom. 22, num. 2-5.*

tur, quia ipsa passio Redemptoris nostri longe a nostra passione disquinta est; quoniam ipse sine culpa pertulit, quid nos cum culpa toleramus. Ipse sponte morti succumbere voluit, ad quam nos venimus inviti. Seqnatur: (VERS. 8) *Tunc ergo introiit et ille discipulus, qui venerat prior ad monumentum. Postquam introiit Petrus, ingressus est et Joannes. Posterior intravit, qui prior veherat. Notum est quod in fine mundi, ad Redemptoris fidem etiam Iudea colligetur, Paulus atteste, qui ait: Donec plenaria gentium intraret, et sic omnes Israel salvus ficeret (Rom. xi, 25, 26).*

Et vidit et creditit. Quid ergo vidit, et quid creditit? Vedit linteamina posita, et creditit quod mulier dixerat, de monumento Dominum fuisse sublatum. » Adhuc enim tenebræ erant in monumento, id est, in mentibus illorum: ideo sequitur et dixit: (VERS. 9, 10) *Nondum enim sciebant Scripturam quia operiuit eum a mortuis resurgere. Abierunt ergo iterum discipuli ad semetipsos; id est, ubi habitabant, et unde ad monumentum cucurrerant. (VERS. 11.) Maria autem stabat ad monumentum foris plorans. Hæc Maria* « postquam venit ad monumentum, ibique corpus Dominicum non invenit, sublatum creditit, atque discipulis nuntiavit: qui venientes viderunt, atque ita esse, ut mulier dixerat, crediderunt, et de his protinus scriptum est: *Abierunt ergo discipuli ad semetipsos.* Ac deinde subjungitur: *Maria autem stabat ad monumentum foris plorans.* Quia in re pensandum est hujus mulieris mente quanta vis amoris accenderat, quæ a monumento Domini, etiam discipulis recedentibus non recedebat. Exquirebat quem non invenerat, flebat inquirendo, et amoris sui igne succensa ejus, quem ablatum credidit, ardebat desiderio: et oculi qui Dominum quæsierant et non invenerant, lacrymis jam exundabant; amplius dolentes quod fuerat ablatus de monumento, quam quod fuerat occisus in ligno: quoniam magistri tanti, cuius ei vita subtracta fuerat, nec memoria remanebat. « Unde contigit ut eum sola tunc videget, quæ remansit ut quæreret: quia nimis virtus boni operis perseverantia est: ut voce Veritatis dicitur: *Qui autem perseveraverit usque in finem, his salvus erit (Matth. x, 22).* Ista itaque quæ sic amat, quæ se ad monumentum quod perspexerat, iterum inclinat, videamus quo fructu vis amoris in ea ingeminat opus inquisitionis. Sequitur:

696 VERS. 12. — *Vidit duos angelos in albis sedentes, unum ad caput, et unum ad pedes, ubi positum fuerat corpus Iesu. Quid est quod in loco Dominici corporis duo angeli videntur, unus ad caput, atque alius ad pedes sedens, nisi quod Latina lingua angelus nuntius dicatur, et ille ex passione sua nuntianus erat, qui et Deus est ante saecula, et homo in fine saeculorum? Quasi ad caput sedet angelus, cum per Apostolum dicatur^a, quia in principio erat Verbum, et Verbum erat apud Deum, et Deus erat Ver-*

^a Hucusque ex S. Gregorio.

^b Ex S. Gregorio, hom. 25, num. 1-7.

A. *bam (Joan. i, 1). Et quasi ad pedes sedet angelus, cum dicitur: Et Verbum caro factum est, et habitavit in nobis. Possumus autem [Ms., etiam] per duos angelos duo testamenta cognoscere, unum prius, et aliud sequens. Qui videlicet angeli per locum Domini corporis sibi metipsis sunt conjuncti, quia nimirum utraque testamento, dum pari sensu incarnatum et mortuum, ac resurrexisse Dominum nuntiant, quasi testamentum prius ad caput, et testamentum posterius ad pedes sedet. Requirunt Mariam angeli dicentes: (Vers. 15) Malier, quid ploras? Dicit ei: Quia tulerunt Dominum meum a monumento, et nescio ubi posuerunt eum. Ipsa namque sacra eloquia, quæ in nobis lacrymas amoris excitant, propter beatitudinem Salvatoris nostri et memoriam mortis illius quam passus est pro nostro atiore, easdem lacrymas consolantur, donum nobis Redemptoris nostri speciem promittant.* » B. *Angeli interrogaverunt, Quid ploras?* Quasi dixissent: Non est opus mortuum plorare, quem vivente credere debes. At illa ait: *Tulerunt Dominum meum, et nescio ubi posuerunt eum.* Dominum suum vocans Domini sui corpus examine, a parte totum significans; sicut orantes confitemur Jesum Christum Filium Dei unicum Dominum nostrum, quod utique simus est et Verbum, et anima, et caro: crucifixum tamen et sepultum, cum sola ejus sepulta sit caro. *Et nescio, inquit, ubi posuerunt eum.* Hæc erat causa major doloris, quod nesciebat quo iret ad consolandum dolorem; sed prope erat hora qua tristitia ejus verteretur in gaudium. Unde sequitur: (VERS. 14) *Hæc cum dixisset, reversa [Al., conversa] est retrorsum, et vidi Iesum stantem, et nesciebat quia Jesus esset.* C. *Notandum quod Maria quæ adhuc de Domini resurrectione dubitabat, retrorsum conversa est ut videret Iesum: quia videlicet per eamdem dabitationem suam, quasi torga [Greg., tergum] in Domini faciem miserat, quem resurrexisse minime credebatur. Sed quia amat et dubitabat, videbat, et non cognoscebat, eamque illi et amor ostenderat et dubietas abscondebat. Cujus adhuc ignorantia exprimitur, cum inseratur: (Vers. 15) Et nesciebat quia Jesus esset. Qui dicit ei: Muller, quid ploras? Quem queris? Interrogatur doloris causa, ut augeatur desiderium, quatenus cum nominaret quem quereret, in amore ejus ardenter sisuaret.* D. *Illa existimans quia hortulanus esset, dicit ei: Domine, si tu sustulisti eum, dicio mihi ubi posueristi eum, et ego eum tollam.* Forsitan nec errando hæc mulier erravit, quæ Jesum hortulanum creditit. Ah non ei spiritaliter hortulanus erat, qui in ejus pectore per amoris sui semina virtutum virientia plantabat sata? « Sed quid est, quod viso eo, quem hortulanum credidit, cui neodium dixerat quem quererebat, ait ei: Domine, si tu sustulisti eum, dicio mihi, etc. » Nemo calumniatur mulierem, quod hortulanum dixerit Dominum, et Jesum magistrum. Ibi enim rogabat, hic nosebat [Al., agnoscet]; ibi honorabat hominem a quo be-

^c Greg.: « Cum per apostolum Joannem prædicatur. »

neficium postulabat, hic recolebat doctorem a quo A discernere humana et divina discebat. Appellabat Dominum cuius ancilla non erat, ut perveniret ad Dominum cuius erat. Alter ergo Dominum dixit : *Sustulerunt Dominum meum* : aliter autem : *Domine, si tu sustulisti illum*, ibi ex veritate, hic ex honore. Quærebat itaque, et non dicebat, quæ eum dixit : *Domine, si tu sustulisti eum.* « Hoc habet vis amoris, hoc agere solet in animo, ut quem ipse semper cogitat, nullum alium credat ignorare. Recte et hæc mulier, quem querit non dicit, et tamen dicit, si tu sustulisti eum, quia alteri non putat incognitum, quem se ipsa continuo plangit desiderio.

VERS. 16. — *Dicit ei Jesus : Maria.* Postquam eam communii vocabulo appellavit ex sexu, et agnitus non est, vocat ex nomine. Ac si aperte ei dicat : Reconoscere eum a quo recognosceris. Perfecto quoque viro dicitur : *Novite ex nomine* (*Exod. xxxiii, 12*) ; 637 quia homo, commune omnium nostrum vocabulum est, Moyses vero proprium, cui recte dicitur quia ex nomine scitur : ac si aperte Dominus dicat, non te generaliter ut ceteros, sed specialiter scio. Maria ergo, quæ vocatur ex nomine, recognoscit auctorem, atque eum protinus *Rabboni*, id est magistrum vocat, quia et ipse erat qui quærebatur exterius, et ipse eam interius ut quæreret, docebat. Jam vero ab evangelista non subditur quid mulier fecerit, sed ex eo innuitur quod audivit, cui dicitur : *Noli me tangere, nondum enim ascendi ad Patrem meum.* In his namque verbis ostenditur, quod Maria amplecti volevit ejus vestigia, quem recognovit. Sed ei magister dicit : *Noli me tangere;* non quia post resurrectionem Dominus tactum renuit seminarum, cum de duabus ad sepulcrum ejus [venientibus] scriptum sit : *Accesserunt et tenuerunt pedes ejus* (*Matth. xxviii, 9*). Sed cur tangi non debeat, ratio quoque additur, cum subinfertur : *Nondum enim ascendi ad Patrem meum.* In corde etenim nostro tunc Jesus ascendit ad Patrem, cum æqualis creditur Patri. Nam quisquis eum æqualem Patri non credit, adhuc in ejus pectore ad Patrem Dominus non ascendet. Ille ergo Jesum veraciter tangit, qui Patri Filium coeternum credit.

Vade autem ad fratres meos, et dic eis : Ascendo ad Patrem meum et ad Patrem vestrum, ad Deum meum et Deum vestrum. Cum meum dicat et vestrum, cur non communiter dicit nostrum ? Sed distincte loquens indicat quia eumdem Patrem et Deum similiter habet ipse, quem nos [*Ms. melius*] dissimiliter habet ipse, quam nos]. *Ascendo ad Patrem meum*, videlicet per naturam; et *Patrem vestrum* per gratiam; *ad Deum meum*, quia descendit, *ad Deum vestrum*, quia ascendit [*Ms. ascendit*]. Quia enim et ego homo, Deus mihi est; quia vos ab errore liberati estis [*Ms. liberati*], Deus est vobis. Distinet ergo mihi Pater et Deus est; quia quem ante sæcula Deum genuit, hominem in fine sæculorum me [*Ms. mecum*] creavit. (Vers. 18.) *Venit Maria Magdalene*

* Ex S. Greg., hom. 26. num. 1-3.

A annuntians discipulis : *Quia vidi Dominum. Et hæc dixit mihi.* Ecce humani generis culpa ibi absconditur, unde processit. Quia enim in paradyso mulier viro propinavit mortem, a sepulcro mulier viris annunciavit vitam, et dicta sui vivificatoris narrat, quæ mortiferi serpentis verba narraverat. Ac si humano generi non verbis Dominus, sed rebus dicat : De qua manu vobis illatus est potus mortis, de ipsa suscipite poculum vite. Hæc de expositione lectionis evangelicæ succincte transcurrimus : nunc opitulante eodem de quo loquimur Domino, et resurrectionis [ejus] gloriam, et pietatis viscera consideremus. Citius enim a morte voluit resurgere, ne nostra diu anima in infidelitatis morte remaneret. »

CAPUT XLII.

Cum fores essent clausæ, veniens ad discipulos pacem insert, manibus latereque monstrato. Quibus etiam per insufflationem significat Spiritum sanctum. Item post dies octo Thomas inspectu vel tactu lateris ac manuum in fidem confirmatur audiens : Beati qui non viderunt, et crediderunt.

VERS. 19. — *Cum sero factum esset una sabbatorum, et fores essent clausæ, ubi erant discipuli congregati propter metum Iudeorum, venit Jesus, et stetit in medio eorum.* « Quid mirum si clausis januis post resurrectionem suam in æternum jam victorus intravit, qui morturus veniens non aperto utero virginis existit ? Sed quia ad illud corpus, quod videri poterat, fides intuentium dubitabat, ostendit eis protinus manus ac latus : palpandam carnem præbuit, quam clausis januis introduxit. » Clavus enim manus fixerat, lancea latus aperuerat; ubi [*Ms.*, ibi] ad dubitandum corda sananda vulnerum sunt servata vestigia. « Quia in re duo mira et juxta humanam rationem sibi valde contraria ostendit, dum post resurrectionem corpus suum et incorruptibile, et tamen palpabile demonstravit. Nam et corrupti necesse est quod palpatur, et palpari non potest quod non corruptitur. Sed miro modo atque inestimabili Redemptor noster et incorruptibile 638 post resurrectionem, et palpabile corpus exhibuit, ut monstrando incorruptibile invitaret ad præmium, præbendo palpabile formaret [*Greg.*, firmaret] ad fidem. Et incorruptibile se ergo et palpabile demonstravit, ut profecto esse post resurrectionem ostenderet corpus suum et ejusdem naturæ et alterius glorie. »

D *Dicit eis : Pax vobis.* Pacem offerebat, qui propter pacem venit; et quibus ante dixit : *Pacem meam relinquo vobis, pacem meam do vobis*, modo dicit : *Pax vobis.* Quam pacem nascente Christo angelii predicatori verunt in mundo. *Ei iterum secundo ait : Pax vobis,* ut monstraret pacificata esse quæ in coelis sunt et quæ in terris sunt, per sanguinem suum. (Vers. 21.) *Dicit eis : Pax vobis.* Iteratio, confirmatio est. *Sicut misit me Pater, et ego mitti vos.* « Pater Filium misit, qui hunc pro redemptione generis humani incarnari constituit; quem videlicet in mundo [*Greg.*, in mundum] venire ad passionem voluit; sed tamen amat

Filiū quem ad passionem misit. Electos vero apostolos Dominus non ad mundi gaudia, sed sicut ipse missus est, ad passiones in mundum mittit. Quia ergo et Filius amatur a Patre, et tamen ad passionem mittitur, ita et discipuli amantur a Domino, qui tamen ad passionem mittuntur in mundum. Itaque dicitur: *Sicut misit me Pater, et ego mitto vos*: id est, ea charitate vos diligo cum inter scandala persecutorum mitto, qua me charitate Pater diligit [Ms., dilexit], quem venire ad tolerandas passiones fecit. (VERS. 22.) *Hoc cum dixisset, insufflavit et dicit eis: Accipite Spiritum sanctum.* Quærendum nobis est, quid est quod Spiritum sanctum Dominus noster et semel dedit in terra consistens, et semel cœlo præsidens? Neque enim alio in loco datus Spiritus sanctus aperte monstratur, nisi nunc cum per insufflationem percipitur, et postmodum cum de cœlo veniens in linguis variis demonstratur. Cur ergo prius in terra discipulis datur, postmodum de cœlo mittitur, nisi quod duo sunt præcepta charitatis, dilectio vñdelicet Dei et proximi? In terra datur Spiritus ut diligatur proximus: e cœlo datur Spiritus ut diligatur Deus. Sicut ergo una est charitas et duo præcepta, ita unus Spiritus et duo data. Prius a consistente Domino in terra, postmodum e cœlo; quia in proximi amore dicitur qualiter perveniri debeat ad amorem Dei. » Hoc cum dixisset, insufflavit et dicit eis: *Accipite Spiritum sanctum, insufflando significavit Spiritum sanctum non Patris solius esse Spiritum, sed et suum.* (VERS. 23.) *Quorum remiseritis, inquit, peccata, remittuntur eis; et quorum retinueritis, retentia sunt.* « Ecce charitas quæ per Spiritum sanctum diffunditur in cordibus nostris, participum suorum peccata dimittit, eorum autem qui non sunt ejus participes, tenet. Ideo posteaquam dixit: *Accipite Spiritum sanctum, hoc continuo de pecatorum remissione ac detentione subjicit.* » Sciendum vero est quod hi qui primo Spiritum sanctum habuerunt, ut et ipsi innocenter viverent, et in predicatione quibusdam prodessent, idcirco hunc post resurrectionem Domini patenter accepérunt, ut prodesse non paucis, sed pluribus possent.

VERS. 24. — *Thcmas autem unus ex duodecim, qui dicitur Didymus, non erat cum eis, quando venit Jesus.* « Iste unus discipulus defuit, reversus quod gestum est audivit, audita credere renuit. Venit iterum Dominus, et non credeanti discipulo latus palpandum præbuit, manus ostendit, et ostensa suorum vulnerum cicatrice, infidelitatis illius vulnus sanavit. Quid, fratres charissimi, quid inter hæc animadvertis? Nunquid casu gestum creditis, ut electus ille discipulus tunc deesseset; post hæc venit ut audiret [Greg., post antem veniens audiret], audiens dubitaret, dubitans palparet, palpans crederet? Non hoc casu, sed divina dispensatione gestum est. Egit namque miro modo superna clementia, ut discipulus dubitans, dum in magistro suo vulnera palparet car-

A mis, in nobis vulnera sanaret infidelitatis. Plus enim nobis Thomæ infidelitas ad fidem, quam fides credentium discipulorum profuit: quia dum ille ad fidem palpando reducitur, nostra mens omni dubitatione postposita in fide solidatur. Sic quippe discipulum post resurrectionem suam dubitare permisit, nec tamen in dubitatione deseruit, sicut ante nativitatem suam habere Mariam sponsum voluit, qui tamen ad ejus nuptias non pervenit. Nam ita factus est discipulus dubitans et palpans, testis veræ 639 resurrectionis, sicut sponsus matris fuerat custos integræ virginitatis. Palpavit autem, et exclamavit: (VERS. 28, 29) *Dominus meus et Deus meus. Dicit ei Jesus: Quia vidisti me, credidisti.* Cum Paulus apostolus dicat: *Est enim fides sperandarum substantia rerum, argumentum non apparentium* (Hebr. xi, 1): Profecto liquet quia fides illarum rerum argumentum est, quæ apparere non possunt. Quæ enim apparent jam fidem non habent, sed agnitio nem. Dum ergo vidit Thomas, dum palpavit, cur ei dicitur: *Quia vidisti me, credidisti?* Sed aliud vidit, aliud credit. A mortali quippe homine divinitas videri non potuit. Hominem igitur vidit, et Deum confessus est, dicens: *Deus meus et Dominus meus.* Videntendo ergo credit qui considerando hominem, verum [Greg., qui considerando verum hominem] hunc Deum quem videre non poterat, exclamavit. Lætitificat valde quod sequitur: *Beati qui non viderunt, et crediderunt.* In qua nimirum sententia nos specialiter signati sumus, qui enim quem carne non vidimus, mente retinemus. Nos signati sumus, sed si fidem nostram operibus sequimur. Ille etenim vere credit qui exercet operando quod credit. » [Quia autem] ait: *Beati qui me non viderunt, et crediderunt,* « præteriti temporis usus est verbo; tanquam ille qui id quod erat futurum, in sua noverat prædestinatione jam factum, sed his verbis proprie gentium, ut diximus, fides signatur.

VERS. 30. — *Multa quidem et alia signa fecit Jesus in conspectu discipulorum suorum.* Significat evangelista plurima [Ms., plura] fecisse Jesum signa et miracula salutis et prædicationis, quæ non scripta essent propter multitudinem illarum rerum quæ gestæ fuerunt ab eo. Sequitur autem: (VERS. 31) *Hæc autem scripta sunt, ut credatis quia Jesus est Christus Filius Dei, et ut credentes vitam habeatis in nomine ejus.* Quid dicunt qui asserunt Jesum Christum Filium Dei non esse, dum iste evangelista Deo dilectus et a Deo electus [Al., doctus] dixit hanc sibi esse occasionem scribendi hoc Evangelium, ut crederetur quia Jesus est Christus Filius Dei? Ille qui ab angelo nuntiatus est, et nomen illi impositum est Jesus, dum venit ad virginem dixit: *Pater filium, et vocabis nomen ejus Jesus* (Luc. i, 31): hic autem Jesus, qui natus est ex virgine Maria, Filius est Dei, sicut iste evangelista testatur, et ut omnes in hac fide vitam possint habere sempiternam in nomine ejus. Quid de illis

^a Ex S. Aug., tract. cxxi, num. 4.

^b Ex S. Greg. homilia citata, num. 7-9.

^c Ex S. Aug., loc. cit. num. 5.

æstimandum est qui eum non credunt Filium Dei A esse verum, sed adoptivum, nisi forte ut nunquam habeant vitam æternam? Dicunt itaque assumptionem et adoptionem unum esse; et Iesum Christum secundum quod homo est, propter assumptionem humanitatis necessarie adoptivum esse, non intelligentes quanta est hæc absurditas que sequitur eos [Ms. eis]. Nam si adoptivus est propter assumptionem, igitur Filius persona adoptivus est, quia Filius assumpsit hominem, et est tunc nepos Deo Patri: quod quam impium sit, nullum æstimo fidelium ignorare. Tantummodo credamus Iesum esse [Christum] Filium Dei verum in utraque natura. Et sicut Filius Dei vere est Filius hominis, ita Filius hominis vere est Filius Dei. Sed hæc alias plenius; nunc vero quæ sequuntur videamus.

« Sed hoc capitulo velut libri hujus indicat finem: tamen narratur hic deinde quemadmodum se manifestaverit Dominus ad mare Tiberiadis, et in captura piscium commendaverit Ecclesiae sacramentum, qualis futura est ultima resurrectione [Aug., ultima resurrectione] mortuorum. » Ideo quasi ab alio incipit principio, quia vita fidelium ab alio tunc incipit principio, ubi nihil hujus perturbationis futurum erit, quæ hic patitur in hac vita. Unde et ita incipit qualiter hæc manifestatio esset acta. Dicit enim:

640 CAPUT XLII.

Manifestat se iterum ad mare Tiberiadis septem discipulis in capture piscium centum quinquaginta trium, cum resurrexisset a mortuis.

CAPUT XXI. VERS. 1-5. — *Manifestavit se iterum ad mare Tiberiadis, manifestavit autem sic. Erant simul Petrus et Thomas, qui dicitur Didymus, et Nathanael, qui erat a Cana Galileæ, et filii Zebedaii, et alii ex discipulis ejus duo. Dicit eis Simon Petrus: Vado piscari. Dicunt ei: Venimus et nos tecum. Exierunt et ascenderunt in navem, et illa nocte nihil ceperunt. » b Quæri enim potest cur Petrus, qui pescator ante conversionem fuit, post conversionem ad pescationem rediit? Et cum Veritas dicat: *Nemo millens manum suam in aratum, et aspiciens retro, aptus est regno Dei* (Luc. ix, 62); cur repetit quod dereliquit? Sed si virtus discretionalis intenditur [Ms. et Greg., inspicitur], citius videtur, quia nimis negotium quod ante conversionem sine peccato existit, hoc etiam post conversionem repelere culpa non fuit. Nam pescatorem Petrum, Matthæum vero telonearium scimus; et post conversionem suam, ad pescationem Petrus rediit, Matthæus vero ad telonei negotium non rediit [Greg., non reedit]; quia et aliud est victimum per pescationem quædere, aliud telonei lucris exercitia [Greg. pecuaria] augere. Sunt enim pleraque negotia quæ sine peccatis exhiberi aut vix aut nullatenus possunt. Quæ ergo ad peccatum implicant, ad hæc necesse est ut post conversionem animus non recurrat. Quæri potest cur discipulis in mari laborantibus post resur-*

Arectionem suam Dominus in littore stetit, qui apte resurrectionem suam coram discipulis suis in fluctibus maris ambulavit? Cujus rei ratio festine cognoscitur, si ipsa quæ tunc inerat causa pensetur. Quid enim mare, nisi præsens sæculum significat, quod se causarum tumultu et undis vite corruptibilis illidit? Quid per soliditatem littoris, nisi illa perpetuitas quietis æternæ figuratur? Quia igitur discipuli adhuc fluctibus mortalis vite ierant, in mari lababant. Quia autem Redemptor noster jam corruptionem carnis excesserat, post resurrectionem suam in littore stabat. Ac si ipsum resurrectionis sue mysterium rebus discipulis loquaciter dicens: [Hic] jam vobis in mari non appareo, quia vobiscum in perturbationum fluctibus non sum. Facta est autem B discipulis pescationis magna difficultas, ut magis roveniente fieret admirationis magna sublimitas, qui protinus dixit:

VERS. 6. — *Mittite in dexteram navigii rete, et inveneritis.* Bis in sancto Evangelio legitur quia Dominus jussit ut ad piscandum retia mittarentur, ante passionem videlicet et post resurrectionem. Sed priusquam Redemptor noster pateretur et resureret, mitti quidem rete ad piscandum jubet, sed utrum in dextram, an in sinistram mitti debuisse, non jubet: post resurrectionem vero discipulis apparet, mitti rete in dexteram navigii jubet. In illa pescatione tanti capti sunt, ut retia rumpentur: in ista autem et multi capti sunt, et retia rupta non sunt. Quis vero nesciat bonos in dextera, et malos in sinistra figurari? Illa ergo pescatio, in qua specialiter in quam partem mitti rete, debet non jubetur, præsentem Ecclesiam designavit quæ bonos simul ac malos colligit; nec eligit quos trahat, quia et quos elegere possit ignorat: hæc autem pescatio post Domini resurrectionem facta, in solam dexteram missa est, quia ad videndam claritatis ejus gloriam sola electorum Ecclesia pertinet quæ de sinistro opere nihil habebit. In illa pescatione præ multitudine piscium reta rumpitur, quia nunc ad confessionem fidei, etiam cum electis reprobi tanti intrant, qui ipsam quoque Ecclesiam haeresibus scindant: in ista vero pescatione et multi pisces et magni capiuntur, et rete non rumpitur, quia sancta electorum Ecclesia in continua auctoris sui pace requiescens, nullis jam dissensionibus dilaniatur. Captis autem tam magnis piscibus, (VERS. 11) ascendit Simon Petrus, et traxit rete in terram. Jam credo quod vestra Charitas adverterat quid est quod Petrus rete ad terram trahit. Ipse quippe sancta Ecclesia est commissa, 641 ipsi specialiter dicitur: *Simon Joannis, amas me? Pasce oves meas* (Joan. xxi, 15, 16). Quod ergo postmodum aperitur in voce, hoc [nunc] signatur in opere. Quia igitur prædictor Ecclesiae nos a mundo [vite] hujus fluctibus separat, nimis necesse est ut rete plenum piscibus Petrus ad terram ducat. Ipse enim pisces ad soliditatem littoris pertrahit, quia [Ms.],

* Ex eodem, tract. cxxii, num. 1.

b Ex S. Greg., hom. 24, num. 1-6.

qui sanctæ prædicationis voce stabilitatem æternæ patriæ fidelibus ostendit. Hoc egit verbis, hoc epistolis, hoc agit quotidie miraculorum signis. Quoties per eum ad anorem quietis æternæ convertimur, quoties [a terrenarum] rerum tumultibus separamur, quid aliud quam missi intra rete fidei pisces ad littus trahimur? Sed cum rete piscibus magnis plenum dicitur, additur et quantis, scilicet centum quinquaginta tribus. A magno mysterio iste numerus non vacat, sed intentos vos tanti mysterii profunditas expectat. Neque etenim quantitatis summam solerter evangelista exprimeret, nisi hanc sacramento plenam esse judicasset. Scitis namque quod in testamento veteri omnis operatio per Decalogi mandata præcipitur: in novo autem eisdem operationis virtus, per septiformem gratiam sancti Spiritus multiplicatis fidelibus datur: quem Propheta denuntians dicit: *Spiritus sapientiae et intellectus, spiritus consilii et fortitudinis, spiritus scientiae et pietatis, et replebit eum spiritus timoris Domini (Isai. xi, 2).* Sed ille in hoc spiritu operationem percipit, qui fidem Trinitatis agnoscit, ut et Patrem, et Filium, et eundem Spiritum sanctum unius virtutis credit, unius substantiæ esse fateatur. Quia igitur septem, quæ superius diximus, per Novum Testamentum latius data sunt, decem vero per vetus præcepta, omnis nostra virtus et *operatio* per decem et septem plene potest *comprehendi*. Ducamus ergo per trigonum ~~decent~~ et septem, et veniunt quinquaginta et ~~unum~~. Qui profecto numerus a magno mysterio non vacat, quia in Testamento Veteri legitimus, quod annus quinquagesimus jubileus vocari jussus est, in quo videlicet cunctus populus ab omni opere requiesceret (*Levit. xxv, 11*). Sed vera requies in unitate est. Dividi quippe unum non potest: ubi enim scissura divisionis est, vera requies non est. Ducamus ergo per trigonum quinquaginta et unum, et sicut centum quinquaginta tria. Quia igitur et omnis operatio nostra et virtus in fide Trinitatis exhibita ad requiem tendit, septem et decem ter ducimus, ut ad quinquaginta et unum venire debeamus. Et vera nostra requies tunc est, cum ipsam jam claritatem Trinitatis agnoscimus, quam in Unitate divinitatis esse certum tenemus. Quinquaginta et unum ter ducimus, et electorum summam in superna patria, quasi centum quinquaginta trium piscium numerum tenemus. Post resurrectionem vero Domini missum rete dignum fuit, ut tot pisces caperet, quot solummodo electos cives superne patriæ designarent. Est quoque alia supputatio hujus septenarii [et denarii] numeri. Nam si ab uno omnem numeros computes usque ad decem et septem hoc modo: unum, duo, tres sicut; adde tres, sicut sex; his adiunge quatuor, sicut decem; his quinque, et habebis quindecim; et sic crescentibus numeris et multiplicatis usque ad decem et septem, sit omnium numerorum summa istorum, qui multiplicantur ab uno usque ad decem et septem, centum quinquaginta tria. Quæ computatio superiori significationi, id est, legis

* Ex S. Aug., tract. cxxiii, num. 4-5.

A in denario [et gratiæ in septenario], satis congruerent convenit. Sed plura possunt inde considerari admiratione digna, quæ hujus temporis angustia prohibet nos omnia dicere.

Sed quid est quod Redemptor noster piseem assum post resurrectionem manducavit; et in alio Evangelio dicitur, cum pisce asso favum mellis, in isto vero panem cum pisce? Quid enim pisces assus significat, nisi Christum passum? Quid favus mellis, nisi Divinitatis dulcedinem? Piscis est, quia ipse latere dignatus in aquis generis humani, capi voluit laqueo mortis nostre, et quasi tribulatione assatus est tempore passionis suæ. Sed qui pisces assus fieri dignatus est in passione, favus mellis nobis exstitit in resurrectione. An qui in pisce asso figurari voluit tribulationem passionis sue, in favo mellis utramque naturam exprimere voluit personæ suæ? Favus quippe mel **642** in cera est: mel vero in cera est divinitas in humanitate. Quod ab hac quoque lectione non discrepat: nam comedit pisces et panem. Qui enim assari ut pisces potuit ex humanitate, pane nos reficit ex divinitate, qui ait: *Ego sum panis virus, qui de cœlo descendit (Joan. vi, 41, 52).* Assum ergo piacem comedit et panem, ut ipso seo cibo nobis ostenderet quia et passionem ex nostra humanitate pertulit, et refectionem nostram ex sua divinitate procuravit. Notandum quoque quod ultimum convivium Dominus cum septem discipulis habuisse describitur. Petrus namque et Thomas, Nathanael et filii Zebedæi, et alii ex discipulis ejus duo in eo fuisse memorantur, C Cur cum septem discipulis ultimum convivium celebrat, nisi quia eos tantuminodo, qui septiformi gratia sancti Spiritus pleni sunt, futuros secum in æternâ refectione denuntiat? Septem quoque diebus omne hoc tempus evolvitur: et saepe septenario numero perfectio designatur. Illi ergo ultimo convivio de præsentia veritatis epulantur, qui nunc perfectionis studio terrena transcendent, quos mundi hujus amor non alligat, quibus etsi utcumque per tentamenta obstrepit, copta tamen corum desideria non rotundit. De hoc extremo convivio alias per Joannem dicitur: *Beati qui ad cœnam nuptiarum Agni vocati sunt (Apoc. xix, 9).* Idcirco enim non ad prandium, sed ad cœnam vocatos narrat, quia nimirum in fine diei convivium cœna est. Qui ergo finito præsentis vitæ tempore ad refectionem supernæ contemplationis veniunt, non ad Agni prandium, sed ad cœnam vocantur. Quæ videlicet cœna hoc ultimo convivio exprimitur, cui septem discipuli adesse memorantur, quia illos, ut diximus, tunc interna refectione [Ms., refectione] reparat, qui pleni nunc septiformi gratia in amore Spiritus anhelant. *

* In eo quod tertio Dominus post resurrectionem manifestavit se discipulis suis, beati Joannis evangelistæ Evangelium terminatur. (VERS. 42.) Dicit eis Jesus: Venite, prandete. Et nemo ardebat discubentium interrogare eum: Tu quis es? scientes quia Dominus est. Sensus ergo hic est: Tanta erat eviden-

tia veritatis, quia [Aug., qua] Jesus illis discipulis apparebat, ut eorum non solum negare, sed ne dubitare quidem ullus auderet: quoniam si quisquam dubitaret, utique interrogare deberet. Sic ergo dictum est: *Nemo audebat interrogare: Tu quis es,* ac si diceretur: Nemo audebat dubitare, quod ipse esset. (VERS 13.) « *Et venit Jesus, et accepit panem, et dedit eis; et pisces similiiter.* Ecce dictum est etiam quid pranderent, de cuius significazione in superioribus diximus. Superius quoque narratum est quod discipuli, quando descenderunt in terram, viderunt prunas positas et pisces superpositum, et panem. Ubi non est intelligendum etiam panem fuisse superpositum prunis, sed tantum subaudiendum, riderunt. Quod verbum si repetamus eo loco ubi subaudiendum est, ita totum dici potest: Viderunt prunas positas, et pisces superpositum [viderunt], viderunt et panem. Vel ita potius: Viderunt prunas positas, et pisces superpositum, viderunt et panem. Jubente etiam Domino attulerunt et de piscibus quos ipsi ceperant: quod eos fecisse quamvis a narrante non sit expressum, tamen Dominum jussisse non tacitum est. Ait enim: *Afferte de piscibus quos apprehendistis nunc.* Et utique jubente illo, eos non fecisse quis credat? Hinc ergo fecit prandium Dominus illis septem discipulis suis: de pisco scilicet, quam prunis superpositum viderant, huic adjungens ex illis quos ceperant, et de pane quem nihilominus eos vidisse narratum est. Piscis assus, ut diximus, Christus est passus, ipse est et panis, qui de cœlo descendit. Hoc corroboravit Ecclesiam [Aug., Huic incorporatur Ecclesia], ad participandum beatitudinem sempiternam; quæ etiam in his septem discipul's significata est, quæ cum Christo in æterna beatitudine post labores hujus saeculi regnatura erit. « *Hinc [Aug., Hic] enim Ecclesia, qualis in solis bonis futura est, significatur per capturam centum quinquaginta trium piscium: et in eis qui hæc credunt, sperant, diligunt, participio tanta beatitudinis per hoc prandium demonstratur.*

643 VERS. 14. — *Hoc jam tertio, inquit, manifestatus est Jesus discipulis suis, cum surrexisset a mortuis,* Quod non ad ipsas demonstrationes, sed [ad] dies referre debemus: id est, primo die, cum resurrexit; et post dies octo, quando discipulus Thomas vidit et credit; et hodie quando hoc de piscibus fecit; post quot autem dies id fecerit, hic dictum non est: nam ipso primo die non semel visus est, sicut evangelistarum omnium testimonia collata demonstrant, sed sicut dictum est, secundum dies numerandæ sunt manifestationes ejus, ut ista sit tertia; prima quippe habenda est eadem una [Aug., habenda sit, eademque una] propter unum diem, quotiescumque se et quibuscumque in illo quo resurrexit, ostendit; secunda post dies octo, et hæc tertia; et deinde quoties voluit, uque ad diem quadragesimum, quo ascendit in cœlum, quamvis non scripta sint om-

nia: » sicut iste idem Joannes testatur, multa eum fecisse quæ non sunt scripta.

[Invenimus] collatis Evangeliorum testimoniis dices Dominum visum esse ab hominibus, a die prima resurrectionis suæ usque ad diem quadragesimum ascensionis suæ. Primo quidem Mariæ Magdalena flenti ad monumentum; deinde eidem Mariæ, et alteri ejusdem nominis feminæ, regredientibus a monumento nuntiare discipulis quæ ibi viderant, occurrens apparuit; tertio Simoni Petro, licet hoc non legatur, ubi esset factum, tamen factum esse ex Evangelio Lucæ invenimus, ubi ait discipulos dixisse: *Quia vere surrexit Dominus, et apparuit Simoni* (Luc. xxiv, 34). Quarto, Cleopha et socio ejus, cum quibus ipse gradiens in Einmaus, inibi in panis fractione cognitus est . qui mox reversi Hierosolymam, inveniunt discipulos loquentes, *Quia surrexit Dominus vere, et apparuit Simoni;* nam plene alibi, quando Simoni apparuerit, non legitur. Quinto, apparuit eis in eodem loco januis clausis, ubi non erat Thomas; sexto, post dies octo, quando erat cum eis et Thomas, cui manus et latus Dominus palpandum ostendit; septimo, pescantibus ad mare Tiberiadis, et convivantibus cum eis, ubi et Petrum, an se diligenter, tertio interrogavit; octavo, in monte Galilæe illis undecim apparuit, sicut constituit eis ante passionem suam; et mulieribus præcepit eis dicere ut irent in Galilæam, ubi eum visuri essent. Nono, regredientibus illis undecim apparuit [in monte], de quo ascendit in cœlum, sicut Marcus resert. Decimo, viderunt eum ipsa die, non jam in terra positum, sed elevatum in aera, cœlosque penetrantem dicentibus sibi angelis: *Sic veniet, quemadmodum vidistis eum euntem in cœlum* (Act. 1, 11). Quid vero actum sit vel dictum in illo convivio Domini nostri Jesu Christi novissimo cum discipulis suis, consequenter exposuit Evangelista, dicens :

CAPUT XLIV ET XLV.

Usque tertio dicit Petro, Amas me? quia ter eum negaverat; et pascendas oves usque tertio commendans, extensio manuum significat ei, quod crucis mortis foret martyris coronandus. — Dicit Simoni Petro Jesus: Simon Joannis, diligis me plus his? etc., usque clarificaturus esset Deum.

VERS. 15. — *Dicit Simoni Petro Jesus: Simon Joannis diligis me plus his? Dicit ei: Etiam, Domine, tu scis quia amo te.* « *Virtutem nobis perfectæ dilectionis præsens Domini nostri interrogatio ostendit. Perfecta enim dilectio est, qua Dominum [Ms., Deum] ex toto corde, tota anima, tota virtute, proximum autem tanquam nosipsum diligere jubemur: et neutra harum dilectio sine altera valet esse perfecta; quia nec Deus vere sine proximo, nec sine Deo vere potest proximus amari. Unde Dominus toties interrogato Petro an se diligenter, et illo respondente quod eum ipso teste diligenter, adjungebat per singula ita concludens: Pasce 644 oves meas, sive pasce agnos meos. Ac si aperte diceret: Hæc sola et vera est*

* Ex hom. Ven. Bede in vigiliis sanctorum Petri et Pauli.

probatio integri in Dominum amoris, si erga fratres A subdueris curam solliciti exercere laboris; nam quicunque fratri opus pietatis quod valet impendere negligit, minus justo se conditorem diligere ostendit, cuius mandata in sustentanda proximi necessitate contemnit. Quae profectio charitas, quoniam sine divinæ gratiæ inspiratione [Beda, sine divinæ gratia inspirationis] minime possit haberri, tacite quodammodo Dominus insinuat, qui Petrum de illa interrogans, Simonem eum Joannis, quem nunquam [Ms. et Beda, quod nusquam] alias, cognominat: *Simon, inquit, Joannis, diligis me plus his?* Ubi quamvis et simpliciter mentio facta terreni parentis ejus possit intelligi, non tamen ab re est, si quis nomine Joannis donum supernæ generationis mystice indicatum velit accipere; de quo Joannes apostolus admodum testatur: *Charissimi, diligamus invicem, quoniam charitas ex Deo est: et omnis qui diligit, ex Deo natus est, et cognoscit Deum* (I Joan. iv, 7). Simon namque obediens, Joannes dicitur Dei gratia: et propterea recte primus apostolorum, cum de amore suo requiritur, *Simon Joannis, id est, obediens Dei gratia* [Beda, gratia] vocatur: ut liquido cunctis ostendatur, hoc quod majore præ ceteris obedientia Domini jussis obsequitur, quod ardenter illum charitate amplectitur, nou humani meriti, sed munericæ esse divini. Unde et apostolus Paulus eadem gratia confortatus aiebat: *Quia caritas Dei diffusa est in cordibus nostris per Spiritum sanctum, qui datus est nobis* (Rom. v, 5). Qui ergo cæteris flagrantius Dominum amare probatur, *filius Joannis cognominatur;* quia nimirum virtus ejusdem amoris non nisi per gratiam Spiritus percipitur. Qui tamen ipse notandum quam caute et circumspecie testimonium suo reddit amori, cum Domino sciscitanti an se plus alii diligenter, non ausus est respondere: *Tu scis quia amo te plus his, sed temperata ac simplici voce, Etiam, inquit, Domine, tu scis quia amo te.* Quod est aperte dicere: Scio quidem, quia ipse te, ut tu melius nosti, integrō corde diligo; quam vere [Beda, quantum vero] te alii diligent mihi quidem ignotum, sed tibi sunt omnia nota. Cujus cautela responsionis nostræ profectio est institutio locutionis, simul et cognitionis [Beda, cogitationis]; ut videlicet ejus exemplo discimus minus de nostræ conscientiæ puritate præsumere; minus temere de fraternæ conscientiæ occultis judicare, in dubiis maxime rebus, quod qua intentione vel necessitate gerantur inspicere nequimus quæ ab illis agi conspicimus. Siqui lēm et ipse Petrus idcirco se in hac Dominica interrogatione cautius respondendo cohibebat, quia meminit se pridem, imminentे ejus passione, plus sibi constantiæ tribuisse quam habebat, spondendo videlicet se esse paratum et in carcere et in mortem ire cum illo, qui necdum erat idoneus instantे periculo saltem confiteri, quia nosset illum, vel quia suisset aliquando cum illo. Instructus ergo periculo priore cautius loqui cum Domino, quem bene didicerat humanæ conscientiæ [statum (Edit., conscientiæ constantiam statim)] melius

B nosse quam ipsa se conscientia ullatenus nosse sufficeret; de fraterni quidem cordis occultis nihil prorsus audet definire: de sui autem amoris integritate non suimet solius, sed et ipsius qui interrogabat Domini testimonium pandit, *Etiam, inquiens, Domine, tu scis quia amo te.* O quam felix et pura conscientia, quæ conditori suo, cuius nuda oculis et aperta novit omnia, dicere non metuit: *Domine, tu scis quia amo te!* Quam casta ac sancta anima, quæ et suam cognitionem Domino patere non dubitat, et se nil aliud quam ea quæ Dominus approbat, cogitare non ignorat! Provida autem pietate Dominus tertio Petrum an se diligat interrogat, ut ipsa trina confessione vincula, quæ illum ter negando ligaverant, absolvat; et quoties territus ejus passione, qua illum nosse [Beda, quod eum nosset] negaverat, toties ejus resurrectione recreatus, quod illum toto amet corde testetur. Provida dispensatione tertio consitenti amorem, tertio æque pascendas suas oves commendat; quia decebat ut quoties in pastoris fide titubaverat, toties cum renovata fide pastoris membra quoque ejus pastoris jubeatur curare. Quod enim hic dicit ei: *Pasce oves meas,* hoc est utique, quod ei ante passionem apertius dixerat: *Ego autem rogavi pro te, ut non deficiat fides tua: et tu aliquando conversus, confirma fratres tuos* (Luc. xxii, 33). Pascere ergo oves Christi est credentes in Christum ne a fide deficiant confirmare; et ut 645 in fide magis magisque proficiant, instanter operam dare: »secularibus quoque subsidijs eos quantum valeat adjuvare, cogitantes C superflue de caducis corriger [Ms., adjuvare, errantes corriger], moerentes consolari, omnes magna pietatis cura ad perpetuae vitæ perducere pascua. « Sed hoc pastori est fixo corde tenendum, ut eos quibus præest non quasi suos proprios, sed ut Domini sui gregem tractare membrinerit, juxta illud quod Petro dicitur: *Si diligis me, pasce oves meas.* Meas, inquit, non tuas; meas tibi oves commendatas scito, et has quasi meas regere, si me perfecte amas, recole: ut meam videlicet in eis gloriam, meum dominium, mea luca, non tua propria quæras. Veri autem pastoris, et cui sincera est cura de ovibus, evidens ac speciale indicium est, cum quisque non solum commodis omnibus vitæ temporalis carere; sed ipsam quoque vitam pro grege Christi ponere, in promptu habet. Unde nunc ipse, postquam pascendas suas oves Petro, hoc est, plebes docendas gubernandasque commisit, subsequenter addit, dicens:

D *Vers. 18. — Amen, amen dico tibi, cum essem junior, cingebas te, et ambulabas ubi volebas: cum autem senueris, extendes manus tuas, et alius te cinget, et ducet quo non vis.* In extensione etenim manuum, positionem membrorum ejus, qua cruci erat aptandus, insinuat; in cinctione alterius, impositionem vinculorum, quibus a persecutore erat arcendus, exprimit; in ductu quo nollet, ipsam mortis ac passionis acerbitudinem indicat, quam corporalis ejus insermitas horrebat, cuius animi firmitas spiritualis etiam adversa pro Domino lætabatur cuncta sufferere. Non

enim voluntatem suam, sed voluntatem quærebat ejus qui misit eum, Christi. Præmissa igitur Dominus ovium suarum pastione, subjungit mox, eidem primo pastori insinuans etiam passionis suæ triumphum, *Extendes, inquiens, manus tuas, et alius te cinget, et ducet quo non vis;* ac si patenter dicat: Quanta me charitate diligas, hinc liquido probabis, cum pro parvorum meorum vita usque ad mortem certando perveneris; et ut illi in corpore possint pariter et mente salvari, ipse tormenta corporis omnia que adversarium infligere libet, forti mentis constantia tolerabis [Beda, toleraveris]. Quod ipse quoque evangelista subsequenter insinuans ait: *Hoc autem dixit, significans qua morte clarificaturus esset Deum.* Clarificavit quippe Petrus morte sua Deum, quando hoc indicio canctis quantum Deus esset colendus amandusque demonstravit, dum ipse data optione mallet crucis subire tormentum, quam a coelestis verbi prædicatione cessare. ▶

CAPUT XLVI.

Dicit Dominus Petro: Sequere me, usque ubi dicuntur: et scimus quia verum est testimonium ejus.

VERS. 20. — *Dixit Jesus Petro: Sequere me. Conversus autem Petrus, vidit illum discipulum, quem diligebat Jesus, sequentem, qui et recubuit in cena super pectus ejus.* ▲ *Commendat enim nobis beatissimus evangelista et apostolus Joannes privilegium amoris præcipui, quo cæteris amplius meruit honorari a Domino; commendat testimonium evangelicæ descriptionis, quod veritate divina submixum nullus fidelium dubitare permittitur; commendat placidam suæ carnis absolutionem, quam Domino specialiter se visitante percepit. Postquam enim Dominus Jesus significavit Petro qua morte clarificaturus esset Deum, protinus adjungit: *Sequere me.* Ac si aperte dicat: Quia ipse prius pro tua redemptione crucis supplicium subire non timui, quid tu pro mei confessione nominis crucem pati formides, qui eo gloriose martyrii palma glorificaberis, quo in hac promerenda magistri iter sequeris? Jam vero ab evangelista non subditur quid post hæc dicta Dominus et discipuli fecerint; sed ex eo tamen innuitur, quod subjungit: *Conversus Petrus, vidit illum discipulum, quem diligebat Jesus, sequentem.* Patet namque quia [cum] dixisset Petro: *Sequere me,* id est, **646** crucem patiendo me imitare, surrexit de loco convivii, et abire jam coepit. Secutus est autem Petrus etiam incessu pedum, cupiens implere quod audiuit: *Sequere me;* secutus et ille discipulus, quem diligebat Jesus: neque enim arcendum se a consuetatu Christi putabat, qui non minore se gratia dilectionis a Christo complexum noverat. Neque incredibile est ideo utrumque discipulum corporali gressu vestigia Domini secutum, quia necdum intellexerunt quid significaverit in eo quod Petrum se sequi præcepit. Notum autem novi vestræ fraternitati quis sit*

• Ex hom. Ven. Bedæ in die sancti Joannis apostoli et evangelistæ.

A ille discipulus quem diligebat Jesus; Joannes videbat ipse, qui hoc scripsit Evangelium, atque ideo suam personam maluit indicis rerum accidentium, quam proprio designare vocabulo. Diligebat autem eum Jesus, non exceptis cæteris singulariter solum, sed præ cæteris quos diligebat familiarius unum, quem specialis prærogativa castitatis ampliori dilectione fecerat dignum. Omnes quippe se diligere probat, quibus ante passionem loquitur: *Sicut dilexit me Pater, et ego dilexi vos, manete in dilectione mea* (Joan. xv, 9). Sed hunc præ omnibus diligit, qui virgo electus ab ipso, virgo in ævum permanans. Tradunt namque historiæ quod eum de noctis voluntate nubere vocaverit; et propterea quem a carnali voluptate retraxerat, potiore sui amoris dulcedine donavit. Denique huic moriturus in cruce matrem commendavit suam, ut virginem virgo servaret: et ipso post mortem et resurrectionem cœlos ascendentem, non deesset ejus genitrici filius, cuius casta vita ejus castis tueretur obsequiis. Ponit et aliud suæ personæ beatus Joannes indicium subjungens: *Qui et recubuit in cena super pectus ejus, et dixit: Domine, quis est qui tradet te?* Hoc quomodo gestum sit, superiora hujus Evangelii loca plenius ostendunt: quia videlicet in cena, quam ultimam ante passionem cum discipulis Salvator habuit, in qua eorum pedes lavit, eisque corporis et sanguinis sui tradidit mysteria celebranda; discipulus ille, quem diligebat, super pectus ejus recubuerit; et cum dixisset eis: *Amen, amen dico vobis, quia unus ex vobis tradet me,* responderit ille discipulus, innuente Petro ut interrogaret, et dixerit ei: *Domine, quis est?* Ait Dominus: *Ille est, inquit, cui ego instinctum panem porrero.* Quod autem discipulus ille super pectus magistri recubuit, non presentis solummodo dilectionis, sed et futuri erat signum mysterii; figurabatur enim jam tunc Evangelium, quod idem discipulus erat scripturus, uberioris atque altius cæteris sacrae Scripturæ paginis arcana divinæ majestatis esse comprehensurum. Quia enim in pectore Jesu sunt omnes thesauri sapientiae et scientiae absconditi (Coloss. ii, 3), merito super pectus ejus recubat, quem majore cæteris sapientiae [et scientiae] singularis munere donat. Cæteros quippe evangelistas novimus plura de miraculis nostri Salvatoris, pauciora de divinitate locutos: Joannes autem per pauca de humanis scribens actibus, potius se exponendis divinæ naturæ indidit arcanis; patenter insinuans quanta de pectore Jesu fluenta doctrina coelestis, quæ nobis ructaret, hauserit. Sequitur: (VERS. 21) *Hunc ergo cum vidiisset Petrus, dicit Jesus: Domine, hic autem quid?* Quia se beatus Petrus audierat per passionem crucis clarificaturum esse Deum, voluit etiam de fratre et condiscipulo cognoscere, qua esset ipse morte perpetuam transiitrus ad vitam.

VERS. 22. — *Dicit ei Jesus: Sic eum volo manere donec venio, quid ad te? Tu me sequere.* Non, inquit,

eum per passionem martyrii volo consummari, sed abeaque violentia persecutoris diem expectare novissimum, quando ipse veniens eum in aeterna beatitudinis mansione recipiam : et quid hoc ad te? Tu tantum eris patibulum subeundo mea te vestigia sequi debere memento. Et quidem hanc Domini responsionem fratres tunc temporis ita tractabant, quasi Joannes nunquam esset moriturus; quod non ita esse intelligendum, ipse Joannes admonere curavit, qui cum premississet exiisse sermonem istum inter fratres quia discipulus ille non moritur, solerter adiecit atque ait: (Vers. 23) *Et non dixit ei Jesus, non moritur, sed sic eum volo manere, donec venio, quid ad te?* Non ergo putandum, quia discipulus ille non sit mortuus in carne, quia nec Dominus 647 hoc de illo futurum praedixit. Et Psalmista ait: *Quis est homo, qui vivit, et non videbit mortem* (Psal. LXXXVIII, 49)? Sed ita potius intelligendum quod ceteris Christi discipulis per passionem consummatis, ipse in pace Ecclesiae adventum supernae vocationis expectaverit, et hoc esse quod ait Jesus: *Sic eum volo manere, donec venio*, non quia non et ipse multos antea labores pro Domino pressurasque malorum toleraverit, sed quia ultimum in pace senium finierit; ut pote ecclesiis Christi per Asiam quam regebat, jam longe lateque fundatis. Nam et in Actibus apostolorum, cum ceteris apostolis flagellatus inventur, qui [Ms., quando] ibant gaudentes a conspectu concilii, quoniam digni habiti sunt pro nomine Jesu consumeliam pati (Act. v, 41); et a Domitiano Cesare in serventia olei dolium missus in ecclesiastica narratur historia; ex quo tamen divina se protegente gratia, tam intactus exierit, quam fuerat a corruptione concupiscentiae carnalis extraneus. Nec multo post ab eodem principe, propter insuperabilem evangelizandi constantiam, in Pathmos insulam exilio relegatur, ubi humano licet destitutus solatio, divinas tamen visiones et allocutiones meruit crebra consolatione relevari. Denique ibidem Apocalypsin, quam ei Dominus de statu Ecclesiae praesenti, vel futuro revelavit, manu sua conscripsit. Unde constat prmissionem sic manendi, donec veniret Domitus, non eo pertinere quod sine labore certaminis victurus in mundo, sed illo potius, quod sine dolore passionis transiturus esset de mundo. Sicut enim in Patrum litteris invenimus, cum longo confessus senio, sciret imminere diem recessus sui, convocatis discipulis suis per monita [Beda, post monita] exhortationum ac missarum celebrationem, ultimum eis vale fecit: deinde descendens in defossum sepulturae suae locum, facta oratione, appositus est ad patres suos tam liber a dolore mortis, quam a corruptione carnis invenitur alienus. Atque ita completa est veridica illa Salvatoris sententia, quia sic eum voluerit manere, donec ipse veniret. Possimus autem mystice in his quae Petro et Joanni a Domino praedicta atque in eis sunt gesta, duas Ecclesiae vitas, quibus in praesenti

A exercetur, activam scilicet et contemplativam, designatas accipere, quarum activa communis populo Dei via vivendi est: ad contemplativam vero, perparci, et hoc [Beda, et in hoc] sublimiores quaque post perfectionem piaz actionis ascendunt. In eo etenim quod ait Petro Dominus: *Extendas manus tuas, et alias te cinget, et ducet quo non vis*, perfectionem exprimit activae conversationis, que tentationum sollet igne probari. Unde alibi de ea dicit apertius: *Beati qui persecutionem patiuntur propter iustitiam* (Matth. v, 10). Cui recte subjungit dicens: *Sequere me.* Quia nimur juxta ejusdem Petri vocem: *Christus passus est pro nobis, relinquens nobis exemplum, ut sequamur vestigia ejus* (I Petr. ii, 21). Quod autem dicit de Joanne, *Sic eum volo manere, donec venio*, B statum contemplativae virtutis insinuat, quae non per mortem finienda ut activa; sed post mortem est perfectius Domino veniente complenda. Activus namque labor cum morte deficit, mercedem post mortem accepturus aeternam: speculativa autem felicitas, quae hic inchoatur, illic sine fine perficitur, quando et supernorum civium, et ipsius Domini presentia, non per speculum et in enigmate sicut nunc, sed facie ad faciem videbitur (I Cor. XIII, 12). Sequitur:

Vers. 24. — *Hic est discipulus ille, qui testimonium perhibet de his, et scripsit haec: et scimus quia verum est testimonium ejus.* Jam manifeste beatus Joannes suam personam designat ex officio, quam designare vitat ex vocabulo. Non autem prætereunter intuendum, quod dicitur: *Qui testimonium perhibet de his, et scripsit haec.* Perhibuit quippe testimonium verba Dei [Ms. et Beda, verbo Dei] praedicando; perhibuit scribendo; perhibuit dено, eadem quae scripsaserat docendo; perhibet etiam nunc, Evangelium quod descripsit in Ecclesiae legendum pandendo. ^a [Si]quidem a tempore Dominicæ passionis, resurrectionis et ascensionis in celum, usque ad ultima Domitiani principis tempora, per annos circiter sexaginta et quinque, abaque ullo scribendi adminicculo verbum Dei prædicabat. At ubi 648 a Domitiano, qui secundus post Neronem Christianorum persecutor existit, in exsilium missus est, irrumpentes in Ecclesiam haereticci, quasi in destituta a pastore ovilia lupi, Marcion, Cerinthus, Ebion, ceterique Antichristi, qui Christum fuisse ante Mariam negabant, simplicitatem fidei evangelicæ perversa maculavere doctrina. Sed dum ipse post occisionem Domitiani, permittente pio principe Nerva, rediret Ephesum, compulsus est ab omnibus pene tunc Asia episcopis et multarum Ecclesiarum legationibus, de coeterna Patri divinitate Christi altius facere sermonem, eo quod in trium evangelistarum scriptis, Matthæi videlicet, Marci, et Lucæ, de humanitate ejus, ac de his, quae per hominem gessit, sufficiens sibi videbatur habere testimonium. Quod ille se non aliter facturum respondit, nisi indictio jejunio omnes in commune Dominum precarentur, ut illo digna scri-

^a Quae hic sequuntur uncinis inclusa, superius col. 740, etiam inserta habentur in Epistola dedicatoria ad Gislam et Richtrudam.

bere posset. Et hoc ita patrato, instructus revela-
tione, ac sancti Spiritus gratia ebriatus, omnes hæ-
reticorum tenebras, patefacta (Beda, patesfactæ) su-
bito veritatis luce disputit: *In principio, iniquios,*
erat Verbum, et Verbum erat apud Deum, et Deus
erat Verbum.] Similemque initis totum sui sermonis
cursu faciens, Dominum nostrum Jesum Christum
sicut verum hominem, vere ex homine temporaliter
factum, ita etiam verum Deum, vere ex Deo Patre
materialiter natum, vere cum Patre et cum Spiritu
sancto semper existentem, clarissima assertione per-
docuit: *imo omnia divinæ veritatis et vere divini-*
tatis, quantum alteri mortalium nulli licuit, arcana
reseravit. Et hoc virginis privilegium recte reserva-
batur, et ad scrutanda Verbi incorruptibilis sacra-
menta, incorrupto ipse non solum corde, sed et cor-
pore procederet. De cuius dictorum veritate, quam
sit nemini ambigendum, ipse quoque curavit ostendere:
qui cum dixisset: *Hic est discipulus ille, qui*
testimonium perhibet de his, et scripsit haec, continuo
subjicit et ait: *Et scimus, quia verum est testimonium*
eius. Quia ergo et nos cum cæteris fidelibus scimus
quia verum est testimonium ejus, curremus per omnia
ut recta fide intelligendo, recta operatione exer-
cendo quæ docuit, ad dona perveniamus sempiterna
quæ promisit. »

SUPPLETA EX MS. S. EMMERAMI.

VERS. 25. — *Sunt autem et alia multa, quæ fecit C*

Ex S. Aug., tract. cxxiv, num. 8.

Explicit liber VII.

649 OPUSCULUM SEPTIMUM. TRACTATUS ALBINI MAGISTRI SUPER TRES S. PAULI AD TITUM, AD PHILEMONEM ET AD HEBREOS EPISTOLAS.

MONITUM PRÆVIUM.

Beatum Fl. Alcuinum scripsisse commentarios in quatuor sancti Pauli Apostoli Epistolas, Vita illius coœvus scriptor fide dignissimus testatur his verbis: « Scripsit et in quatuor Epistolas Pauli, ad Ephesios scilicet, ad Titum, ad Philemonem et ad Hebreos. » Scriptores quidam posterioris ætatis, Sixtus Senensis Bibl. Sanctæ libr. III, Trithemius libr. De Script. Eccles. et libr. II De Script. Ord. S. Ben. cap. 36, Joannes Balens Cent. II Script. Brit., Antonius Possevinus in Apparatu Sacro-tom. I, referunt Alcuinum scripsisse libros omnino quatuordecim in omnes sancti Pauli Epistolas: verum unde hoc didicerint, et quenam sit illorum librorum seu commentario-rum conditio, minime indicant; quo ipso satis pro-
dunt, quod nullus eorum commentarios illos vel vi-
derit, vel cui auctori, quos viderant, deberentur,
satis examinaverit; alias certe, quod in aliis sibi
bene cognitis Alcuini opusculis faciunt, illorum sal-
tem initium deditissim. Fidei igitur scriptoris Vitæ
Alcuini, eidem pene contemporanei, insistendum

D censeo, atque dicendum Alcuinum quidem in aliquas, non tamen in omnes sancti Pauli Epistolas commen-
tatum fuisse.

Latuit vero hoc opus in hunc diem, et neandum integrum apparebat. In insigne quidem bibliotheca cele-
berrimæ abbatis Einsiedlensis servatur codex ms.
membraneus sæc. IX, notatus litteris B, 9, quo con-
tinetur: *Tractatus Albini magistri super tres sancti*
Pauli apostoli Epistolas, id est, ad Titum, ad Phile-
monem et ad Hebreos. Ita enim ibidem titulus manu
eadem qua integer liber scriptus est, exaratus est.
Deficit ergo Tractatus in Epistolam ad Ephesios, qui
primus est inter quatuor a Vita scriptore recensitos.
Quæ vero causa sit hujus defectus in codice Einsie-
dlensi, divinare haud licet. Fortassis idem hic Tra-
ctatus in Epistolam ad Ephesios separatim a reliquo
tribus ab Alcuino editus fuit? Certe in vetusto cata-
logo celeberrime bibliothecæ Fuldensis singulariter
recensetur apud Schannat part. I Hist. Fuldensis
pag. 64. Tres igitur illos Tractatus e prælaudata bi-